

JOANNIS ALBERTI
SEBIZII,
DOCTORIS ET PROFESSORIS MEDICI,
EXERCITATIONVM PATHO-
LOGICARUM,

Ad disputandum antehac

IN ILLVSTRI STVDIORVM
VNIVERSITATE ARGENTORATENSI
PROPOSITARVM

TOMVS PRIOR,

Capitis & Thoracis affectus complectens.



ARGENTORATI,

Apud JO. FRID. SPOOR, & REINH. WÄCHTLER.

M, DC. LXXIV.



Nomina Respondentium.

Dnn. Johannes Laurentius Engelhard , *Argentoratis.*

Ludovicus Saltzmann, *Argentoratis.*

Johannes Henricus Agerius, *Argentoratis.*

Johannes Ortel, *Argentoratis.*

Johannes Valentinus Willius, *Colmariensis.*

Johannes Conradus Brunnerus, *Dissenhofiano-Helvetus.*

Henricus Kellermann , *Mosvus.*

Wilhelmus Christianus Kueffer , *Argentoratis.*

Johannes Bœclerus , *Argentoratis.*

Johannes Mœgling , *Durlacensis.*

Johannes Casparus Sparr , *Mæno-Francofurtensis.*

Benjamin Niesius , *Mæno-Francofurtensis.*

Johannes Valentinus Scheid , *Argentoratis.*

Christophorus Fridericus Gruber , *Noribergensis.*

A 20 5
17

INDEX QVÆSTIONVM

TOMI PRIORIS.

Q <i>Vinam homines præ cateris capitū corripiantur doloribus?</i>	pag. 1.
<i>An capitis dolor fixus, stabilis & permanens morbus sit?</i>	2
<i>An cephalalgia, cephalaa & hemicrania specie inter se differant?</i>	ibid.
<i>Cur tam varii existant capitū dolores?</i>	3
<i>Quamnam cerebri substantiam dolores affligant: membranosam ne an medullarem?</i>	4
<i>An externi capitū dolores ad oculorum usque radices exporrigantur?</i>	ib.
<i>Qua causa, quod capitū dolores sympathetici ut plurimum oriantur vitio subdiatarum partium, ventriculo nimirum, intestinis, utero, mesenterio, & jecore?</i>	5
<i>Quo pacto somnus meridianus plerumque capitū dolorem causetur?</i>	6
<i>Quomodo animi excandescencia, vigilie, diuturniora literarum studia, validiora exercitia, clamores, res admodum odoratae aut fetida capitū inferant dolorem?</i>	7
<i>An vermes possint generari in capite, & cephalalgiam causari?</i>	8
<i>Nunquid vena sit in cephalalgia secanda?</i>	9
<i>An ad capitū purgationem forma pilularum accommodatior sit, quam quavis alia?</i>	10
<i>Qua causa, quod strictior fortiorque capitū ligatura dolorem leniat?</i>	11
<i>An vinum in cephalalgia concedendum?</i>	12
<i>Sitne acetum seu topicum & frontale applicandum in cephalalgia?</i>	ib.
<i>An Camphora in calidis capitū doloribus rectè frontalibus topicis addatur?</i>	13
<i>An frontalia ex lacte parata in cephalalgia usurpanda?</i>	14
<i>Vtrum in capitis dolore frontalia epithemata calidè an frigidè imponenda?</i>	15
<i>Liceatne in cephalalgia uti internis & externis Opiis?</i>	16
<i>Nunquid capitū lotiones, quas Practici embrocationes vocant, in cephalalgia sint conducibiles?</i>	17
<i>An odorata capitū dolori sint conducibilia?</i>	ib.
<i>An solus homo Epilepsia corripitur?</i>	18
<i>Idem in Epilepsia cerebrum, an verò cor potissimum afficiatur?</i>	ib.
	2
	Verum

INDEX.

<i>Num Epilepsia fiat ab aliquo humore, vel pituitoso, vel melancholico imperfe- to & cerebri ventriculos obstruente?</i>	19
<i>An causa Epilepsia humor sit, an verò vapor sive aura quadam?</i>	20
<i>An quivis humor causa esse queat Epilepsia?</i>	21
<i>Quo modo & qua ratione causa ista paroxysmum Epilepticum excitet?</i>	ib.
<i>Quanam sit causa, quòd Epileptici multi adeò valde convellantur, ut tum sensi- bus, tum principibus functionibus priventur?</i>	22
<i>Cur pueri & lactentes frequenter admodum Epileptici corripiantur convulsio- nibus?</i>	ib.
<i>Cur Epileptici in paroxysmo spumam emittant ex ore?</i>	23
<i>Cùm Epilepticos in paroxysmo spumam emittere videamus, quaritur, an illa si- gnum sit lethale, sicut in strangulatis aut suffocatis?</i>	ib.
<i>An tria ista præsidia, quorum Hippocrates aph. 45. sect. 2. meminit, mutatio videlicet loci, victus & ætatis, apta sint atque accommodata ad quam- vis Epilepsiam curandam?</i>	24
<i>An cranium humanum in Epilepsia utiliter adhibeatur?</i>	ib.
<i>Num sanguinis humani potus aliquid in Epilepsia cura præstet?</i>	25
<i>An amuleta virtutis aliquid habeant in Epilepsia?</i>	26
<i>An frictions in paroxysmo Epileptico aliquid habeant utilitatis?</i>	27
<i>An spasmus affectus sit periculosus & lethalis?</i>	28
<i>Sintne in spasmis principaliter nervi an muscoli affecti?</i>	ib.
<i>Cur in convulsivis Epilepticorum motibus principes pereant actiones, in vero autem spasmis non semper?</i>	29
<i>An spasmus fiat à repletionis & inanitione?</i>	30
<i>Qua causa quòd in vero spasmis contractio fiat tantum versùs unam partem, & pars sic contracta maneat immobilis: in spasmis autem improporcionato ad materiam varia fiat agitatio, scil. nunc in hanc, nunc in illam par- tem?</i>	31
<i>Uter spasmus curatu facilior sit, une, qui ab inanitione & siccitate, an qui à repletionis & humiditate generetur?</i>	32
<i>An tremor motus sit depravatus, an diminutus?</i>	33
<i>Quo modo, quaque ratione Mercurius tremorù sit causa?</i>	35
<i>An tremor & rigor sint unum idemque?</i>	36
<i>Quam ob causam manus potius tremant quàm pedes?</i>	37
<i>Quinam vertigini omnium maxime sint expositi?</i>	38
<i>Qua vertiginis sit pars affecta, qua causa?</i>	ib.
<i>Utrum ad vertiginem generandam semper necessaria sit vaporum cum spiritibus animarum</i>	

INDEX.

<i>animalibus permixtio?</i>	40
<i>Qua causa, quod propeſſus ab alto in profundum vertiginem excitet?</i>	ib.
<i>Cur vertiginosi cadere ſoleant?</i>	42
<i>An etiam ſedentes vertigine corripiantur?</i>	ib.
<i>Cur vertigo prodromuſ appelletur Apoplexia & Epilepſia?</i>	43
<i>An in vertigine venam liceat ſecare?</i>	ib.
<i>Nunquid in vertigine arterias ſecare ſas ſit?</i>	44
<i>An vomitus in vertiginuſ cura ſit conducibilis?</i>	ib.
<i>An repellentia convenient in vertigine?</i>	45
<i>Quanam Incubi ſint cauſa?</i>	ib.
<i>Cur Incubus noctu ſolum homines infeſtet, interdum cum vigilant, nunquam?</i>	46
<i>Quam ob cauſam Incubus initio ſomni ſere accidere ſoleat?</i>	ib.
<i>Cur Incubus præcipue fiat cum homo dormit ſupine decumbens?</i>	ib.
<i>Quomodo Incubus differat ab Epilepſia?</i>	47
<i>An cerebrum ſemper in Incubo afficiatur?</i>	ib.
<i>Verum Apoplexia recte vocetur $\sigma\phi\alpha\lambda\iota\sigma\mu\varsigma$ & $\sigma\phi\alpha\lambda\iota\sigma\mu\delta$, ſideratio?</i>	58
<i>An apoplexia morbus ſit, an ſymptoma?</i>	50
<i>Situe apoplexia morbus hereditariuſ?</i>	ib.
<i>An omnis apoplexia hominem ſubito & repente invadat?</i>	52
<i>An in apoplexia ſenſus & motus prorsus aboleantur?</i>	54
<i>An in Apoplexia tantum cerebrum afficiatur, an etiam pulmo & cor?</i>	55
<i>An cerebrum in Apoplexia quoad temperamentum, an quoad compoſitionem & conformationem afficiatur?</i>	56
<i>Verum apoplexia cauſa ſit ventriculorum cerebri obſtruſtio?</i>	57
<i>An præter pituitam & ſerum ſive aquam etiam cæteri humores cauſentur apoplexiam?</i>	59
<i>Quid de Cardani ſententia ſtatuendum?</i>	60
<i>An defendi poſſit illorum opinio, qua cauſa apoplexia arteriuſ colli ſoporaliſ vel obſtruſtuſ vel compreſſuſ vel diſſectuſ aſſignatur?</i>	63
<i>Verum bilis ſlava poſſit eſſe cauſa apoplexia?</i>	65
<i>An ab omnimoda animalium ſpirituum conſumptione fieri poſſit apoplexia?</i>	66
<i>Verum $\nu\alpha\rho\kappa\rho\tau\iota\kappa\alpha$, ſumi, alique halitus, atque vapores inducere poſſint apoplexiam?</i>	ib.
<i>Quæ verior & probabilior ſit apoplexia cauſa?</i>	67
<i>Cur qui apoplexiam perpeſſi, etiam in principibz actionibz ladantur?</i>	69
<i>Quomodo apopleſtici moriantur?</i>	70
)0(3	An

INDEX.

<i>An spuma & stertor certa sint indicia future apoplecticorum mortis?</i>	ib.
<i>Utrum aqua apoplectica statim in principio apoplexie conveniant?</i>	72
<i>An in apoplexia vena secanda?</i>	ib.
<i>Nunquid in apoplexia liceat purgare?</i>	73
<i>An in paroxysmo apoplectico vomitoria conveniant?</i>	74
<i>Quodnam latus post apoplexiam παραλύσει afficiatur, dextrum an sinistrum?</i> <i>& qua harum παραλύσεων sit periculiosior?</i>	ib.
<i>An paralysis cephalica, colica & scorbutica specie inter se differant?</i>	75
<i>Quodnam sit discrimen inter paralyfin & paresin colicam?</i>	76
<i>Quanam sit causa quod post apoplexiam alterum tantum latus resolvatur, altero manente salvo & incolumi?</i>	77
<i>Cur modò in paralyfi motus pereat salvo sensu? modò sensus amittatur illa sensu? modo uterq; intercidat?</i>	ib.
<i>An vinum vi narcotica paralyfin pariat?</i>	78
<i>Quae causae, quod membra paralytica, manus praecipue & pedes extenuentur & gracilescant?</i>	80
<i>An in paralyfi usurpanda sint idem remedia?</i>	81
<i>Quomodo caros & apoplexia inter se conveniant, & quomodo differant?</i>	ib.
<i>Quae catalepticos sit causa, & quomodo generetur?</i>	82
<i>An frigida & sicca intemperies partium cerebri posteriorum, unde nervi prodeunt in causa sit, quemadmodum Gortius est opinatus?</i>	83
<i>Verùm in causa sit vapor implens membranas, & medullam nervorum?</i>	ib.
<i>An cataleptis fiat percussis spiritibus, ac receptis in intimos cordis sinus, ut voluit Scaliger?</i>	ib.
<i>Sitne cataleptis vera convulsio, ejusque causa musculorum omnium extendentium & flectentium contractio?</i>	84
<i>An in catalepti spirituum animalium fiat ex cerebro in nervos nimia effusio, & inde etiam in organa sensuum?</i>	ib.
<i>An proxima catalepticos causa sit spirituum animalium immobilitas, fixatio, sive congelatio?</i>	ib.
<i>An Coma generari possit à causa calida?</i>	86
<i>An Coma sit actio depravata?</i>	88
<i>An qui post exantlato labores, vigiliis, balnea, &c. diu, multumque dormiunt, rectè dicantur comate laborare?</i>	89
<i>Quae moderatarum vigiliarum sint commoda, quae nimiarum & enormium detrimenta?</i>	ib.
<i>Quae sint immodicarum vigiliarum causa?</i>	90
	<i>Quot</i>

INDEX.

<i>Quot modis nimias compeſcamus vigilias?</i>	92
<i>Qua facultate hypnotica & narcotica vigilias ſedent, ſomnumq; accerſant?</i>	93
<i>Cur aſſiſo tempore ſomni ſint breviores, hyberno longiores?</i>	94
<i>Cur pervigilium pariant cura, gaudium, amor, odium, ira, timor, dolor, tuſſu, aſthma, calida & ſicca cerebri dyſcraſia, vapores bilioſi & melancholici?</i>	95
<i>Verum exceſſus ſit deterior, vigilia ne an ſomni?</i>	96
<i>Quinam dicantur melancholici?</i>	97
<i>Qua ſint indicia, ex quibus cognosci queat, hominem eſſe melancholicum?</i>	ib.
<i>Qua actio animalis princeps in melancholia ſemper, qua ſapi, qua nunquam kadatur?</i>	98
<i>An leſa phantaſia in melancholia ratio ſalva manere poſſit?</i>	ib.
<i>Verum melancholia hypochondriaca & affectio, hypochondriaca ſint unum idemque?</i>	99
<i>Num una ſolum ſpecies ſit melancholia hypochondriaca?</i>	100
<i>Qua ſit cauſa, quod melancholia hypochondriaca laborantes non continuò delirant, triſtentur, & timeant, ſed per intervalla?</i>	ib.
<i>Cur melancholia vexari hypochondriaca præter delirium ac mærorem, etiam plurima patientur ſymptomata?</i>	101
<i>Cur non omnia enumerata ſymptomata in omnibus melancholicis appareant?</i>	102
<i>An cor in melancholia ſit affectum?</i>	ib.
<i>An melancholia a nuda intemperie, immateriali ſcil. fieri poſſit?</i>	103
<i>Cur melancholici mæſi ſint, & timeant?</i>	104
<i>Cur melancholicis cor frequenter admodum palpitet?</i>	106
<i>Quam ob cauſam melancholici, & præcipue ſplencitici multo ſero, multiſq; cruditatibus ſcæcant?</i>	107.
<i>An diuretica in melancholia hypochondriaca conveniant?</i>	ib.
<i>Num balneum aquæ dulcis melancholicis conveniat?</i>	108
<i>Verum humorem melancholicum expurgare liceat per vomitum?</i>	ibid.
<i>An Mania malum ſit hereditarium?</i>	109
<i>Verum in mania ſolum cerebrum, an etiam cor afficiatur?</i>	ibid.
<i>An in mania omnes principes functiones lædantur?</i>	110
<i>An mania cauſa præter manifeſtas qualitates etiam aliquid in ſe malignitatis habeat?</i>	ibid.
<i>Qua cauſa, quod multi maniaci diu admodum vivant?</i>	111
<i>Cur mania adeo difficulter curetur?</i>	112
<i>An forficuli maniacis conveniant?</i>	113
	Verum

INDEX.

<i>Verum fabulosa sint, quae de Tarantulo & Tarantulo ab Author. scribuntur?</i>	<i>ib.</i>
<i>Aqua virtute proveniat hac saltandi, & tripudiandi cupido?</i>	<i>114</i>
<i>Cur, qui demorsi à cane rabioso in hydrophobiam incidunt?</i>	<i>115</i>
<i>An in phrenitide solum meninges, an etiam cerebri medullaris substantia inflammatur?</i>	<i>116</i>
<i>Nunquid vinum Phreniticis concedendum?</i>	<i>ib.</i>
<i>An in phrenitide competat potus aquae frigida?</i>	<i>117</i>
<i>Num phreniticis competant soporifera?</i>	<i>118</i>
<i>An phrenitici in loco lucido, an tenebricoso detinendi?</i>	<i>119</i>
<i>Verum in phrenitide vena secanda?</i>	<i>ibid.</i>
<i>An purgatio in phrenitide sit necessaria?</i>	<i>120</i>
<i>Cur visum praeter ceteris sensibus diligamus?</i>	<i>121</i>
<i>An verum illud Hippocratis l. 6. Epid. s. 4. ut valent oculi, ita & reliquum corpus?</i>	<i>ibid.</i>
<i>Verumne illud Aristotelis l. x. de an. t. 65. si senex haberet oculum juvenilem, videret ut juvenis?</i>	<i>122</i>
<i>Cur oculi ledantur?</i>	<i>123</i>
<i>Quam ob causam uni homini vel maxime depraventur oculi?</i>	<i>124</i>
<i>Cur quae viridi colore tincta sunt, oculos maxime delectent?</i>	<i>ibid.</i>
<i>An hydropotae videant acutius ænopotii?</i>	<i>125</i>
<i>Cur animalium quorundam oculi cornescunt & luceant?</i>	<i>ibid.</i>
<i>Cur dum oculi torquentur, ignis & fulgoris species prodeat, & ficti in tenebris luceant?</i>	<i>126</i>
<i>Quam ob causam, hominum valde tricescentium oculi rubeant?</i>	<i>127</i>
<i>Cur duobus oculis res una non appareat gemina?</i>	<i>ibid.</i>
<i>Quae causa sit, quod, qui diu in tenebris versati sunt, si repente maximo splendore occurrunt, obcæcentur?</i>	<i>128</i>
<i>Cur quibus oculis sunt profundiores, acutius videant, quam quibus prominentiores?</i>	<i>129</i>
<i>Cur qui oculos habent prominentes suffusioni sint exposti?</i>	<i>ibid.</i>
<i>Cur sinister oculus nihilo sit imbecillior dextro, cum reliqua omnes sinistra partes invalidiores sint dextro?</i>	<i>130</i>
<i>An pisces oculis noceant?</i>	<i>132</i>
<i>Cur Venu oculum maxime noceat, visumq. reddat bebiorem?</i>	<i>133</i>
<i>Quam ob causam vehemens corporis exercitatio oculorum acumini noceat?</i>	<i>133</i>
<i>Num oculi quotidie, cum surreximus, & faciem manusque lavamus, calida, an frigida aqua sint lavandi?</i>	<i>133</i>

INDEX.

An sternutatoria in affectibus oculorum conducant?	ibid.
An per oculos possit fieri contagio?	134
Quamobrem epoto medicamento oculi primum turbentur, peracta vero purgatione acutiùs videant?	135
Cur, qui multas, crebraque profundunt lacrymas, parùm urina soleant emittere?	ibid.
Qua de causa oculi non, ut alia faciei partes, frigeant?	136
Cur alterius oculi morbus gravior, multoque diuturnior esse soleat, quàm utriusque?	ib.
Cur manu præ lucerna aut sole objecta melius videamus?	137
An ab uno oculo visus edatur acutior, quàm ab utroque?	138
Quanam oculi maximè noxia sint, visumq. offendant?	ibid.
An ophthalmia morbus sit simplex, an compositus?	140
Verùm ophthalmia sit affectus totius oculi, an solius tunica adnata?	141
An cornea oculorum tunica possit inflammari, & ophthalmiam pati?	142
Sitne ophthalmia contagiosa?	ibid.
An omni ophthalmia à solo proveniat sanguine?	143
Cur astate, & in regionibus calidioribus crebriores sint ophthalmia?	ib.
Quæ sit causa, quod in ὀφθαλμία lacryme fundantur calidae?	144
An in curatione ophthalmia usurpanda sint repellentia & suppurantia?	ib.
An vini potus in ophthalmia conveniat?	145
Verùm topica altu frigida in ophthalmia esse debeant?	146
An errhina in ophthalmia sint conducibilia?	ib.
An lac muliebre dolentibus oculis instillandum?	147
An narcotica oculi ophthalmia vexatis foris admoventia?	148
Nunquid balneum aqua dulcis in ὀφθαλμία parandum?	ibid.
Quam ob causam homo suffusioni maximè sit obnoxius?	149
An μυωπία & νυκταλωπία sint unus, idemque oculorum affectus?	ib.
Cur νυκτάλωπες interdium videant, noctū autem id prestare non possint: contraque quidam noctū videant magis: interdium unus?	150
Cur qui mali aliquid perpetrarunt, oculi & vultu id dissimulare nequeant?	151
Qui sensus omnium maximè utiles sint & necessarii?	ib.
Quinam sint affectus auditus præter naturam?	152
An à causa externa calida auribus calida imprimi possit intemperies, qua auditum ledat?	ib.
Verùm aures inflammationem patientur?	153
An vermes generari possint in auribus?	154

INDEX.

<i>Utrum ulcera aigni queant in auribus.</i>	155
<i>Qua fit diuturni illius aurium fluxus causa, qui in pueris maximè observatur?</i>	ibid.
<i>Cur nonnulli convalescentes sonitum quendam in auribus percipiant?</i>	156
<i>An proxima horum sonorum causa sita sit, vel in auditus ære, vel in ejusdem infirmitate, vel in objecto aliquo interno, sive materia qua interiori auri offertur?</i>	157
<i>Quanam hac sit materia, & unde scaturiat?</i>	158
<i>Qua fit illius sonitus aurium causa, qui in quibusdam fere continuus est, & durare solet, non solum aliquot hebdomadibus, & mensibus, sed etiam annis aliquot?</i>	159
<i>Utrum humores sint causa distorum sonorum?</i>	ib.
<i>Utrum dolor aurium pertineat ad sensum auditus, an ad sensum tactus?</i>	160
<i>Sintne aurium dolores atrociores, quam oculorum?</i>	161
<i>Cur auris auri non ita condoleat, ut oculus oculo?</i>	162
<i>Cur qui surdi sunt a nativitate, etiam muti sint?</i>	ib.
<i>An muti fiant, qui ex morbo surdi facti? & vice versa?</i>	163
<i>An surditas in febribus mortui sit præagium?</i>	ib.
<i>Cur si tympanum auri auri scalpulo vellicetur, sicca cussu excitetur?</i>	166
<i>Cur attentè audituri non respiremus, sed spiritum cohibeamus?</i>	167
<i>Quam ob causam Hippocr. aphor. 5. sect. 3. dicat, austrinam aeris constitutionem auditum hebetare & sapientiam inducere: contra aph. 13. si ejusdem asseveret, aquilonariam homines reddere insipientes, auditu valentiores?</i>	167
<i>Cur oscitantes minus audiant?</i>	ib.
<i>An otalgia sit morbus, an symptoma?</i>	168
<i>Utrum otalgia provenire possit a dyscrasia calida?</i>	169
<i>An in aurium tinnitu, sibilo & strepitu convenient musicatoria, ptarmica, narcotica, cauteria?</i>	170
<i>Utrum surditas per hamorrhagiam narium & biliosam dejectionem alvi solvatur?</i>	ib.
<i>An in otalgia vena secanda, an purgandum?</i>	171
<i>Utrum in otalgia usurpanda sint repercurientia?</i>	172
<i>Qua regula in universum observanda sint in aurisularium medicaminum usu?</i>	ibid.
<i>Quam ob causam deterius se habeant, qui multum mucori & aqua aut phlegmati per nares excernunt?</i>	173
<i>Quam</i>	

INDEX.

<i>Quamobrem quibus nares sunt sicciiores, & genitura etiam ficiior, salubriùs de- gere Hippocrat. aphor. 2, sect. 6. asseveret, adeò, ut minùs morbi sint ob- noxij?</i>	174
<i>Quali affectu sit hamorrhagia narium, & quibus affectibus succedat?</i>	175
<i>Vtrum in omni hamorrhagia narium vena sit secanda?</i>	176
<i>Nunquid omnium infantium lingua sit adstricta, ita ut ab obstetricibus liberan- da sit?</i>	178
<i>An ex lingua in morbis signa diagnostica & prognostica peti possint?</i>	179
<i>Vtrum lingua nigredo, ariditas, scabrities, & fissura morbus in febribus ardenti- bus sit peculiaris, & peculiarem etiam curam possulet?</i>	180
<i>An accidere possit, ut in lingua maneat sensus tactus, & gustus pereat?</i>	181
<i>Num in lingua gustus manere queat, tactus autem perire?</i>	182
<i>An gustus & tactus in lingua constare possit, motus autem impeditus sit?</i>	183
<i>Cur febricitantium & ictericorum lingua iudices omnia esse amara?</i>	ibid.
<i>Quam ob causam ebrii & pueri balbuiant?</i>	ibid.
<i>Cur lingua canina medicatricem habeat facultatem, adeò ut si hominum ulcera lambat, ea sanare valeat?</i>	184
<i>In quibus affectibus raninas lingua venas liceat incidere?</i>	ib.
<i>Quas ob causas locutio amittatur, & pereat?</i>	185
<i>Quaritur ergo, quanam sint causa cum homo sanus, vel ager locutione privatus est?</i>	186
<i>Quanam sint causa τραλότης & balburiei?</i>	188
<i>Quae sint causa φιλότης, blasfemati?</i>	189
<i>Qua sit causa ἡγρονομίας?</i>	190
<i>Quae sint in universum cause omnes, non muricati, sed solum loquela, non decen- ter facta & formata?</i>	191
<i>An exulceratio labiorum bonum semper sit signum in febribus continui & inter- mittentibus?</i>	192
<i>Quae sit causa, quòd vulnera & ulcera labiorum agrè sanentur?</i>	192
<i>Qua causa sit labii leporini, & quomodo curetur?</i>	193
<i>Qua sint cause tremor in labiis?</i>	ibid.
<i>Quae sint cause variorum in labiis colorum?</i>	194
<i>An tortura oris & spasmus cynicus sint unus idemque affectus?</i>	ib.
<i>Vtrum spasmus cynicus, seu, ut vulgò loquuntur, oris tortura, fiat à convulsione, an à paralyti?</i>	195
<i>Vtrum denitio sit nova dentium generatio? Item, an sit morbus, an opus na- tura?</i>	196
	Cur

INDEX.

<i>Cur dentientes pueruli plorent, mala eorum rubeant, & caleant, gingiva tumeant, os saliva madaeat, febris laborent: digitulos ori crebro admoveant, & gingivas saepe contrectent: inquieti sint valde: os eorum quasi ardeat, aut solito sit calidius?</i>	198
<i>Quam ob causam Hippocr. aph. 25. l. 3, dicat, dentientibus puerulis accideret gingivarum, pruritum, spasmodum, diarrhoeam, maxime cum caninos edunt dentes, haecq; symptomata iu potissimum evenire puerulis, qui sunt παχύτατοι, crassissimi, & quibus alvus est dura, sive adstricta, & conspata?</i>	ibid.
<i>Cur ex hydrargyri inunctione dentes ita vacillent, & mobiles evadant, ut aliquando cum & sine tussi expuantur?</i>	199
<i>An saliva aliquo sit usus, & quisnam?</i>	ibid.
<i>Quae sint causae pyelismi?</i>	201
<i>Verum oris foetor ab una solùm causa, halitu scilicet, sive vapore fetido oriatur?</i>	202
<i>Quid sint apudae? An etiam cadant in adultos? & quas agnoscant causas?</i>	203
<i>Verum apudae in infantiili aetate possint esse lethales?</i>	204
<i>Qualia deceat esse medicamenta in curatione aphtharum?</i>	205
<i>Quid & quale sit illud vitium, quod vulgo die Drättné appellat?</i>	ibid.
<i>An uvula elongatio periculosa sit, & quibus remediorum generibus curetur?</i>	206
<i>Vnde angina dicta? quae illius sint differentiae? an specie inter se differant? & an omnes lethales?</i>	207
<i>Quae ob causas vera & exquisita angina adeo periculosa sit?</i>	209
<i>An angina specie differat a vizio castrensi, quod vulgo die Drättné vocat?</i>	210
<i>Verum pblegmone consillarum etiam dici queat angina, eandemque cum illa curationem habeat?</i>	ibid.
<i>Qua sit causa, quod veram anginam semper febris consequatur?</i>	211
<i>An vera sit angina, quae a fungorum usu fieri possit?</i>	212
<i>An in angina purgandum?</i>	ibid.
<i>An in omni angina vena secanda?</i>	214
<i>An statim in principio angina repellentia gargarismata usurpanda?</i>	215
<i>Verum laryngotomia locum habeat in angina?</i>	216
<i>Quo modo angina vera solvatur: & quæ solutionis modus sit optabilior?</i>	219
<i>An angina materia transferri possit ad pulmones, & inibi peripneumoniam causari?</i>	220
<i>Qua sint in universum laesa deglutitionis causa?</i>	221
<i>An deglutitio ciborum & potuum naturalis sit actio, an animalis?</i>	222
<i>Quot & quae pleuritidu sint differentiae?</i>	223
<i>An pleura revera possit inflammari?</i>	224
	Am

INDEX.

<i>An inflammatio mediastini vera dici possit pleuritis?</i>	225
<i>Rectène pleuritidis aliqua dici possit sicca?</i>	226
<i>Verùm in pleuritide pulmo sit affectus?</i>	228
<i>An ex phlegmone diaphragmati, maximè nervosa seu tendinosa illius partii vera fiat pleuritis?</i>	231
<i>An ex phlegmone musculorum intercostalium interiorum vera & exquisita nascatur pleuritis?</i>	232
<i>Qua sint pleuritidis symptomata, & quæ eorum causa?</i>	233
<i>An in pleuritide phlegmone pendeat à febre, an hac ab illa?</i>	234
<i>Verùm in omni vera pleuritide semper adsit punctorius lateris dolor?</i>	237
<i>An aliqua pleuritis possit fieri à bile, pituita vel melancholia sola?</i>	238
<i>Quo pacto calor, frigus, vini meracioris ingurgitatio, potus aqua frigida post valida exercitia flatus Aquilonis post Austrinos, & corporis post sudorem in aere frigido denudatio pleuritidem faciant?</i>	239
<i>Quæ causa, quod ebriosi & vini gurgites pleuritici fiant?</i>	240
<i>Viri pleuritidi magis sint obnoxii, Senes an Iuvenes?</i>	241
<i>Quis sexus pleuritidi magis obnoxius?</i>	242
<i>Quo anni tempore pleuritides sint frequentiores?</i>	ibid.
<i>Cur Senum pleuritis minis periculosa, quàm Iuvenum?</i>	ibid.
<i>An sicca pleuritis semper sit periculosa?</i>	243
<i>An verum illud Hippocr. pleuritide aut peripneumonia detento, diarrhæa superveniens, malum?</i> aph 16. sect. 6.	244
<i>Vera periculosior, pleuritis, an peripneumonia?</i>	245
<i>An pleuritis degenerare possit in peripneumoniam, & num hac illi supervenire queat?</i>	246
<i>Quot modis materia pleuritidis, imò & peripneumonia, & per qua loca evacuetur?</i>	247
<i>Quo pacto materia pleuriticorum & empyricorum ad pulmonum bronchia perveniat? & inde per os efficiatur?</i>	ibid.
<i>Quæ sit causa, quod pleuritis purgetur per sputamina, cum pleura, & musculi illi contigui sint inflammati. pulmo autem non semper laborat?</i>	248
<i>Verùm vena sectio in pleuritide remedium sit unum ex principalioribus, & quæ vena secanda?</i>	249
<i>An in pleuritide purgare liceat?</i>	250
<i>Vtrum repellentia in pleuritide thoraci sint imponenda?</i>	251
<i>Cur pleuritis usu rerum asidarum & refrigerantium iserdicatur?</i>	252
<i>An fomentorum aliqua sit in pleuritide utilitas?</i>	252
	20()0(3

INDEX.

<i>An multa pleuritici concedenda?</i>	253
<i>An ova pleuritici profusa?</i>	254
<i>Quomodo pleuritis & peripneumonia inter se conveniant quomodoque differant?</i>	255
<i>Utrum peripneumonia morbus sit lethalis?</i>	ibid.
<i>An à peripneumonia oriri possit phrenitis?</i>	256
<i>In quibus rebus potissimum spes sit reconvalescentia in peripneumonia?</i>	257
<i>Cur sputamina peripneumonicorum sint spumosa?</i>	ib.
<i>An dulcia an verò acida peripneumonicis exhibenda?</i>	258
<i>Quae formula remedium pectori & pulmonibus omnium sit accommodatissima?</i>	259
<i>An tabi vocabulum uno eodemque modo semper accipiat?</i>	260
<i>Utrum Celsus κατὰ φύσιν rectè ad phthisin referat?</i>	262
<i>Rectiusne phthisis ulcus, an extenuatio statuatur?</i>	263
<i>An phthisis morbus sit hereditarius?</i>	ibid.
<i>An phthisis morbus sit contagiosus?</i>	165
<i>Quodnam phthisis sit subjectum, pulmo an corpus universum?</i>	267
<i>Quae morborum genera in phthisi concurrant: & quae illorum causa?</i>	ib.
<i>Quanam symptomata in phthisi se offerant, & quae illorum causa?</i>	269
<i>An febris phthisicalis putrida sit an hectica?</i>	270
<i>Utrum febris in vera phthisi semper adsit & ab ea inseparabilis?</i>	272
<i>An quis citra cruentam & purulentam excretionem tabe resolvì, hoc est ab ea extingui possit?</i>	273
<i>Quae causa quòd tabidi nonnunquam pedes iumentis, imò & hydrops exoriantur?</i>	276
<i>Utrum omnes phthisici à difficultate respirationis laborent?</i>	277
<i>Quae causa, quod phthisis potissimum adolescentes & juvenes occupet?</i>	ib.
<i>Quo pacto suppressio mensium in mulieribus, & haemorrhoidum in viris talem producant?</i>	278
<i>An pleuritidem, peripneumoniàm & anginam phthisis sequatur?</i>	179
<i>Utrum aqua pleuritici necessariò phthisis sequatur?</i>	ib.
<i>Quà ob causam faciliè in talem incidant, qui uvula sive columella sunt privati?</i>	280
<i>Cur Avicenna l. 3. Can. fen. 10. tract. 4. c. 20. dicat eos, quibus pectus est strictum sive angustum atq. depressum, colum oblongum, scapula alarum in modum prominentes, & caput, faciliè impletur, quodq. debile est, & promptè alienas suscipit superfluitates, ad phthisin pronos proclivesq. esse?</i>	281
<i>Quam ob causam Autumnus tabidi noxius judicetur?</i>	282
<i>An omnium phthisicorum anhelitus graviter oleas, & pro signo phthisis sit habendus?</i>	284
	Cur


INDEX.

<i>Cur si pus tabidorum carbonibus injectum olet graviter, signum sit lethale, in partibus vero aliis non isem?</i>	285
<i>An graveolentia ori putrum cruentum, corporis extenuatio, febris symptomatice, rufus perseverans capillorum disfluvium, certa sint signa, quod homo sit phthoræ affectus?</i>	ib.
<i>Quomodo dignoscantur phlegma, & pus, quando à tabidus expuuntur?</i>	286
<i>An pus phthysicorum tantum soret, an vero etiam reliqui humores?</i>	ib.
<i>Qua sint causa, ob quas tabidi moriantur?</i>	ib.
<i>Qua causa sit, quod quidam phthysici multis annis super vivant?</i>	287
<i>Cur phthysis morbus sit gravis, periculosus, & lethalis? ita an sit morbus magnus?</i>	288
<i>An lac phthysicu conveniat?</i>	289
<i>An tabidu vinum sit conducibile?</i>	292
<i>Virum tabidu caro cochlearum sit salubri?</i>	293
<i>Quodnam seculi genus tabidu sit utilissimum & saluberrimum?</i>	294
<i>Quo modo vox empyematis accipiat? quid propriè sit? qui dicantur ἐμπύοι & ἱμπύοι: & an semper empyema inflammationi succedat?</i>	295
<i>Ad quod genus affectuum p. n. referendum sit empyema?</i>	297
<i>Virum empyema semper sit cum febre coniunctum? qualis ille sit febris: & in quem affectum tandem empyema transeat?</i>	298
<i>An empyema in uno duntaxat latere esse possit, altero ilaso?</i>	299
<i>Quo modo purulenta materia ex pectore educatur, & qua educio sit optabilior?</i>	300
<i>Qua causa, quod Hippoc. dicat aph. 27. lect. 6. si in empyemate post factam paracentesin pus à θρόνῳ effluerit, omnino moriantur?</i>	301
<i>Cur, si empyematis post unctionem aut sectionem purum & album pus effluat, bonum sit signum: si verò subcruentum, faculentumq; & fatidum exeat, malum?</i>	302
<i>An thorace vulnerato, ita ut vulnus in cavitatem ejus penetret, pusq; in eam delabatur, nec tamen per vulnus rursus egrediatur, necessario empyema sequatur?</i>	ib.
<i>Verum in curatione empyematis indicatio sumenda sit à febre, an ab ipso empyemate?</i>	303
<i>An empyematis lactis usus sit conducibilis?</i>	ib.
<i>Virum necessario phthysici vel jam sint, vel demum futuri sint, qui sanguinem expuunt?</i>	304
<i>An status, halitus, sive vapores in vasis colligi queant, eaq; disrumpere & hamopyssi causari?</i>	305
<i>An frigus rumpere possit venas & αἱμόπτυον causari?</i>	306
	CUR

INDEX.

<i>Cur sanguis pulmonum sit spirituosus? Et an omnis sanguis, qui à pulmonibus prodit, necessarius sit spirituosus?</i>	307
<i>Quomodo sanguinis pulmonis rejectio à thoracis differat?</i>	308
<i>Cur àιμωπτύσει, quæ sit à thorace, minus periculosa sit, quàm quæ facta à pulmone?</i>	ib.
<i>Quam ob causam juvenes magis sint àιμωπτύσει obnoxii quàm seniores, & adulti?</i>	309
<i>An viri, an vero femina, hæmoptysi frequentius laborent?</i>	ib.
<i>An omnis sanguinis excretio toto genere præter naturam discenda sit?</i>	310
<i>An sanguinis à pulmone rejectio periculosior sit, quàm alii ex partibus facta?</i>	311
<i>Sine omni sanguinis excretio, quæ facta per superiora mala?</i>	ib.
<i>An in àιμωπτύσει sanguis è brachio, an etiam à ralo & poplite, præsertim in mulieribus mittendus sit?</i>	314
<i>Verùm Amylum in àιμωπτύσει sit conducibile?</i>	315
<i>Quid sit hydrops thoracis: ubi aqua lateat: unde proveniat: quomodo cognoscatur: & quid efficiat?</i>	316
<i>Asthma quot modis accipiat, & quid sit propriè?</i>	317
<i>An asthma morbus sit, an symptoma, & a quibus causis proveniat?</i>	319
<i>Verùm asthma oriri queat à pulmonum nimia siccitate?</i>	ib.
<i>Nunquid verum asthma provenire quoque possit à renibus & serosis humoribus: itemq, à calore febris?</i>	320
<i>Verùm asthma semper sine febre existat?</i>	321
<i>Quæ causa, quod aliud asthma sit continuum, aliud periodicum & interpolatum?</i>	ib.
<i>In quamnam aiatem asthma frequentius cadere soleat?</i>	322
<i>Quales parte asthma positissimum exacerbentur?</i>	323
<i>Quæ causa, quod orthopnoici erecti cervicæ, siue stent, siue sedeant, melius faciliusq, respiciant, quàm si decumbant, jaceantq, supini?</i>	323
<i>An sterior in omni asthma deprehendatur?</i>	324
<i>Verùm gibbus fieri possit ex asthma?</i>	ib.
<i>An cæna sectio, purgatio, clystere, frictions, ligatura fortiores, eucurbisula, expellorantes liquores, discutientia topica luxantia, iis in paroxysmo asthmatico congenerentur?</i>	326
<i>Tussis qualis sit motus: naturalis an animalis? & si naturalis, an secundum, aut præter naturam sit?</i>	327
<i>Quo modo, quicq, ratione tussis exciterur?</i>	329
<i>Verùm tussis pro morbo, an pro symptoma, an pro causa morborum haberi debeat?</i>	330
<i>An aliqua tussis possit esse sicca, quam vocant άπύσιν, sine spæamine?</i>	332
<i>Quæ causa, quod senes præceteris tussiculosi sint?</i>	333
<i>Cur tussis hydropicorum Hippocrates judices esse signum lethale?</i>	ib.
<i>An hoc album παλιν, palpitatio, uno semper eodemque modo accipiat?</i>	334
<i>An palpitatio cordis rectè motus statuatur dopradatum?</i>	335
<i>Verùm palpitatio affectus sit lethalis?</i>	ib.
<i>An έκλυσις & άποδυσις, & συκοπή specie inter se differant?</i>	336
<i>Quid sentiendum de Ludovici Mercati opinione?</i>	ibid.
<i>An cor nullum grave malum pati possit, & quid de vulneribus ipsius judicandum?</i>	337
<i>Quæ syncopes sint causa?</i>	339
<i>Quæ sint causa eorum symptomatum, quæ in syncope se offerunt?</i>	340
<i>Quæ ratio ob affectum ventriculi orisicium syncope oriri possit?</i>	341

Finis Indicis Quæstionum Tomi Prioris.



Quinam homines præ cæteris capitis corripiantur doloribus?



B causas internas sequentes: I. Qui comam alunt densam atque prolixam. Obturantur enim pori cutis capitis, & vapores liberum nequeunt habere exitum. Proinde cum sursum semper nitantur, meninges distendunt, continuumq; earum solvendo dolorẽ pariunt. II. Quibus cutis capitis valdè crassa densaq; est. Nam & in his vapores liberè transpirare nequeunt. III. Quorum cranium est *ἄπαλον*, futuris caret, aut qui eas saltem habent compactiores. Nam ne in his quidem vapores exeunt. IV. Quorum cerebrum est debile, frigidum & humidum. Tale enim facilè à rebus externis læditur: aliena facilè excipit, nec à se propellit: gignit quoque excrementa quamplurima: quæ si retineantur diutius, nec per ordinaria vacuentur emissaria, caput afficiunt. V. Quorum ventriculus itidem infimus est, & frigidus. Hic enim cruda multa congerit, ex quibus halitus ascendunt ad caput, illudquè molestant. VI. Quibus jecur est præcalidum; biliosique ferax humoris. Halitus enim biliosi cerebro communicantur. VII. Qui sunt *κακόχυμοι*, vel ob viscerum *δυσπραγίας*, impuritatem, obstructionem: vel ob pravam diætã, vitiososque cibos ac potus. VIII. Qui alvo sunt adstricti. Tetri namque halitus caput petunt. IX. Quorum ventriculus est impurus, proprio vel alieno vitio, idque aut ob nimiam ciborum quantitatem, aut pravam illorum qualitatem. X. Mulieres, quibus aut suppressi menses: aut suppressa puerperii

perii purgamenta : aut uterus pravis est onustus humoribus. XI. Plethorici, ob sanguinis copiam caput gravantem. *Ob causas externas isti*: I. Qui in aëre degunt præcalido: ut in hypocaustis & stuphis. Itemque in balneis, locisque fumosis. II. Qui cibis utuntur acribus valdeque aromatizatis: vapores enim acres caput petunt. III. Qui meraciori vino dediti: ob halitus vinosos. IV. Qui somno indulgent meridiano. V. Qui sterunt in multum usque diem. VI. Qui Baccho litant. VII. Qui vestimenta & habitationes suas suffutibus & fragrantibus rebus quotidie perfundunt. Illis enim caput repletur & gravatur.

An capitis dolor fixus, stabilis & permanens morbus sit?

Negatur: quia ad nullum morbi genus referri potest: Sed symptoma est in tactu, & quidem in genere actionum depravatarum. Provenit quidem ab alteratione & intemperie subito & vehementer facta, itemque à continui solutione, sed per se & formaliter non est ipsa intemperies, aut continui solutio: sed inde, ut à causis proficiscitur. *At dices*, tamen dolori adhiberi remedia, quæ morbis & causis eorum competunt. *Resp.* Adhiberi remedia non ipsi dolori, sed vel causæ doloris, vel parti dolorem patienti. *Cause* dupliciter: vel ut illa mitigetur & demulceatur: vel ut illa auferatur: quæ ablata, cessat dolor, tanquam ens, quod in fieri suam habet essentiam, & à causâ dependet continente. *Parti* dolorem patienti, cum narcoticis illius sensus stupefit. Sic enim causam dolorificam non sentit. Ut namque dolor fiat in aliquâ parte, necesse est, ut sensu tactus sit prædita.

An cephalalgia, cephalaa, & hemi- crania specie inter se differant?

Non videtur. Videntur enim eandem habere naturam, sed
tantum

tantum accidentibus differre. Nam cephalalgia is proprie capitis dolor dicitur, qui 1. recens est, 2. brevi cessat, modo hanc, modo illam, anteriorem, posteriorem, mediam, aut lateralem capitis partem occupat, & 4. curatu difficilis non est. *Cephalæa* dolor est, 1. antiquus & inveteratus, 2. contumax, rebellis, 3. curatu difficilis, 4. quique nunc continuus est, nunc periodicus, per intervalla rediens, 5. in ea æger nullum strepitum, vocem nullam tolerare potest: nullum quoque splendorem, sed quietem amat. *Clavus* exiguum capitis partem occupat, & ita excruciat, ac si clavus capiti esset infixus. *Hemicrania* atrox & acerbus est cruciatus, dextram, vel sinistram capitis partem affligens. Omnes tamen isti dolores in eo conveniunt, quod à continui solutione proficiantur: cujus causa mediata est alteratio à primis qualitatibus tactilibus violenter & subito facta: immediata vel à realiqua pungente, vel contundente, sive percutiente, vel erodente, prodians.

Cur tam varii existant capitis dolores?

Videntur dolores variari ob causæ dolorificæ diversitatem in quantitate & qualitate: aut partis dolentis conditionem. *Pulsatorii* fiunt in partibus, quæ notabili laborant phlegmone, & arterias habent effatu dignas. Hæ enim ob repletionem tenduntur: ob tensionem dolent: ideoque dolent magis, cum arteriæ moventur. Partes enim jam antea dolentes suo motu, præsertim quando dilatantur in *διαστολήν*, quasi percutiunt: unde novus oboritur dolor, & ejusdem fit conduplicatio. *Punctorii* in partes præcipue membranasas & nervosas cadunt: causamque habent aut humorem, aut vaporem biliosum acremque, qui membranosa & nervosa corpora ferit, & quasi perforat. *Gravativi* accidunt potissimum capiti & visceribus, à frigidorum maxime, pituitosorumque humorum copia. *Tensivi* percipiuntur frequenter in tumoribus partium, quæ sensum tactus habent. Tales sunt in inflammationibus, ascite, plethora ad vasa, tympanite, inflatione ventriculi, uteri, vesicæ, intestinorum.

A 2

Quam-

Quamnam cerebri substantiam dolores affligant: membranosamne an medullarem?

Membranosam. Hæc enim sensu tactûs pollet, & illo quidem exquisito. Ideoque sola dolet. Medullaris cerebri substantia etsi sentire dicatur, tamen sentire dicitur duntaxat *ἰνσπντικῶς*, causaliter & effectivè, quia omnium sensuum per spiritum animale author est: non *παθητικῶς*, passionaliter & subjectivè, quatenus ipsa sensum tactûs in se contineret. Probatur hæc *ἀναλογία* auctoritate *Aristotel.* l. 2. de part. animal. c. 7. lib. 3. *hystor. animal.* c. 17. & *Galeni*, qui l. 1. de caus. symptomat. c. 8. scribit, cerebrum non ut sentiat, sed ut sensuum instrumentis vim sentiendi præstet, à natura est institutum. Deinde experientia: quia sæpius observatum, in vulneribus capitis medullarem cerebri substantiam acuto specillo compunctam aut compressam, aut etiam secundum quid excisam, minimè sensisse.

An externi capitis dolores ad oculorum usque radices exporrigantur?

Sunt qui dicant, interiores solum capitis dolores ad oculorum usque radices porrigi. *Fernel.* l. 5. *med. c.* 1. scribit, falsum hoc esse, & à veritate prorsus alienum: nam & externos eodem sæpè pertingere: quod & pericraniû, cui insident, oculorum cavû succingat. Nos credimus, internos & externos capitis dolores ad radices oculorum pertingere posse. *Internos* quidem, quoniam oculorum orbitas succingit pericranium. At istud à crassa meningē ortum ducit: constituitur enim ab illa, quando per futuras sua trajicit filamentu: integrit enim totum cranium, & consequenter etiam orbitas succingit oculorum. Dolentibus ergo meningibus, verisimile est, in acutioribus & atrocioribus doloribus illarum etiam pericranium inde enatum dolere, & per consequens etiam amplius portionem, quæ orbitas succingit. Huc accedit, quod tunica oculorum adnata à pericranio oriatur.

Si hoc

Si hoc, ergò dolente pericranio, dolebit & adnata: dolorque pertinget usque ad radices oculorum: quoniam tunica hæc ligamentum est oculorum, eos orbitæ & interioribus ossibus annectens. *Externos* verò propter eandem causam. Fiunt enim illi affecto pericranio. At jam dictum, illud adnatam tunicam constituere, & orbitas oculorum succingere. Sed objicit *Zacutus* l. 7. c. 3. adnatam tunicam, licet soboles sit pericranii, tamen hebetioris esse sensûs: *æ*. Falsum hoc esse, I. Quia in similibus quæ ratio est totius, eadem est & partium. At pericranium exquisiti sensûs est, quia meninx crassa talis quoque existit. Ergò & illius portio, adnata scil. tunica, exquisitè sentit. II. Quoniam obtusioris hebetiorisque adnatæ tunicæ sensum experientia refutat. Nam si vel digito, aut re quâpiam aliâ adnata tunica, quæ album dicitur oculi, duriusculè attingatur, magnus illic dolor oboritur. Eundem sensum etiam in ὀφθαλμῖα experiuntur ægri, quæ adnatæ tunicæ est inflammatio. Instat *Zacutus*, nulla esse vasa notatu digna, per quæ dolor externus ed ferri queat, nempe ad radices oculorum. *æ*. non opus esse, ut dolor pericranii per vasa radicibus oculorum communicetur. Sufficere continuitatem pericranii & adnatæ tunicæ. Nam per continuationem partium ista doloris pericranii communicatio fieri potest.

Quæ causa, quòd capitis dolores sympathetici, ut plurimum oriantur vitio subditarum partium, ventriculo nimirum, intestinis, utero, mesenterio, & jecore?

Causa potissimum esse videtur harum partium impuritas. *Cruditas* sc. in ventriculo, quæ nata vel ex debilitate & frigidityte ventriculi: vel nimia ciborum copia, quam ventriculus concoquere non potest: vel eorundè vitiosa qualitas: vel noxii humores, aliunde ad ventriculum missi. *Fæces* in intestinis, quæ vel tardius, vel rarius, vel planè non excernuntur. *Alia* quæ vitiosorum humorum saburra, aut inibi genita, aut ab aliis partibus

tibus ad intestina translata. *Sanguis*, semen, humoresque alii in utero collecti: menses suppressi. *Mesenterium* similiter receptaculum est variarum sordium. Tanta plerunque supervacuum humorum est colluvies, ut destinatis à Natura receptaculis tota excipi non possit, inquit *Fernelius*; ac tum non parva superfluentis portio in vicinas quoque sedes illabatur, maximè quidem in pancreas & mesenterium, quæ totius corporis veluti sentina sunt. Itaque quibus assidua ingluvie magnus fit utriusque bilis & pituitæ proventus, eas tempestivè non expurgatas Natura valens ac robusta plerumque in pancreas & in mesenterium, ignobiles sedes deponit: idque ferè è jecore & è liene per eos portæ venæ ramos, qui non in intestina, sed in ipsum mesenterium & pancreas desinunt. *Eadem* vitiosorum humorum turba mesenterio etiam communicari solet à ventriculo malè concoquente, vitio proprio, aut corruptis vitiosisque alimentis gravato. *Hepar* sæpè cephalalgiam parit, *vel nimio calore*, cùm præcalidum est naturâ aut victu. Multos enim halitus excitat, qui ad caput delati dolorem creant: *vel ob bilem*, quam in se continet: *vel obstructionem*, cui est obnoxium ratione officij quo fungitur, & ratione structuræ. Venulas enim habet infinitas à cava & porta vena ortas, quæ facilè à crassitie, lentore ac visciditate humorum oppilantur.

Quo pacto somnus meridianus plerunq; capitis dolorem causetur?

Qui meditationibus sunt assueti, iis somnus meridianus minùs nocere solet, neque capitis inferre dolorem: juxta *aphorism. Hippocrat. 50. section. 2.* *Qua longo tempore consue-
ra sunt, etiamsi deteriora sint, insuetis minùs molesta esse
solent.* Non etiam nocet iis, qui noctem prægressam tra-
duxerunt insomnem. Nihil quoque damni infert, si quis pa-
rùm dormiat in sella sedens, & virium sentiat dissolutionem, ob
expedita tempore matutino negotia. Sic enim calor revoca-
tur ad interiora, & meliùs concoquit. Sic etiam vapores, ce-
rebrum gravantes discutiuntur. Sic & alacrior evadit homo ad
officium suum exequendum reliquis diei partibus. Nam qui
noctem

noctem traduxerunt vigilem, cerebrum non humectarunt. Qui brevem somnum post cibum capiunt, vaporibus caput minimè replent, & vires interim defatigatas instaurant. Qui sedendo dormiunt, ascendenti vaporì faciliorem præbent exitum. Longus verò somnus & recubando captus, minimèque consuetus, & captus etiam, quando nox prægressa hominì sufficientem concessit quietem, detrimentosus est, capitisque dolorem inducit: juxta tritum illud *Salernitanorum*:

*Febris, pigrities, capitis dolor atq. catarrhus,
Hæc Tibi proveniunt ex somno meridiano.*

Cerebrum enim nimis humectat, quod præcedenti nocte satis humectatum, hancque ob causam potius per vigilias desiccandum, quàm somno novo demùm rigandum. Efficit autem somnus meridianus capitis dolorem gravativum: ob copiosos halitus post cibum ad caput ascendentes. Efficit & propter illum destillationes, quia in aquam vertuntur vapores elevati.

*Quo modo animi excandescencia, vigilia,
diuturniora literarum studia, validiora
exercitia, clamores, res admodùm odora-
te, aut fœtida capitis infe-
rant dolorem?*

Excandescencia capiti dolorifica est, quia eam accendit, & quasi inflammat: quo accenso, accenduntur & spiritus, & sanguis calorque invalescit: Unde ob intemperiem calidam caput p. n. afficitur & dolet. Hûc accedit, quodd bilem moveat: quæ mota acres fervidosque halitus effundit, qui feriendo meningis causæ sunt cephalalgiae. *Vigilia* eandem causantur itidem spiritus & sanguinem accendendo. Eodem modo etiam illam invehunt *meditationes assidue & diuturniora literarum studia*. Similiter & *exercitia validiora*: quamvis etiam totam humorum massam utilium pariter atque inutilium commoveant, indeque halitus multos exfuscitent, qui caput petunt atque offendunt. *Clamores & cantus longiores & altiores* caput quassant, spiritus

spiritus impellunt, pulmones accendunt, cùmque illis cor, veluti culcitrae alicui insideat, & magnam cum eo ratione suorum vaporum affinitatem habeant, ipsum quoque calefaciunt, & incendium quoddam pariunt. *Res odorata*, ut Ambra, Moschus, Zibetum, Rosa, Aromata omnia &c. capitis gravativum dolorem potissimum efficiunt, scil. illud halitibus implendo, sic docente *Hippocr. aphor. 28. sect. 5.* Eodem modo etiam *fatida omnia* caput gravant.

An vermes possint generari in capite, & cephalalgiam causari?

Utrumq; negat *Mercurialis lib. 1. prax. c. 3.* motus autoritate *Rhasis*, & ratione gemina. *Prior* est: quia si vermes in ventriculo generari nequeunt, multò minùs in capite. Prius vetù est juxta *Aristot. l. 4. meteor. c. 3.* *Posterior*, quoniam vermes nascuntur ex pituita putrefacta. At illa in cerebro non eo modo putrescit, quò alibi, ubi ex illa vermes generantur. At quemadmodum calculi in plurimis nostri corporis parubus gigni possunt, nimirum in cerebro, auribus, angulis & palpebris oculorum, sub lingua, in faucibus, tonsillis, pulmonibus, corde, arteriis, mammis, hepate, liene, renibus, vesicâ, intestinis, vesiculâ felleâ, mesenterio, utero, testibus, articulis arthriticorum, alibi, quemadmodum attestantur observationes multorum Practicorum: ita & vermes variis in locis fuerunt deprehensi: nimirum in auribus, naribus, in cavis putridisque dentibus, pulmonibus, renibus, vesica, utero &c. velut ex doctorum Medicorum monumentis probari potest facillimè. *Verum in capite* quoque procreari posse vermes, dolores capitis excitantes, tùm autoritate, tùm rationibus confirmari potest. *Avicenna l. 3. can. sen. 1. tract. 2. cap. 3.* scribit, capitis dolores à vermibus inibi genitis oriri posse. *Benivenius* placitum *Avicenna* propria confirmat experientia. Ait enim, quendam acerbissimo capitis dolore mentisq; alienatione laborantem, ita ut septuagesimo die morti videretur vicinus, vi tandem robustioris naturæ vermem è nare dextra palmo longiorem ejecisse, & convaluisse. *Fernelius l. 5. parbol. c. 7.* refert, in milite quodam, qui resimis erat naribus, ex fœdior

re quâ-

re quadam eluvie diutiùs cohibita, vermes duos villosos, instar digiti circa os ethmoides genitos inventosque fuisse, qui tandem illum in furorem adegerunt, febrique non admodum manifesta de medio sustulerint die circiter vigesimo. Illos *Parvus l. 19. c. 3.* depingit. *Hollerius l. 1. de intern. affect. cap. 54.* in scholiis narrat, puellam quandam vermem rejecisse per nares album, satis crassum, palmo longiorem, nullâ tussi, nulloque vomitu præcedente. *Aristoteles l. 2. histor. animal. c. 15.* nec non *Alexander Trallianus de capri l. 1. c. 15.* refert, quòd in earum capite vermes producantur. In capite arietum *Conciliator* observavit vermes. Idem observârunt & alii, ibi maximè, ubi os cribriforme situm. *Ratio* idem suadet fieri posse: quia in quibusdam subjectis materia adest, pituita scil. putrida, diutiùs detenta. Adest & locus, quemadmodum & efficiens calor. Quaresi alibi vermes ex eadem materia, ab eadem efficiente, ex putrida materia gigni possunt, cur non & in capite, ubi copia pituitæ aliorumque humorum sese offert? *Authoritas* verò *Rhasis* nihil præjudicat. Convictus enim est autoritate & observatione aliorum. *Ratio* prior *Mercurialis* nil probat. Nam dubiam suam per æquè dubiam probare sententiam nititur. Controvertitur enim, an vermes in ventriculo generari queant? *Posterior* similiter nil valoris habet. Quo modo enim pituita alibi putrescit, eodem & in cerebro putrescere potest. Exemplo sit lethargus, qui ortum ducit à pituita in cerebro putrefacta: cujus causâ etiam lethargici febricitare solent.

Nunquid vena sit in cephalalgia secunda?

Hippocr. aphor. 68. sect. 5. ait, venam frontis sectam solvere dolorem capitis in parte posteriore. Rationem dat *Galenus in comm.* id fieri propterea, quoniam hujus venæ sectio & causam doloris vacuat, & simul etiam eandem ad locum contrarium revellit. *Ἀντίστροφον* enim fieri debet ad loca contraria: secundum longitudinem quidem sursum & deorsum: secundum latitudinem verò à dextris ad sinistra, & contrà, ab his ad illa: secundum altitudinem autem antrorsum & retrorsum.

B

Nobis

Nobis videtur, regulam esse servandam generalem, quodd tñm. indicatum aliquod exequendum sit, cum illius adest indicans; cum adest, etiam indicato nullum esse locum. Indicans autem venæ sectionis in genere unum est: magnum aliquod effatq; dignum vitium sanguinis fluxilis: in specie varium: I. *In substantia*, quando sanguis corruptus & putrefactus, & in vasis situs. II. *In quantitate*, ut in plethora ad vasa & vires. III. *In qualitate*, cum fervidus & ebullit. IV. *In motu*, quando vel extra, vel intra corpus præter naturam movetur. In quocunque ergo dolore capitis, horum aliquod vitium adest, in eo vena aperienda: si non ratione causæ doloris, saltem ratione alterius alicujus considerationis. Si dolor sit à sanguine, & corpus plethoricum, ratione utriusque vitii sanguis mittendus. Sin à bile, aut pituita, aut melancholia, aut sero-falso, nullum autem vitium in massa sanguinea, à venæ sectione abstinendum. Quod si dolor sit ardens, ita ut metuatur attractio sanguinis, & ex hac quidem non inflammatio, tñm sanguis mittendus, ut affluens & affluxurus sanguis à parte affecta avertatur. Quæ enim, inquit Galen. I. de curand. rar. per sanguin. mission. cap. 9. præsentibus jam morbis rectè peragimus, melius est, ut ipsa morbis incipientibus, aut imminentibus antevertendo faciamus.

An ad capitis purgationem forma pilularum accommodatior sit quàm quavis alia?

Purgantia pharmaca variis præscribi formis à Prædicis solent: in genere duabus: solida, scilicet & liquida. *Solida forma* vel sicca est, vel humida. Ad siccam pertinent Tabulæ, Species, Pulveres, Trochisci, Pilulæ, &c. Ad humidam Electuaria, Extracta, Pulpæ, Rob. *Liquida consistentia* sunt Syrupi, Aquæ, Infusiones, Decocta. Solent autem Pragmatici, quando caput purgare animus est, frequenter admodum pilulas ordinare, & quidem numero impares. Rationem hanc adferunt, quia forma pilularis diutius, in ventriculo moratur, adeoque fortius & potentius,

Plura de Chirone vid. apud *Natal. Com. Mythol. l. 4. c. 12. Tir-
quell. de Nobilit. c. 31. §. 12. & seqq.*

§. 14. Apollo itaque petquam optimè sciens, quantum Præceptor.
utilitatis futuro medico adferat, si à teneris unguibus versetur
cum artis ejusdem proceribus, nihilque aliud aut videat, aut
audiat, quàm quod illi agant loquanturve; nam

Quò semel est imbuta recens servabis odorem.

Testa diu, — —

filium suum tulit *Chironis in antrum*, ibidem & nutriendum &
informandum; vel ut *Pind. vi* verbis utamur, *δίδασκει πολυμήμο-
νας ἀνδράποισιν ἰᾶσθαι νόσους*, ut ipsum doceret multinocuos mor-
taliū sanare morbos. Petito *Chiron* non defuit, sed totis ner-
vis annisus est, quò suā industriā discipulus evaderet in virum
toti mortaliū generi exoptatissimum. Nec obstrepuit disci-
pulus conatibus Præceptoris, sed inhians gloriæ totum se opti-
mis dicavit literis, multaque fecit puer, sudavit & alsit; quo
effectum, ut evaserit eā in arte vir optimus idemque doctissi-
mus, imò tantus, ut cum Diis ex pari viveret; *Naturā* quippe,
ut refert *Diodor. Siculus l. 4. c. 9. ingenioq; præclarus, medicina
opera impensa, plurima hominum valetudini utilia invenit*. Et
idem *l. 6. Æsculapius*, ait, pluribus in medicina à patre perce-
ptū, chirurgiam & medelarum compositionem, radicū insuper
virtutem invenit.

*Pind. Neme-
or. od. 3.*

§. 15. Subsequente tempore aded peritia artū excelluit, Peritia in Ar-
ut quamplurimos sanitatem desperantes liberarit à morbo, ac te Medicā.
eā causā creditus sit defunctorum nonnullū vitam restituisse. Hinc
Martialis l. 9. Ep. 18, sic eum salutat:

Latona venerande nepos; qui misitibus herbis

Parcarum exoratur pensa, brevesq; solos.

Et à *Q. Sereno in proëm. præcept. medic.*

Tuq; potens artu, reduces qui tradere vitas

Nosti, & in cælum manes revocare sepultos.

Ex iis verd, quos graviter decumbentes restituit & à mortuis
resuscitare creditus est, apud *Plinium l. 29. c. 1. invenimus Tyn-
daridem seu Tindareum. Pansanias in Corinth. & Virgil. l. 7.
Æneid. Hippolytum dicunt, quem ferunt*

*Turbatus distractum equis, ad sidera rursus
Ætheria, & superas cæli venisse sub auras,
Pæoniæ revocatum herbis.*

De Androgeone Minos filio, quem Hyginus tamen, in Ophiucho, Glaucon vocat; Propertius l. 2. Eleg. 1. ait:

*Et Deum extinctum Cressæ Epidaurius herbis
Restituit patriis Androgeona focis.*

De quo vid. quod Poëta Claudianus canit in *Victoria Stiliconis contra Alaricum*. Orpheus *Hymenæum*; Plato l. 3. senem quendam pecuniösüm, Sæschotus *Capanëum & Lycurgum*, D. Epiphanius, *Eucleem*, pro quo alii legunt *Euricleam*, alii alios tradunt resuscitatös. Quanti hominis Medicus fuerit, satis clarum. facit iuvandum *Hippocrati*; qui non dubitavit jurare, per *Æsculapium ejusq. filias Hygeiam & Panaceam*.

Encomia.

§. 16. Hæc ex artib. præstantia multa eaque præclara postea nactus est elogio. Ovidio quippè est *opifer atque salutarifer*. l. 11. & XV. *metam. fab.* 50 & 51. Statio Papinianus l. 3. *Sylv. Carm.* 4. *Deus mitis, & maximus ægrü auxiliator, & festinantia sistens fata.* Aristophanès in *Pluto*, act. 3. scen. 1. vocat, *παῖνα ἱυμῶν, & μέγα βροτοῖσι φίλον*; *Medicum benignum, & magnum morabilis lumen.* Pythia ferè eodem modo; ut est apud Pausan. l. 2. eum vocat, *ὁ μέγα χάριμα βροτοῖς Κλαῶν Ἀσκληπίου*; magnum gaudium hominum *Æsculapio*. Homero *Iliad.* l. 4. & 11. Ἀμύμον Ἰσθίρ dicitur, *Medicus irreprehensibilis.* Pindarus in *Pyth. od.* 3. vocat

Τέκνον Ἀγῶθυιās

*ἄμετρον γυναιχέῃ, Ἀσκληπίῳ,
ἄρωα, πᾶσι θεῶν ἀλεκήρεα νέων.*

*Esilium suavitatis incolumitatis
Membri vegetæ, Æsculapium*

Heræum, omnigenorum propulsores morborum.

Orpheus vatum vetustissimus, & Æsculapii coætaneus, in hymnis primo & postremo versu ita de eo cecinit,

*ἱγῆρ πᾶντων Ἀσκληπίε θεοπόλα παῖαν,
ἐλθε μάκαρ σωτῆρ βιοτῆς τέλῃ, ἐθλὼν ὀπάζων.*

i. c.

*Medicæ omnium AEsculapie Domine Paan,
Veni beate, Salvator, vitæ finem bonum præbens.*

Paan dicitur à præstantissimo illo medico *Pæone*, quem *Homerus Iliad.* 5. dicit Jovis iussu vulnera Martis curavisse, qui & herbam, ab ipso καλὴ ἔργον *Pæoniam* dictam, invenit. Eandem ergo cum *Apolline* præente laudem obtinet. nam & ille *Paan* dicitur, καὶ τὸ πᾶν τὰς νόσους, *sedandum morbum*, unde *Delphi* incolæ sanitatem precantes sic eum invocârunt, cum acclamatione, ἰὴ πᾶν, ἰὴ πᾶν, *sana Paan, sana Paan*. Apud *Arnob.* l. 1. & 7. *custos audit sanitatis & præses; medicaminum inventor, seu capuamens, salutis dator, valetudinum pessimarum propulsator, prohibitor & extingtor.* Quia autem, inquit *Theodoret.* l. 3. author saluberrimus extitisset, Græci eum *Deum* esse dixerunt. Ne autem contradictionis argui possimus, dicentes hinc *Apollinem*, illinc *Chironem*, mox *AEsculapium*, inventorem *Medicinæ*; nodum istum solvimus, distinguendo inter partes diversas ab unoquoque inventas, sive, inter *inventorem artis completæ, & incompletæ*: *Huius inventores fuere Apollo & Chiron*; is quidem *oculariæ & herbariæ*, hic autem *artis chirurgicæ*: *Illi AEsculapius*, qui eadem adhuc existentem medicinam paulò subtilitè excoluit, adeoque perfectam medicinam, (quam

Lucian. in Dial. Iov. AEscul. & Herc. cul. p. 190.

Cels. in proem. l. 1.

§. 17. Non autem inter privatas tantum parietes artem medicam exercuit, sed teste *Cyrillo omnem circumvisit orbis regionem*; Interfuit quoque, auctore *Clem. Alexandrino ex Apollon. Rhodio*, unâ cum *LIII.* istis Græciæ Principibus *expeditioni Argonauticæ, ad rapiendum vellus aureum*: quod, sepositis poetarum fabulis, nil fuit nisi liber in membrana scriptus, de arte faciendi auri. Quod vid. apud *Sennert. d. de conf. & diff. Chym. cum Arist. & Gal. c. 3.*

Itinera. Euseb. in Chron. Iustin. l. 42. c. 2.

§. 18. Et quod ante ipsum nemo fecerat, ne longo usu & experienciâ probata medicamina perirent, aut tempus edax, omnibusque exosa senectus, & oblitio semper infida memoriæ

B 3, novetca

noverca, scientiaque fraudatrix, ea nobis ex animo emperet, aut cataclysmus aboleret, *de se reliquit libros*, in quibus multo labore, sudore & vigiliis parta à se medicamina, posteritati conservaret. *Alterum scil. Naviculam Hippocrati dictum, alterum verò Myriogenesin, à Iulio Firmico l. 5. Mathes. vocatum: Scripsit & universam praxin, quæ tamen in paucorum manibus. Ex his sumebatur summa aridum, seu pulvisculus Æsculapicus dictus, ap. Aeginet. l. 7. c. 3. R. Baccarum lauri. Nieri Alexandr. salu fricti, sal. Cappadocici. Ammonias. Thymiamatin, Aphronitici, pumici, an. lb. 1. Veratri nigri, herb. lanaria, Pyretbri, facula, qua est fex vini nsti, Staphidii sylvestr. Sinapi. Cyperi. Aluminis scissi. flor. junci odorati, Iridii, Gallarum, ana 3 vj. Sampsuch. lb. j. Sem. Viricii, Pulegij, farin. sabacea, & Lupinorum, an. 3 vj. Chamaeleon. nigri, sulphurii, gummi, sburii, piperii, rad. Cucum. sylvestrii, Marrubij, Cimolia, Peonia, rest. sapie, feni Græci, solij, costii, cumini, Euphorbij, Spica nardi, an. 3 iij. Alexander Medicus addit: Salu ex nitri fontibus, salu tragafij, an. lb. j. Adarces. 3 j. Alumin. liquidi, Celcica, Cnici, gran. Gnidi. Graminis sicci, Bryon. sicca, ana 3 iij. His de compositione medicamentorum calculum suum addit Philostrat. Non enim, inquiens, qui sapientes in hac arte habiti sunt Æsculapij filij, sàm multum profecissent, nisi Apollini filius Æsculapius, juxta Patris Vaticinia morbu proficua remedia composuisset; qua ille deinceps filios docens, atque illi nepotibus posteruq, tradentes, amicu sandem familiaribusque demonstrarunt.*

Philost. l. 3. de vit. Apollon.

Tempus
Vitz.

Voss. de orig.
& prog. Idol.
lol. l. 1. c. 13.

§. 19. Quo tempore vixerit, ex eo constare potest, 1. quòd *Herculi Thebani* οὐρ, πορ & fuit; ut enim *Chiron Æsculapium* medicinà, ita *Achillem* citharà, *Herculem Thebanum* imbuat Astrologià. 2. Quia interfuit expeditioni *Argonautica*, quæ juxta *Ensebiu in Chron. facta* A. M. 3930. A quo tamen recedit *Pesaviu* in rationario tempor. p. 44. & 56. cui ferè fuit A. M. 3500. præter! propter. Longiùs adhuc *Cluveru in Epitom. hist.* qui ponit A. M. 2775. Sed excusari potest dissensus authorum, quia plurima historiis istis admixta sunt fabulosa.

Voss.

§. 20. *Vxorem habuit Epionem dictam, Herculi filiam; teste Pausan. in Messen. atque Eliacis prioribus. Aliter sentit Orpheu in hymno. Hygaiam, quam alii filiam dicunt, uxorem credens, sic enim canit:*

❧❧

conduplicat. Jam quaeritur de externo: *An scil. episthemata frontalia ex illo parare liceat?* Pro negativa possent adfetti rationes duæ. 1. Quia lac, præsertim vaccinum & ovillum crassum est, & viscosum. Ideoque poros cutis obstruit, & transitum vaporum impedit, qui postea dolorem augent. 2. Quoniam lac videtur frigida esse naturæ, idque à prædominio, propter serum, quod aquæ in modum frigidum est atque humidum: & propter calcosam substantiam, quæ frigida & sicca. Proinde hoc nomine in frigida cephalalgia minimè proficuum. Verùm, cum lac sit epicerausticum, h. e. contemperativum, sive mitigativum & anodynum, quemadmodum experientia etiam in aliis affectibus dolorificis docet, patet, utile esse fronti applicitum in utraque cephalalgia, calida scil. & frigida. Videtur enim potius temperatum esse quàm frigidum. 1. Quia dulce. 2. Quia ex sanguine, qui humorum temperatissimus, genitum. 3. Quoniam pingue & butyrosolum, quæ substantia est aërea. 4. Quia serosa illius portio etiam aliquid caloris habet, non simpliciter frigida est. Nitrosa quippe & absterforia est: acrimoniæ alicujus & fædæ partis ceptibile imbuta: materia urinæ, quæ calore participat. *Ad primam autem rationem* in negantem allatam dicimus, tantam viscositatem & crassitiem lacti non inesse, quæ poros cutis ita possit obstruere & infarcire, ut transpiratio vaporum arceatur: præsertim si de lacte humano, caprillo, aut asinino sermo sit. Comparativè verò loquendo, vaccinum crassissimum est omnium: sed ad hoc obligati non sumus, si maximè potorum occlusionem metuamus. *Ad secundam* jam est responsum, & probatum, lac temperatum potius esse quàm frigidum.

Utrum in capitis dolore frontalia episthemata calidè, an frigidè imponenda?

In frigidis & flatulentis doloribus actu frigida non conveniunt: quia intemperiem augent, aut saltem foveant, dolorem conduplicant, poros occludunt, causam dolorificam detinent, & evaporare impediunt. In calidis verò, quales sunt cholæ-

cholericis & sanguineis, post universalem purgationem & vacationem per sanguinis missionem institutam, probatur, ut aëtu frigide applicentur: alterationis & repercussionis gratiâ, si aliquid materiei remanserit. Volumus tamen, non ut extreme, sed moderatè duntaxat frigide adhibeantur. Cerebrum enim suâ naturâ frigidum existit: & habenda semper ratio est membrorum principalium, quorum tonus conservandus, iisque ea semper addenda sunt præsidia, quæ vim roborandi obtinent, sic docente *Galeno l. 7. method. med. c. 13.*

Liceatne in cephalalgia uti internis & externis Opiatis?

Cùm Medicorum communis sit opinio, opiata & cerebro, & nervis esse inimica, stuporemque & somnum inducere, non ita hisce partibus videntur esse commendata. Verùm sciendum, foris adhibita tutiora esse, quàm intus assumpta: quia sic minùs afficitur cerebrum, quando id non immediatè contingunt. Vis quippe illorum quodammodo infringitur, priusquam ad cerebrum perveniat. *Notandum* quoque est istud, quòd usurpari non debeant, nisi ita urgeat dolor, ut decumbentem valdè debilitet, & nocturnam diurnamque illi quietem adimat. Extremis enim affectibus extrema opponenda sunt remedia; & malo nodo, malus adhibendus est cuneus. Experiencia insuper testatur, nil noxæ inemendabilis cerebro inferri, si opiata benè correctæ adhibeantur. Corrigitur autem Opium Croco, Myrrha & Castoreo: non quemadmodum Veteres persuasum habebant, ut extrema Opii frigiditas hisce calorisficis corrigatur: (frigidum enim Opium non esse probatur exinde, quia amarum, acre, siticulosum, hydroticum, ἀρροδιασινδρ &c.) sed ut malitia ejus castigetur. Est enim venenata. Cautè autem Opiata semper usurpanda: & illud sapientis diligenter observandum, *μὴ δὲν ἄγαν, ne quid nimis.* Intus quoque debilibus, puerulis, senibus, virginibus, gravidis. temerè nunquam propinanda,

Nunquid

Nunquid capitis lotiones , quas Practici Embrocationes vocant, in cepha- lalgia sint conducibiles?

In frigidis, phlegmaticis, melancholicis & flatuosis capitis doloribus concedunt eas Practici : & cumprimis *Valescus*, sed post universalem corporis curam , quæ instituitur per purgantia, enemata, & his similia. Item post absolutam ventriculi concoctionem, stomacho jejuno. *Ratio* I. est, quia ejusmodi lotiones poros aperiunt: quibus apertis, vapores & fuligines exhalant. II. Quia cerebrum alterant & calefaciunt, ne frigidus humores ita facile accumulet. III. Quoniam cerebrum corroborant, ne aliena promptè admittat. IV. Quia humores & flatus consumunt atque discutiunt: non secus ac frictiones factæ cum linteaminibus calidis: pectinationes, quæ poros recludendo fumis & halitibus exitum parant: aut sacculi capitales, qui vim habent calefaciendi, siccandi & roborandi cerebrum. Debet autem caput post lotionem probè siccari linteamentis calefactis, & suffitu cerebro convenienti perfusis: v. g. Storace, Benzoino, Succino, Thure, Mastiche &c. Parari quoque debent lotiones capitis ex lixivio, quod factum ex ligno Rosmarini, Salviæ, Majoranæ, Juniperi &c. Illi incoqui possunt stirpes cephalicæ: v. g. Salvia, Betonica, Majorana, Rosmarinus, Lavendula, Stoëchas Arabica, Melissa, Serpillum, Fol. Lauri, Radices Iridis Florentinæ, & simil.

An odorata capitis dolori sint con- ducibilia?

In frigida cephalalgia sine materia, odorata quæ sunt, & calefaciendi vim habent, ut sunt, quæ præcedente problemate commemorata, non parùm profunt, alterando & confortando. In eadem, sed cum materia frigida, v. g. phlegmate & flatibus conjuncta, similiter profunt. Verùm, requiritur, ut materia priùs sit evacuata. Faciunt enim, ut cerebrum calefiat, roboretur,

C

tur,

tur, & materiei reliquæ confumantur. In calido autem capitis dolore odorata quidem conferunt: sed quæ frigida sint naturæ, ut Viola, Rosa, Santalum citrinum, Lignum Rhodium, Mala Cydonia, Xyloſal, &c. Nam & iſta alterant, roborant ſpiritusque tum animales, tum vitales recreant.

An ſolus homo Epilepſiâ corripiatur?

Quemadmodum bruta multos habent morbos cum homine communes, ut tumores, ulcera, vulnera, fracturas, ita & *Epilepſiam*. Conſtat enim ex *Plinio, Solino, Aldrovando, Scaligero*, multisq; Authoribus aliis, etiam Turtures, Paſſeres, Coturnices, Alaudas, Graculos, Accipitres, Capras, & Oves huic malo eſſe obnoxios. Neque ſolum hoc ſcribunt, verum etiam *avroſia* & experientia comprobant. De Turturibus, Paſſeribus & Coturnicibus res eſt clara & indubitata. Propterea etiam multi ab eſu iſtarum avium abſtinere ſolent.

An in Epilepſia cerebrum, an verò cor potiſſimum afficiatur?

Principaliter affectum hic eſſe cerebrum patet ex læſione functionum principum & ſenſitivarum, quæ quamdiu paroxyſmus durat, ceſſant. Patet & ex motu illo convulſivo, quo totum corpus agitur. Patet etiam ex curatione, quæ cerebro non cordi adhibetur. *At ſunt*, qui dicant, cerebrum non ſemper affectum eſſe primò ac per ſe: ſed cor præcipuè. Probant hoc I. inde, quoniam pulſus mutatur, reſpiratio læditur, & leiποθυμία fiunt etiam ante paroxyſmum. II. Quia interdum in Epilepſia manet phantasia & memoria. *Reſp.* Coſſici quidem cor, at non affici principaliter. *Quòd autem* coſſiciatur, in cauſa eſt, vel quia in ſympathetica Epilepſia vapor malignus in tranſitu & aſcenſu ad cerebrum etiam ante paroxyſmum cordi communicatur: vel quia cor in ipſomet paroxyſmo per conſenſum afficitur. *Quòd pulſu* & reſpiratio mutantur in paroxyſmo Epileptico, in cauſa videtur eſſe illa corporis agitatio, quæ fit per motus convulſivos. Per hos enim accenditur cor. Ideòq; fieri nequit

nequit, quin pulsus & respiratio alterentur. *Quòd in quâdam Epilepsiâ* memoria & respiratio, & quidem etiam sensus manent, in causa est, quia certi sunt Epilepsiæ gradus, & certæ differentię: quoniam causæ variant: quæ nunc sunt potentiores, nunc debiliores. Semper tamen functiones cerebri læsæ deprehenduntur, si non omnes, saltem pleræque: si non abolitæ prorsus, saltem diminutæ. *Quòd si cor* propterea in Epilepsia principaliter affectum dici deberet, quòd actiones illius læsæ observentur, sanè etiam plurimarum aliarum affectionum sedes primaria dicendum foret, in quibus etiam illius actiones læsæ observantur: v. g. in hysterica mulierum affectione: in affectibus spleneticis: in syncope stomachica: in melancholia hypochondriaca &c.

*Utrum Epilepsia fiat ab aliquo humore
vel pituitoso, vel melancholico imper-
fectè cerebri ventriculos
obstruente?*

Ita quidem prisca medendi artificibus fuit persuasum, præsertim *Galeno & Aegineta*. Verùm sententia ista refutari potest sequentibus rationibus. I. *Quoniam* imperfecta obstructio ventriculorum istorum actiones solum lædit imminuendo. Atqui sensus principesque functiones cerebri in Epilepsia planè sunt ablati. II. *Quia* imperfecta obstructio etiam motum minuit voluntarium. At in epileptico paroxysmo motus multò sunt vehementiores, quàm extrà illum. III. *Quia* si Epilepsia imperfecta solum esset ventriculorum cerebri oppilatio, aut solum quorundam, apoplexia autem omnium & perfecta, sequeretur istos affectus gradibus solum, non specie inter se differre. Atqui consequens est falsum, E. & antecedens. Antecedens probatur, quia diversæ istorum affectionum sunt definitiones, diversæ formæ. Nam in apoplexia fit repentina privatio sensus, motus, & principum functionum: ut si fortis sit, de quâ jam sermo est, & comparatio instituatur in ima specie, conferendo scil. fortem apoplexiam cum forti epilepsia, æger non ampliùs

convalescit. Epilepsia verò malum est periodicum, motus & respiratio manet, & finito paroxysmo, homo ad se ipsum redit. IV. *Quoniam* si epilepsia fieret ob incompletam ventriculorum cerebri obstructionem, apoplexia ob completam, necessariò omnem apoplexiam antecederet epilepsia. Ut enim in aliarum rerum generatione imperfectio præcedit perfectionem, sic & imperfecta obstructio perfectam. At consequens falsum est, ut docet experientia. E. & Antecedens. V. *Quia* cessante paroxysmo epileptico, παράλυσις sequeretur, si humor, & quidem frigidus, crassus & lentus, qualis est pituita, & melancholia, in Epilepsia ventriculos obstrueret. Materia namque peccans excuteretur in nervos. Non enim verisimile est, talem materiam in paroxysmo discuti & consumi. πᾶν γὰρ τὸ ὑγρὸν δύσλутον. VI. *Quoniam* experientia testatur, quosdam sæpius in die insultum pati epilepticum. At incredibile est, tantillo temporis spatio tam copiosam gigni posse materiam, quæ ventriculos cerebri obstruat, & tot paroxysmos excitet: posse etiam eandem adeò brevi temporis tractu omnem discuti. VII. *Quia* apud *Schenckium* l. 1. *observat. obs. de cap. human.* plures extant historiae, quæ docent, in Epilepticorum dissectione cerebro nullam deprehensam esse causam obstruentem. Observatum etiam, in cerebro fuisse humorem aqueum, interdum etiam cruentum, & quidem tantum, ut ventriculos cerebri compleverit, cum tamen laborantes epilepticum paroxysmum nullum fuerint perpassi.

An causa Epilepsia humor sit, an verò vapor, sive aura quædam?

Resp. Utrumque esse posse: & si Epilepsia sit idiopathetica, latere in capite, in, vel extrà cranium: sique sit intrà cranium, posse consistere, vel in meningibus, vel in cerebri ventriculis, vel alià aliquâ illius parte, sive malignus humor sit, tota substantia cerebro inimicus, sive vapor. Si verò sit sympathetica, hætere variis in locis, v. g. in ventriculo, intestinis, mesenterio, hepate, liene, utero, præsertim in puerperis, non bene à purgamentis puerperij liberatis, itemque in gravidis, viduis, virginibus; in quibus menses sunt suppressi, itemque in vasis majoribus,

majoribus, mammis mulierum, partibus genitalibus utriusque sexus &c. Durare autem paroxysmum tamdiu, donec causa sit discussa, dissipata, aut sensibilibiter evacuata, per os & nares. Id quod eò fit citius, quòd causa est subtilior & parciore, quòque facultas expultrix est validior: contra eò tardiùs, quòd materia est copiosior & crassior, & quòd vis expultrix est infirmior.

An quivis humor causa esse queat Epilepsia?

Resp. Affirmando. Nam & sanguis, & bilis, & pituita, & melancholia, & serum, & pus, & semen, & menstruum, & faeces, & sordes, & quævis alia scda colluvies in matrice contenta, Epilepsiam excitare potest, dummodò ita sit corrupta, ut acquiescerit virus *ἐπιληπτικόν*, quòd tamen, quia occultum est, verbis exprimi nequit: à posteriori autem, & ab effectis in nostram cognitionem aliquo modo venit. Experientia quoque testatur, & vermes intestinorum ansam atque occasionem epilepsiae sæpenumerò præbere: extinctos præsertim & putrefactos.

Quo modo & quâ ratione causa illa paroxysmum Epilepticum excitet?

Excitatur, quando aura, sive halitus, & vapor, ex quacunque tandem materia sit genitus, dummodò *διαθήσει ἐπιληπτικῇ* sit imbutus, quæ abdita est, occultoque modo cerebro adversatur, id pungit atque vellicat. Tunc enim cerebrum sese contrahit, & unà secum etiam nervos, nervi musculos, musculi membra, in quæ sunt implantati, contrahunt, & convulsivos efficiunt motus, eum in finem, ut hostis iste excutiat: quæ excussio in aliis citius, in aliis tardiùs peragitur; nimirum pro quantitate & qualitate causæ, ac pro robore facultatis expultricis. Non autem necesse est, ut illa semper in ipso cerebro nascatur, nec est unum ex necessariis, ut perpetuò existat in ventriculis cerebri: sufficit, si aliunde ad cerebrum feratur, scilicet vel à ventriculo, vel ab utero, vel ab intestinis, vel à mesenterio, vel ab hepate, aut liene, vel ab aliâ aliquâ parte, per manifestos occultosve meatus.



Quamam

*Quanam sit causa , quòd Epileptici multi
adeò valide convellantur, ut tùm sen-
sibus, tùm principibus fun-
ctionibus priventur?*

Resp. Causam esse, quoniam, ut jam ostensum, cerebrum ab aura maligna vehementer affligitur: ideòque insurgit vellicatum & irritatum, seseque quali contrahit, & motus convulsivos instituit, quibus hostem suum profliget. Idque agit totis viribus, ac propterea magnam spirituum animalium copiam in motus organa immitit: quò fit, ut principes functiones ipsique sensus spiritibus quodammodò destituantur, hocq; nomine eò usque cessent, donec spiritus iterum sese recollerint. Potest & ista adferri ratio, quia cerebrum unà cum spiritibus animalibus ita turbatur & agitur, ut dictis functionibus deservire nequeant, donec turbatio & agitatio ista desierit,

*Cur pueri & lactentes frequenter ad-
modùm Epilepticis corripian-
tur convulsionibus?*

Veteres putabant, hoc fieri propterea, quòd cerebrum habeant humidum, & pituitosis aquosisque refertum humoribus. Verùm hoc idèd protulerunt, ut suam de Epilepsia causa sententiam stabilirent, quam dicebant esse imperfectam ventriculorum cerebri obstructionem à pituitoso humore factam. Sed opinio ista multis confutata est argumentis. Causa verò varia est: I. Quia lac sæpè in ventriculo puerulorum corrumpitur. Vescuntur enim lacte tantùm & lacticiniis, ij præsertim, qui adhuc in cunis jacent, & lactentes dicuntur. II. Quia lac nutricum multoties vel propter pravam victus rationem, vel propter malam viscerum constitutionem est malum, & insalubre. III. Quia infantes non rarò noxæ aliquid in utero materno ex impuro nutrimento contraxerunt. IV. Quoniam debile ipsi cerebrum est, quod facilè ab insalubribus causis afficitur,

afficitur, & tùm affectibus aliis, tùm etiam epilepsie redditur obnoxium. V. Quia pueri sunt voraces, quæ voracitas multorum morborum genitrix est fecundissima. Incidunt autem pueruli maxime, quando dentire incipiunt, & cumprimis, quando caninos edunt dentes, teste Hippocr. aphor. 25. sect. 3. Item cùm vernibus laborant, tetris halitibus ad caput elevatis.

Cur Epileptici in paroxysmo spumam emittant ex ore?

Resp. Fieri id, quoniam tùm temporis omnes spumæ se causæ offerunt: *motus* nimirum, *calor*, *halitus*, sive *vapor* & *humiditas*. *Motus* Epilepticorum, præsertim vehementiores calorem accendunt in corde & pulmonibus: *calor* exuscitat vapores: hos in expiratione impellunt pulmones sursùm: qui salivali humiditati permiscetur & agitantur unâ, ut spuma exinde oriatur.

Cùm Epilepticos in paroxysmo spumam emittere videamus, quaritur, an illa signum sit lethale, sicut in strangulatis aut suffocatis?

Negatur. Plurimos enim evadere cernimus: etiam illos, qui unâ in die aliquoties in paroxysmum Epilepticum incidunt. Ratio autem diversitatis hæc est. I. Quia in Epilepticos organa respiratoria sunt aperta, non obstructa, neq; coarctata. Ideoq; respirare possunt. In strangulatis autem atque suffocatis organa ista sunt occlusa, propterea respirare nequeunt. II. Quoniam spuma Epilepticorum fit ex humore pituitoso & aquoso oris, qui ob vehementem motum & agitationem totius corporis in spumam resolvitur. In strangulatis & suffocatis accensus est calor cordis & pulmonum. Proin pulmones vehementer agitantur, & halitiosa ac fuliginosa excrementa impellunt sursùm, quæ mista cum salivali humiditate spumam generant.

An

An tria ista præsidia , quorum Hippocrates aphorism. 45. sect. 2. meminit , mutatio videlicet loci, victus, & ætatis, apta sint atq; accommodata ad quamvis Epilepsiam curandam?

Non videntur apta esse ad profligandam Epilepsiam, quæ fit per consensum cum ventriculo, intestinis, utero, partibus aliis, à quibus aura quæpiam maligna cerebro communicatur. Neque etiam ad tollendam illam, quæ facta à causa aliqua externa. In ambabus enim mutatio regionis, ætatis, & victus opus non est, sed præsidiiis aliis, quæ causas extrà cerebrum sitas extirpent. *Hippocrates* enim & *Galenus* verba faciunt de Epilepsia idiopathetica, quam crediderunt fieri ab humore pituitoso, cerebri ventriculos, aut non omnes, aut si omnes, imperfectè tamen obstruente: quare, si mutatio dictarum circumstantiarum instituatur ad *regionem, victum, & ætatem calidioram & siccioram*, existimabant, pituitosum cerebri humorem absorptum iri: *Observandum autem*, sub victu non solum cibum & potum, sed etiam res non naturales alias, quæ scilicet vim habent calefaciendi & siccandi *Hippocratem* comprehendere, præcipuè autem cibum & potum, quoniam frequenter admodum Epilepsie occasionem & ansam præbent. Adhæc sub regione inaudire aërem ambientem, annique tempus, quod calidum & siccum: non excludere tamen præsidia pharmaceutica & cheirurgica, quæ effectum ipsum respiciunt: nec illa, quæ paroxysmum vel arcent, vel abbreviant, vel mitiorem reddunt: siue interna sint, siue externa.

An cranium humanum in Epilepsia utiliter adhibeatur?

Sequentia simplicia primatum habere dicuntur inter simplicia *ARTIVIA*, Viscum quercinum, ungula Alcis, Cornu Cervi

Cervi ustum & præparatum: Succinum, carbo sub radice Artemisæ inventus, & profecto die *Iohannis Baptista* effossus, grana & radices Pœoniæ maris, lignum Coryli, Lapis Bezoar, Margaritæ & Corallia. His *Paracelsus* addidit cranium humanum: contrà quem disputat *Erasmus 4. parti. diss.* Sed cùm *Paracelsus* animadvertisset, frustrà offerri pulverem cranii humani, idèd ossiculum quoddam commentus est parvum, angulare, magnitudine unguis, situm in capitis vertice. Verùm tale nullum hæctenus viderunt Anatomici. Observarunt autem triquetrum in ossè occipitis, quod ab aliis cranij ossibus est distinctum sutura Lambdoidea. Alii, inter quos *C. Bauhinus*, ajunt, os occipitis communiter in adultis esse unum: aliquando ex tribus compositum, quæ sunt triangularia. Atq; hæc illa esse, quæ tantoperè celebrentur in Epilepsia. *Quæritur ergò*, an ossicula ista, ut & totum cranium tantam in Epilepsia cura utilitatem habeant, quanta illis à plerisque Pragmaticis assignatur? *Resp.* Tamen si nulla ratio dari possit, ob quam cranium humanum Epilepticis conducatur, tamen improbandum illius usum propterea non esse: præsertim cùm tot docti & eruditi Medici illum approbârint: moti experienciâ, quæ rerum magistra. *Notandum* autem, non usurpanda illa esse crania, quæ ex sepulchris sunt eruta. Hæc enim olida sunt, putrida-que magnâ ex parte: sed ex illis corporibus, quæ violentâ morte sunt extincta: scil. aut decollata, vel aquis submersa, aut suspensa, aut aliâ aliquâ ratione violenter enecta. Recentia enim sunt, viresque habent integras. Si quæ offerantur laborantibus, silentio tegenda esse, ne illa respuantur & averſentur.

Num sanguinis humani potus aliquid in Epilepsia cura præstet?

Sunt, qui huic remedio nihil tribuunt, planèque ab eo abhorrent, tanquam medicinâ abominabili, & quæ homines reddat admodum crudeles ac feroces. Addunt insuper, experientiam fecisse testatum, Epilepticis illum nihil profuisse. Contrà Pragmatici sunt benè multi, qui sanguinem humanum inter specifica & appropriata recensent medicamenta: eum scilicet

D

qui

qui vel ex decollatis, vel vulneratis, vel iis, quibus vena *secta* haustus: sed talibus, qui sani sunt, benèque constituti. Volunt autem bibendum esse calentem, & ne in ventriculo concre-
scat, corpus Epileptici cursu vehementer diùq; movendum esse. *Alij* sanguinem istum certo modo præparant, aquam inde eli-
 ciunt, aut spiritum ex eo conficiunt: quorum sententia videtur
 melior. Sic enim, si inscio præbeatur Epileptico, minùs ab eo
 abhorret: neque in grumum ampliùs coit.

An amuleta virtutis aliquid habeant in Epilepsia?

Amuleta ab amoliendo & depellendo nomen suum ha-
 bent. Sunt medicamenta, quæ collo appenduntur: Græci illa
περιάμματα, & ἀποπραῖα πρὸ τῆ ἀποπίπτειν, ab amoliendo, de-
 pellendo & submovendo appellant. Non autem collo dun-
 taxat alligantur, quamvis hoc fiat frequentissimè: sed etiam
 partibus aliis: v. g. capiti, brachialibus, digitis, cordi, renibus,
 pedibus, &c. idque in quamplurimis affectionum generibus,
 peste scil. febribus quartanis & tertianis, hæmorrhagia nari-
 um, vertigine, spasmo flatulento, capitis dolore, aliis. Haud
 ergò immeritò quæritur, an aliquid conducant? *Erasmus* iis
 nihil tribuit: tribus motus rationibus. I. Quia noxios hu-
 mores non educunt. II. Quia inter agens & patiens semper de-
 bet esse aliquis contactus. At inter amuleta, tanquam agen-
 tia, & inter causas morbificas, & partes affectas nullus est con-
 tactus. E. nulla etiam actio. III. Quoniam ab amuletis tem-
 peramentum mutari non potest. Mutatur enim à contrariis
 qualitatibus. At in amuletis tales qualitatès non insunt. *Verùm*
 nos amuleta suo in loco relinquimus. Ea enim confirmat mul-
 torum doctissimorum Medicorum autoritas: & ipsa quoque
 experientia stabilivit. Etsi autem ratio dari nulla possit, cur
 hoc vel illud, & quo pacto agant, tamen proptereà rejicienda
 non sunt. Plurima enim excedunt τὴν σύνεσιν ἀνθρώπων.
 Unico nobis sunt exemplo Venena! Loquimur autem de amu-
 letis, quæ naturalia sunt, non de magicis, superstitionis, quales
 sunt characteres, imagines, verba, cantiones &c. *Ad primum*
 autem

esse, vocibus verò, vel à persona, vel à figura, aur forma, esse distincta. Quæ ratio etiam à Germanis videtur observata fuisse, qui generale tegmentum capitis effertunt, ein Hut. Specificè à figura & aliis rebus, hoher oder niderer addunt. Ein Haarthut/ ein Schaub- hut/ Schirm- hut/ Schatt- hut oder Stroh- hut. &c. De forma pilei vid. Hieroglyph. lab. Pier. l. 40.

§. 7. Erat Galerus proprium Deorum, unde Mercurius Galero depingitur alato: hinc apud Plaut. in prologo Amph. sic de se ipso loquens introducit: Ego has habeo hic usq; in pectus pinnulas. Pileati etiam erant Lares Foci custodes.

Galeros Deorum proprium

§. 8. Purpureo Galero Sacerdotes Phrygiæ utebantur cum sacra facerent. Unde illud Virgil. l. 3. Æneid.

Sacerdotum proprium.

*Et positis aris jam vota in listore solves:
Purpureo velare comas adpersus amictu:
Ne qua inter sanctos ignes in honore Deorum
Hostilis facies occurrat, & omnia turbet.*

Et eodem libro 3.

Et capita ante aras Phrygio velamur amictu.

Ubi Poëta attingit morem Romanorum & Græcorum, qui ante ipsos velatis capitibus sacrificabant. Hinc Plaut. Amph. Act. 5. scen. 1. invocat Deos immortales, ut sibi auxilium ferant, manibus puris, capite operto. Et Curcul: Quis hic est, qui operato capite Æsculapium salutatur? Aliàs consuetudo apud Romanos obtinuit, ut aperto semper capite incederent, præter quinque tempora, in quibus jura habebant regendi: Nempe inter sacra, ludos, Saturnalia, peregrinationem & militiam. Hinc Festo die & si æstu laboraret, flamen, filo dempto, pileum sumebat; tunc enim filo ligasse caput, non satis erat. Quippe celebri die flaminem sine pileo esse non convenit: Unde alii tam pileamini à pileo, quàm flamines à filo, dictas esse putant. Inter reliquos tamen flamines, summus, Dialis dictus, qui semper Jovi sacra faciebat, solus Albogalero insignis erat, quem nisi ex ovis albæ tergore Jovi immolata fieri non decebat, ut eo insignis reliquis conspicuus foret. Plura vid. apud Rosin. Antiquis Roman. l. 3. cap. 15. & 16.

Alex. ab Ale. in Genial. di. et. l. 6. c. 12. Pier. hierogl. l. 40. p. 296.

Regium insigni.

§. 9. Quod erat *litum* auguribus, *paludamentum* Imperatoribus, *diadema* Regibus, id Pontificibus Romanis erat *Galerus*. Vid. de his *Apul. Apol. 1. Cicer. l. 1. de Divinat. Plutarch. in Romul. Gell. l. 5. c. 8. Macrob. l. 6. Saturn. c. 8. Salmas. in Exerc. Plin. p. 555. seq.*

Nobilitatis insigni.

§. 10. Apud Græcos *Pileus Nobilitatis* insigni fuit, unde *Ulysses* quoque pileatus cernitur, quod magna ab utroque parente nobilitas ei obtigisset. Nam apud *Ovidium* eam ita oggerit in *Ajacem*:

*Nam genus & proavos, & qua non fecimus ipsi,
Vix ea nostra voco: Sed enim qui retulit Ajax,
Esse Iovis pronepos, nostri quoque sanguinis author
Iuppiter est, totidemque gradus distamus ab illo,
Nam mihi Læertes pater est, Acrisius illi,
Iuppiter huic: neque in his quicquam damnatus &
exul.*

*Est quoque per matrem Cyllenius addita nobis
Altera nobilitas: Deus est in utroque parente.*

Quia autem *Hippocrates* genus ducebat ab *Hercule* & *Æsculapio*, quod *Senatus Atheniensis* testatus est publicis monumentis, ob nobilitatem in multis imaginibus ostenditur pileatus. Quamvis alii ob capitis imbecillitatem id fieri perhibeant: alii autem significanter id ab eo factum volunt, nimirum quodd principem rationalis animæ sedem probè munitam & contentam esse oporteat, & quod etiam sanitatis tempore ea quæ lædere possunt, cavere debeamus: More Romanorum, qui pileo tegebant caput sanitatis tempore, quod factum erat ad modulum capitis, caputque undique premebat. Plura vid. apud *Soranum in vita Hippocr.*

Salmas. l. c. p. 1239.

Gravitationis & Virtutis insigni.

§. 11. Erat quoque *Pileus* signum *Gravitationis & spectata virtutis*. Quam enim autoritatem *Corona* Imperatoribus, sicut patet exemplo *Bonifacii VII.* Pontificis, qui cum gravitate & autoritate locuturus ad populum, ense accinctus & coronâ imperiali coronatus in publicum prodiit, proclamans;
Ego;

Ego sum Caesar & Pontifex: hanc Doctoribus conciliat Pileus. Hinc fluxit mos, ut qui Doctoris Magistrive titulo decorantur, tanquam spectatæ virtutis Viri, pileum accipiant.

Erasin. Adag. Chil. 2. cent. 1. 27.

§. 12. Docentium etiam, tum in Scholis, tum in templis, & conciones habentium, insigne erat *Pileus vel Galerus*, aut ejus loco *Galea*. Quare *Amasi*, dum concionabatur *Galea* pro regali ornamento data est. Quo insigni & docentium ac sacerdotum dignitas, & Officii eorum eminentia denotabatur. Unde *Servius* in 8. *Æneid.* scribit: *Verum diebus festis filo depositis, pilea necesse erat sumere flamines, quæ secundum alios ad ostendendam Sacerdotij eminentiam sunt reperta: sicut columna mortuæ nobilibus superponuntur, ad ostendendum eorum culmen. Alij dicunt ad eminentiam dignitatis.*

Docentium insigne.

§. 13. Denique *insigne libertatis* fuit, tum Privatæ, tum Publicæ. *Privata*, ubi in templo Feroniæ Campaniæ Nymphæ, & libertorum Deæ, servi raso capite, *pileum libertatis signum* accipiebant, & pileati sequebantur Patronos. Unde proverbium natum: *ad Pileum vocare*. Servus apud Plaut. in *Amphitr.* exoptat: *Vtinam ille faxit Iupiter, ut raso capite portem pileum!* Hinc deductus mos, quem hodie observant Nobiles & Potentes, donantes servos, loco pilei, jure gestandi arma, quod nostra lingua dicitur: *wehrhafft machen*. *Publica*, ut quando Cassius, Brutus, & conjurati, Cæsare interfecto pileum lanceæ imposuerunt. Aut mortuo Nerone plebs universa pileis capite testis exultavit. Sic devicto morbo, exultat Medicus liberator, exultat etiam æger à morbo liberatus. Quare nulli magis debetur liberatoris titulus, quam illi Medico, inquit *Pierius* l. 40. *Hieroglyph.* qui multa mortalium corpora infinitis morbis obnoxia liberavit, & bonæ restituit valetudini.

Libertatis insigne.

Appian. l. 2. bellor. civil. Aur. Vict. in Nerone.

§. 14. Quæ hæcenus allata sunt, docent, Medicum ab omni levitate debere esse alienum, ut majorem auctoritatem sibi conciliare queat apud ægrotos & illorum ministros: hæcque ratione morigeros & obediētes eos sibi in præscriptione diætæ ac pharmacæ reddat. *Neque enim satum est Medicum suum fecisse officium, nisi & agrotus suum, suum quoque, adstantes faciant, sintque externa rite comparata.* Sic quoque esse instructum illum significat, ut non solum medicinam faciliare, sed

Applicatio ad Medicum, Melch. Sebæ, in Embl. Specul. Medic. explic. Galen. in 6. Epid. Com. 4. Hippoc. aphor. 1. sect. 1.

& eandem docere ac profiteri possit, exinde quippe audiet, dulcis *Triumphator, Liberator, Devictor & Debellator* morborum.

CAPUT III. De Barba *Æsculapij*.

§. 1.

*Æsculapius
benè barbatus
Lucian. in lo-
ve Tragœd.*

A pud solos Sicyonios, tradente Pausan. simulacrum *Æsculapj* visitur *imberbe* ex auro & ebore confectum; cæteris in imaginibus semper habetur barbatus, *barba* tamen non brevi aut rara, sed *propensa & philosophica densitatu boniq; ponderis*. Quæ densitas & auri pondus affecere *Dionysium Tyrannum*, ut eam auferri juberet: quod affirmaret, non convenire patrem Apollinem imberbem, filium verò barbatum conspici, ut est apud *Cicer. l. 3. de nat. Deor. & Valer. Max. l. 1. c. 1. Lactant. l. 2. cap. 4. Arnob. l. 6. Ælian. var. histor. l. 1. c. 20.* Quod autem Apollo imberbis ostentatur, inde factum, dicit *Pierius l. 32. Hieroglyph.* quia ille rerum autor viridis semper fruitur juvenia; Verùm omnia quæcunq; generantur, in senium ocys aut serim vergunt.

Etymologia.

§. 2. Græcè vocatur *παῦρος & γένειον*, latine *barba, barbium*: Videturque barba, ab antiquo vocabulo *Baro* deducta, quod virum significat. *Virorum enim barba est, non feminatum.* ait *Isidorus l. 11. Orig. c. 1.* Stultè tamen alii putant à voce *Barbaru* deduci, quoniam illi prælongam barbam ferre consueverunt. Primigenium ergò potius nomen esse credimus, quod à nullo alio, ab ipso verò plura alia deriventur. Ab hujus enim præsentia *Barbati* dicuntur; ut hic *Æsculapius*, & alibi *Magnates*, inter quos *Eberhardus primus Dux Wirtembergensis, & Iodocus Marchio Brandenburgicus*, enumerantur: Ab absentia verò *imberbes*, ut hic *Apollo*.

*Analogica
acceptio.*

*D. Melch. Sc-
biz. disp. de
Pl. 2. Probl.
94. Beroald.
in Comm. ad
Apulej. l. XI.*

§. 3. Non solum autem hominibus tribuitur barba, sed etiam brutis: & non solum *Quadrupedibus*, hircis potissimum & capris, sed etiam *avibus*, Gallis Gallinaceis, *arg. piscibus*, ut Mullis seu Barbis, à *carnosis cirris barba modo dependentibus*. Tribuitur & *Plantis* quibusdam, v. gr. *Tragopogo*, cujus herbæ

ulsa

etiam in febres caderet ardentissimas, in quibus magna contingit siccitas, ob febrilem calorem humiditatem depascentem. Potest hoc vel solius linguæ exemplo illustrari, quæ in ejusmodi febribus adeò accenditur & exiccatur, ut nigricet, scabra, dura, fissaque instar terræ à Sole arefactæ appareat.

Contra repletionem verò sic pugnari potest. I. Quia anasarca, aut leucophlegmatia laborantes spasmo afficerentur, quoniam tanta humiditatum in iis est copia, ut totum corpus intumescat. II. Quia in plethora ad vasa, si ad summum gradum sit perducta, spasmus eveniret. III. Quoniam in ejusmodi corporibus potius paralyxis fieret, quàm spasmus. Nervi enim vel obstruerentur, vel comprimerentur, vel relaxarentur & emollirentur. *Contra* utramque autem causam hoc valere videtur argumentum: quia etiam tertia dari causa posset spasmi, scilicet humor, vel vapor quidam facultatem nervorum stimulans atque irritans.

Quæ causa, quòd in vero spasmo contractio fiat tantum versus unam partem, & pars sic contracta maneat immobilis: in spasmo autem non proportionato ad materiam varia fiat agitatio, scilicet nunc in hanc, nunc in illam partem?

Prior spasmus propriè spasmus est, & factus spasmus, atque ad materiam proportionatus: vulgoque appellatur convulsio, sive dissentio. Posterior propriè motus convulsivus nuncupatur, qualis in Epilepsia cernitur: In priori ergò, causa, sive humor sit, sive vapor, vellicans & penitus se in nervorum substantiam insinuavit, iisque adheret, & quasi est infixus. In posteriori autem causa nervis pernaciùs non adheret, sed à natura & facultate expultrice facilè excutitur: quæ tamen, cum iterum nervos ferit, convulsivus motus continuatur, & tamdiù durat, donec materia irritans tota sit dissoluta. Ex quo liquet, materiam, quæ motum convulsivum parit,

parit, tenuem esse, scilicet vaporosam, serosam, vel biliosam; quoniam facile discutitur, & sæpè hinc inde vagatur. In vero autem spasmo videtur crassior & tenacior esse, ac propterea ægrius dissolvitur. Huc accedit & ista ratio: quoniam in vero spasmo unus solum musculus, vel plures, ejusdem tamen generis, scilicet vel flectentes, vel extendentes, afficiuntur: in motu verò convulsivo etiam contrarii. Quoniam igitur in vero spasmo causa in uno solum contrariorum musculorum genere hæret, sit, ut etiam membrum versùs illius musculi principium contrahatur, rigidumque, h. e. vel contractum, vel extensum maneat. In convulsivis verò motibus, cum materia vellicans nervos, qui ad utrumque contrariorum musculorum genus tendunt, infestat, accidit, ut pars nunc contrahatur, nunc extendatur, & omninò vario motu agitetur, prout materia nunc hunc, nunc illum muscolum vellicat,

Uter spasmus curatu facilior sit, isne, qui ab inanitione & siccitate, an qui à repletione & humiditate genitus?

Hic posterior: quoniam humores & flatus evacuari sensibiliter & insensibiliter possunt: sicca autem intemperies, quæ ab inanitione prodiit, aut ægetrimè, aut non nisi longo tempore corrigi potest. Nam quod senectus est in sanis, id sicca intemperies est in ægris, inquit *Galen l. 7. meth. med. cap. 5.* Imò addit idem, insanibilis est, si prorsus sit consummata. Prorsus autem consummata est, ubi solida simularum partium substantia reddita est siccior. Nam præter hanc siccitatem *Galen. cap. 6.* tres alias ponit. Earum *prima* est, quando caro & pinguedo partium est liquata. *Secunda*, cum humor partium alimentarius omninò est absumptus; qui in omnibus animalis partibus ceu Ros quidam per eas est dispersus, qui absque nutrimento partibus inseri non potest. *Tertia*, quæ in propriis cujusque particulæ exilibus arteriis & venis consistit: & ex sanguinis provenit penuria.

An tre-

An tremor motus sit depravatus, an diminutus?

Potest appellari & depravatus, & diminutus. Diminutus respectu facultatis motricis, quæ tantum virium non habet, ut membrum possit consueto, usitato, & sufficienti modo movere. Depravatus ratione ipsiusmet motûs tremuli: qui non fit, sicuti fieri deberet. Hic autem notanda sunt tria: I. Quando dicitur, tremoris causam proximam esse facultatis motricis imbecillitatem, id sano modo intelligendum esse. Non enim facultas ipsa motrix per se debilitatur, est enim quemadmodum & anima, cui inhæret, *ἀψόδος*, cùm sit incorporea: sed inaudendum de instrumentis, quibus anima ad movendum utitur: cujus generis sunt spiritus animales & nervi, illorum vectores, qui per musculos, voluntarii motûs organa, distribuuntur. II. Sciendum, qualis iste motus sit, & quomodo fiat, qui in tremore observatur. Est autem partim voluntarius, partim invitus atq; coactus. *Voluntarius* ratione facultatis motricis & musculorum, sub quibus etiam spiritus animales & nervos comprehendimus. *Coactus*, ratione gravitatis partium, quæ tremunt. Non enim unus & simplex, sed geminus hîc se motus offert. Unus, qui sursum, alter qui deorsum: unus, qui ad anteriorem, alter, qui ad posteriorem: unus, qui ad dextram, alter, qui ad sinistram partem tendit. Est quippe pugna inter facultatem moventem, & membrorum gravitatem. Facultas erigere & exporrigere nititur: membra verò ob gravitatem deorsum vergunt. Nititur quidem facultas, ut membra eleventur, vel in aliam loci differentiam transferantur: sed propter infirmitatem, quod intendit, non assequitur, neque membra in illo statu servare potest. Idcirco vicissim nunc vincit, nunc vincitur. fitque contrariorum motuum perpetua quædam successio: elevatio v.g. à facultate: delapsus verò à pondere & gravitate membrorum: quæ tamen motuum vicissitudo brevissimis, & quæ vix discerni possit, intervallis accidit. III. Causæ tremoris observandæ sunt. Proxima statuitur facultatis motricis infirmitas, quæ onerata. Quæ autem infirmitatis istius causa sit, apparet ex iis, qui tremuli

E

muli

muli sunt, nempe ex senibus, ebriosis, valdè refrigeratis, Venerè addictis, diuturnis ægitudinibus enervatis, immodicè vacuatis, febrili ardore consumptis, inediâ longâ emaciatis, assiduis corporis exercitationibus defatigatis, nimis vigiliis exhaustis & extenuatis, gravi mœrore afflictis, irâ & excandescentiâ percitis, timore & consternatione quasi dejectis, catarrhis capitis in nervos & musculos factis divexatis, ab usu *Mercurii* externo, aut interno lassis, à narcoticis offensis: in summa, ex illis, quibus nervosum genus debile est, atque infirmum.

Ex hisce namq, patet, tremoris causas esse vel manifestas, vel abditas atque occultas. Utrasque autem afficere cerebrum, spiritus, nervos & musculos. *Cerebrum afficiunt*, quæ id refrigerant, humectant, atque siccant: aer potissimum, cibi, potus, & medicamenta. *Nervos laedunt*, quæ eosdem refrigerant, obstruunt & comprimunt, non tamen totaliter & perfectè, aliàs non tremor, sed paralyxis inde oriretur, sed secundùm quid: ut quidem spiritibus ad illos pateat aditus: at non sufficiens. *Spiritus animales* in causa sunt tremoris, vel quia ob caloris exiguitatem, sanguinisque paucitatem pauci generantur, quæ causa in senibus satis est frequens; vel quia geniti dissipantur & consumuntur: ut in febribus & morbis chronicis, immoderatis sanguinis profusionibus, aliisque nimis vacationibus, quæ fieri solent vel arte, vel sponte per os, per alvum, per urinæ ductus, per venas uterinas & hæmorrhoidales, denique per spiracula cutis: vel quia subitò & impetuosè vitalis spiritus unà cum sanguine & calore vitali ad interiora, aut exteriora movetur: quemadmodum accidere consuevit in timore, terrore, iracundiâ, vehementi gaudio: in quibus animi pathematibus materia spiritui animali, quæ spiritus est vitalis, denegatur.

Causa, quæ cæco & abdito modo nervis sunt & cerebro insensæ, existunt I. *Argentum vivum*: unde aurifabri, & qui illud crebrò tractant, ejusque halitus excipiunt, itemque lue gallicâ laborantes, qui hydragryi inunctione & suffumigatione curantur, tremuli esse solent. II. *Narkotica*, ut Opium, Mandragora, Hyoscyamus, Cicuta &c. Horum quippe usus crebrior & incautior tremorem parit. III. *Humores & vapores maligni*, quales se in febribus pestilentialibus & petechialibus, alijsq; malignis offere comperimus,

Quæ

Quo modo, quâq, ratione Mercurius tremoris sit causa?

Mercurium tremorem causari experientia probat. Nam aurifabri, qui vasa argentea, vel alia inaurant, tremuli tandem, imò & catarrhosi, paralytici & apoplectici fiunt. In tremorem quoque illi incidunt, qui in curâ Luis Venereæ, suffitu, inunctione, & assumptione *Mercurij* utuntur, veluti patet ex quaestione præcedenti. *Sed quaeritur*, an tremorem *Mercurium* excitet vel vapore, vel inunctione, vel substantiâ, vel viribus solummodò suis ad genus nervosum deductis? Ad hoc quaesitum variis modis ab Authoribus respondetur. *Alij namq, volunt, Mercurium* tantùm vapore suo, ore & naribus exceptum nocere, causamque tremoris esse, idque probant exemplo aurifabrorum. Hi enim, quando vasa inaurare student, id præstare solent in aëre libero atque aperto, tranquillo cœlo, & vento secundo, ut fumus *Mercurij* ab illis arceatur. *Sunt, qui asseverant, Mercurium* & vapore suo, & inunctionibus etiam foris adhibitum nervis nocere. *Quidam* utrumque negant: & *Mercurium* neq; suffitu, neque inunctionibus, sed tantùm viribus & qualitatibus suis ad nervos deductis, illis officere arbitrantur.

Credimus, Mercurium & suffitu, & vapore, & inunctione, & usu interno, nervis ac cerebro nocere posse, sinistrè tamen & intempestivè, aliisque circumstantiis neglectis usurpatum, hominem plurimùm offendere posse. Producimus experientiam, quæ docet, *Mercurium* peculiari quâdam ratione inimicum esse cerebro & nervis. Hinc videmus, ab usu illius sinistro & catarrhos, & vacillationem dentium, & paralyfin, & apoplexiam, & tremorem artuum sequi. Est enim penetrantissimus, quod probari potest exinde. I. Quia sacculo coriaceo, etiam satis crasso & denso inclusus, & pressus, granulatim transmeare solet. II. Quia hydrargyro inuncti, si annulum aureum in os immittant, annulus totus argento vivo obducitur. III. Si, quod fieri solet peste regnante, vel calamo, vel nucis ponticæ putamini includatur, & collo appendatur, monilia aurea, & catenæ, quæ collo alligantur, colore argenti vivi inficiuntur. IV. Quia

apud *Schenckium* l. 7. *observat.* 20. historia extat de quodam, qui frequenter usus *Mercurio*. Nam cum brachium elevaret, & demitteret, *Mercurium* in eo fluctuare manifestè percipiebatur. Brachio enim elevato *Mercurium* diffuere: eo verò demisso, iterum refuere visus est. Quàm perniciosus autem sit hydrargyri usus, docent historia apud *Schenck* l. 7. *de venen. ex fossilibus & metallis*, & in specie de hydrargyro: ubi habetur, quòd quidam substantià illius haustà fuerit enectus. Nonnulli admissò solùm in deuratione vasorum vapore ejus, *oculos* factis tremuli redditi, convulsi, stupefacti, in profundum soporem sunt coniecti.

*An tremor & rigor sint unum:
idemq?*

Tres affectus nobis occurrunt in principiis patoxysmorum febrilium: Rigor, horror, & refrigeratio: qui tamen affectus, non specie, sed duntaxat gradibus inter se differunt. Vehementissimus est rigor: remissior horror: levissimus refrigeratio. Rigor concussio est inæqualis, inordinata, & præter voluntatem nostram eveniens, totius corporis, cum vehementi molestâque externarum partium refrigeratione. Illius causa est facultas expultrix, quæ ministerio utitur caloris nativi: & acria atque mordacia excrementa, quæ ad sensibiles corporis partes impetuose feruntur, expellit. Hæc cum punguntur stimulanturque, insurgunt adversus humores & vapores illos acres, atque mordaces, eosque exterminare satagunt: ideòque se constringunt & contrahunt: quod dum fit, accidit, ut simul etiam articulationes totumque corpus unà vibretur & concutiat. Quòd copiosior autem est materia, quæ sentientes corporis partes, membranofas præsertim, ferit, quòque est acrior & mordacior, & quò impetuosius movetur, eò rigor est major. Quò hisce contraria sunt leviora, eò minor est: qui horror appellatur. Quod si materia vel sit minor, vel in qualitate moderatior & mitior, & tardiùs moveatur, tunc simplex solùm oboritur refrigeratio.

Ad propositam verò quæstionem respondetur, rigorem & tremorem

morem unum idemque non esse. Tametsi enim rigor & tremor forinsecus intuenti adedò similes inter se sint, ut vulgo, & etiam *Cornelio Celfo* rigores tremores vocentur: tamen diversam illorum esse essentiam ex sequentibus patet. I. Quia in omni rigore adest sensus frigoris, adedò ut multis tegumentis agrotantes opus habeant. In tremore etiam calor adesse potest. Multi namque tremunt, qui tamen calent. II. Quia rigor fit à facultate expultrice materiam acrem & mordacem, sensibilesque corporis partes molestantem expellente: tremor à facultatis morticis imbecillitate proficiscitur. III. Quoniam rigor fieri potest homine etiam in lecto decumbente & quiescente: tremor autem fit partibus quiescentibus, & fundamento alicui firmo innixis: sed dum moventur, aut ad motum incitantur. IV. Quia rigor semper fit à materiâ humorali, vel vaporosa, acri & mordaci, quæ per sensiles corporis partes propulsata eas pungit & irritat: tremor fieri solet ob nervos, vel refrigeratos, vel resiccatos, vel obstructos, vel compressos, vel stupefactos, vel aliâ aliquâ occultâ causâ affectos, vel animalium spirituum defectum.

Quam ob causam manus potius tremant, quam pedes?

Aurrosia demonstrat, manus sæpius tremere, quam pedes: caput similiter frequentius. Ratio videtur petenda ex Anatome. Manus, per quas intelligimus artus superiores, qui ex humero, cubito, & extremâ manu constant, quia nervos habent minores, & musculos pauciores exilioresque, & quia crebrius moventur quam pedes: ad plura quoque officia adhibentur, tam belli quam pacis tempore: ideòque videntur infirmiores esse, & magis etiam debilitari, quam pedes. Cùmque tremor fiat ab infirmitate nervorum & musculorum, contingit, ut manus potius quam pedes, h. e. artus inferiores, tremant, qui & plures insignioresque nervos, & plures quoque validiores, grandioresque musculos obtinent. Licet autem pedes totam corporis molem sustineant, tamen

Leviùs quàm manus quiescunt. Caput verò, quia & magnum est, & ponderosum, & non ita inniti alienis potest sustentaculis, ut manus & pedes; præterea quia nervos & musculos habet longè pauciores & exiliores, quàm artus utrique, idèd tremat faciliùs quàm artus. Hinc videmus, infantes rarò erecto esse capite, sed illud semper ob pondus inclinare deorsum.

Quinam vertigini omnium maximè sint expositi?

I. Senes, *aphor. ult. sect. 3.* Nam ob imbecillitatem caloris nativi abundant cruditatibus, siccitatibus & phlegmate. Flatulenti namque isti spiritus inordinatè in cerebro moventur, unaque secum etiam spiritus animales turbant, agitant & inordinatè movent. II. Quibus cerebrum est debile, & phlegmate ac flatibus abundat. III. Ebriosi ob spiritus flatulentos, quibus abundant. Scatent enim cruditatibus, & calorem habent debilem, obrutum scilicet à vini copia & ingurgitatione. IV. Quibus in arteriis cerebri spiritus continentur fervidi & copiosi. Hi enim inquieti sunt, & faciliè per se, vel etiam levi occasione accedente, agitantur. V. Qui assiduus scriptationibus, meditationibus, & literarum studiis sunt addicti. Agitantur enim hisce actionibus spiritus: stomacho maximè jejuno, & bile referto. Hæc enim tùm magis ferocire solet. Pastis retunditur, vapores reprimuntur, & à cibo mitescunt.

Quæ vertiginis sit pars affecta, quæ causa?

Pars affecta est cerebrum. Probat hoc actionum lætio, nempe sensuum, phantasie & motus. Est autem affectum ut pars organica, & quatenus continet spiritus animales, ac poris atque meatibus & cavitatibus, in quibus illi moventur, est prædium: & quidem secundùm partem potissimùm anteriorem, quæ organis sensuum exteriorum est vicinior. Communicatur tamen vitium spirituum etiam parti posteriori. Colligitur hoc ex motu depravato. *Proxima causa & immediata est circularis*

circularis spirituum animalium motus. Cùm verò visio fiat non solum coloribus, tanquam sensibilibus propriis, sed etiam quiete & motu, utpote sensibilibus communibus per oculos receptis: post à spiritu animali ad sensum communem & phantasiam deductis: idcirco quando spiritus isti, qui species oculorum receptas ad sensum communem & phantasiam deferunt præter naturam & circulariter moventur, motus ille speciei imprimitur, & res quiescens moveri putatur: sicut cùm quis per vitrum cœruleum, rubrum, aut flavum res intuetur. Omnia enim tali colore tincta videntur. Est igitur vertigo *partialis* & sensus communis læsio, & talis depravatio, ut omnia in gyrum circumagi videantur, ortum ducens à circulari spirituum animalium motu. Nonnunquam tamen etiam sensus externi simul afficiuntur. Hic autem circularis spirituum animalium motus à variis causis proficiscitur: internis atque externis. Internæ rursus vel collectæ sunt & genitæ in ipso cerebro: vel alibi latent, cerebro tamen communicantur. Unde vertigo oritur sympathetica & idioopathetica. Circulationem verò & circumgyrationem efficit flatulenti spiritus motus inordinatus, qui per cæcos & manifestos ductus cerebro est communicatus. Cùm enim flatulenti isti spiritus *atantur* in cerebro moventur, etiam animales spiritus agitant & impediunt, ut in illis angustiis oclusi in se convertantur, & phantasiæ falsam hanc rerum externarum, vel proprii etiam corporis speciem exhibeant. *Causa antecedentes*, è quibus spiritus isti suscitantur, sunt omnes humores, ut sanguis, bilis, pituita, melancholia, & serofus humor. Nam & calidus & frigidus vapor vertiginem excitare potest. Humores verò commemorati vel geniti sunt & collecti in cerebro: vel aliunde manant. Illi vertiginem generant idioopatheticam: hi sympatheticam, latentq; in ventriculo, mesenterio, intestinis, liene, jecore, utero, &c. *Causa procatarrhica* sunt variæ. constitutio cœli austina, æstus, mora sub Sole diuturnior, alia, quæ humores fundere, agitare, & in vaporem vertere possunt: ut sunt exercitatio corporis immoderata, præsertim à repletionem, animi exandescencia, nimia Venus, inedia in illis, qui famem ferre nequeunt, obibilem in ventriculo congestam, corporis in gyrum conversio, intuitus

intuitus rerum externarum circumrotatarum , aspectus aquarum vorticifarum , prospectus ab alto , aspectus rerum lucidarum , & maximè Solis , sonus vehemens , ut tonitru & bombardarum , percussio capitis , ambulatio per pontem altum , angustum , & tremulum.

*Utrum ad vertiginem generandam semper
necessaria sit vaporum cum spiritibus
animalibus permixtio?*

Ratio & experientia docet, vapores sæpissimè cum spiritibus istis permisceri, eosque agitare. Hinc videmus, vertiginem excitari à vaporibus & halitibus variis ex partibus elevatis, & ex variis humoribus genitis, biliosis scil. melancholicis, phlegmaticis & aquosis, sive serosis. *Πικρὸχολαί* in quibus bilis cumulat in ventriculo , crebrò vertigine divexantur. Item fœminæ, quibus menses suppressi, ratione uteri. Præterea, qui melancholiâ hypochondriaca laborant, & quibus lien est obstructus. Adhæc, quibus in arteriis capitis multus & fervidus sanguis continetur. Inde enim halitus tenues & subtiles exurgunt, qui spiritibus animalibus permiscuntur, eosque agitant, & inordinate movent. *Verùm fieri solet*, ut etiam vertigo oboriatur sine vaporum permixtione, v. g. cum agitantur & vehementiùs spiritus animales commoventur, quod fit multis modis. I. Cum corpus à nobis ipsis, aut ab aliis diù in gyrum vertitur. Eodem enim modo & spiritus aliquandiu moventur: etiam corpore quiescente. Tunc enim sedatà agitatione spirituum , vertigo cessat. II. Cum res in gyrum actæ aspiciuntur. Tunc enim spiritus objectorum agitationem & circumgyrationem sequuntur. III. Cum fit intuitus vorticum in aquis. IV. Cum quis ira exandescit. Nam & tunc fit spirituum agitatio magna.

*Qua causa, quòd prospectus ab alto in
profundum vertiginem excitet?*

Quidam hanc ex *Theophrasto* reddunt rationem : quodd,
quando

quando prospectus fit in loca valdè profunda, spiritus visorii partim in magnâ copîâ dissipantur, partim verò qui superstites sunt, quasi titubant ac tremunt: quia firmi stabilesque manere nequeunt. Verùm hæc sententia refutari potest argumentis sequentibus. I. Quia visus emittendo non fit, sed species visiles recipiendo: quemadmodum & reliqui externi sensus omnes. Auditus enim sonos: olfactus odores: gustus saporis: tactus qualitates tactiles, primas & secundas recipit. Est quippe sensus passio quædam.

Præterea, si quid ex oculis abiret ad objecta, vel substantia esset corporea, aut incorporea, vel accidens. Corporea non est: quoniam oculus tandem si non consumeretur prorsus, saltem diminueretur. Nullum quoque corpus moveri in instanti: sed omnis motus fit in tempore & successivè. At nos videmus, in instanti & in momento, etiam distantissima quæque, etiam stellas in cælo. Ad hæc excellentia sensilia corrumpunt sensum & sensoria: quod non fit nisi per modum receptionis. Si ex oculis exiret substantia incorporea, anima foret. At hoc est absurdum; Anima enim non exit, Oculus quoque foret mortuus, & exanimaretur. Præterea anima non movetur. Motus enim affectio est corporum naturalium. Neque quod egreditur & abit ad objecta, accidens est. Accidentia enim non moventur per se: neque ex subiecto in subiectum migrant.

II. Si hujus vertiginis causa esset prospectus in profunda valdè loca, cur non etiam prospectus in loca altissima ejusdem causa esset? Eadem enim ratione spiritus consumerentur, titubarent & tremere. At nemo de vertigine conqueritur, si maxime stellas remotissimas etiam fixas, intueatur. *Hercules Saxonia* putavit, hanc esse istius vertiginis causam, quòd ex profundæ rei intuitu spiritus animalis consumatur: & postea, ne vacuum deatur, vapores attrahantur, qui vertiginem excitent. Verùm & ista opinio patitur suas instantias. Videtur enim I. statuere, visionem fieri per ἀπομύτιν, emissionem spirituum, quod falsum esse jam fuit probatum. II. Quia si consumptio spirituum animalium causa est istius vertiginis, quæ causa diversitatis, quòd iidem non etiam consumantur, si intueamur altissima, cælum scilicet & stellas: & si inspiciamus illa, quæ longè à nobis in plano secundum lineam è directo distant. III. Quoniam non appa-

F

ret,

ret, unde & ex quâ materiâ aded subito vapores, residuum spirituum animalium turbantes & moventes, attrahantur.

Causa igitur hujus eventus peti posse videtur ab iis, qui sunt animosi, & in alto frequenter degentes, indeque in profundum prospicientes, ut sunt fabri lignarii & cœmentarii. Illi enim vertiginem ex hoc prospectu minimè patiuntur, quemadmodum nec vigiles in speculis commorantes: quoniam locis editioribus sunt assueti, nihilque sibi metuant; & propterea neque sanguinis, neque spirituum vitalium, aut animalium motum persentiscunt. Qui verò timidi sunt, inassueti & pusillanimes, valdeque metuunt, ne decendant in illis ob horrendæ & periculosæ rei intuitum calor cum sanguine & spiritu vitali ad cor remeat, pulsusque cordis & majorem, & crebriorem, & celeriores facit: quo fit, ut cum cor cum omnibus partibus mirum habeat consensum, etiam cerebrum ejusque spiritus animales compatiantur, turbentur, ac moveantur, vaporibus à corde excitatis, atque ad cerebrum transmissis. Moto enim sanguine arterioso, dubium non est, quin ex hac commotione halitus ac vapores excitari queant.

Cur vertiginosi cadere soleant?

Averrhôis putavit, cadere eos propterea, quoniam à vaporibus vertiginem causantibus cerebro mala intemperies imprimitur. Verùm ratio hæc nullius est momenti. I. Quia intemperies non fit derepente. II. Quia intemperies non statim cessat. Cessat autem vertigo, & consequenter etiam casus. III. Quia non omnis vertigo fit à vaporibus & humoribus: sed etiam à causis aliis, ut ostensum. *Causa igitur est*, quia motrix facultas impeditur suo in officio, ob confusionem, agitationem, & turbationem spirituum animalium, qui sensus & motus sunt organa. Nam cum in organa motus non diffundantur, motus etiam cessat. Ideoque homo erectus stare nequit, sed concidit.

An etiam sedentes vertigine corripiantur?

Maximè: si causa movens adsit, ut omninò adesse potest.
Verùm.

Verum hoc esse *aurorſia* docet: & exempla extant apud *Hippocr. 5. Epidem. Aristoteles autem ſect. 6. problem. 4.* dicit, ſurgentes potiùs quàm ſedentes vertigine corripi. Reſp. *Aristotelem* non negare ſedentes vertigine corripi poſſe, ſed dicere, ſurgentes magis eà corripi, quàm ſedentes. Ratio eſt: quia cùm ſurgimus, movemur à quiete ad motum. Cùm ſedemus, contrarium fit, & à motu ad quietem nos componimus. Motu autem magis fit vertigo, quàm quiete: quia tùm ſpiritus animales magis agitantur. Hinc qui vertiginem præſentiunt, ad ſellam, vel aliud ſedile ſeſe conferre ſolent.

Cur vertigo prodromus appelletur Apoplexia & Epilepſia?

Non quævis vertigo dicitur horum affectuum prodromus: ſed apoplexiæ quidem prodromus ea cenſetur vertigo, quæ fit per eſſentiam, h. e. quæ eſt idiopathetica: præcipuè in ſenibus phlegmaticis & catarrhoſis naturis. Eſt enim indicium, cerebrum ſcatere aquoſis & pituitoiſis humoribus, ex quibus exſuſcitantur vapores, qui ſpiritibus permixti animalibus, eos turbant, cùmque moveantur circulariter, pariter etiam ipſos ſpiritus movere ſolent. Quod ſi ſpiritus orbiculariter moveantur ab aurâ quâdam malignâ, quæ vim in ſe habet excitandi convulſiones, fieri poteſt, ut illâ invaleſcente Epilepſiâ oboriatur: ſive materia ejus in, ſive extrâ cerebrum ſit genita.

An in vertigine venam liceat ſecare?

In ipſo paroxyſmo tentanda non videtur, quia tùm æger debilis eſt, aded, ut quandoque etiam cadat, niſi ſuſtentetur, & fulciatur vicinis adminiculis. Aliquando autem nihil videt, quod fit in ſcptomia, ob nervos opticos obſtruotos, aut coarctatos, vel ob ſpirituum abſentiam: quoniam in circulari illo turbatoque eorum motu nervos opticos præterlabuntur, non eos ingrediuntur. *Extra paroxyſmum* verò diſtinctè reſpondendum. Si vertigo fuerit ſympathetica, ob vicioſos humores bilioſos,

phlegmaticos, melancholicos, aut aquosos, ex quibus vapores exsuscitantur, qui ad cerebrum elevati, spiritibusque animalibus permixti, vertiginem causantur, venæ sectio locum non habet, sed purgatio, quoniam illius indicans adest, κακοχymia: sive materia hæreat in capite, & vertiginem idiopatheticam generet: sive alibi delitescat, v. gr. in ventriculo, intestinis, utero, liene, mesenterio, hepate, valis majoribus &c. & sympatheticam efficiat. Quid si verò vertigo ortum trahat à copia sanguinis fervidi & spirituosus, aut consuetæ vacationis sanguineæ retentionem consequatur, v. g. menstruorum in fœminis, hæmorrhoidum in viris, vel in corpore nata sit πλεθωρικῶν, tunc venæ sectione omnino opus erit, quia indicans illius præsens est, copia sanguinis.

Nunquid in vertigine arterias secare fas sit?

De sectione majorum arteriarum, quales in brachiis sese offerunt, hic non quaeritur. Certum enim est, eas incidendis non esse. I. Quia ob motum assiduum & duritiem ac siccitatem substantiæ, coalescere non possunt. II. Quia sanguis arteriosus, qui spirituosus est, & cum saltu exilit, ægrè sistitur III. Quoniam profusus spiritibus vitalibus æger valdè debilitatur, imò in vitæ præcipitatur periculum. *Galenus enim cap. ult. de S. M.* scribit, quosdam ex sectione arteriæ, quæ venæ internæ cubiti subjacet, interiisse. Proinde arteriæ cubiti, colli &c. quæ sunt magnæ, secari non debent. Secari verò queunt minores, maxime temporales, & quæ post aures sunt. Illas fecabant præci Medici, in defluxione oculorum calidâ & spirituosâ. Has in vertigine & diuturnâ cephalalgia, à calido spirituosoque sanguine oborto: teste *Gal. l. d. S. M. c. 22.*

An vomitus in vertiginis cura sit conducibilis?

Si vertigo sit idiopathetica, non conducere videtur: tribus de causis: I. Quia causam non tollit, II. Quia caput vehementer

hementem concutit, præsertim in illis, qui ægrè difficulterque vomunt: quales sunt pingues & obesi, & quibus collum est breve. aut pectus depressum. III. Quia oculis nocet, qui tamen hoc in affectu ut plurimum laborant, cum primis in scotomia. Conferre autem videtur in vertigine sympathetica, ea maximè, quæ fit per consensum cum ventriculo: aut parte vicinâ aliâ. Hæc enim ratione causa extirpari potest, *Verùm non* quivis ad vomitum cogendus est. Nam qui admodum laboriosè vomunt, facilè herniosi, gutturosi, phthisici ob rupturam vasorum in pulmonibus, & *πνεύμαχοι* redduntur: eò quòd vomitio ventriculum validè concutiat. Ad illam verò apti sunt *πικρόλοιοι*, quibus pectus est amplum, quiq; vomitionibus sunt assueti, æstivo præsertim tempore.

An repellentia convenient in vertigine?

Repellentia frigida sunt naturæ, cum, vel sine adstrictione. Ideòque videntur causam in capite detinere, quæ potius tollenda, siue vertigo facta sit per essentiam, siue per consensum. Utilius autem est, usurpare ea remedia, quæ materiam vel evacuant, vel revellunt, vel intercipiunt: in primis, quando vertigo facta per consensum.

Quanam Incubi sint causa?

Una est proxima: multæ remotæ & mediata: tùm interna, tùm externa. *Proxima* est vapor crassus, non solum diaphragma partesque spiritales comprimens, sed etiam ad cerebrum elevatus, initium spinalis medullæ obstruens, non quidem in caro & apoplexia, sed levius. Vaporem autem causam esse, exinde constat, quia malum citò fit, & citò rursus desinit. Crassum autem esse, ex eo liquet, quia laborantes non statim expergiscuntur. *Mediata & remota causa*, est humor pituitosus, aut melancholicus, hærens potissimum in hypochondriis, præsertim mesenterio, ventriculo, liene, intestinis, &c. In hisce partibus, si materia moveatur, vapores crassi exuscitantur, premuntq; diaphragma & pulmones, unde sensus ponderis thoraci

F 3 incumben-

incumbentis: ascendunt etiam ad cerebri posteriorem partem, quæ initium est spinalis medullæ, obstruuntque illius ductus, per quos spiritus animales transire debent ad organa sensus ac motus. Hinc motus & respirationis, & vocis impedimentum. Hinc, quia vapor iste cerebrum occupat, imaginationis depravatio. Hisce humoribus occasionem præbent crapula, ingluviæ & temulentia: otium & vita desidiosa: cibi phlegmatici & melancholici: ea denique, quæ admodum staturosa.

*Cur Incubus noctu solum homines infestet,
interdiu, cum vigilant, nun-
quam?*

Causa est, quia vapores interdiu ob corporis motum discutiantur & dissipantur. Noctu nequaquam, quia corpus quiescit. Adde quod vapores nocturno tempore copiosiores se offerant: idque cibi causâ, à cujus sumptione plerique cubitum se conferre solent, si non statim at non multò post.

*Quam ob causam Incubus initio somni
ferè accidere soleat?*

Causa est: quia tùm vapores crassiores majori in copiâ ad caput elevari incipiunt: in illis maximè, qui vel cibis nimidum se impleverunt: vel vini copiam ingurgitarunt: vel cibos assumpserunt crudos, frigidos, crassos, & halituosos. Hisce namque de causis vapores crassi exurgunt, diaphragma premunt, caput gravant, meatus cerebri posteriores, ubi spinalis medullæ & nervorum est principium, obstruunt, visa varia imaginationi offerant: faciuntque, ut ob impeditum motum & vox intercipiatur: & respiratio lædatur.

*Cur Incubus precipuè fiat, cum Homo dor-
mit supinè decumbens?*

Causæ videntur esse sequentes. I. Quia per hunc decubitum prompta fit in caput evaporatio. II. Quoniam materia facilis

facilius ad nucham & partem cerebri posteriorem, & initium spinalis medullæ delabitur. III. Quia in isto decubitu meatus cerebri posteriores, per quos spiritus animales tranare debent, nonnihil comprimuntur. IV. Quia in ejusmodi decubitu thorax non ita liberè dilatatur ac in eo, qui fit in alterutrum latus. Hinc fit, ut qui supini jacent, citius & magis stertant, quàm qui in alterutrum latus decumbunt. Stertor namque fit, quia facultas motrix debiliter in musculos influit, respirationi infer-vientes. Debiliter autem in eos influere videtur in hoc corporis decumbentis situ.

Quomodo Incubus differat ab Epilepsia?

Multis modis. Etenim I. in *Epilepsia* motus fiunt convul-sivi: in Incubo nulli. II. Epileptici paroxysmi noctu & inter-diù accidere solent: Incubus tantum noctu. III. *Epilepsia* cau-sa est maligna & venenata: Incubi minimè: sed est tantum va-por crassus, phlegmaticus aut melancholicus. IV. *Epilepsia* in *Epilepsia* planè cessat: in Incubo est corrupta. V. In *Epilepsia* vox intercopta non est, quoniam nonnulli Epileptici altà voce clamitant: quod qui Incubo laborant, facere non possunt. VI. Epi-leptici de pondere thoraci incumbente nō conquerūtur, at de illo movent querelas, qui Incubo infestantur. VII. Causa mali Epi-leptici hæere solet vel in capite, vel extrà illud, & quidem in locis quamplurimis: medio & imo ventre: imò etiā in ipsis artubus: In-cubi verò causa latet semper, in imo ventre, ventriculo scilicet, liene, intestinis, mesenterio, pancreate, venæ portæ ramis.

An cerebrum semper in Incubo afficiatur?

Semper: sed modò per essentiam: modò per consensum. Semper autem affici, primum ex eo constat: quoniam imagina-tio depravata est. II. Quia motus membrorum est impeditus. Patet hoc ex læsa respiratione, quæ sine motu thoracis fieri ne-quit: item ex interceptione vocis, ad quam edendam & contra-ctio,

diu thoracis, & exspiratio, & motus laryngis requiritur: III. Quia ægrotantes non facild expurgiscuntur. IV. Quoniam Incubus prodromus est Apoplexiæ & Epilepsiæ.

Utrum Apoplexia rectè vocetur

σφάκελ⊙ καὶ σφακελισμός,

sideratio?

Apoplexia apud Præcticos varias habet appellationes. *Vocatur* enim ἀποπληξία à verbo ἀποπλήττειν, quod est percutere, & percellere: quoniam ea correpti ita quasi percussi videntur, ut cadere in terram fuerint coacti: vel quia instar victimarum ad aram cæsarum subito concidunt. *Dicitur* etiam morbus attonitus, quod laborantes veluti fulmine tacti existimentur. Apud *Græcos* & *Germanos* nomen habet ab ictu. Homo enim non secus atque victima unico ictu percussus concidit. *Tertio* παράλυσις universalis totius corporis nominatur: quoniam in ea omnes musculi ita sunt resoluti, ut nullus eorum suum facere possit officium: imò ne sensus quidem sentiunt. *Quarto* ἀφονία dicitur, & apoplectici ἀφονοί ab *Hippocrate* nuncupantur, ut videre licet *aphor. 51. sect. 6. & aphor. 58. sect. 7.* non quod apoplectici τὴν φωνὴν, vocem duntaxat amiserint: sed quod *Hippocrati* sit consuetum, ut uno posito symptomate, eoque notissimo & evidentissimo, etiam alia subintelligat. Nam *Galen.* in *comment.* allegatorum aphorismorum scribit, per τὴν ἀφονίαν intelligere *Hippocr.* apoplecticos, qui non solum vocis, sed etiam reliquarum functionum animalium, sensitivarum scil. motivarum, & principum jacturam fecerunt. Esi autem *Hippocrat.* per ἀφονίαν frequenter apoplexiam indiget, tamen aliquando etiam Carum hoc nomine exprimit: qui tamen nil est aliud, quàm totius corporis ἀναιδυσία καὶ ἀκίνησία. *Quinto* & *ultimo* vocatur apoplexia σφάκελ⊙ καὶ σφακελισμός. Observandum autem, hanc vocem aliter à Botanicis, aliter à Medicis usurpari. Apud Botánicos plantis hæc vox tribuitur, arboribus inprimis: quarum morbus esse consuevit: talis nimirum arefactio, ut consumpto humore alimentario marcescant. Ista verò humoris alimentarii consumptio fit à calore alicujus sideris: unde & sideratio

ratio à Latinis; à Græcis verò ἀσπερσία dicitur, maxime verò canis, quem *Theophrastus* peculiariter ἄσπερ appellat. Nam ab exortu caniculæ ætus omnium est vehementissimus, qui si diutius duret, efficit, ut arbores, alizque stirpes genio suo defraudentur, exarescant atque moriantur. Hinc *Dioscorides* l. 3. cap. m. 32. Salviam ἰαλίστατον appellat, quasi in tabem redactam. Nam folia ejus semper retorrida & exucca cernuntur. Quapropter inquit, Salviam scabritiem quasi vestium sensim attritarum refert. Apud Medicos autem σφάκλα triplicem habet significationem. I. Generalissimam, quæ omnem φθορὰν corruptionem denotat, teste *Galeno*, comm. 7. aphor. 50. ubi scribit, τὸ σφάκελζεν, sphacelare, *Hippocr.* in lib. de fractur. & articulu. sæpius pro corrumpere usum fuisse. II. Specialem, quæ pro carie & corruptione ossium usurpatur: id quod accidit, cum à superjectâ carne sanies perniciosa in illam defluit: Quod ubi carnosus accidit partibus, aliis atque aliis nominibus appellat *Hippocr.* Putrescentem hoc modo carnem aliàs μωδῶσαν, aliàs σαπρῆν, vel σπυγμίνην vocat. III. Propriam, quæ pro cuiuslibet partis omnimoda πωρόσει sumitur. Quod fit, ut partes liveant, aut nigrescant, sensum amittant, non doleant, forteant, sique fuerint molles & carnosæ, flaccidæ prorsus evadant, prorsusq; emoriantur. *Galenus* ait, sphacelum istum magnas sequi phlegmonas, ejusque prodromum esse gangrænâ, quæ est imperfectus sphacelus, & ad illum via quædam. Sphacelus enim in facto est, gangræna in fieri.

Quæritur jam, quid de hisce nomenclaturâ sit sentiendum? Respondetur, affectum istum non propriè, sed analogicè solum morbum vocari attonitum. Nam quemadmodum qui à fulmine icti sunt atque percussi, illicò concidunt, & expirant: pari modo qui apoplexiâ prehensi sunt, & quidem forti, subito in terram cadere consueverunt, & emori. *Paralysis* appellari propriè non potest, quoniam in hac vel sensus, vel motus solum, vel uterque quidem, sed siquidem universalis sit, in altero solum latere perit. Patiens quoque non illicò fati concedit, ut in apoplexia, sed sæpè plures adhuc menses & annos superesse solet. Neque propriè ἀπὸνία dicitur, quoniam non sola vox, sed reliquæ etiam functiones animales intercidunt.

G

Relinquitur

Relinquimus tamen *Hippocrati* suam loquendi consuetudinem, & quidem *synecdochicam*: quā posito uno, eoque evidentiori symptomate, etiam reliqua subintelliguntur. Deniq; neque propriè *σφαῖλα* vocari potest apoplexia, quoniam in illa neque caries ossium, neque illa visuntur accidentia, quæ in verò sphacelo observari solent. Relinquitur ergo ea solum ratione sphacelum nominari posse, quatenus homo per illam extinguitur: quā tamen ratione & alii affectus lethiferi sphaceli nomine insigniri possent.

An Apoplexia morbus sit, an symptoma?

Sunt qui docent, *Apoplexiam* pro diverso respectu & morbum, & symptoma appellari posse. Nam si respiciamus ad causam, unde Apoplexia promanat, h. e. ad occlusionem, sive obstructionem & coarctationem eorum ductuum cerebri, per quos spiritus animalis ad instrumentum sensus & motus concedere debet, ajunt, Apoplexiam morbum esse, & quidem organicum in genere conformationis. At si læsas functiones animales perpendamus, ipsam scilicet earum abolitionem, asserunt, Apoplexiam ad symptomatum classem referri posse.

Verum arbitramur, Apoplexiam symptoma esse, nequaquam morbum. I. Quia unius rei, unum tantum est genus; quoniam una duntaxat illius est essentia. II. Quia Apoplexia per se & formaliter non est obstructio, aut coarctatio dictorum ductuum, sed hæc illius est causa. Effectus autem per causam suam, tanquam per genus, definiti non potest.

Sitne Apoplexia morbus hereditarius?

Morbi alii primo ortu homini inhæreat: alii genito jam adveniunt. Qui primo ab ortu adsunt, duplices existunt: quidam dicuntur hereditarii: nonnulli hereditarii quidem non sunt, sed tamen etiam à primo ortu homines infestant: idque vel ob materiæ defectum, aut copiam, aut visiositatem, aut errorem facultatis formatricis: vel ob matris pravam dietam: vel

vel terrorem : vel imaginationem : vel contusionem : vel casum ab alto : vel causam aliam. *Hæreditarii* morbi dicuntur, quorum causæ ab ipsis parentibus in liberos propagantur, & cum vitium aliquod, cui parentes antea fuerunt obnoxii, cum ipso parentum semine & sanguine materno in liberos derivantur: ut sunt Epilepsia, nephritis, podagra, gutta rosacea, phthisis &c. Ut enim ea, quæ sunt secundum naturam, plerumque à parentibus in liberos transfunduntur, & liberi parentibus non solum secundum speciem, sed etiam secundum sexum, & individuales proprietates in ingressu, ingenio, moribus, figurâ & staturâ corporis, denique vultu ac facie similes nascuntur: ita & quæ præter naturam sunt, interdum à parentibus in liberos derivantur: & quo morbo, aut morbosâ dispositione parentes afficiuntur, ea per semen in liberos transit: & ut maternus sanguis, corporis alimentum, fuerit dispositus, sic & infantis disponitur corpus. Facultas quidem formatrix per se non læditur, & ipsa per se semper, quod optimum est, intendit: tamen cum sit in materia, & pro ratione ac dispositione materiæ agat, speciem quidem producit, sed respondentem materiæ dispositionibus. Insunt autem tales materiæ dispositiones vel in toto corpore: ut in lue Venerea & Lepra: vel in aliquâ parte: v. g. pulmone, renibus, articulis, hepate, &c. Unde gallici gallicos, leprosi leprosos, phthisici phthisicos, nephritici nephriticos, podagrici podagricos &c. generant. Hi autem morbi hæreditarii vel actu statim in utero communicantur liberis: ita ut surdi surdos, cæci cæcos procreent: vel saltem dispositiones quædam & apparatus ad aliquem morbum liberis imprimuntur: in quem postea citius, aut tardius pro morbi naturâ ad hanc vel illam ætatem magis disposita incidunt. Sic epilepticorum liberi in pueritia statim epilepsiâ corripiuntur, ob ætatem huic vitio aliâ obnoxiam. Podagra verò demum in adultis se exerit, ubi nativâ humiditate aliquo modo absumptâ, dispositio vitiosa & hæreditarium vitium sese exerit, in primis si accedat victus ratio, quæ vitium nativum augeat. Sic hæreditaria apoplexia senibus demum sæpè accidere consuevit.

Ad motam verò questionem respondetur, non omnem apo-

plexiam hæreditariam esse. Hæreditarios enim morbos esse eos, quorum causæ à parentibus in liberos sunt propagatæ, & quibus parentes ipsi fuerunt conflati: Non enim verbi gratià podagricos, leprosos, nephriticos, phthisicos &c. generant, nisi qui ipsi podagrâ, leprâ, nephritide, &c. laborarunt. At cum apoplectici plerique in ipso paroxysmo moriantur, aut si evadunt, ita tamen sunt dispositi, ut non ampliùs generent, haud apparet, quomodo apoplexia hæreditaria esse queat. *Syllogismus fieri potest salu.* Hæreditarius morbus est, qui priùs fuit in parentibus. Apoplexia non fuit in parentibus, scilicet cum generarent. Ergò non est morbus hæreditarius. *Deinde.* Morbus hæreditarius præsupponit morbum paternum vel maternum. At Apoplexia ejusmodi morbum non præsupponit. E. non est hæreditaria. Minor probatur, quia multi, etiam benè valentes, ex improvise apoplexia corripiuntur, ut habet *aphor. 50 sect. 6.* Ergò verosimile non est, ut qui sani fuerunt, morbum aliquem in sobolem transfundere valeant. At quandam apoplexiam hæreditariam fuisse, testantur exempla eorum, qui apoplecticis nati parentibus, apoplectici ipsi tandem facti sunt. Id quod etiam ratio confirmare videtur. Potest enim Pater v. g. ejusmodi cerebri dispositionem & intemperiem filio communicare, quæ apoplexiam producere potis sit: non quidem ut causâ proxima & immediata; sed talem causam generans, quæ vel principium nervorum obstruat, vel id comprimat, ut spiritui animali aditus ad organa sensûs & motûs intercludatur. Neque necesse est, ut qui apoplexiæ genuit obnoxios, priùs ipse apoplexiâ laboraverit. Satis enim est, si *dià-*
diu cerebri, à quâ causâ apoplexiæ provenire potuit, indiderit, eamque soboli communicarit.

An omnis Apoplexia hominem subito & derepentè invadat?

Experientia testatur, quosdam subito & derepentè, inter epulandum, jocandum, colloquendum, & quidvis aliud agendum, apoplexiâ corripì, & præter omnem expectationem concidere, & truncorum instar sine sensu, motu, principumque facultatum

coltarum functione, solà manente respiratione, quæ tamen & ipsa paulatim decrefcit, jacere. Ratio quoque hoc ipsum fuadet. Nam si neceffaria spirituum animalium est præfentia ad animales obeundas aétiones, neceffarium quoque est, ut illorum influxu prohibito, & quidem derepente, aétiones illæ intercipientur. *Verùm eadem rerum magiftra* experientia docet; quosdam non in momento quasi fieri apoplecticos, sed præfentire vel quendam capitis dolorem, vel quandam gravitatem, vel vertiginem, vel proclivitatem in fomnum, vel stuporem in fenfù, & torporem in motu. *Quidam, qui* fubitanæ volunt effe apoplexiam, dicunt, fymptomata recenfitæ prodromos quidem effe, & figna futuram apoplexiam præmonftrantia; non autem efferentiam apoplexiæ conftituere: adtmonendum adefle, adefle folum poteflate: effe apoplexiam in fieri: nondum in facto: incipere eam, fed nondum effe abfolutam & confumatam. Affectus nomina fua mereri, cum funt perfecti, non cum adhuc funt in generari. Signa enumerata effe quoque incerta: cum non omnes apoplectici vel de prægreffo capitis dolore, vel de ejufdem gravitate, vel de vertigine, vel de fomnolentia, vel de *δυσαιμία ἢ δυσμηνία*, conquerantur. Ex definitione denique apoplexiæ conftare, fubito & ex infperato apoplexiam hominem adoriri: ed quod ab omnibus Pragmaticis definiatur, fubitanea & repentina omnium functionum animalium privatio. *Arbitramur*, repentinam invafionem de natura & efferentia apoplexiæ non effe: cum illa etiam, fenfim paulatimque fieri poffit: fcil. pro ratione & magnitudine caufæ, & pro ejufdem motu, qui modò tardus est, modò præceps. Si enim illa talis tantaque fit, ut influxum fpirituum animalium in momento quasi poffit impedire, concedimus, apoplexiam affectum effe fubitanæum. Sin levior fit caufa, & motus ejus tardior, quàm ut derepente areere queat illam fpirituum *ἐπιπνοή*, fenfim etiam privatio fieri potefit aétionum illarum ablatio. Neque incipiens, five fiens & facta atque completa apoplexia fpecie inter fe differre videntur, fed tantum ratione graduum. Et figna illa prævia non figna tantum funt futura, fed jam præfentis apoplexiæ, imperfectæ tamen. Adest enim jam illa vel obftructio, vel compreffio & coarctatio du-

ctuum, per quos animalis spiritus abire ad organa sensûs & motûs debet. Adest & causa. Ergò ipse quoq; affectus meritò adesse dicitur, quanquam fiens & perficiendus. Etenim quemadmodum stirpes & animalia, quæ adhuc sunt imperfecta, & adhuc vel formantur, vel formata augentur, illas ipsas nomenclaturas merentur, quibus insignantur: ita etiam morbi, quamvis adhuc sint in fieri, mereri nomina sua consueverunt: ita ut dicantur, v. g. vel interperies, vel obstructiones, tametsi nondum sint prorsus absoluti. Habent enim morbi sua tempora, inter quæ etiâ principium recensetur, quo juxta *Hippocr.* doctrinam omnia accidentia sunt leviora. *Definitionem* apoplexiæ quod attinet, illa quidem à nobis admittitur, quoniam apoplexia absoluta omnibusque numeris perfecta definitur, non quævis. Definiuntur enim & describuntur etiam alii affectus in excellenti & in summo gradu, neque tamen illi, qui hunc gradum nondum consecuti sunt, suo nomine defraudantur. Exemplo sint inflammationes, cancer, febres, morbi alii, qui vires acquirunt eundo, & in principio sunt imperfecti, suis tamen appellationibus insigniti.

An in Apoplexia sensus & motus prorsus aboleantur?

Experientia docet, in apoplexia fortissima quosdam subito concidere, omni sensu motuque destitutos. Ratio est: quoniam meatus, per quos transire debet spiritus animalis, prorsus sunt obstructi, vel compressi: ita ut nihil quicquam spiritus transitum habere queat. *Verùm eadem quoq;* monstrat, nonnullos, si vellicentur, pungantur, aut digitis fortiter premantur, id sentire, & externis quibusdam indiciis palàm facere; sed adhuc aliquid sensus tactus habere. Eadem ratio motus est. Videmus enim apoplecticos, qui tribus, 4. 5. 7. & 9. diebus supervivunt, nunc brachia, nunc crura hinc inde movent, tametsi sensu, ratione, & sermone sint orbati. Habet enim apoplexia, ut cæteri morbi, suos gradus; idque causæ ratione, quæ in aliis levior, in aliis verò potentior est.

Obijcies

Obijcies contra priorem assertionem: ubi nullus sensus, ibi nulla animalitas. Sensus namque facit, ut corpus aliquod animal nominetur. In fortissima apoplexia nullus planè est sensus. Ergò nulla animalitas. Ergò apoplectici fortissimà prehensi apoplexià animalia non sunt, licet adhuc vivant. *Resp.* ad Majorem per limitationem. Ubi nullus est sensus, neq; actus, neque potestates, h. e. neque actu primo, neque actu secundo, ibi nulla est animalitas. At apoplectici licet actum secundum non habeant, neque tangibilia sentiant, tamen quandiu vità fruuntur, actum primum habent, & potestatem sentiendi. Habent enim adhuc animam, à quà vis sentiendi proficiscitur. Ergò animalia sunt, & animalia manent tamdiu, quamdiu vivunt. Nam si causam, quæ facit, quò minus spiritus animalis suum præstare possit officium, remove liceret, apoplectici rursus ipso sentirent actum. *Quod si* propter denegatum actum sentiendi animalitas periret, sanè neque somno vinoque sepulti animalia forent, quia nihil sentiunt.

An in Apoplexia tantum cerebrum afficiatur, an etiam pulmo & cor?

Volunt quidam, cor principaliter in apoplexia affici: quia persuasum habent, causam apoplexiæ esse guttam sanguinis, quæ ad cor delabatur, idque interimat. Unde & apoplexiam guttam vocant: secuti plebejos, qui eam den Tropff appellare solent. Cui rationi etiam addi potest ista: quoniam pulsus in multis apoplectis est magnus, validus, cteher, & velox: faciesque calet & rubet. Calet quoque corpus: in multis etiam sudat. Quæ indicia esse videntur cordis afflicti. Quodd verò & pulmo in apoplexia laboret, exinde constat, quoniam respiratio læditur, & ita quidem, ut tandem prorsus desinat.

At nos cerebrum principaliter affectum esse credimus: idque non tantum ex abolitione functionum animalium, sed etiam, his ex symptomatibus planum facimus, quæ sese in multis offerunt, & privationem istorum functionum præcedunt: ut sunt capitis dolor, ejusdem gravitas, proclivitas in somnum, vertigo, stupor in sensu, segnities in motu, &c.

Quodd cor aliquid in apoplexia patiat, mirum videri non debet. Nam cum thorax liberè & facilè non moveatur, & respiratio

ratio incipiat deficere, fit, ut cordis calor non sufficienter veniatur. Quocirca magnitudine, crebritate & velocitate pulsus compensare natura studet, quod denegatum sibi sentit. De pulmone ita se res habet. Movetur is ad motum thoracis, quia motus ejus est in nostra potestate situs, non quidem perpetuus, sed aliquo usque: cum & illum omittere, & denuò inchoare, & majorem, & minorem, & velociorem, & tardiozem, & validiorem, & debiliorem reddere queamus. Itaque si thorax non, ut priùs, moveri possit, neque pulmo sic moveri potest. Compatiuntur ergò aniboviscera, non primariò affliguntur. *Ratio illa* de gutta ad cor delabente anile est idiotarum deliramentum, explosione potiùs, quàm refutatione dignum. Sectio enim apoplecticorum alium apoplexiæ locum declaravit. Et quì obsecro guttula una vel altera sanguinis cor necare & suffocare potest, cum id non faciat copiosus ille sanguis, quem vena cava dextræ illius auriculæ subministrat: & hæc postea ventriculo dextro?

An cerebrum in Apoplexia quoad temperamentum, an quoad compositionem & conformationem afficiatur?

Sensus hujus quæstionis est, an cerebrum hîc lædatur ut pars similis, vitiumque aliquod patiatur in *κράσι*, an ut pars organica, & offensam habeat in ipsa conformatione, & præcipuè in cavitatibus, meatibus & ductibus suis? *Respondemus*, fieri posse, ut prægressa quædam sit cerebri *δυσκρασία*, & ea quidem frigida atque humida, quæ causam affectûs produxerit, sicque illius generationi ansam atque occasionem præbuerit: hanc tamen *δυσκρασίαν* principaliter apoplexiam minimè gignere: & ob id neque cerebrum hîc principaliter ut partem similem, secundum temperaturam suam, sed ut organicam secundum conformationem, & illam quidem ejus speciem laborare, quæ viarum est, meatuum, cavitatum atq; ductuum. Fit enim subito. Intemperies non item. Abit nonnunquam citò, siquidem æger ad se redeat, & apoplexia non sit fortis. Intemperies non item. Ut enim intemperies successivè nascuntur, ita & successivè evanescunt. At apoplexia derepente hominem invadit, sæpè nullo prægresso graviori symptomate.

Utrum

Utrum apoplexia causa sit ventriculorum cerebri obstructio?

ITa persuasum habuerunt veteres, & cum primis *Galenus* locis plurimis. Docuit enim, obstructis principalibus cerebri ventriculis, ab humoribus præsertim pituitosis, aut melancholicis, influxum spirituum animalium in organa sensuum & motus prohiberi: indeque fieri, ut cum membra hoc influxu destituantur, actiones animales edere nequeant. *Vid. l. 3, loc. aff. c. 7. & l. 2. de symptom. caus. c. ult.*

Hanc *Galeni* sententiam ferè omnes superioris seculi Prædici sunt secuti. Fundamentum autem illorum fuit, quoniam credebant, ventriculos cerebri, præsertim duos anteriores, esse *ipsas ipsas*, & officinas spirituum animalium: qui ad actiones animales obeundas omnino sint necessarii. Itaque quando propter obstructionem in cerebri ventriculis factam, ad organa sensus ac motus abire nequeant, fit, ut sensus & motus pereant; nunc magis, nunc minus, promagnitudine causæ.

Si roges, quænam causa sit istius obstructionis? Resp. *Galenus* in causa esse ut plurimum humores phlegmaticos; Hinc videre licet, apoplexiam potissimum senes, phlegmaticos, catarrhicos, gulæ ac crapulæ deditos invadere, accidere quoque hyberno tempore, & pluviosis temporum constitutionibus.

Verum opinio ista multis ferri solet à Neotericis argumentorum telis. *Primum* enim negant, ventriculos cerebri dictos officinas esse spirituum animalium, sed hos in toto generari cerebro volunt. Esse enim cerebrum in viventibus multis meatibus & foraminibus pervium, & propterea etiam magnæ molis, quia magna spirituum requiritur copia, cum homo in perpetua ferè sit ratiocinatione, cogitatione & imaginatione. Ut de sensibus ac motu nihil jam dicimus, quorum gratiâ, cum homo vigilat, magna spirituum animalium copia opus habeat.

Deinde alleverant, sectionem docuisse in defunctis apoplecticis, quod in ventriculis istis tanta obstructio humorum copia minimè fuerit observata. *Vid. Fernel. l. 2, de abd. ventrum causis,*

Tertiò dicunt, fuisse aliquando magnam aquosi humoris abundantiam in ventriculis recensitis visam, cum tamen apoplexia non adfuisset. Exemplum proferunt eorum, qui hydrocephali dicuntur, quorum cerebrum serosis & aquosis refertum est humoribus. Et *Vesalius l. 1. anatom. c. 5.* memorabilem historiam recenset, de puellâ quâdam biennali, cui intra mensium aliquot spatium caput ita increverat, ut magnitudine viri caput æquârit, aut etiam superârit. Capite post mortem aperto, novem ferè libras aquæ in ventriculis cerebri fuisse deprehensas: & tamen, cum adhuc in vivis esset, integris usam fuisse sensibus memorat.

Quarè ajunt, si phlegmatica & serosa humiditas, ventriculos cerebri obstruens, causâ esset apoplexiæ, sanè infantes, quorum caput & ob humidam ætatem, & ob humidam victus rationem, lacteam scil. illam, magis essent apoplexiæ obnoxij, quàm alij.

Quintò hoc nituntur argumento: quia si copia pituitosi humoris apoplexiæ causâ esset, utique non foret momentanea, neque subitò ac derepentè hominem invaderet: sed fieret paulatim, & præcederent perpetuò illa symptomata, de quibus dictum: nempe gravitas & dolor, inclinatio ad somnum, pigritia ad motum, stupor quidam in sensibus, vertigo &c.

Quæritur ergò, *quid hîc statuendum?* Arbitramur, Veteres & illorum asseclas ad unam duntaxat causam, eamque internam solummodò respexisse: cumque animadverterint, senes præcipuè, phlegmaticos, catarrhicos, gulosos & bibulos huic affectui esse expositos, ipsumque affectum frigidis humidisque temporum constitutionibus potissimùm evenire, deniq; etiam ex apoplecticorum ore & naribus post obitum interdum pituitam effluere, in eam devenerunt opinionem, quòd pituita abundans, ipsosque cerebri ventriculi obstruens apoplexiæ sit causâ. *Sed hoc nomine* non parùm sunt decepti: quia plures apoplexiæ causæ sunt, non externæ solum, sed etiam internæ. *Vna* quidam est in genere, nimirum prohibitio influxus spirituum animalium in organa sensûs & motûs. At prohibitionis istius causæ sunt variz. Hoc quidem Veteribus largimur, quòd pituita & serum in ventriculis cerebri existens possit

possit apoplexiam causari: verùm inficiamur, id facere obstruendo, sed gravando & comprimendo principium nervorum in basi cerebri, quemadmodum in sequentibus fusiùs ostendemus.

*An prater pituitam & serum sive aquam,
etiam cateri humores causentur
apoplexiam?*

Galenus apoplexiam fieri dicit non solum ab humoribus, sed etiam à flatibus, seu spiritibus flatulentis. Hoc posterius tradit *comm. 6. aphor. 51.* Prius autem locis diversis. Pituitam ponit *comm. 3. aphor. 16. 28. & 31. comm. 6. aphor. 51. & 56. l. 2. de symptom. caus. c. 7. & l. 3. de loc. aff. c. 7.* Sanguinem meminit *l. de cur. rat. per S. M. c. 5.* Melancholiam tradit *comm. 6. aphor. 56. & 57.* Hisce causis addit *comm. 2. aphor. 42. διαδεσιν φλεγματόν*, quæ sit à sanguinis abundantia in vasis. Ea siquidem vel orificia eorum diducit: vel illa prorsus disrumpit. Quod si fiat, & sanguis effundatur in principium nervorum, quod est ad cerebri basin, apoplexia consequitur.

Oriri autem apoplexiam à pituita, variis probari potest indiciis. I. *Ἀυτοψία*, quæ Medicos in illius cognitionem deduxit. Reperta namque non rarò fuit in cerebro apoplecticorum. II. Quia quandoque post extinctionem apoplexiæ correptorum ex ore, oculis, & naribus emanavit. Complexi autem videtur sub pituita etiam serosum & aquosum humorem. III. Quoniam apoplexia senibus, qui ob caloris infirmitatem pituita & sero scatent, familiaris est. IV. Quia potissimum hyberno tempore & constitutionibus pluviosis & nebulosis, iisque diuturnis admodum, homines aggreditur. V. Quia apoplexiam non rarò ea symptomata præcedunt, quæ pituitæ redundantis sunt signa: cujus generis sunt, ut aliquoties jam dictum, capitis dolor, & gravitas, proclivitas ad somnum, somnus altus atque profundus, sensuum quædam diminutio, motus difficultas, & vertigo. VI. Quoniam naturæ phlegmaticæ præ cæteris apoplexiæ sunt obnoxia. VII. Quia iis, qui Veneri, Bacchoque litant, & crapulæ atque ingluvie indulgent, frequenter accidit.

VIII. Quoniam illis etiam evenit, qui cibis utuntur humidis & frigidis: ut sunt olera, fructus horæi, pisces, acetaria, &c. Item qui aquæ sunt potores. IV. Quia interdum illos quoque corripit, qui vitam otiosam & sedentariam vivunt. In illis enim calor torpescit, & cruditates succrescunt. *Quod autem apoplexia* etiam à sanguine ortum trahat, rursus *avicenna* confirmavit in non paucis. Exempla videantur apud *Schenckium lib. observat. 1.* Ostenderunt idem quidam plethorici: itemq; nonnulli, qui vel ob casum ab alto, vel contusionem capitis vehementiorem apoplectici facti, subitoque extincti, partim ob obstructionem principii nervorum, partim compressionem ejusdem, ortam à sanguine extravasato, vasis disruptis.

Quod denique melancholicus humor apoplexiæ causa esse queat, docet *Hippocr. aphor. 56. & 57. sect. 6.* Imò *Cardanus comm. ad aph. 55. sect. 6.* persuasum habuit, potiorē causam apoplexiæ esse humorem melancholicum, eumque difficiles admodum valdeque periculosas apoplexias creare. Quam causam licet & nos admittamus, insiciamur tamen humorem melancholicum unicam & potissimam apoplexiæ causam esse. Neque quicquam movemur *Cardani* argumentis pro asserenda causa melancholica in medium prolatis, quemadmodum mox patebit.

Quid de Cardani sententia statuendum?

Cardanus loco allegato scriptum reliquit, pituitam vel nunquam, vel admodum rarè apoplexiam causari. Unicam, vel potissimam saltem illius causam esse humorem melancholicum. Pro asseritione istius humoris, sequentia producit rationum momenta. I. Sic argumentatur. Morbi violentissimi fiunt ab humoribus pessimis & invictis. Apoplexia est morbus violentissimus, Ergò fit ab humore pessimo atque invicto, qualis est melancholicus. II. Idem hunc in modum probat. Si illi maximè apoplexiâ corripuntur, qui vigiliis, curis, sollicitudinibus sese macerant,] quique mœrore ac tristitiâ sese conficiunt, sequitur apoplexiam ab humore melancholico potissimum fieri: Ratio est, quoniam hæ illæ causæ sunt, quæ melan-

melancholicum humorem accelerare solent. At tales maxime corripuntur apoplexiâ. E. apoplexia ab humore melancholico proficiscitur. Nos isti humori suum locum inter causas apoplexiæ libenter relinquimus: sed unicâ & solam apoplexiæ causam esse pernegamus: quemadmodum suprà demonstratum.

Ad prius autem *Cardani* argumentum respondemus concedendo totum: sed negamus, eo inferri, quodd apoplexia ab uno humore melancholico prodeat. Hic enim solus non eam habet pessimam atque invictam naturam, quæ superari vel domari nequeat: sed tales sunt & alij: v. g. bilis portacea & æruginosa: sanguis adustus & torrefactus: imò & alij omnes, quando malignitatis aliquid contraxerunt, ut menstruum mulieris ex diuturnâ suppressione: purgamenta puerperij itidem cohibita: lac in mammis corruptum: semen denique putrefactum. Quàm graves enim periculososque affectus humores isti pariant, lippis atque tonforibus notum est: Imò licet pituita, sanguis, & serum nihil in se habeant malignitatis, apoplexiæ tamen causæ nihilominus esse possent, nervorum principium vel coarctando, vel comprimendo, vel obstruendo eum in modum, ut spiritui animali influxus in organa sensus & motûs denegetur. Ad alterum itidem concedendo respondemus. Concedimus humorem melancholicum causam esse posse apoplexiæ: sed hanc causâ positâ, non excluduntur aliæ. Unus enim affectus variæ possunt esse causæ.

Contra pituitam idem *Cardanus* aliquot argumenta tradit. I. est, quia infantium caput pituitâ est refertum: & tamen nullus unquam visus, qui fuisset apoplecticus. II. Quia senes præcipuè fierent apoplectici: quoniam pituitâ abundant. Item aquæ potores, & qui sunt somnolenti. III. Quoniam apoplexiam pituitosam præcederet gravitas quædam capitis. Non enim impletio fieri potest subito & derepentè: sed dum sit, prodromos habet. IV. Quia Practici præcipiunt venæ sectionem: quæ necessaria non esset, si apoplexia fieret à pituita. V. Quia si pituita causâ esset, deberent apoplectici allevari, pituitâ per nares & os effluente. At tantum abest, ut alleventur, ut etiam effluxus iste sit signum maximè lethale. Non enim

putat *Cardanum*, talem pituitam esse morbi materiam, sed colli-
quamentum, quod ex morbi atrocitate natum.

Ad argumentum verò primum respondemus, non sufficere
copiam pituitæ ad invehendam apoplexiam, sed necesse esse, ut
eadem vel obstruat, vel comprimat, coangustet atque coarctet
principium nervorum, & ita quidem, ut transitus spiritui a-
nimali impediatur, quò minùs sese conferat ad organa sensùs
& motùs: Falsum præterea esse, nullos unquam vilos fuisse in-
fantes apoplecticos. Experientia enim & *avrofia* monstrant
contrarium.

Ad secundum. Mirum est *Cardanum* negare id, quod re-
rum usus quotidianus ponit ante oculos. Quæ enim ætas ma-
gis obnoxia apoplexiæ, quàm senilis? Posuit *Hipp. aph. ult.*
sect. 3. apoplexiam inter seniles affectus. Suadet idem expe-
rientia, & ratio confirmat.

Ad tertium. Qui negat prodromos in nulla prorsùs apo-
plexia se offerre, negat iterum, quæ experientia docet. Fate-
mur, non omnem apoplexiam habere præcursoria signa. Infi-
ciamur autem, ea in nulla se offerre.

Ad quartum. Practicos rationales nunquam præcipere
venæ sectionem, nisi se indicans illius exhibeat. Si in pitui-
tosa apoplexia id non apparet, neque venæ sectionem mo-
liuntur.

Ad quintum. Pituita non ante, sed demùm post paroxys-
mum apoplecticum apparet per os & nares exire: apoplectico
scil. jam extincto. Neque tamen id semper contingit. Et si
maximè eveniret, tamen quia tanta quandoque est materie
copia, ut, omnis per dicta emissaria emanare non possit, idcir-
cò nulla etiam allevatio aut affectùs ablatio sequi potest. Quod
Cardanum addit, hunc effluxum non esse de causa apoplexiæ,
sed potius *σύντηξις*, & colliquationem quandam cerebri, tam
falsum est, quàm quod falsissimum. In nulla enim apoplexia
cerebrum colliquatum fuit deprehensum. Præterea *σύντηξις*
omnis fit à calore: ut experimur in febris hæctica, phthicali,
aliis ardentibus & colliquativis. At talis calor colliquans in
nulla apoplexia se offert.

An

*An defendi illorum possit opinio, quâ cau-
sa apoplexia arteriis collæ soporalibus
vel obstructis, vel compressis,
vel dissectis assignatur?*

Quæstionum in Tetrad. defendit ajentem, quodd ejus placi-
tum primum probari potest ex eo, quia spiritus vitalis, qui ce-
rebro à corde per arterias carotidas communicatur, ad obeundas
actiones animales adeò necessarius est, ut sine illius ope atq;
auxilio neque sensus, neque motus, neque principes obiri pos-
sint actiones. Proinde arteriis illis vel obstructis, vel compres-
sis atque constrictis, vel planè dissectis, cerebrum spiritu vitali
defraudatur, sitque ut omnes actiones animales pereant. *Dein-*
de, quia in syncope ob affectos spiritus vitales omnes omnium
partium actiones desinunt: illis verò vel reparatis, vel rectifi-
catis, omnes redeunt. *Tertiò*, quia metus & consternatio,
qua sunt cordis pathemata, tremorem excitant, qui motricis fa-
cultatis est symptoma. *Quartò*, quoniam nimius corporis mo-
tus ad leipothymiam ducit, tantum propter diminutionem spi-
ritus vitalis. *Quintò*, quia infans in utero materno movetur
& sentit, tantum ministerio spiritus vitalis. Animalis nam-
que in illo generatur nullus: neque supeditatur à Matre. Il-
lud, quia aer desideratur, & per inspirationem non attrahitur
in cerebrum. Hoc, quoniam nullus nervus à matre infanti
implantatur. *Sextò*, quia cum actiones animales per spiritum
vitalem exerceri possint, nihil opus fuit spiritu animali: qui
ne quidem etiam in cerebro generari potest, quodd nulla in
cerebro cavitas reperiatur.

At nos existimamus, partem affectam in carotidibus arte-
riis, minimè quarendam esse in apoplexia. I. Quia nulla fo-
ret inter apoplexiam & syncopen differentia: si apoplexia ac-
cideret ob defectum spirituum vitalium. II. Quia multi fue-
runt apoplexiâ correpti, in quibus nullum arteriarum illarum
jugularium vitium fuit deprehensum. III. Quoniam spiritus
vitalis est quidem organum ad obeundas actiones animales
summè

summè necessarium ; sed commune solum , proprium autem spiritus est animalis, sine quo actio animalis nulla fieri potest, quantumvis copiosi adsint spiritus vitales. Id quod vel ipsa met apoplexia confirmat. Nam in illa actiones omnes animales abolentur: cor autem pulsus edit initio magnum, validum, & si calor invaluit, etiam crebrum ac velocem. Cujusrei nulla alia dari potest ratio, quàm quòd spiritus animalis in apoplexia impediatur, quòd minùs ad organa sensùs & motùs se conferre possit. Est enim actionum illarum instrumentum proprium.

Ad argumentum verò primum pro agente allatum respondemus, spiritum vitalem , ut ad actiones alias , ita & ad animales summè esse necessarium , & sine illo exerceri non posse. Proinde vas illis soporalibus, in quibus vitalis spiritus continetur, vel obstructis, vel compressis, vel dissectis, cerebro communicari non posse. At inde sequi negamus, vitalem spiritum proprium & immediatum organum esse animalium actionum.

Ad secundum dicimus concedendo , quòd in syncope ob affectos vitales spiritus omnium partium functiones cessent; & illis instauratis revertantur. Verùm inficiamur, solum spiritum vitalem ad obeundas actiones animales sufficere.

Ad tertium, qui metuunt vehementer & consternantur, tremunt, quoniam partes extremæ ob revocationem caloris, sanguinis & spirituum vitalium sunt refrigeratæ, suoque robore destitutæ. At inde non sequitur, vitales spiritus animalium actionum propria esse organa. Requiruntur quidem illi ad omnes actiones: sed non sunt omnium organa propria.

Ad quartum, in immodicis corporis motibus leipothymia accidere solet, non solum ob defectum spirituum vitalium, sed etiam animalium. Musculi enim laborant, quibus per nervos spiritus animalis communicatur. At is in nimis excitationibus corporis aequè dissipatur, ac vitalis.

Ad quintum negatur, infantem in utero materno moveri tantum beneficio spiritus vitalis. Negatur quoque, spiritum animale nullum in Embryone generari. Generatur enim in cerebro ex spiritu vitali, & sanguine vitali: nec opus est magnâ illius copiâ, quoniam motus infantis est rarus & modicus.

Vitalem

Vitalem autem spiritum mater per arterias umbilicales infanti impertit. *Ad sextum.* Ad actiones animales obeundas necessarium esse spiritum animale, ostendunt carus, lethargus, somnus etiam naturalis. Cessant enim per hosce affectus functiones animales, quod spiritus animalis partibus non suppeditetur: licet vitales sint liberi, & partibus communicentur. In cerebro nullas esse cavitates, avtophiæ repugnat. Est insuper mollis, laxa & spongiosa cerebri substantia, suis instructa poris & meatibus, qui ad generationem spirituum, corporum subtilissimorum valdeque penetrantium, sufficiunt. Et sanè, si lac gigni potest in glandulosa mammarum substantia, semenque in testibus, in quibus tamen partibus nulla apparet sensibilis cavitas, quid ni & in substantia cerebri spongiosa corpus longè subtilius & penetrantius, spiritus aimirum animalis, procreari posset.

Utrum bilis flava possit esse causa apoplexia?

Si per bilem intelligatur sanguis biliosus, concedi potest affirmativa. Fieri enim potest, ut vel effundatur in principium nervorum, idque obturet, vel maneat quidem intra sanguinis conceptacula, sed magna in copia, & sic illud comprimendo apoplexiam causetur. Concedi eadem affirmativa etiam potest, si de pituita bili permista rogetur. At si de bile excrementitia, eaque mera, acri atque mordaci quæstio instituat, fieri aut non, aut certè quàm rarissimè arbitramur, ut illa apoplexiæ causa existat. Ratio videtur hæc esse: I. Quia talis bilis in corpore humido & frigido, cerebro non videtur neque generari, neque diù in eo perseverare. II. Quia bilis dicta suâ acrimoniâ & mordacitate ita & cerebrum, & illius meningas, quæ non solum extimam cerebri superficiem ambiunt, teguntque, sed etiam in penitiores illius recessus se insinuant; meninx præcipuè tenuis, assiduè vellicat, & ad sui excretionem stimulat.

I

An

An ab omnimoda animalium spirituum consumptione fieri possit apoplexia?

Ita credit *Platerus*: dicitque eam aliquando accidere senibus. Ut enim, inquit, vitali spiritu imminuto, virium accedit defectus, absumpto vero omnino, mors obrepit: ita ait, diminuto spiritu animali diminutionem consequi actionum animalium: totaliter autem consumpto, apoplexiam. Verum si hæc sententia locum haberet, apoplexia senibus subito & derepente minimè accideret. Ut enim spiritus non subito, sed paulatim & successivè consumuntur, ita & actiones sensim & sensim decrescere ac debilitari solent. At fuerunt senes, qui ex improviso, nullâ actionum animalium prægressâ infirmitate, correpti sunt apoplexiâ. Ideoque hæc illius causa assignari non potest. Eadem hoc nomine spirituum ratio est, quæ humidi radicalis. Quemadmodum enim istud non derepente, sed pedetentim consumitur, suntque istius consumptionis prægressa indicia, virium scilicet debilitas, frigiditas & siccitas corporis, pallor faciei, rugæ seniles, accidentia alia, ita spiritus quoque non subito, sed in tempore consumuntur, & manifesta mutatio actionum antecedit.

Utrum vaporum, fumi, aliq̃ halitus atque vapores inducere possint apo- plexiam?

De narcoticis nullum est dubium. Testatur quippe experientia, opiata in largiori copia, quàm par sit, assumpta, homines reddere apoplecticos, scilicet omnibus functionibus animalibus privatos. Et ratio verum hoc esse confirmat. Narcotica namque quasi spiritus animales ligant, stupefaciunt atque sopiunt. Quo facto, accedit, ut cum functionum animalium organum desideretur, obiri quoque non possint. Adde, quòd spiritibus à narcoticis maligna aliqua qualitas imprimatur. Eadem experientia docuit, eos, qui opiata in nimia hauerunt dosi, non solum fuisse sopitos, sed etiam nunquam postea exactos.

Be

De fumis carbonum, metallicorumque corporum & aliarum rerum vaporibus atque halitibus dubitari posset, an apoplexiam invehere queant? Videmus enim carbonarios bajulos, metallurgos & ebriosos, fumis, halitibus ac vaporibus quotidie ferè impleri, & tamen ab apoplexia esse immunes ac liberos. *Resp.* Experientiam docere contrarium. Extat apud *Schenckium l. 1. observat. 149.* historia de quodam sylvarum præfecto, qui vinum sublimatum, quod aliàs vinum ardens appellari solet, ad ebrietatem usque bibit, cumque equum conscendisset, inque apertum frigidumque aërem se contulisset, ex equo cecidit apoplecticus, & illico animam exhalavit. *Hippocrates aph. 5. sect. 5* dicit, vinum suis halitibus homines reddere ebrios, aliquando & *ἀπώρους*, i.e. apoplecticos: si non omnes, saltem eos, qui magnam vini copiam ingurgitârunt: & qui illud naturæ robur non habent, ut eam ferre queant. Naturam enim illius qui potavit, & vim vini, quod potatum, plurimum posse, *Galenus in comm. docet.*

Fumi carbonum cum sint crassi admodum, si etiam copiosi fuerint, animalis spiritus ita turbare, obscurare & præpedire suis in actionibus possunt, ut suum facere officium, aut ad organa sensus ac motus tranare nequeant. *Quamvis libenter concedamus*, posse eos hominem etiam suffocando interimere. Calor namque ventilationem exposcit, & spiritus etiam vitales liberum motum requirunt. *Quod dictum* de carbonum fumo, id etiam dici posset de vaporibus & halitibus aliarum rerum, maximè verò fodinarum metallicarum: quarum halitus varii sunt atque multiplices, scil. mercuriales, antimoniales, arsenicales, sulphurei, bituminosi, &c. qui hominem enecare possunt, vel venenatà aliquâ qualitate, vel per modum suffocationis, vel per modum interceptionis, & inhibitionis spirituum, quò minùs in totum corpus dispergantur.

Qua verior & probabilior sit apoplexia causa?

Ex dictis constat, generalem apoplexiæ causam esse denegatum spiritus animalis influxum in organa sensus ac motus.

Denegari autem iste influxus potest variis modis, I. Ob nervorum principii obstructionem. II. Ob ejusdem compressionem, sive coarctationem. III. Ob ipsorum spirituum animalium stupefactionem, quando scilicet torpidi facti. IV. Ob eorundem perturbationem. V. Ob illorum dissipationem, seu effusionem.

Principium autem nervorum latet in cerebri basi, ubi sita oblongata illa cerebri medulla, quæ spinalis medullæ principium est & caput, quæque immediata 7. nervorum parium est origo. Hoc principium si vel obstruatur, vel comprimat, & coarctetur, fit, ut spirituum animalium nullus fieri possit defluxus.

Obstruitur à variis causis, I. A pituita. II. Ab humore melancholico. III. Ab aqua, sive sero. IV. A sanguine.

Comprimitur verò, seu coarctatur similiter à dictis humoribus: qui non tantum obstruere nervorum orificia, sed eadem etiam, uti & alios ductus, per quos meare spiritus animalis necesse habet, gravando comprimere valent. Eandem comprimentis vim habet etiam dispositio illa inflammatoria, de qua *Galen. comm. 2. aphor. 42.* loquitur: cum scilicet vasa cerebri sanguinis copia ita replentur, ut cerebri substantia & meatibus ejus angustioribus redditis, spiritibus denegetur transitus. Eadem compressio & coarctatio fit etiam ab ictu vel casu violentiore. Nam si cranium deprimatur, indeque cerebrum ad nervorum comprimitur principium, spiritus transitum liberum habere nequit. Per ejusmodi ictum & casum, sive contusionem accidere quoque potest, ut vasa rumpantur, sanguis effundatur, spiritus etiam vehementer perturbentur, quemadmodum in cerebri commotione evenire solet.

Spiritus redduntur quasi stupidi & torpidi à narcoticis. His enim ipsis & toti cerebro mala & torpida *ῥαδιόσις* imprimitur: unde quasi sopiuntur, & ad motum redduntur inepti; neque in cerebro rectè moventur, neque in organa sensus & motus influunt.

Effunduntur verò spiritus animales per vulnera cerebri profundiora, quæ ab *Hippocrate aphor. 18. sect. 6. διακοπὰι* appellantur.

Perturbantur.

Perturbantur, uti suprà dictum ab ictu, contusione, lapsu ab alto. Unde *Hippocr. aphor. §8. sect. 7.* inquit: Quibus cerebrum occasione aliquà vehementer fuerit percussum, eos mutos protinus fieri esse necesse: h. e. apoplecticos. Vocem enim *ἀπρωίαν* aliquando pro apoplexia usurpat: tanquam symptoma, quod apoplecticis evenit, omnium evidentissimum.

Cur qui apoplexiam perpeſſi, etiam in principibus actionibus lædantur?

Quod sensus & motus apoplecticis pereant, in causa est, quia spiritui animali via intercluditur, quò minùs ad organa sensùs & motùs concedere valeat. Cur verò etiam principes functiones unà lædantur, cùm tamen cerebrum saluum sit, & spiritus animales in eo contineantur, mirum non immeritò videri potest. *Respondetur* autem, membro aliquo graviter unà solùm ex parte læso, totam ejus œconomiam lædi & turbari. Ideoque cùm non solùm nervorum principium hñc affectum sit, sed noxa in reliquum etiam cerebri corpus redundarit, nil minum, etiam principes actiones esse læsas. Sunt enim *συμπύκνα, συμπύκνησις, & συμπαθὴς πάσις*. Deinde hæc causa adfertur: quoniam si ductus, per quos spiritus animales in totum corpus distribui debent, sint obstructi, aut compressi & coarctati, spiritus in cerebro qui concentrantur, liberè non moventur, nec satis ventilantur. Detenti ergò, veluti suffocantur, planèque ad principes actiones obeundas redduntur inepti: quemadmodum id in spiritibus vitalibus fieri animadvertimus. Quando enim in consternatione & metu vehementi retrocedunt, & in corde concentrantur, nec liberè in corpus reliquum diffunduntur, quasi suffocantur, indeque corporis actiones plurimum offenduntur. *Tertiò* dari & ista ratio potest: præsuppositò, quòd apoplexia defierit in paralyin, uti sapè fieri consuevit, excussa materia morbifica ex nervorum principio in spinalis medullæ alterutram partem, qua cerebrum per affectum apoplecticum adeò graviter affectum est, ut bonos & sufficientes spiritus generare nequeat, tunc enim & ratio, & memoria hebetatur, sensibus externis salvis. Experientia quippe:

testatur, paralyticos ex apoplexia factos diù sæpè vivere, memoria diminuta, & ratione decurtata.

Quo modo apoplectici moriantur?

Videntur mori per modum suffocationis & strangulationis caloris, qui est in corde. Ratio est, quia non satis ventilatur. Non ventilatur autem, quoniam respiratio tandem deficit. Deficit autem, quia spiritus animales deficiunt. Nisi enim isti communicentur musculis thoracis, thorax ampliùs moveri nequit: & sic etiam aërem attrahere non potest, qui tamen pro refrigerio cordis summè est necessarius. Hinc inquit *Galenus comm. 2. aphorism. 42.* quatuor esse apoplexiæ differentias ratione respirationis. 1. Fortissimam, in qua respiratio planè perit. 2. Minùs fortem, in qua respiratio quidem manet, sed magnà cum vi, magnoque cum conatu editur. 3. Adhuc minùs fortem, in qua quidem nullus est insignis labor & conatus in respirando, respiratio tamen est inæqualis & inordinata: modò major, modò minor: aliquando velox, aliquando tarda: interdum crebra, interdum rara &c. 4. Debilem, in qua respiratio aliquem servat & curari potest.

An spuma & stertor certa sint indicia futura apoplecticorum mortis?

Experientia testatur, non omnes apoplecticos spumam ex ore emittere. Sunt enim qui subitò & derepentè cadunt, ipsamque respirationem è vestigio amittunt. In his ergò, quia nullus est violentus cordis, aut pulmonum motus, nullus calor accensus, nulla quoque spuma generatur. Sunt rursus apoplectici, qui magno cum conatu, magnàque vi respirant, & aliquandiu supervivunt, & in his spuma apparere potest: quoniam illæ causæ, quæ ad spumæ generationem necessariæ sunt, concurrunt: nimirum calor, motus, & humiditas flatulenta. **Calor** in corde & pulmonibus accenditur, tum quia ob difficultatem respirationis non satis refrigeratur: tum quia ipsa respiratio laboriosa est, valdeque difficilis. Ideòque musculi
omnes

omnes thoracici vehementer operari coguntur; ex quâ operatione calor accenditur. *Motus cordis* velox est, creber, & magnus in principio, quia cor refrigerari desiderat, ne calor ejus suffocetur. Movetur & pulmo unâ cum thorace, sed laboriosè admodum; unde rursus calor augmentatur. *Adest ratio* loco salivalis humiditas, quam partim cerebrum, partim verò consillæ ori communicant: cui si flatulenti spiritus in expiratione permisceantur, fit, ut spuma inde nascatur, hoc est, ejusmodi humor, qui in plures easque minutas bullulas dividitur. Is autem cum semper augmentum capiat, totus in ore contineri nequit. Emittere ergo aliqua illius portio, & foris in ore conspicitur. Quod tamen perpetuum non est, sicut in Epilepticis, qui vi majori conatuque intensiore moventur; convulsivos namque patiuntur motus, eosque interdum violentissimos.

Iam queritur, an si spuma in apoplecticis appareat, futuræ mortis sit indicium? *Hippocrates aphor. 43. sect. 2.* scribit: Strangulatos & suffocatos, nondum tamen mortuos, ad se non redire, quibus spuma circa os collecta fuerit. *Galenus* addit, in *comm.* spumam istam signum extiale esse, quia pulmonis violentiam significat, quam patitur, dum animal suffocatur. Præcipue verò hoc fieri rationabile esse dicit, propter eam, quæ ex corde ad ipsum impellitur, caliditatem. Unde & caloris effervescencia, & violento spiritus motu, & vehementi pulmonis conatu ad educendum, spuma enata, signum est lethale. Hoc tamen non perpetuum esse monet, sed accidere ita ὡς ἐν τῷ πολλῷ. *Stertorem* apoplecticorum quod attinet, scribit idem *Hippocr. aphor. 51. sect. 6.* Si valentes capitis repente doloribus corripiantur, & protinus fiant muti, & stertant, eos intra septem dies interire, nisi febris supervenerit. *Galenus in comm.* ait, *Hippocrar.* sermonem esse de forti apoplexia, eò quod stertoris meminert. Evenit autem stertor etiam sanis, sed alto somno sepultis. Sanis verò & ægris commune esse scribit, quod utriusque debilem illam habeant operationem, quæ fit per nervos: h. e. facultatem morticem. Hæc enim debiliter influit in musculos respiratorios, qui sunt thoracis. *Stertor* igitur in apoplecticis malum est indicium: quia fortem denotat apoplexiam, quæ

quæ lethalis. Et experientia testatur, eos ut plurimam vitam finire, qui apoplectici stertunt.

Utrum aqua apoplectica statim in principio apoplexia conveniant?

Aquæ istæ apoplectica non solum in ipso paroxysmo apoplectico, sed etiam in præservatione à nostratibus usurpantur frequentissimè. Sunt enim calefacientis, siccantis, discutientis, penetrantis & corroborantis naturæ, ut plurimum ex variis simplicibus in vino ardenti infusis elicite: aut ex aquis capitalibus Rosmarini, Salviz, Betonicæ, Majoranæ, Stœchad. Arabicæ, Melissæ, &c. concinnatæ, quibus spiritus Cerasorum nigrorum, spiritus Caryophyll. Lilior. convallium, Anisi & Fœniculi admiscuntur, ut & aquæ apoplecticæ compositæ, cujus generis sunt Aqua apoplectica *Langj.*, Aqu. Capital. *Marchionis*, Aqu. Carbunculi, Hirundinum. Adhæc Elixir vitæ *Matschli*, &c. *Quæritur* ergo haud immeritò, cum in usu sint admodum frequenti, an salubriter & tutò omnibus propinentur iis, qui apoplexiâ sunt correpti, aut qui ab eadem sibi metuunt. *Resp.* Distinguendas esse naturas apoplecticorum, & causas apoplexiæ. Nam si apoplecticus sit sanguineus, & plethorâ laboret, sitque apoplexia à sanguinis abundantia orta, tutò minimè adhibentur. Sanguinem enim inflammant, & humores ad caput, quod jam antea est affectum, invitant, aperiendo, calefaciendo, liquando, & attenuando. At si apoplecticus sit senex, si phlegmaticus, aut melancholicus, sitque apoplexia vel à crassis flatibus ac vaporibus, vel à pituita, vel à melancholia excitata, prodesse solent plurimum: crassos enim humores dissolvunt & attenuant, flatus discutunt, vires confortant, spiritus reparant, calorem nativum exuscitant atque augent, exhibentur quoque in exigua quantitate, quæ tamen ob spirituosam, subtilem ac penetrantem substantiam, in corpus sese insinuant.

An in apoplexia vena secanda?

Dictum fuit, apoplexiam internas causas habere varias: sanguinem, pituitam, melancholiam, dispositionem *πλεγματικήν* & flatus.

& flatus. Hinc apparet, apoplexiam aliam ex sanguine, aliam ex *κακοχymia* nasci. Non habet locum venæ sectio, si indicans absit. Habet autem, si adsit, & vires ætasque illam permittant. Indicans illud est aliquod sanguinis fluxilis vitium, & in apoplexia quidem in quantitate: quale se offert in plethora. Instituitur autem & evacuationis & revulsiois gratiâ: & instituitur festinè. Affectus enim inducias minimè patitur. Iteratur quoque, tùm ut vires minùs debilitentur, tùm ut melior fiat revulsio, & iteratur eàdem die. Educitur sanguis eà in quantitate, quam æger benè tolerare potest. Inciditur vena brachij, & quidem cephalica: aut si hæc non appareat, mediana, dextri vel sinistri brachij. Quidam incidunt venam frontis: verùm non satis vacuat. Alii venas pedum aperiunt. Sed sunt distantes, quàm ut multùm prodessè queant. Jugulares incidere res est periculi plena propter vicinas arterias & nervos recurrentes. Sisti etiam sanguis inde emanans non potest facilè: quia collum artè ligari non potest, nec etiam debet, ob respirationem, quæ in apoplexia impedita.

Quando ergo apoplexia sanguinea est, æger sat validis instructus viribus, carnosus, rubicundus, sanguinis missioni assuetus, in justa ætate adhuc constitutus, venæ sectio prætereunda non est. Secùs judicamus, si flatuosa aut phlegmatica sit apoplexia, virium infirmitas-ætas senilis, corporis frigiditas.

Nunquid in apoplexia liceat purgare?

Cacochymia quidem biliosa, pituitosa, melancholica & serosa purgationem suadent, verùm in ipso paroxysmo eam administrare non licet. Rationes sunt: 1. Quia apoplectici nihil deglutire possunt. 2. Quoniam vires minimè constant. 3. Quia in principio adhuc incertum est, an æger sit convalesciturus. Quod si interiret, & datum illi fuisset purgans, Medicus de fama sua periclitaretur, & suspicionem homicidii perpetrati incurreret. Satiùs igitur est expectare eventum. Nam si æger ad se rediret, è re ipsius esset, in cacochymica apoplexia purgans propinare: ut materia à capite revelleretur. De glandibus

dibus, suppositoriis, & clysteribus secùs judicamus. Possunt enim hæc remediorum genera apoplecticis tutò applicari, & quidem aciora, ut peccans materia à capite avertatur.

An in paroxysmo apoplectico vomitoria convenient?

Quidam recentiores ea probant, secuti *Æginetam & Aëtium*: idque revulsionis etgò. Verùm, cùm vomitus non citra magnum conatum fieri possit, præsertim in illis, qui ægrè vomunt, cùmque apoplectici de periculo suffocationis periclitentur, non etiam vomitoria deglutire queant, iterùm satius est, à vomitoriis abstinere. Idque etiam propter hanc rationem, quoniam vomitus caput multis vaporibus implet, & ex inferioribus partibus materiam sursim ad cerebrum deducit,

Procrastinanda ergò sunt vomitoria, & expectandum, donec paroxysmus sit finitus, ipseque æger rectius meliusque habeat. Tunc enim, siquidem ad vomitum fuerit facilis, & universales vacuationes præmissæ, tentare vomitoria licebit,

Quodnam latus post apoplexiam παραλύσει afficiatur, dextrum an sinistrum? & quæ harum παραλύσεων sit periculosior?

Accidit non rarò, ut apoplexia desinat in παραλυσιν sinistri, vel dextri lateris, materia, ea præsertim quæ tenuis & serosa, in alterutrum latus excussa. *Quæritur* ergò *primitum*, ad quodnam latus maximè illa transferatur? Opinantur quidam, ad sinistrum magis, quàm ad dextrum deferri: eò quòd dextra pars sinistrâ sit fortior & robustior: hæcque ratione aliena non facilè admittat. Verùm opinio hæc solido fundamento minimè nititur. Experientia quippe testatur, tam dextrum, quàm sinistrum latus resolvi. Ratio est, quia via humorum decubitus æquè patet ad dextrum, ac ad sinistrum. Ideoque quod latus vicinius est loco affecto, & in quod humores magis, inclinant, ad

ad illud etiam magis feruntur, & nunc hoc, nunc illud latus sine discrimine resolvunt.

Ad alterum ζήτημα respondetur, vulgi sententiam esse, *παράλυσιν* lateris sinistri periculosiorem esse dextri. Rationem hanc reddunt: quia latus sinistrum vitæ principio, cordi est vicinius. Sed ratio ista nullius est hili. I. Quia cor non in sinistro latere, sed in medio thorace situm est: mucrone tantum suo paululum versus sinistram partem vergens, ut diaphragmatis motui non sit impedimento. *Deinde*, quia si maxime apoplecticus humor decumbat ad sinistrum latus, cor tamen minimè attingit. Manet enim in sinistra spinalis medullæ parte, ejusque nervos obstruit, vel premit, quò minus spiritus animales abire ad organa motûs & sensûs possint. Hinc videmus, quosdam in sinistro latere post apoplexiam resolutos, diù admodum supervivere: quod non fieret, si eo affecto etiam cor affectum esset.

An paralyfis cephalica, colica & scorbutica specie inter se differant?

Cephalica *παράλυσιν* illa appellatur, cujus causâ à cerebro prodiit, qualis imprimis illa est, quæ apoplexiam sequitur, peccante materia in alterutram spinalis medullæ partem excussa, habetque ut plurimum pituitosam, vel serosam & aquosam materiam pro causâ. *Scorbutica* est, quæ causam habet humorem melancholicum, sed multo sero, eoque acri, mordaci, & salso perfusum, peculiarique modo vitiatum atque corruptum, qui *ἀσπίλον* est, malignæ scil. venenatæque alicujus qualitatis participem. *Colica* est, quæ bilem agnoscit ad artus diffusâ.

Queritur ergò, haud immeritò, an *παράλυσιν* istæ specie inter se differant? *Respondetur*, convenire quidem omnes in eo, quòd sint privationes, modò solius motûs, quod sit ut plurimum: modò solius sensûs, quod accidit rarò: modò utriusque simul, quod & ipsum non ita frequens est, ut affectus primus. Cùm igitur in quidditate conveniant, sequitur specie easdem esse: interim minimè negandum, quòd in non paucis inter se differant plurimum. *Nam in scorbutica*

παράλυσις, quæ *σκελετόρρη* vocatur, sensus & motus non planè perierunt. *Deinde* non ut cephalica, constans est, atque perpetua, sed sua habet intervalla, adeò, ut qui pridie pedem figere ad terram nequiverunt, levi aliquo adminiculo nixi, iterum nonnihil progrediantur. *Tertiò* scorbutica, non ut cephalica, originem à cerebro trahit, sed à vasis & visceribus imi ventris, maximè verò à liene. Colica verò & *causa*, & *loco*, ubi illa habitat, & *dolore*, qui in artubus vel superioribus, vel inferioribus est atrox & acerbus admodum, & *affectum*, quem sequitur, à cephalica & scorbutica differt. *Causa* quippe colicæ *παράλυσις* bilis est. *Locus*, in quo illa delitescit, vasa sunt intestinis finitima. *Dolor* in artubus est punctorius & lancinans. *Affectum*, quem sequitur, biliola est colica.

Quodnam sit discrimen inter paralyfin & paresin colicam?

Experientia testatum facit, multos, qui colicà laborarunt, in *πάρεσιν* incidisse. Verùm non parùm inter paralyfin, de quâ jam dictum, & inter paresin colicorum, est differentia. Conveniunt quidem in eo, quòd in utroque motus aboleatur: sed differunt postea in pluribus. In paralyfi enim, & illà quidem universali, cerebrum nervorumque principium est affectum, eo modo, quo dictum in apoplexia. In paresi verò hæ partes affectæ non sunt: sed artus solùm, materia aliunde transmissa, afficiuntur. In paralyfi quoque cerebrali dolor est nullus, imò sensus etiam nonnunquam abolentur: in paresi autem acerbis sentiuntur cruciatus. Est & paralyfis nostra diuturna admodum, & vel nunquam, vel rarò perfectè curatur. *Πάρεσις* verò colicæ curationem admittit. Hùc accedit, quòd paralyfis nostra nullis aliis adjuncta sit affectibus: paresis verò non rarò associatos habeat dolores arthriticos, quibus interdum supervenire solet, quandoque etiam scorbutum, unde scorbuticæ *παρέσεως* nomine insignitur.

Quanam

*Quanam sit causa, quòd post apoplexiam
alterum tantum latus resolvatur,
altero manente salvo atq̃
incolumi?*

Anatomici ajunt, spinalem medullam in duas partes divi-
di, dextram & sinistram. Hanc enim divisionem monstrat *av-
τομία*. Omnia quippe viscera bipartita sunt, inquit *Aristoteles*
l. 3. part. animal. c. 7. Et licet quædam una tantum esse vide-
antur, ut cor, pulmo, cerebrum, lingua, nasus, sunt tamen illa
eâ ratione *διφύει*, quoniam in partes duas divisa, ut cerebrum in
dextram & sinistram, lingua per lineam illam *διφύει*, similiter
in eandem distributa, quemadmodum & nasus, & pulmo, &c.
quæ partes semper in medio sitæ sunt, quia unæ & simplices:
quæ verò reverà binæ, earum altera in dextra, altera in sinistra
parte locata: ut oculi, aures, renes, testes, tonsillæ, &c. quòd
corpus sit *ισόφύον*. Cùm igitur *spinale medulla* reverà in duas
dirempta sit partes, fit, ut si humor post apoplexiam in dex-
tram solum illius partem decumbat, dextrum tantum latus re-
solvatur, salvo manente sinistro: & vice versa. Quòd si quis
alteram huic subjicere causam velit, scilicet miram naturæ pro-
videntiam, quæ non permittit, ambas partes simul affici, sed
alterutram duntaxat, ut corpus saltem dimidium actionis con-
servet, is nostro judicio nihil absurdi statuet.

*Cur modò in paralyysi motus pereat, salvo
sensu? modò sensus amittatur, illa so-
lotu? modò uterq̃ inter-
cidat?*

Responsio facilis est ibi, ubi pars aliqua & motorios & sen-
sorios nervos accepit: ut oculi, & lingua. Obstructis enim
constrictis, densatis, erosis, putrefactis, refrigeratis aut dissectis
nervis visoriis, manet oculorum motus, sed sensus perit. Vice

versa, affectis nervis motoriiis, amittitur motus, & servatur sensus. Utrisque malè dispositis, motus & sensus tollitur. Difficilior autem quæsitæ resolutio ibi est, ubi nervi sic distracti non sunt: sed per unum nervum sensus & motus communicatur. Sic tamen hæc de re statuendum. Motus ut plurimum paralyticis abit, illæso sensu: ratio videtur dari posse gemina. I. Quia major spirituum animalium copia requiritur ad motum, quàm ad sensum. Motus enim actio est: sensus verò passio. At ad actionem major vis requiritur, quàm ad passionem. II. Quia licet per unum nervum parti alicui & motus & sensus concedatur, tamen si nervus ille habeat certas propagines, quarum una ad partem duntaxat sentientem, v. gr. ad membranam feratur: altera verò ad partem moventem, nimirum ad fibrosam musculorum substantiam derivetur, accidit, ut modò solus sensus, modò solus motus auferatur, non quòd nervus non possit dare sensum simul ac motum, sed quòd hæc sit partium ratio, ut aliæ solum sensum, aliæ sensum motumque habeant.

Sed quæritur secundò, an sensus deleri possit, manente motu? Resp. Si distincta sit nervorum insertio, posse id fieri: verum in uno eodemque nervo nunquam. Haud enim rationi consonum videtur, ut aboleatur sensatio, tanquam functio debilior, & serveretur motus, velut functio validior. Quare, si unius alicujus nervi variae sint propagines, & portio illius in cutem vel membranam, portio verò in musculum disseminetur, tùm quando quæ in membranam fertur, sola afficitur, sensus perit, superstitè musculi motu. Cùm verò quæ in musculum est inserta, patitur, motus abit, persistente sensu, si illius nervus sit affectus. Quod si utrique nervi, v. g. oculorum, aut linguæ, sint affecti, sensus & motus unà tolluntur. In aliis verò partibus, in quibus distincti non sunt nervi, ita tamen comparati, ut & is, qui abit ad membranas, & qui in musculos implantatur, malè sit constitutus, in illis & sensus & motus sit jactura.

An vinum vi narcotica paralyfin pariat?

Nonnulli persuasum planè habent, vinum *raptolindv* esse,
& virtu-

& virtute stupefaciori *παράλυσιν* efficere: ad cujus sententiæ confirmationem sequentibus utuntur rationibus. I. Quodd somnum eumq; satis profundum inducat, & altiore quidem, quod est meracius, quodq; majori in quantitate est epotum, ab iis præcipuè, quibus cerebrum est debilius. II. Quodd observatū, quosdam nimiam vini, præsertim spiritus ejus ingurgitatione mortem cum vita commutasse, non secus ac si narcoticum haussissent. III. Quoniam id ipsum potatorem sensu, motu, ratione, memoriâ, locutioneq; instar narcoticorum, solet privare. *At nos nimium* frequentem & diuturnum vini potum paralytin, imò & apoplexiam causari quidem posse concedimus: verum non narcoticâ virtutes, sed ratione longè aliâ. Heluones enim & gurgites vini nativum calorem suffocant: cruditates pariunt: cerebrum halitibus implent: catarrhosis affectibus occasionem præbent, non aliam ob causam, quàm quodd vinum superfluos humores, eos præsertim, qui sunt in capite, attenuando, incidendoque movet, faciatque, ut in nervorum principium cadant,

Quodd autem vinum verè narcoticum non sit, tamen si homines reddat somnolentos, & efficiat, ut neq; principes, neq; sensiti vas, neq; motivas actiones exercere valeant, sequentibus planum fieri potest rationibus. I. Quia *ναρκωτικά*, cujus generis sunt Opium, Meconium, Cicutâ, Mandragora, Hyoscyamus niger &c. maligna sunt & venenata. At vinum *καρδιακόν* est, malignitatiq; resistit, foris & intus usurpatum. II. Quia *ναρκωτικά* in parva admodum quantitate sensus stupefaciunt, motum auferunt, somnumq; conciliant: quæ vinum in justa quantitate haustū non præstat. Quidam enim singulis partibus mensuram dimidiam, imò mensuram integram, sine ullâ viscerum offensione, evacuant. III. Quoniam *ναρκωτικά* effectus commemoratos edunt qualitate occultâ. Vinum verò manifestis operatur qualitatibus, & somnum inducit halitibus suis caput nervosque implendo & obstruendo, unde spiritus impediuntur, quod minus ad organa sensus & motus pervenire queant. IV. Quia ne potentissima quidem generosissimaq; vinâ *νάρκωσιν* nobis imprimunt, dummodò bibantur moderatè. *At ναρκωτικά* vera semper eam etiam in minimâ quantitate assumpta, invehunt. V. Quia vinum fomes est ingenii, lac senum, latitiæ incitamentum, calorem insuper nativū auget,

auget, concoctionem promouet, spiritus instaurat, cor exhilarat, cruditates corrigit, sanguinem bonum ac laudabilem generat, & superfluitates absorbet: quorum nihil *νεφροτικά* faciunt. VI. Quoniam *νεφροτικός* vel crebrius, vel copiosius, vel semel tantum ultra modum usurpatis, talis ægrotantibus infertur noxa, quæ vel non amplius, vel non nisi longo tempore corrigi potest. At noxa, quæ à vino orta, facilè, & intra exigui temporis spatium emendatur. Etsi enim, qui vinum ad ebrietatem usque hauserunt, manè capite doleant, & de ventriculi conquerantur dolore ac infirmitate, tamen si somno indulgeant, & à cibo potuque abstineant, eadem ipsâ die capitis dolor evanescit, & stomachus sese recolligit. Illud, quia vinosi halitus sunt discussi: hoc, quia cruditas à calore concentrato est concocta. Quapropter vinum quidem simile aliquid narcoticis agit: idem autem agere, & ab eodem principio, dicendum non est. Halitibus enim, quibus caput & nervos implet, & spiritibus viam ad organa sensûs & motûs intercludit, consumptis atque discussis, fit, ut & somnus cesset, & animales actiones redeant.

Quæ causa, quòd membra paralytica, manus præcipuè & pedes extenuentur & gracilescent?

Extenuari paralyticorum artus, *ατροφία* docet. Quæ sit autem maciei istius causa quæritur? *Resp.* esse variam. I. est privatio motûs. Nam quando membra semper quiescunt, torpescit calor, spiritus non affluunt: ideòque concoctio impeditur, & laudabile alimentum non suppeditatur. Unde quod superest carnis, paulatim consumitur. II. Membri paralytici infirmitas, introducta maximè à causis externis refrigerantibus, secantibus, perforantibus, contudentibus, erodentibus, rumpentibus, & stupefacientibus. III. Venarum & arteriarum compressio & constrictio. Sic enim prohibetur, quòd minus alimentum exire, & ad partes, quæ à leudæ, appellere queat.

An

An in paralyſi uſurpanda ſint ἰδρωτικά?

Reſp. Reſpiciendum hic eſſe ad cauſam. Non conveniunt in paralyſi à ſimplici frigore, re ſecante, perforante, contundente, aut rumpente nervos orta. Neque in illa, quæ facta ob fracturam, luxationem, &c. Ratio eſt: quia ἰδρωτικά ſuperfluos humores educere tenentur. In hiſce verò caſibus ſuperfluus humor nervis impactus non eſt. Quapropter in illa ſolùm πα-
ραλύσει ex uſu ſunt, in quâ materia aliqua nervis eſt impacta. In hac enim rectè decocta illa celebriora *Guajaci, Sarze, China & Ligni Saffaſtrae* uſurpantur, ſudorque vel in lecto, vel in ſtuphis elicitur. Nam cum materia nervis vel ſpinalis medullæ, vel artuum ſuperiorum aut inferiorum inhæreat, promptus illi eſt exitus, quando ab hydroticis rareſcit, attenuatur & diſcutitur. Pori quippè cutis à calore, quem ipſa tegumenta, quibuſtempore ſudationis ægri velantur, aperiuntur, è quibus apertis ſudor poſtea erumpit.

Quomodo caros & apoplexia inter ſe convenient, & quomodo differant?

Conveniunt inter ſe I. Quia uterque affectus ſpecies eſt veterni, ſeu affectus ſoporofi. Species enim veterni recenſentur quinque. *Apoplexia, Coma, Catalepiſis, Leſbargus, & Carus* dictus ἐπὶ τῆς κεφαλῆς, à capite, quia capitis gravitas eſt, & inexpugnabilis dormiendi neceſſitas. Latinis torpor dictus: vel ἐπὶ τοῦ καρῖδα, à gravando. II. Quia in utroque vitio homines neque ſentiunt, neque moventur, neque principes edunt actiones. III. Quoniam uterque affectus ab iisdem proficiſci poteſt cauſis: humore ſcil. meatus cerebri & nervorum vel obſtruente, vel coarctante & comprimente: aut à vi contundente. *Differunt* autem, I. Quia fortis apoplexia, quæ hic cum Caro confertur, longè periculioſior eſt affectus, quàm Carus, qui illi tantùm vicinus, & quodammodo ſimilis. II. Quia in apoplexia respiratio tandem ingravefeſcit, & quod eſt difficilior, eò apoplexia eſt fortior: in Caro autem respiratio eſt libera: neq; fit,

L ut in

ut in apoplexia cum stertore, quem Græci *ῥέξαν* ἢ *ῥέξιν*, καὶ *ῥόγγον* vocant, à verbo *ῥέγω*, vel *ῥέγω*, rhonnisso, sterto, qui sonitus non solum accidit apoplecticis, verum etiam profundè dormientibus, & vino præsertim somnoque sepultis: idque ob *ἀρρωστίαν τῆς τῶν νῦρων ἐνεργείας* debilitatem functionis nervorum: vel, ut alii dicunt, ob debilem motricis facultatis in musculos influxum. Quamvis respiratio etiam in Caro impediri possit, si vehementior causa adsit. III. Quia in fortè apoplexia homines non amplius ad se redeunt: redeunt autem qui Caro laborarunt. IV. Quia apoplectici neque sentiunt, neque moventur, si maxime vellicentur & pungantur, aut acclamentur: οἱ δὲ καρποῖς carotici, profundè quidem & indefinenter dormiunt, suntque apoplecticis similes: verum stimulatì, & compuncti oculos aperiunt, statimque claudunt, moventur etiam, sed debiliter & obscurè, non loquuntur tamen. V. Quia in apoplexia fortè omnimoda fit sensus, motus, principumque functionum privatio: in Caro nequaquam. Sentiunt enim, sed debiliter: moventur particulariter, sed obscurè & ægrè.

Qua Cataleptice sit causa, & quomodo generetur?

Affectus iste varias habet appellationes. Dicitur enim 1. *κάτοχος* καὶ *κατόχη* ἀπὸ τοῦ κατέχεσθαι, quod est occupari & detineri. Vocatur 2. *κατάληψις*, ἀπὸ τοῦ καταλαμβάνειν, prehensio, quoniam ægri hoc vicio subito corripuntur, correptique eo situ, formâ ac figurâ permanent, quâ fuere correpti. 3. Appellatur *Rigor*: quia rigidum & immobile corpus manet. 4. Nominatur *congelatio*, quia totum corpus videtur quasi gelu obrigescere. 5. *Stupor vigilans* nuncupatur, quoniam ægri sensu ac motu privati sunt, & quasi vigilarent, oculos habent apertos. Rarum est malum, & admirationis plenissimum: quod si sit vehementius & diuturnius, *ἔκστασις*, excessus vocatur, nimirum privatio sensus, motus, & principum functionum. Fit enim in illa, uti dictum, privatio sensus, motus & principum actionum. Ægri eo situ, eâque figurâ manent, quâ sunt prehensi, non audiunt, non vident, non moventur. Respiratio solum manet, & pul-

& pulsus. *In minori tamen malo, ægri nonnihil audiunt, vident, imaginantur, recordantur, & quæ adstantes loquuntur, percipiunt & postea referunt.* Immoti autem manent sine sensu tactûs, & voce. *Quæ causa sit malæ, omnino penè insuperabilis.* Propterea tot discrepantes Virorum etiam doctissimorum sunt sententiæ, quas ordine recensebimus.

An frigida & sicca intemperies partis cerebri posterioris, unde nervi prodeunt, in causa sit, quemadmodum Gorræus est opinatus?

Negatur. I. Quia nulla insignis intemperies fit subito & derepente. At cataleptici subito vitio isto corripiuntur. II. Quia nulla intemperies repente recedit. At cataleptici ad se brevi redeunt. III. Quia in vivente corpore non videtur tantam esse posse frigiditatem, quæ nervos & spiritus queat congelare.

Utrum in causa sit vapor implens membranas & medullam nervorum?

Hæc opinio, cujus Author *Hercules est Saxonia*, si esset vera, & paralytis, & convulsio essent in catalepsi. At isti affectus in illa minimè observantur. Rigida quidem sunt membra: at non paralytica. II. Neque convulsio, neque paralytis in tam exigui temporis spatium desinunt. Desinit autem brevi catalepsis.

An catalepsis fiat percussis spiritibus, ac receptis in intimos cordis sinus, ut voluit Scaliger exercitat. 312.

Spiritibus sic percussis ac receptis in cor, ait, ægros apertos quidem habere oculos, sed nihil videre, nihil etiâ audire. Verum huic sententiæ multa videntur obstare. I. Quia hoc in affectu non vitales, sed animales potius spiritus afficiuntur. Patet hoc ex

privatione sensuum, motûs atque mentis. II. Quia animales spiritus in tanta copia ad cor non perveniunt, ut animales functiones inde cessent. Vitales ed abire in copia posse, timor subitaneus vehemensque consternatio docent. III. Quia ob receptionem spirituum vitalium leipothymia potius, aut syncope fieret, quàm catalepsis.

Sitne catalepsis vera convulsio, ejusq; causa musculorum omnium extendentium & flectentium contractio?

Negatur. I. Quia in ejusmodi universali convulsione musculorum flectentium & extendentium acerbus est dolor. In catalepsi nullus. II. Quia in ejusmodi contractione membra facile flecti nequeunt. In catalepsi possunt: quod probatur exemplo illius cataleptici, qui describitur à *Fernelio l. 5. patholog. cap. 2.* Nam quicquid illi in os inferebatur, promptè vorabat; E lectulo sublatus solus consistebat; & impulsusque incedebat, & quocunque vel manus, vel brachium, vel crus inflectebatur, illic quasi fixum & stabile permanebat.

An in catalepsi spirituum animalium fiat è cerebro in nervos nimia effusio, & inde etiam in organa sensuum?

Non videtur. I. Quia hâc ratione privatio sensûs ac motûs non fieret. At in catalepsi fit. Antecedens probatur, quoniam sensuum privatio contingit ob defectum spirituum, præsertim verò illorum, qui continentur in organis eorum. Tantùm igitur abest, ut sensum tollat, ut etiam eundem exquisitiorem reddat.

An proxima catalepseos causa sit spirituum animalium immobilitas, fixatio, sive congelatio?

Latei sanè in hoc affectu *deus* is, cujus probabilis & sufficiens ratio dari non potest. Semper enim obstacula se offerunt, quacunq;

quæcunque tandem adferatur causa. Unde accidit, quòd tot Authorum sint sententiæ. Verosimile aliquid illi adferre videntur, qui dicunt, per congelationem non intelligi eam, quæ adedò vehemens sit, ut spiritus in modum aquæ congelentur: quemadmodum id fieri videmus tempore brumæ, quo aqua, aliique liquores vertuntur in aciem. Tale enim frigus in viventibus nobis minimè datur. Talis quoque congelatio subitò & ex improvìso in nobis non generatur. Talis etiam brevi minimè cedit. Spiritus etiam ejusmodi sunt corpora, quæ congelari verè non possunt, sed per congelationem intelligi volunt quandam spirituum stabilitatem, immobilitatem & fixationem. *Si queratur*: quamam illius fixationis & immobilitatis causa sit? *Resp.* Vaporem quandam figentem. Si iterum rogetur, unde is prodeat? *Resp.* Ab humore melancholico. Quà facultate? Sanè non manifesta, frigida & sicca. Ita enim & in melancholicos omnes, qui ejusmodi vapore & humore abundant, catalepsi caderet, quod tamen usus rerum & experientia redarguit. Oportet igitur fateri, vaporem istum figentem peculiarem vim acquisivisse figendi & immobiles reddendi spiritus. *Tales figentes* & congelantes spiritus observantur in spiritu fulminis, qui vinum in dolio congelat. Deinde in terræ motibus, cum è terra ejusmodi erumpunt spiritus, per quos homines & bruta repentè consistunt & rigida permanent. *Tertiò* in fodinis metallicis, è quibus tales exeunt spiritus, qui aquas congelant. *Quarò* in nitro, & multis aliis metallicis corporibus. De spiritu fulminis nota est historia *Cardani*, quid effecit in octo melloribus sub quercu cœnantibus. Tacti enim fulmine ita figebantur, & immobiles reddebantur omnes, ut similes viderentur statuis, & persisteret quilibet eorum suo in gestu, situ, & figurâ corporis: dùm alius poculum haberet in manu: alius cibum in ore: alius trullum labiis adnotam: alii exporrectam manuum ad capiendum panem &c.

Sed queri hîc denudò posset, quinam spiritus in catalepsi congelentur, figantur, fimentur, & immobiles reddantur? An omnes in universum? An qui sensui & motui? An qui phantasia & rationi inserviunt? *Resp.* Quidam omnes: sed præcipuè, qui destinati sunt sensui & motui. Sed videntur refutari posse illa

illa *Fernelij* historia, quâ scribit, quendam catalepticum devorasse, quicquid in os illi fuisset ingestum. Sublatum è lecto constituisse solum, impulsumque incessisse: non ergò figebantur spiritus omnes. Verosimilius ergò est figi præcipuè spiritus, qui phantasiæ, à qua motus regitur, ministrant.

An coma generari possit à causa calida?

Coma ἢ κατὰ σφοδρὰ, soporis, sive veterini species est, ut cataleptis, caros, apoplexia & lethargus. Dicitur κῆμα ὑπὸ τῷ καμῖνεν, quod significat somnum appetere. Καματώδης, dicuntur illi, qui præter naturam dormire cupiunt. Καταφορά, quod vehemens sit in somnum propensio. Est juxta *Galenum lib. de Comate* duplex: ὑπνώδης, somnolentū, & ἀγρυπνόν, vigil. In priori ægrotantes somno detinentur alto & diuturno: ut ægrè expergilci possint. In posteriori manent vigiles, eò quodd variæ rerum imagines ipsis obversentur, quæ mentem illorum movent, somnumque interrumpunt. Insomnes quidem extant ut plurimum, è lecto autem surgere, & vigilantium exercere opera nequeunt. Oculi namque eorum maxime gravantur, ac propterea clausi ferè sunt semper. Suntque aded in somnum propensi, ut credere possis, eos faciliè dormire posse. Verùm non solum non dormiunt, sed etiam spem dormiendi non habent. Utrisque commune est, oculos aperire & attollere non posse. Utrique gravitatem capitis sentiunt. Prioribus peculiare est, dormire, modò profundius, modò levius. Et ob id interdum difficilius, nonnunquam facilius expergiscuntur. Sunt expertes febris: quâ ratione differunt à Lethargicis. Respirant liberè, & ad se redeunt, compuncti etiam, vellicati, & acclamati evigilant, oculos aperiunt, audiunt, sentiunt, moventur: hocque pacto ab apoplecticis distant. *Qua causa sit*, disceptatur. *Hippocr. l. 3. Epidem.* scribit, phreneticos quosdam fuisse comatosos, & qui causo tenebantur. Tales quoque fuisse alios, in aliis maximis morbis, qui febrem habebant adjunctam. *Galen. comm. l. 3. Epid. §. 62.* dicit, coma istud creâsse materiz crassitiem, & præter cæteros iis, quibus caput erat affectum.

Est

Est autem in phrenitide affectum per se : in febribus ardentibus per accidens. Etenim calor febrilis pravos humores ad caput evehit. Sed tunc superabundabant humores crudi & frigidi. Idem *Galenus comm. 1. Lib. 3. Epidem. § 7.* scribit, accidere comam, cum cerebrum multâ confertum est humiditate, id quod etiam ebriis quibusdam usu venire solet. Addit fieri hoc vitium etiam ob frigiditatem. Aliquando ob causam utramque. Quinetiam propter infirmitatem virium talem affectum accidere jam morientibus, asserit, adeo ut apertas servare palpebras non valeant.

Ad præsens ergo quaesitum respondetur, proximam causam comatis somnolenti esse, quæ spiritus animales impediat, quod minus in organa sensûs & motûs influere queant. In specie autem hunc influxum impedire non unam & solam causam, sed variam & multiplicem. *Primum quidem phlegmatica* materia sese offert, quæ frigida & humida. Hæc spiritus reddit pigros atque ignavos ad motum suâ frigiditate. Utrâque autem qualitate, frigida & humida, crassos & turbidos, qui non facile per consuetos meatus tranare queunt. Unde videmus, phlegmaticæ complexionis homines somnolentos esse, atque in somnum proclives. Profundiùs etiam dormire, ut ægrè possint expergisci. *Experimur* etiam Lethargicos somno quasi sepultos esse, idque unanimi authorum de sententia. At Lethargus ex pituita putrescente nascitur. *Novimus*, hyberno tempore homines ad somnum magis proclives esse, quàm aliis anni temporibus. At hyeme pituita in nobis abundat. *Scimus*, esum piscium, olerum, lacticiniorum crebriorem, phlegma generare, ejusque causa homines facere somnolentos. *Comperimus habemus*, senes in somnum esse pronos. At illis caput phlegmate est repletum, ob caloris infirmitatem, illius genitricem. *Nec nos latet*, puerulos, quibus caput humidius, quique lacte & lacticiinis vescuntur, frequenter admodum dormire. *Secundo loco* vapores & halitus nobis occurrunt: iique vel ex cibis flatulentis, frigidis item atque humidis exuscitati: vel ex humoribus crudis, crassis & pituitosis geniti. Nam & istos somnum inducere omnibus est in consensu. Hinc in febribus quibusdam, aliisque morbis frigidis atque humidis non raro in somnum

somnum crebrius ac diuturnum ægrotantes cadere solent. A febrili namque calore ejusmodi vapores ex cruda crassaq; materia educuntur, qui ad caput sublatis spiritus faciunt ad motum pigros atque ineptos: meatusque eorum obstruunt, quò minus ad organa sensus & motus derivari queant. *Tertiam causam* dant Neoterici quidam, qui volunt, causam comatis esse peculiarem quandam vim *vapores*, eamque vaporibus & halitibus in febribus malignis, aliisque nonnullis affectibus venenatis impressam, quæ torpidos, & ad actiones obeundas animales ineptos reddat spiritus animales. Halitus autem illos elevari à ventriculo, intestinis, vermibus, utero, &c. *Probant* suam opinionem exemplo medicamentorum narcoticorum, quæ somnum hominibus conciliant. *Confirmant* eandem etiam hoc pacto: quia multa sunt simplicia frigida, quæ tamen somnum non inducunt: ut aqua, acetum, Acetosa, Plantago, Endivia, Cichorium, Mora Cerasa, &c. Multa quoque calida sunt, quæ homines in somnum conjiciunt, ut vini potus nimis, Crocus, &c. Multæ denique febres existunt, in quibus halitus elewantur crassi & frigidi, neque tamen homines *κοματίζουσιν* faciunt. Cæterum quod *κόμα*, aliquod etiam à causa calida oriri possit, ostendit coma vigil, quod ex miscella humoris pituitosi & biliosi nascitur. Pituita enim homines in hoc affectu reddit ad somnum proclives: sed bilis dormire eos non sinat. Habent igitur oculos clausos, & somni valdè sunt cupidi, sed quietem illis adimit bilis. *Hanc eandem* calidam Comatis causam probabilem quoque faciunt febres nonnullæ, & præcipuè earum accessiones. Nam à somno sibi laborantes temperare non possunt. At causa est calida, vapor scilicet copiosus & crassus, ex putrida materia, quæ & ipsa calida, elevatus,

An Coma sit actio depravata?

Cùm coma neque per se & formaliter sit intemperies, neque mala compositio, neque continui solutio, patet morbum non esse. Sequitur ergò esse symptoma, cùm sit affectus p. n. & causæ rationem habere nequeat. Itaque si symptoma est, queritur an sit mutata qualitas, an excretio, an suppressio, an læsa actio: At nihil est duorum priorum symptomatum. Erit ergò

ergò laxa actio. At auctio non est, quia animales functiones quiescunt. Erit igitur vel diminuta, vel abolita. Non est autem diminuta, præfertim coma somnolentum, quoniam diminuta actio adhuc fit, sed imperfectè: quemadmodum patet in gravitate auditus, caligine visus, stupore, qui est difficultas in motu & sensu. At in comate somnolento actiones animales prorsus cessant & feriantur. Erit ergò actio abolita: sed ad tempus solum, donec causa sit sublata. In comate vigili videtur quædam esse actionis animalis diminutio: quoniam inclinatio quidem & propensio est ad somnum: attamen dormire nequeunt ægri, ob varias imaginationes, quibus turbantur, & placidum capere somnum non possunt.

*An qui post exantlatos labores, vigilias,
balnea, &c diu multumq; dormi-
unt, rectè dicantur comate
laborare?*

Minus rectè. I. Quia coma tantum ægris accidit, non sanis. At hic præsupponitur, homines post labores, vigilias, & balnea, sanos esse. II. Quia neque vigili, neque somnolento laborant comate. Non vigili, quoniam continuo dormiunt, nec ob varias imaginationes interruptos habent somnos. Non somnolento: quia facile expergefiunt, & expectati sua obire munia possunt. At *καταδύει* ægrè admodum excitantur, & excitati somnum rursus appetunt, neque suum facere officium possunt.

*Quæ moderatarum vigiliarum sint com-
moda, quæ nimiarum & enor-
mum detrimenta?*

Ut nullum animal perpetuo dormit, ita nullum perpetuo vigilat. *Ἀδύνατον γὰρ αἰετὶ ὑπνέειν*, inquit *Peripateticorum Princeps I. de vigil, & somno*. Quemadmodum verò somnus moderatus corpori & animo vehementer prodest, immodicus plurimum obest: sic vigiliz immodicæ, utrique valde sunt proficue:

M

nimis

nimirum contra admodum detrimentosa. Hinc *Hippocr. aph. 3. sect. 2.* Somnus & vigilia modum si exceſſerint, malum eſſe inquit, quia nihil quicquam bonum, quod naturæ mediocritatem excedit, *aphor. 4. sect. 2.* Omne quippe nimium naturæ inimicum, *aphor. 51. sect. 2.*

Sunt verò moderatarum vigiliarum ſequentia commoda. Nam ſpiritus & calorem in omne corpus diſſundunt: alimenti diſtributionem adjuvant: excrementorum evacuationem promouent: ſenſus excitant, & promptos, celeres, alacresque reddunt: vires omnium partium recreant atque erigunt: efficiuntque, ut officium nobis demandatum faciamus. Immoderate contra ſpiritus exhauriunt, calorem nativum diſſipant: humidum primigenium abſorbent: corpus totum, & præſertim cerebrum ſiccant: vires omnes demoliantur: concoctionem impediunt: cruditates pariunt, & hinc plurimos morbos procreant: in choleſticis bilem inflammant: hincque phrenitidem, febrem ardentem, aliosque acutos morbos excitant: ſenſus obſcureſcunt: mentem perturbant: motum reddunt languidum, pigrum & inertem: accendendo ſpiritus, ſanguinem & bilem cephalalgiam, oculorum rubedinem, vertiginem & deliria inducunt.

Quæ ſunt immodicarum vigiliarum cauſæ?

Quæritur hic non de illarum vigiliarum cauſis, quæ ſunt ex propoſito & de induſtria, ſcil. quando quis ob negotiorum expediendorum multitudinem, aut ſtudiorum ſcriptionumve neceſſitatem urgentem diutius vigilare tenetur: ſed de illis vigiliis ſermo eſt, cum homo, qui dormire debet, & etiam cupit, vigilare cogitur, & cum vigiliæ ipſi ſunt moleſtæ & detrimentoſæ. Has vigilias Græci *εγρησιν*, Latini pervigilium nuncupare ſolent. Investigantur autem immoderatarum vigiliarum cauſæ ex cauſa generali ſomni naturalis. Cum enim ſomnus & vigiliæ ſibi invicem opponantur, neceſſe eſt, ut cauſas habeant contrarias. Generalis verò naturalis ſomni cauſa eſt, ſpirituum animalium à cerebro in organa ſenſuum detentio

detentio, five quies & quædam quasi feriatio. Sequitur ergò nimiarum vigiliarum causam proximam esse spirituum animalium denegatam quietem, & continuum in sensuum organa influxum. Mediata causa varia sunt ac multiplices: internæ ac externæ. In genere duæ: I. Vaporum, qui spiritus animales sopiunt, aut nervorum principium, & orificia obstruunt defectus. II. Spirituum animalium turbatio, agitatio, & commotio. Deficiunt autem vapores illi tribus de causis: I. Quia à causa aliqua calida & sicca, interna, vel externa consumuntur. II. Quia deficit alimentum, ut fit in inediis. III. Quoniam alimenta, quæ assumuntur, vapores & halitus suaves nullos subministrant, qui nervorum orificia obstruere possint. Spiritus verò turbant, agitant, & inquietos reddunt plurima, tum externa, tum interna.

Ex albo causarum externarum sunt sequentes. I. *Aër* valdè & intensè calidus, qualis esse solet tempore caniculari. Eo enim, ut & aliis temporum constitutionibus fervidioribus, conqueruntur plerique, quoddam placidum capere somnum nequeant. Idem fit, si in conclavi plus æquo calefacto dormire cogantur. II. *Ciborum copia*, aut caliditas & acrimonia. Illa enim corpus gravat, & spiritus turbat: hæc eosdem concitat & inquietat. III. *Strépitus soni*, punções & vellicationes, acclamationes. Spiritus enim quiescere non sinunt. IV. *Vini* meracioris potus. V. *Lux* & splendor solis, ignis, &c.

Ex genere internarum causarum spiritus animales turbantium & agitantium sunt. I. *Cerebri intemperies* vel sicca, vel calida & sicca simul: cum aut sine materia. II. *Dolores aceros*, quales experimur in cephalalgia, cephalæa, hemicrania, clavo, ophthalmia, otalgia, odontalgia, parotidibus, angina, pleuritide, nephritide, cardialgia, colicâ & iliacâ passione, arthritide, &c. III. *Vacuationes immodicæ*: cuiusmodi observamus in hæmorrhagia narium, cholera, dysenteria, diarrhoëa &c. IV. *Vapores calidi, acres*, salsi, mordaces, quales sunt præcipuè biliiosi & atrabillarii, qui in febribus sunt frequentes. V. *Tussis*, dyspnœa, orthopnœa in affectibus pectoris & pulmonum, hydropis etiam speciebus. Tales enim dormire ægros minime sinunt: vel si obdormiant, suffocationis incurrunt periculû.

VI. *Graviora animi pathemata* : utpote curæ, sollicitudines, mœror, timor, amor inſanus, gaudium & ſpes de futuris animi, corporis, aut fortunæ bonis magna. VII. Humores fervidi in cerebro exiſtentes, ſpiritusque inflammantes & agitantes : ſcil. ſanguinei, bilioſi, atrabilarii; ex quibus duo poſteriores in phreniticis & maniacis potiffimùm obſervantur.

Quot modis nimias compeſcamus vigilias?

Non hîc quæſitur de modis removendi vigiliarum cauſas. Conſtat enim pro varietate cauſarum, curationem quoque variari. Alia enim requiritur cura, cùm vaporum defectus vigilias parit : alia, quando ſpirituum agitatio illarum eſt cauſa. Sed quæſtio eſt de applicatione remediorum, quibus ſcil. partibus illa applicentur. Applicantur autem in genere vel intus vel foris. *Intus*, cùm aſſumuntur in forma potionis, pilularum, electuarij, emulſionis, ſyrupi. *Foris*, cùm admoventur fronti, temporibus, capiti, naribus, volis & carpis manuum, plantis pedum, teſticularis, ſub ſpecie unguentorum, oleorum, aquarum mixtarum ſoporiferarum, emulſionum, emplaſtorum, cataplaſmatum, ſuffituum, odoramentorum & pomorum ſomniferorum, naribus applicitorum, pediluviorum. *Pilula* hypnoticæ conficiuntur præcipuè ex Laudano, Opiato *Paracelſi*. *Electuaria* ſunt Requies *Nicolai*. Philonium Romanum. Philon. *Mefue*. Philon. Perſicum. Micleta. Mixtura ex Conſerva Nymphææ, Violar. Roſar. Lactuc. condita. *Emulſiones* parantur ex aqu. Lactuc. Nymph. Solan. Papav. alb. Semperviv. & ſem. Papaver. alb. Lactucæ. *Syrupi* ſunt ſyr. Papav. ſimpl. & compoſ. Syr. Nymph. ſimpl. & compoſ. Syr. Violar. Diacodium. *Unguenta* ſunt Populeon. & ſoporiferum. *Olea*, oleum Nymph. Papaver. Solen. Violar. Sambucin. Anethin. Hyoſcyami, Mandragoræ. *Capiti lotiones*, pediluvia, aliæque compoſitiones fiunt ex Lactuca, Nymphæa, Foliis vitis viniferæ & Salicis, Capitibus Papaveris, Roſis, Violis, Solano, Anetho, &c.

Qua

Quâ facultate hypnotica & narcotica vigilias sedent, somnumq; accersant?

Duas hoc de quaesito legimus sententias. Alii enim credunt, talia remedia vigilias pellere, & somnum conciliare vi manifesta. *Nonnulli* persuasum habent, hoc illa agere qualitate *cœcâ* atque occultâ. Priores rursus inter se dissentiunt. *Quidam volunt*, dicta medicamina esse frigida, & plurimos frigidos crassosque vapores ad caput ablegare, qui orificia nervorum obstruant, & faciant, quò minùs spiritus animales ad organa sensuum ac motùs abire valeant. Autumant enim, causam immodicarum vigiliarum esse nimiam meatuum illorum, per quos spiritus animales ad sensùs & motùs organa influunt, apertionem: & propterea necessum esse, ut meatus illi à frigidis crassisque illis vaporibus occludantur. Quod cum factum, somnus irrepere solet. *Aliqui* concedunt quidem, hypnotica & narcotica frigida esse, sed aliâ ratione somnum conciliare: scil. non exhalando crassos frigidosque vapores in caput, & nervorum orificia, sed frigoris excessu spiritui animali aditum ad organa sensùs & motùs intercludendo.

Verùm satius est nostram fateri ignorantiam & mentis caliginem, ingenuè dicendo, hypnotica & narcotica somnum inducere non manifestâ aliquâ qualitate, quæ frigida, sed occultâ & peculiari, quâ spiritus sopiunt, & torpidos quasque immobiles, & ad obeundas actiones animales ineptos reddunt. Eam *Chymici* consistere ajunt in spiritu quodam sulphureo: huncque ex odore & inflammabilitate, ac resolutione probant. Cerebrum autem & nervos adit, vel odore illius naribus attracto, vel per poros cutis eò penetrans, vel intrâ corpus sumptus.

Quòd autem narcotica & hypnotica suam vim frigidâ qualitate non exerant, sequentibus probari potest rationibus.
I. Quia ne frigidissima quidem corpora, qualia sunt aqua, grando, nix & glacies, inter hypnotica & narcotica recensentur.
II. Quia multa, quæ calida, somnum & *πάθος* invehunt: ut

M 3

Anethum,

Anethum, Semina Cannabis, Lupulus, Crocus &c. III. Quoniam rationi haud videtur consentaneum esse, quod Opium in parva admodum quantitate haustum, v. gr. ad gr. ij. & iij. aut ad summum ad grana iij. tam copiosos ad caput mittere possit vapores, qui non solum id insigniter refrigerent, sed etiam officina nervorum obstruant, & somnum provocent. IV. Quia non omnia *ναρκωτικά* & *ύπνωτικά* ejusdem sunt temperamenti, sed quædam frigida, ut Mandragora, Hyoscyamus: quædam verò calida, ut suprà recensita, imò & Opium ipsum, quod tamen inter *ναρκωτικά* principem tenet locum. At vero videtur simile, quod idem effectus, *νάρκωσις* & somnolentia, ab eadem proficisci facultate & qualitate debeant. Opium autem non frigidum, sed calidum esse, exinde probatur: quia est amarum, acre, sicciculosum: adhuc quoniam *ἀφροδισιαστικόν*: sudores movet: animum inflamat, redditque homines penè furiosos.

Cur æstivo tempore somni sint breviores, hyberno longiores?

Hyeme somni in sanis corporibus sunt longiores I. Ob noctium longitudinem. II. Ob illarum frigiditatem. III. Ob eandem humiditatem. IV. Ob caloris ubertatem. Ventres enim vere & hyeme *φύσει* sunt calidissimi, inquit *Hippocr. aph. 15. sect. 1.* idque propter frigoris *ἀντιπερίσσειαν*: ob quam cutis pori condensantur, calorque minùs exhalat. Quod autem calor est uberior, eò & *χύλωσις*, & *αἱμάτωσις* fit melior. Quòque major copia bene cocti adest sanguinis, eò halitus & vapores suaves sunt copiosiores, qui cerebrum petentes, & nervorum obstruentes poros somni sunt causa. V. Ob tranquillitatem & tenebrositatem noctium hybernalium diuturniorem. Citiùs namque æstivo tempore homines vigilanti, citiùsq; ad munia sua obeunda surgunt, quoniam citiùs etiam diescit. Æstate somni sunt breviores ob causas contrarias: scil. *ob noctium brevitatem, caliditatem*, maximà eà illius parte, quâ sidus caniculæ flagrat, & *siccitatem*, quæ tùm est major quàm hyeme. Itemque ob *concoctionum infirmitatem*. Causa est, caloris debilitas: qui à calore ambientis ob cutis poros apertos evocatur: itemq; ob *acetariorum* & fructuum horarum

horæorum crebriorem esum : *potioni* copiam & frequentiam, sitis causâ institutam, quæ ob calorem & siccitatem in ætate urget : ob *corporis denig, nuditatem*. Homines enim *levius* sese in ætate vestiunt : *nudi* sæpè noctu dormiunt : vestesque calore urgente frequentius deponunt : quò fit, ut calor natus haud mediocriter debilitetur.

*Cur pervigilium pariant cura , gaudia,
amor, odium, ira, timor, dolor, iussus, asthma,
calida & sicca cerebri dyscrasia, va-
pores biliosi & melancholici?*

Cura pervigilii causæ sunt, quia spiritus animales turbant, nec quiescere aut ferari sinunt. Influunt ergò continuè in sensuum organa. Eadem causa est, quòd & *gaudia* illud efficiant. Est enim gaudium secundum *Scaligerum exercit. 299. §. 2.* recens animæ elatio atque effusio. Vel, ut idem habet *exercitat. 317. sect. 2.* voluptas, faciens effusis spiritibus animum sese effertentem.

Eadem *Averrhois*, qui secundum *Scaligerum* est affectus unionis, *exercitat. 301. sect. 5.* Rei quippe valdè amatæ species fortiter imaginatione imprimitur, spiritusque perpetuò movet, nec quiescere facillè sinit. Id quod *Virgilius de Didone l. 4. Æneid.* scribit : quam gravi curâ sauciatam fuisse, vulnus aluisse venis, & cæco carptam fuisse igni, hæsisse *Ænea* vultum illius pectori infixum ; verborum & sermonum ejus memoriam indefinenter coluisse, neque curam illam membris placidam dedisse quietem : *Didonem* vidisse & audivisse *Æneam* amatum suum, etiam absentem, testatur.

Eadem causa est, quòd *odium, ira & timor* pervigilium creent. Turbant enim spiritus, eosque movent & agitant, idque ob impressam imaginem rei molestæ, abominabilis, & noxiæ.

Dolor pervigilium facit, quia sensum quiescere non sinit. *Insu* idem causatur, quoniam expultrix facultas ad expulcorandum

pectorandum id quod molestat, irritatur; & in consensum postea motrix trahitur.

Asthma dormire non permittit, quoniam motus est suffocationis. Sollicitatur ergo expultrix ad expectorandum.

Calida & sicca dyspnoea vigilias creat, quoniam spiritus animales consumit & discutit.

Vapores biliosi cerebrum accendunt, spiritus animales turbant, & quiescere non concedunt.

Vapores melancholici metum, terrorem, variq; *εὐράδευα* pariunt, quæ placido somno hominem privant: ob fortem illorum impressionem.

Utrius excessus sit deterior, vigiliane, an somni?

Vigiliæ, sequentibus de causis. I. Quia vigilie modum excedentes & diurnæ calidum nativum, in quo vita potissimum consistere dicitur, demoliantur & oppugnant. Calorem enim naturalem dissipant, spiritus exhauriunt, humidum primigenium exsiccant. II. Quia vires vehementer prosternunt. III. Quia concoctionem impediunt, & cruditates pariunt, calorem discutiendo, quæ plurimorum eorundemque magnorum morborum genitrices sunt fecundissimæ. IV. Quia bilem in naturis & complexionibus cholericis inflammant, & sic morbos acutos atque præcalidos gignunt. V. Quia somno in paroxysmis febrium, viscerum inflammationibus, pestis initio, mox à purgatione, & venæ sectione interdicitur: vigiliis nequaquam. VI. Quoniam vigilie diurnæ semper commendantur: meridianus verò somnus à plerisque reprehenditur. VII. Quia videmus, bruta pleraque plus semper vigilare, quàm dormire: Signum haud leve, quòd vigilia modum excedens minus lædat, quàm somnus. Denique, quia vigiliis, tantquam ad conservandam sanitatem, utilioribus, octava duntaxat diei naturalis pars conceditur: somno reliquæ dux partes: eò quòd nimix vigilie magis nocent quàm somnus.

Quinam dicantur melancholici?

OMnes illi, qui naturâ vel victu, aut ægitudine quâdâ melancholici facti. Etenim quidam à melancholicis nascuntur parentibus, & melancholici fiunt intervntu suorum principiorum, feminis & sanguinis materni. *Nonnulli* tales evadunt *ob cibos* crassos & faculentos: aquas palustres & lacustres: vitam otiosam & sedentariam: mororem & luctum diuturnum: suppressionem hæmorrhoidum fluxus. *Aliqui* ex morbo quodam melancholici redduntur: quando v. g. in febribus ardentibus bilis flava, aut sanguis, adurit, & in bilem atram convertitur. Hi enim omnes faciliè in morbos incidunt melancholicos, utpote in febrim quartanam intermittentem & continuam, melancholiam hypochondriacam, lienis tumorem & obstructionem, maniam, cancerum &c.

Quæ sint indicia, ex quibus cognosci queat, hominem esse melancholicum?

Per melancholicum nunc inaudimus illum, qui talis est ob naturam melancholicam, & qui multum humoris melancholici in se habet, qui frigidus est & siccus: quique fax & limus sanguinis appellatur.

Signa autem melancholici hominis petuntur partim à corpore, partim à moribus & pathematibus animi. *Corpus* illius nigrum, aut fuscum est; pili itidem nigri sunt, crassi, duri & asperi: habitus corporis macilentus est, siccus, durus, & mediocriter pilosus. *Quoad animi mores* & pathemata, timidus est melancholicus, tristis, taciturnus, meditabundus, constans, & perseverans suis in conceptibus & opinionibus; somnus illi est turbulentus, agitatus spectris rerum nigrarum, fumorum, cadaverum, sepulchrorum, quæ plena sunt terroris: appetitus sæpè corruptus, interdum caninus cum ructu acido.

Quod si homo fuerit atrabilarius, nimirum ob adustos & præassatos humores quoscunque, maximè verò ob adustam bilem flavam, tunc recensita quidem signa etiam elucebunt.

N

verum

verum cum quâdam caloris effervescentiâ. Omnia quippe ex mediocritate in summum devertunt ardorem. Causa est, quoniam ex atra bile calor emergit acrior, quàm ex bile flava. Ideoque hinc animi mores & insomnia magno furore, magnâque feritate insurgunt, sic docente *Fernel. l. 2. παθολ. c. 15.*

*Qua actio animalis princeps in melancholia semper, qua sapè, qua nunquam
lædatur?*

In omni melancholia semper imaginatio læditur. Depravatas enim habent impressiones: alii alias: & quidem tot, ut verbis exprimi nequeant. Quilibet enim melancholicus peculiare aliquid, quod tamen falsum, sibi imaginatur. Exempla extant plurima apud *Marcellum Donatum, Schenckium, Forestum, Platerum*, alios. Nihil enim tam absurdum, ineptum & ridiculum sanis occurrere potest, quod melancholici sibi non imaginentur. Causa varietatis est varia humorum dispositio, varium vitæ genus, cogitationes variz &c. Mens & ratio non semper læditur. Læditur quidem, ait *Aretæus l. 1. de caus. & sign. morbor. diuturnior. c. 7.* & aberrat in una aliqua re, falsa tamen plerumque, quam veram esse ægri arbitrantur, & circa illam depravatæ phantasiz assentiuntur: dereliquis autem rectè & accommodatè ratiocinantur. Quidam enim mœrent & timent sine causa: & tamen probè intelligunt, se temerè timere, ac tristitiâ affici. *Forestus* refert, mercatorem quendam optimè fuisse ratiocinatum, conquestum autem unicè, quod ad extremam redactus fuisset paupertatem. Memoria verò permanet. Observatum enim melancholicos quosdam in ipso melancholico delirio, vel epistolas egregias, vel elegantia carmina scripsisse. Quod sine memoriæ præsentia & rationis constantia præstare minimè potuissent.

*An læsa phantasiâ in melancholiâ ratio
salva manere possit?*

Phantasia in melancholia læsa est, h. e. corrupta & depravata perpetuò. Ratio ut plurimum etiam deficit. Id quod
sapè

ſapè ex diſcurſu melancholicorum patet. Sed tamen experientia teſtatur, quòd interdum ratio conſtet. At quomodo hoc fieri poſſit, quaeritur: cùm intelligentem oporteat ſpeculari *phantasia*. Quare ſi hæc falſa ſunt, videtur rationi conſonum eſſe, ut ipſa quoque ratio aberret. At experientia teſtatum facit, melancholicos quosdã appoſitè ad interrogata reſpondere: imò etiam carmina & epiſtolas, ut dictum, ſcripſiſſe ſatis congruas. *Reſponderi* forſan ad difficile iſtud & obſcurum problema poſſet, ſi phantasia in melancholico affectu in ſummo gradu corrupta non ſit, poſſe adhuc intellectum conſtare, ſi non in omnibus, ſaltem in illis, quæ non ita firmiter melancholici ſibi impreſſerunt. Scribit namque *Aretæu* l. 1. *de cauſ. & ſignis chronic. morb. c. 5*, errorem committi poſſe in melancholia in re aliqua una, quam ſcil. ægroti ſibi fortiter impreſſerunt: in reliquis autem iudicium conſtare, aded ut & intellectus benè ſeſe gerat. Vel dici forſan poſſet, intellectum etiam circa illas rerum ſpecies verſari, quæ memoriæ, tanquam arculæ, ſive ciſtulæ cuidam fuerunt impoſitæ. Ideòque licet *phantasia* aliquid abſurdi intellectui offerat, tamen ſi ſpecies antè perceptæ adhuc in memoria retineantur, & intellectui offerantur, tùm errorem illum & depravationem phantaſiæ cognoscere ac corrigere poſteſt: ſi ſcil. animadvertat, *phantasia* illa, quæ illi depravata *phantasia* exhibet, illis circumſtantiis, quas adhuc memoria adſervat, non convenire.

Utrum melancholia hypochondriaca & affectio hypochondriaca ſint unum & idem?

Negatur: I. Quia affectio hypochondriaca latiùs patet. II. Quoniam non omnes hypochondriaci melancholici ſunt. III. Quia in affectione hypochondriaca non eſt neque mœror, neque metus ſemper. IV. Quia in illa non, ut in melancholia hypochondriaca unus humor mali cauſa eſt, ſcil. melancholicus, verùm etiam alii multi: utpote phlegmatici, bilioli, aduſti, ſeroſi, &c. V. Quia materia peccans poſteſt in ea latitare in variis locis: v. g. hepate, liene, meſenterio, ramis arteriæ

cœliacæ, & venæ portæ, quæ omentum, ventriculum, & pancreas perreptant. VI. Quoniam in affectione hypochondriaca multò plura observantur symptomata, quàm in melancholia hypochondriaca.

*Nim una solum species sit melancholia
hypochondriaca?*

Nequaquam: sed duas ponunt Authores, quæ plurimùm esse discrepant: tùm ratione causæ, tùm ratione symptomatum. Hinc una mitior est: altera verò deterior. Illa fit ex humore melancholico, qui frigidus est & siccus. Hæc ex attâ bile procreatur, non tamen valdè adusta, aut torrefacta. Aliàs maniam generaret. In illa metus est & tristitia: in hac verò nequaquam: sed morositas quædam & audacia. Sentitur in ea æstus in præcordiis, ob humoris fervorem. Percipitur & magna arteriarum in præcordiis pulsatio: Cor quoque palpitât. Incaluit humor vel morâ diuturniore in liene, hepate, aut venæ portæ ramis, qui per mesenterium, omentum & pancreas disseminantur. Causa quoque est victus calidior, exercitatio corporis crebrior & vehementior.

*Qua sit causa, quòd melancholia hypochon-
driacâ laborantes non continue deli-
rent, tristentur & timeant,
sed per intervalla?*

In confesso est, melancholiâ istâ affectos delirare quidem sine febris, & quidem cum mœrore ac timore, verùm non continue, sed intervalla habere notatu digna. Videmus enim eos nonnunquam frontem exporrigere, & hilares esse: rursus tamen iterum in mœstitiam & metum incidere. Causa videtur esse vapor & humor melancholicus, vel in liene, vel in hepate, vel in mesenterio, vel in venæ portæ ramis, qui omentum, pancreas, ventriculum, vicinasque partes perreptant. Is quidem, ut causa proxima: hic verò, ut remota & mediata. Quando.

Quando ex humore melancholico vapor exuscitatur, ascendit ad cerebrum, & spiritibus animalibus permiscetur. Cùm verò crassus sit, ater & tenebricosus, eos conspurcat, & delirium parit, ut ægri multa falsa sibi imaginentur, & non metuenda metuant, ac sine causa contristentur: duratque delirium istud, tamdiù, quamdiù vapor iste spiritibus est permistus. Ubi autem discussus est, dissipatus, & per poros capitis evacuatus, delirium finitur. Quando verò vel ob victum, vel melancholicam viscerum constitutionem humor genitus est novus, novus iterum vapor exuscitatur: qui perinde, ut prior, elevatur, spiritibusque permiscetur, & delirium priori simile producit. Non diffitemur tamen, vapores istos ascendentes etiam cor, quod animi perturbationum sedes est ac domicilium, ferire, & mœrorem ac timorem invehere: præsertim quando causa mali in liene latet. Hic enim cum corde ratione suarum articularum, quæ & numerosæ sunt, & effatu dignæ, magnum consensum habet.

*Cur melancholià vexati hypochondriacâ
præter delirium ac mœrorem, etiam
plurima patientur sympto-
mata?*

Melancholicos istos delirare, timere, & tristitiâ affici, notum est omnibus. Sed præter hæc symptomata patientur quoque alia plurima: v. g. in auribus tinnitus, strepitus, susurros: in oculis caliginem: in cerebro vertiginem: in meningibus dolorem: in arteriis pulsationem molestantem: in corde palpitantem: in thorace angustiam, & quandam spirandi difficultatem: in somno terribilia φαντάσματα, quanquam etiam non rarò vigiles & insomnes traducant noctes: in ventriculo ructus, fluctuationes, inflationem: in hypochondriis flatus, æstum, sputum emittunt multum: ventriculus dolet: malè concoquit: aliquando etiam cibos crudos evomunt, & unà cum illis etiam phlegmata acida, à quibus dentibus stupor, qui αἰμαδία appellatur, inducitur. Horum autem symptomatum

diversorum diversas partes afficientium causa est, quia illa non uno in loco manet, sed ad varias partes dispergitur. Ideoque pro diversitate illarum etiam diversa oboriuntur symptomata. Vapor quippe melancholicus & ad cerebrum, & ad sensuum organa, oculos præcipuè & aures, & ad cor, & ad thoracem, ascendit. Ventriculus autem, cum causa mali in liene consistit, non parùm offenditur: ex quo & concoctio ejus læditur, & inde tum eructationes, tum pyelismi, tum fluctuationes, tum inflationes, tum murmur in hypochondriis, tum æstuationes in iisdem, tum vomitiones, & ex acidâ cruditate stupor dentium enascitur. Ἀνίπαξία enim viscerum hinc oboritur, hepar calet: ventriculus friget: superfluis etiam humoribus à liene oneratur.

Cur non omnia enumerata symptomata in omnibus melancholicis appareant?

Causa facilis est & perspicua. Quod enim plures partes ab humore melancholico ejusque halitibus afficiuntur, eò plura etiam symptomata inde exurgunt: quia diversarum partium diversæ sunt actiones, & proinde pro earum læsione etiam diversa sese offerunt symptomata. Pauca materia uno in loco contenta, pauca invehit symptomata. Copiosa verò, & pluribus in locis coërcita, plura, & eò quidem plura, quod ad plures partes illa sese extendit.

An cor in melancholia sit affectum?

Cerebrum in melancholia affectum esse, extra controversiam est. Liquet enim hoc ex læsis functionibus animalibus, phantasia, quæ læsa perpetuò: & ratione, quæ aliquando unà cum phantasia est corrupta. Patet etiam ex curatione, quæ cerebro adhibetur. Offenditur autem cerebrum ut pars similis: quoniam temperatura ejus est mutata. Quod autem cor quoque in melancholia sit affectum, manifestum est ex animi pathematibus, quibus melancholici agitantur: ut sunt timor, mœstitia, odium, morositas: aliquando & gaudio melancholicorum

cholicorum aliqui afficiuntur : illi præsertim , qui sibi imaginantur , se ab amariis amari , esseque in magnis honoribus & dignitatibus constitutos : abundare divitiis : specie & formâ corporis superare alios , &c. Observandum autem hic est , quod cor aliquando coafficiatur : affectu scil. sympathetico , non protopathetico : interdum verò priùsquàm cerebrum laboret : efficiat tamen , ut & cerebrum in consensum rapiatur. Nam quando cerebrum ex nimis studiis , meditationibus assiduïs , aut vigiliis in melancholiam incidit , melancholia orta dicitur cerebro *παῖτος* affecto : cor autem postea unà afficitur , ex imaginatione rerum tristem , noxiarum , & cum magno aliquo periculo junctarum. Tunc enim timor , mæror , & aliæ animi perturbationes oboriuntur , scil. ex falsis & corruptis impressionibus , quæ cordi subministrantur. At cum cor mærore & metu diù fuit conflictatum , necesse est , ut bona illius temporis tandem vitietur. Quo factò , accidit , ut spiritus generentur impuri , & tenebricosi , ex simili sanguine : quæ corpora , si communicentur cerebro , & foveantur nova suppeditatâ materiâ , evenit , ut melancholia inde nascatur : quia ab ejusmodi vitalibus spiritibus & sanguine etiam animales spiritus inficiuntur. Utrumque ergò accidit , I. Ut cerebrum priùs lædatur , & secum postea in consensum trahat cor : falsis , sed tristibus & terribilibus phantasmatibus cordi oblatis. II. Ut cordis affectus præcedat ex mærore , metu , curis & sollicitudinibus diuturnis : ad quæ animi pathemata tandem etiam melancholicus invehitur affectus.

An melancholia à nuda intemperie, immateriali scil. fieri possit ?

Cerebrum in melancholia pati ut partem similitarem , h. e. lædi in sua *ὑπόσει* est notorium. An verò materia melancholica semper requiratur , controversitur ? Opinamur melancholiam semper ab intemperie materiali , quæ cum humore vel vapore opaco , tenebricoso , impuro , atque obscuro juncta sit , originem trahere : moti rationibus sequentibus. I Quia solis alterantibus , calorificis scil. & humectantibus remediis , non

non curatur: sed oportet etiam vacuantia adhibere, quæ tùm corpus totum universaliter, tùm cerebrum particulariter purgent. Unde & pharmaca dejectoria, & vomitoria, & clysmata, & errhina, & masticatoria, & ptarmica Practici præscribunt: quæ sanè præsidia materiam aliquam esse præsupponunt. II. Quia præter hæc vacuantia etiam divertentia usurpant: tùm per dicta medicamina: tùm etiam per balnea inferiorum partium, frictiones, ligaturas, fenticulos &c. III. Quoniam nuda & sola frigida siccaque cerebri intemperies non ea symptomata excitare solet, de quibus melancholici conqueruntur. Adest enim metus, mæstitia, morositas, averfatio consuetudinis cum hominibus: quæ symptomata ab humore & vapore melancholico prodeunt. IV. Quia melancholici insomnia habent turbulenta & terroris plena. Videntur enim sibi videre spectra nigra, fumos, cadavera, sepulchra, mortuos, alia horrorem & metum incutientia. At hæc non à nuda cerebri qualitate frigida & sicca prodeunt. Aliàs illi omnes, quibus cerebrum frigidum est & siccum, simili modo per somnum afficerentur. V. Quia quemadmodum sanguis purus, bonus & laudabilis: spiritus item puri, subtilesque animum reddunt hilarem & alacrem: sic contrà sanguis crassus, nigricans, impurus, spiritusque iisdem qualitatibus præditi, eundem tristem timidumque efficiunt.

Cur melancholici mæsti sint & timeant?

Si metus & mæstitia longo tempore perseverent, inquit Hippocras. *aphor. 23. sect. 6.* signum est melancholicum. Quæritur jam, quæ hujus rei causa sit? Galenus refert causam in colorem atrum & tenebricosum humoris melancholici. *l. 2. de symprom. caus. 6. & 3. loc. aff. c. 7. Averrhoës l. 3. collig. cap. 4.* credit, causam esse frigiditatem & siccitatem cerebri. Alij, ut Platerus, & Eustach. Rudinus volunt, hujus rei causam esse occultam & malignam quandam humoris melancholici qualitatem. Galenus utitur hâc similitudine: quia quemadmodum tenebræ foris nobis circumfusæ nos terrent, mæstosque faciunt, ita & internæ. Oriuntur autem intus ab humore & spiritu melancholico. Averrhoës Galenum ridet. Sequentibus de causis.

I. Quia

I. Quia nigredo humoris melancholici intus latitantis oculis minimè videtur. Ergò si non fuit in sensu : non etiam potest esse in intellectu. II. Quia mores animi non colores, sed temperamentum corporis sequuntur. III. Quia colores illam vim non habent, ut actiones animæ mutare queant. Non enim intellectus sunt objecta. Ergò neque in illum agunt. IV. Quoniam si nigredo parit timorem & mæstitiam. Ergò albedo audaciam & lætitiā. Contrariorum enim contrarii sunt effectus. Essent ergò pituitosi audaces & hilares, quod falsum. V. Quia si nigredo melancholiæ efficeret timorem, timor quoque inesset maniacis : quia & ipsi ob atrum humorem insaniunt. At tantum abest, ut maniaci sint timidi, ut omnium hominum sint audacissimi & animosissimi.

Arbitramur, nigredinem causam timoris & mæstitiæ non esse, propter rationes allatas : sed humorem melancholicum, qui parit spiritus impuros, crassos, & tenebricosos. Frigiditatem autem & siccitatem generare humorem melancholicum, qui ipse quoque frigidus est & siccus. Frigiditatem verò esse causam timoris, exinde constat : quia viri qui calidi, sunt audaciores & animosiores mulieribus, quæ frigida. II. Quia senes, qui frigida naturæ, timidiore sunt juvenibus, qui calidi sunt. Hi enim animosi sunt & audaces. III. Quia phlegmatici, qui frigidi, timidiore sunt biliosis, qui animosi & fortes. IV. Quia vina parant animos. At illa calida sunt, præsertim quæ meraca & generosa. *Frigidam* autem & siccā complexionem timorem & mæstitiam parere, ostendunt melancholici : qui frigidi & sicci. Probant contrariæ constitutionis homines, sanguinei, qui calidi & humidi. Spiritus enim habent puros, subtiles, limpidos : idque propter sanguinem, qui purus. Unde & hilares sunt, confidentes, faciles, humani, affabiles. Contrà se habent melancholici, ob causas contrarias. *Quod si quis* addere velit frigiditati & siccitati humoris melancholici, nec non impuritati & crassitie spirituum, qualitatem aliquam occultam, eamque malignitatis haud expertem, cum eo minimè digladiabimur.

Verum hic denudè queritur, cur in melancholicis ambo animi pathemata, timor & mæstitia concurrant? *Resp.* causam

O

esse,

esse , quia ob spiritus melancholicorum frigidos , crassos & tenebricosos perit alacritas & hilaritas animi : & in illius locum succedit illius contrarium , nempe timiditas & tristitia. Idque eò magis , quoniam melancholici etiam valde sunt perturbati , & de melioratione desperant , Proinde hanc ob causam moerent & metuunt.

Rogatur rursus , quam ob causam melancholici ament solitudines , & averfentur hominum consortium ? *Resp.* idem illis accidere , quod hominibus , quibus magnum aliquod infortuniū accidit. Quemadmodum enim hi tristes sunt , fugiuntq; hominum consuetudinem , ut suis speculationibus uberius incumbere possint : ita quoq; melancholici propter spiritus tenebricosos , crassos atque impuros , ortos ex simili humore tristantur : cūque suis imaginationibus admodum sint intenti , idē ne in illis impediuntur , solitariam vitam agunt. Forsan etiam propter hanc causam , quia morosi sunt , tetrici , & odio prosequuntur homines. Propterea eorum conversationem fugiunt.

Ultimò queri posset , cur mulieres correptæ melancholiā gravius afficiantur & vexentur , quàm viri ? *Resp.* Causam esse triplicem. I. *Frigiditatem* corporis : quæ melancholicum humorem fovet & auget. II. *Impuritatem* sanguinis menstrui , qui interdum cum melancholico humore miscetur. III. *Puſſanimisatem* sexus fœminei : qui facilè desperat de melioratione.

Cur melancholicis cor frequenter admodum palpitet ?

Quando melancholiā à splene obſtructo , multoque impuro sanguine conferto oritur , sæpè cor palpitare solet. Ratio est : quia lien ratione suarum arteriarum , quæ & magnitudine sunt effatu dignæ , & numero plurimæ , ortæ omnes à ramo arteriæ magnæ descendētis cœliacæ , magnum habet cum corde consensum , quod ab Hippocrate *πίζωσις ἀπλυσίων* appellatur. Per suas ergo arterias , tetros fumos & halitus cordi communicat , qui cū cordi sint adversi , idē illos expellere satagit , & quidem motu vehementiori , qui *παλμὸς* vocari solet.

solet. Levi enim motu illos excutere non potest. Majori igitur conatu hoc præstat, sed æget non parùm inde debilitatur : quia vitæ principium laborat, & multi vitales spiritus perduntur,

Quam ob causam melancholici, & præcipuè splenetici multo sero, multiq; cruditatibus scateant?

Hippocrates l. 4. de morb. melancholicum humorem vocat aquam. Et videmus quartanarios multùm sudare : spleneticos etiam aquam sæpiùs per os expuere : imò non tantùm sputatores, sed & sudatores esse, & urinatores. *Causa verò,* cur melancholicus humor aqua vocetur, est, quia aquam, ichores, serum & cruditates aquosas procreat. Frigidus enim est atque terrenus. Ideòque calorem minuit. Quo diminuto, aquæ succrescunt. Est igitur humor iste aqua causalitèr & effectivè: per se autem & formaliter nequaquam, quia aquæ potius contrarius, nimirum crassus, siccus, uno verbo terrenus.

An diuretica in melancholia hypochondriaca convenient?

In principio affectùs non videntur competere: quia cùm diuretica penetrantis sint naturæ, fieri potest, ut materiam peccantem in primis viis ad viscera affecta deducant : ipsumque malum conduplicent. Vacationibus autem solennibus præmissis, omninò videntur esse conducibilia : tùm quia viscera & venas aperiunt: tùm quia peccantem materiam per urinas educunt: præsertim si illa in liene hæreat. Habet enim lien arterias numerosas, à quibus ad arterias emulgentes patet aditus. Et observatum, quartanarios liberali urinarum nigra-
tum profusione fuisse restitutos.

Num balneum aquæ dulcis melancholicis conveniat?

Præmissis præmittendis omninò conducit plurimùm. I. Corpus humectando. II. Humorem melancholicum benigniorem reddendo: quatenus illum attenuat, & fundit quasi, atque liquat. III. Poros cutis aperiendo, ut tetri & melancholici halitus expirent. IV. Sudorem prolestando, & partem aliquam melancholici humoris sensibiliter evacuando. Sit autem balneum temperatè calidum. Usurpetur quoque tribus vel quatuor horis ante cibum: & addantur etiam alia, quæ vim humectandi habent: ut Malva, Althæa, Mercurialis, Violaria, Parietaria, Lac, &c.

Utrùm humorem melancholicum expurgare liceat per vomitum?

Ordinario & regulari modo nequaquam. Ratio est, quoniam humor melancholicus in complexionibus melancholicis crassus est, terrenus, contumax, & ad motum piger, insitæque sui gravitate tendit ad corporis inferiora. Proinde etiam *κῆτος* est expellendus. Coactò autem & irregulari licet: cùm scil. multa ejus copia ex pravo victu in ventriculo est congesta: aut à liene in illum effusa. *At inquit aliqui*, febrem quartanam, quæ ex melancholico humore suam duxit originem, non posse meliùs curari, quàm per vomitoria: *Galenum* etiam *lib. 1. ad Glaucon. c. 12.* inter alia vacuantia præsidia vomitoria concedere, illis præsertim, qui faciliè vomunt. Fortia quoque eundem præbere emetica, inter quæ haud postremum sibi locum vendicet Helleborus: quem & per se, & radiculis permistum, sive infixum exhibeat post sumptum cibum. Illum, quidem primo loco, hunc verò, si prior nihil effecerit. *Respondetur*, vomitoria quartanariis præscribi tunc, cùm melancholicus humor ex liene, qui in quartana ut plurimùm laborare solet, in ventriculum est excussus: aut non quidem ratione illius, sed aliorum humorum gratià: maximè verò pituitoso-

pituitosorum & aquosorum, qui ob febris istius longitudinem
& caloris nativi imbecillitatem in ventriculo coacervari con-
sueverunt.

An mania malum sit hereditarium?

Quid morbi sint hereditarii, suprà pag. 51. fuit exposi-
tum: illi scilicet, qui nobis ex primordiis nostræ gene-
rationis à parentibus fuerunt implantati. Suntque vel uni-
versales, vel particulares. Et aut nobis obtingunt in utero:
aut demum genitis & in lucem editis: modò citiùs, modò tar-
diùs, pro morbi naturâ, ad hanc, vel ad illam ætatem magis
disposita, se exerunt. Quamvis autem interdum maniaci ma-
niacos generent, tamen hoc non semper sit: cùm experientia
testatum fecerit, non omnes maniacos maniacam procreâsse so-
bolem. Si quis actu maniacus in actu manix generaret, (quod
tamen aut nunquam, aut rarissimè fieri credimus: cùm nulla
sanæ mentis femina maniacò sese marito supponeret. Hoc
enim non sine vitæ discrimine faceret) arbitramur, fieri posse,
ut similem dispositionem cerebri soboli imprimat: quæ suo
tempore maniâ corripiatur: præsertim quando parens fuerit
constitutionis atrabilariæ. At si ejusmodi complexionis non
fuerit, sed in maniam inciderit ex mœrore, irâ, vigiliis, nimis
litterarum studiis & contemplationibus, veneno hausto, pocu-
lo amatorio, aut amore perduto, aliâve causâ, sobolem in ma-
niam pronam non necessariò gignit: quia causæ istæ nobis
non sunt congenitæ, sed adventitiæ. Quapropter maniacam
liberis indere dispositionem nequeunt. Exempla benè multa
eorum, qui ex impietate, cæde, parricidio perpetrato, irâ,
indignatione, mœrore, morbo, temulentia, veneno, *ἐκ τῶν*
maniaci facti, extant apud *Zningerum in theatro volum. 1. lib. 1.*

Utrum in mania solum cerebrum, an etiam cor afficiatur?

Cerebrum affectum, esse in mania, patet ex læsione men-
tis & imaginationis. Quodd autem etiam cor compatiatur, ex

animi perturbationibus liquet. Irascuntur namque maniaci, odio prosequuntur alios, temerarii sunt atque audaces: impatientes sunt adeò, ut seipsos percutiant, caput ad parietes allidant, & quandoque etiam vel gladio, aut cultro se interficiant: vel ictu glandium sclopetariorum mortem sibi inferant: vel in puteos & flumina se præcipitent: vel ab alto se dejiciant. *Potest id etiam* exinde conjici, quia carceribus inclusi sese denudant, & nihil tamen quicquam à frigore læduntur. Imò contrectati, non frigidi, sed omninò calidi sentiuntur: qui eorum calor in corpus non nisi ab affecto corde derivari potest. Sunt enim perpetuà ferè in actione: Ideoque ex ira, clamore, jurgiis, summàmque corporis inquietudine calorem corporis accendunt: qui postea in reliquum corpus inde diffunditur.

An in mania omnes principes functiones lædantur?

Læsam esse phantasiam satis constat. Depravata enim est atque corrupta: quia talia sibi maniaci imaginantur, qualia nunquam extiterunt: & qualia sanus homo nunquam sibi imaginari solet. Si læsa est phantasia, salva esse mens & ratio non potest. Oportet enim, inquit *Aristoteles*, intelligentem *parvaquæ* speculari. Et ex maniacorum sermone apparet satis superque, intellectum esse corruptum. Memoriam tamen non planè deletam esse, ex eo liquet, quoniam restituti eorum, quæ gesserunt, aliquo modo recondantur. Imò quidam etiam in ipso furoris actu antè sibi notos agnoscunt.

An mania causa præter manifestas qualitates etiam aliquid in se malignitatis habeat?

Ita planè videtur. Potest hoc probari primùm ex symptomatibus, quæ adeò gravia sunt & vehementia, ut ad manifestas tantùm qualitates non videantur referri posse. Deinde ex longitudine affectûs, & difficultate, imò impossibilitate curationis.

curationis. In quibusdam enim usque ad finem vitæ perseverat, nullisq; neq; alterantibus, neq; vacuantibus cedit remediis, *Tertio*, quia rabies est hominis, quæ ex homine quasi immanem beluam facit. Quemadmodum autem rabies brutorum semper aliquid venenositatis & malignitatis habet, ita & rabies ista humana illius haud experts esse videtur: tametsi non, ut brutorum fit contagiosa.

Quæ causa quòd multi maniaci diù admodum vivant?

Mirum videtur multis, maniacos multos diù admodum in rabie plusquam ferina vitam protrahere: cùm tamen constet, multos magnosq; errores illos committere. Affecta quippe in iis sunt cerebrum & cor, membra principalia: quâ de causâ vigilant, rabiemque suam clamoribus, jurgiis, vehementissimis corporis motibus, dentibus, unguibus, manibus pedibusque, odio, irâ & indignatione faciunt testatam. Quos errores si sani perpetrarent, brevi ægrotarent, vitamque cum morte commutarent. Ut nihil jam dicamus de corporis denudatione, & frigoris, etiam hyberni perpeffione, quod ne validissimæ quidem complexionis homines sine extinctione caloris nativi tolerare possent. Exempla habemus in Nosodochio urbis hujus majore eorum, qui multis annis maniaci supervixerunt. Hic viris etiam doctissimis hæret aqua. *Quidam* recurrunt ad dulce illud ignorantiaæ asylum, dicuntque occultam quandam qualitatem latere in causa maniaæ, ipso nimirum atrabilario humore. Qualitates enim occultas sæpè sine vitæ jacturâ longo tempore in corpore nostro morari posse. Exempla præbent *φίληρα*, epilepsia, & venena assumpta alia. Sed repetitio principii est: quia idem per idem probatur. Nam & hic rogatur, quam ob causam ejusmodi venena sine hominis internectione manere in corpore possint? *Alij asseverant*, causam esse, quòd Natura cerebri noxium humorem à se depellat. Etsi enim atrabilis cerebrum occupet in mania, tamen non diù in illo manet, sed continuò ejicitur. Verùm non expelli atram bilem è cerebro, sed inibi fixam locatamque hære, id indicat, quòd
mania

mania perseveret, & in quibusdam multis annis duret. Quo pacto ergo affirmari potest, causam illius continuò expelli? *Mercurial. l. x. prax. cap. 16.* Addunt isti rationem secundam: quoniam humor atrabilarius non solum strenuè depellitur, sed etiam in nullo viscere principali colligitur: eò quòd natura illum partim ad venas hæmorrhoidales, partim ad lienem ableget. *Idem ibid.* Sed hoc si verum esset, quì diù durare posset malum? Nam sublata causà etiam tollitur effectus. Subjungunt & causam tertiam: quia licèt aliquid humoris atrabilarii in corpore maniacorum colligatur, retineaturque in cerebro, id tamen per vigilias, inedias, motusque violentos & ferè indefinentes illorum consumi solet. *Id. ibidem.* Sed si materia ista per causas modò commemoratas absorberetur, affectus tamdiù permanere non posset. Adde quòd sensim & sensim diminueretur: quod tamen non fieri experientia testatur.

Nobis persuasum est, causam, cur tamdiù maniaci laborent citra vitæ interitum, triplicem esse. Primam, quòd in mania nulla sit neque humoris peccantis putredo, neque febris, neque inflammatio, ut in phrenitide. Secundam, quòd in maniam non debilis & infirmæ complexionis homines incidant, sed ut plurimum illi, qui validis sunt præditi viribus, & qui aliàs etiam longioris esse ævi consueverunt. Tertiam, quòd naturalis facultas non ita in mania affici videatur, ut in quibusdam aliis affectibus. Calor enim, quo illa præcipuè ad concoctionem & nutritionem utitur, inquietudine illà motusque maniacorum augetur. Non diffitemur tamen, maniacos quosdam suo in furore permansisse, & tandem fati cessasse.

Cur mania adeò difficulter curetur?

Ratio videtur esse duplex. *Vna malitia humoris atrabilarii.* Videmus enim etiam alios affectus melancholicos curatu admodum esse difficiles: ut cancrum, febrem quartanam, melancholiam ipsam, scirrhus ex humore melancholico natos, scabiem atrabilariam, quæ ferina est, & à Græcis lepra dicitur, illam vitiliginis speciem, quæ *melas* appellatur. Siccus enim est humor iste, crassus, terrenus, & ob id agrè moveri & exterminari, aut discuti & digeri potest. *Altera causa est inobedientia*

bedientia maniacorum, qui medicos & medicinam averfantur. Vix etiam & ne vix quidem iis secari vena Potest. Et si maximè secta sit, tamen illa vincula, quibus incisa vena ligari & consolidari debet, non sine periculo hæmorrhagiæ auferunt atque disrumpunt. Ut, nihil jam de scarificatione, de cauteriis, & applicatione clysterum dicamus: quæ remediorum genera planè non admittunt: vel si admiserunt, non tamen retinent neque cucurbitulas, neque globulos & ligamenta, quæ in foniculorum apparatu adhibentur, neque decocta per siphonem injecta.

An foniculi maniacis convenient?

Testatur *Hieronymus Mercurialis*, confesse plurimùm: scribitque vidisse se quendam juvenem furem, qui usu foniculorum fuerit restitutus, cùm plurima alia præsidiorum genera nihil opis attulissent. Ait autem, parandos esse plures: unum in nucha, vel in capite suprà suturam coronalem: deinde duos in brachiis ambobus, totidemque etiam in cruribus. Per illos enim atrabilarii humores & vapores evacuantur: cerebrum quoque, quod ab atra bile, ut & vigiliis, clamoribus totiusque corporis inquietudine incalescit, ventilatur.

Utrum fabulosa sint, quæ de Tarantulis

& Tarantatis ab Authoribus

scribuntur?

Tarantula ex genere est araneorum sive phalangiorum. Nomen accepit à *Taranto* urbe *Apulia*, ubi videntur innumera, vaganturque totà æstate in campis. Vidit *Matthiolus Tarantulas* etiam in agro Senensi, sed non adeò copiosas, ut in *Apulia*, Degunt etiam inter segetes, & incautos messorum, qui ocreas non sunt, iciunt. Ab ea percussæ dicuntur Tarantati. Virulentum est insectum: sed pessimum & nocentissimum æstu anni flagrantissimo. Icti à *Tarantula* diversimodè afficiuntur. Alii namque ridet, alii flent, alii canunt, clamant alii, alii vigiliis affliguntur, sopore alii: plerique vomunt, nonnulli saltant: sunt qui sudant: tremuli fiunt alii: quidam pavent: evadunt alii

phreneticis, lymphaticis & maniacis similes. Quæ symptomatum diversitas ab aliquibus ad diversitatem temperamentorum partim, partim verò ad varietatem veneni, quod *Tarantula* inest, refertur. Arbitrantur enim, *Tarantula* venenum singulis penè diebus & horis immutari. Alii in causa esse putant diversa genera *Tarantularum*. Ajunt quoque, eas aliquo anni tempore minimè exitiales esse, & vix aliquid virium ad nocendum habere. Nocentissimas verò in *apulia* esse, cum æstatis pars est flagrantissima. Mirum autem esse scribit *Matthiolus, comm. in l. 2. Dioscorid. c. 57.* quòd veneni *Tarantularum* vis: musicis mulceatur instrumentis. Testatur enim auditis Lyricis organis, vel tibiarum sonitu percepto, ictos statim à languoribus liberari, & incipere tripudiare, ac saltare, istasque choreas, ac si planè sani essent, continuare. Quod si eveniat, ut Musici instrumentales quiescant, & à lusu cessent, non multò post tempore in terram concidere, & ad pristinos redire dolores: nisi tamdiu ad sonum Musicæ saltant, donec veneni virus partim insensibiliter per poros cutis, partim per sudorem exeat & discutiatur. Ob id Musici instrumentales conducuntur, alternatimque mutantur, ut absque ulla sonitus intermissione tamdiù tripudient demorssi, quò usque profusè curati quiescant. Quæ *Matthiolus de Tarantulo* scripta reliquit, illa quoque alii doctissimi viri confirmant: inter quos *Scaliger exercit. 185.* qui tamen rectè *Cardanum* sensisse asserit, quod negarit *Tarantula* ictum Musicà curari. Labore enim ac sudore venenum & vincitur, & expellitur, non Musicà. Citat quoque: *Vlysses Aldrovandus* authores alios, qui *Tarantulas* & viderunt, & descripserunt, & effectus illarum in ictis observârunt, Quare fabulosa non sunt, quæ de illis dicuntur.

A quâ virtute proveniat hac saltandi & tripudiandi cupido?

Certè non à qualitate aliquâ manifestâ, sed omnino abditâ atque occultâ: quemadmodum & aliorum venenorum effectus. Nam ipsæ quoque *Tarantula* ad sonum cytharæ, tibiarum, cymbalarum, & fidium saltare solent. Alia insuper animalia:

animalia à *Tarantula* demorsa saltare dicuntur. Testatur namque *Epiphanus Ferdinandus*, se vidisse vespam à *Tarantula* morsam fuisse: cumque fortè fortuna cytharædus ibi esset, cytharamque pulsaret, & *Tarantulam* & vespam tripudiare cœpisse: gallum etiam commorsum saltasse perhibet. Nec ratio referri potest, ad caliditatem *Apulia*. Sunt enim regiones quædam *Apulia* calidiores; in quibus tamen nihil tale observatum.

Cur qui demorsi à cane rabioso in hydrophobiam incidant?

Experientia testatur, omnibus, qui à cane rabie correpto morfi sunt, commune esse, ut ab omnibus liquidis abhorreant, humidaque omnia timeant, sive ea viderint, sive contrectarint, sive nominare solum audiverint. Queritur ergò de causa. *Nonnulli* ajunt, causam esse immodicam siccitatem. Dicunt enim, demorsos à cane sicca quidem laborare intemperie sitire, & ob id etiam aquam expetere: verum illam timere, quod sentiant; eam sibi esse contrariam. Verum hallucinantur graviter. I. Quia omnibus animalibus naturà insitum est, ut quæ proficua sibi sunt, appetant. At aqua hydrophobis est proficua: quia intemperiei siccæ, quâ laborant, est contraria, eamque fugat. Ergò tantum abest, ut aquam abhorreant metuantque, ut eam potius amare & desiderare debeant. II. Quia si siccitas in causa esset hydrophobiæ, sanè etiam omnes hæctici, hydrophobi essent. At consequens est falsum. III. Quia si siccitas hydrophobiam causaretur, oporteret illam sanè esse maximam. At in hydrophobis talis non observatur. IV. Quoniam si siccitas causa esset, oporteret omnes à cane rabido demorsos hæcticos fieri, quod est falsum. V. Quia si sicca intemperies hydrophobiam gigneret, malè in ejus cura siccantia antidota, ut theriaca, Zedoaria, Gentiana, Melissa, Carduus benedictus &c. usurpantur. At talia sunt utilia hydrophobis.

Alij dicunt, causam hujus eventus esse depravatam rationem & imaginationem eorum, qui à canibus rabiosis sunt demorfi: Etenim cum canum formæ & idola ipsorum phantasiæ sint impressa, fieri, ut quando aquam, tanquam speculum ali-

quod intueantur, & in illa faciem suam truculentam, flagrantem & iracundam vident, sibi que imaginantur, etiam canes rabidos in illa esse, aquam extimescant atque abhorreant. Verùm & isti quæsito non satisfaciunt. Ratio est: quoniam non solum aquam fluvialem abominantur, in qua sui videre possunt imaginem, verùm etiam in genere omnem, etiam potam, etiam duntaxat vel contrectatam, vel illius mentionem auditam, in qua neque se, neque canes cernere queant. Quapropter ad dulce ignorantia^æ asyllum nobis confugiendum, dicendumque, esse hujus rei causam *αἰσθησιμότητος* quandam naturalem, inter aquam & demorosos à cane rabido, qualis etiam in plantis, animalibus aliis, & corporibus quibusdam inanimatis apprehenditur. Nos enim, inquit *Scaliger exercit. 131. sect. 1*: in tenui rerum luce caligamus: in mediocri cæcutimus: in majore cæci sumus, in maximâ prorsus insanimus. Et ad manifestas omnia deducere qualitates summa impudentia est, inquit idem *Exercitat. 118. §. 8.*

An in phrenitide solum meninges, an etiam cerebri medullaris substantia inflammetur?

Respondetur, fieri posse, ut cerebrum ejusque spiritus tantum incallescant, ob vicinam meningem. Fieri quoque posse, ut unâ cum meningibus etiam cerebrum inflammetur. Cum enim vivens sit corpus, necesse est, ut alatur. Si alitur, sanguine nutritur. Sique sanguis vasculis suis excidat, iis vel apertis, vel ruptis, vel erosis, necesse est, ut extravasatus in poris cerebri putrescat, & in ipsa cerebri substantia medullari phlegmonem pariat. Nec obstat, quod cerebrum pars sit frigida. Nam & frigida partes inflammati possunt, ut docent exempla pleuræ, vesicæ, ventriculi, intestinorum, uteri &c.

Numquid vinum Phreniticis concedendū?

Non videtur. I. Quia febrim augeat. II. Quia delirium suis halitibus foveat. III. Quoniam motum humorum ad caput præcipitat.

præcipitat. Sed arbitrantur nonnulli, vinum concedi posse, duabus permoti rationibus. I. Quodd somnum conciliet, quo phreniticis maximè opus. II. Quodd vires instauret, quæ vigiliis, motibus corporis variis, clamoribus, mediis, calore febrili &c. debilitantur. *Sed responderetur*: somnum conciliare posse aliis remediis, quæ non nocent. Vires quoque posse instaurari & refici bona diætâ, & remediis cordialibus. Quidam largiuntur phreniticis vinum, sed ἀλιερότοι, assuetis, debilibus, & in declinatione phrenitidis. Verùm præstat ab illo prorsus abstinere, & illius loco exhibere vel cerevisiam hordeaceam, eamque tenuem, claram, proli defæcatam, & ætatis mediæ, vel aquam paratam ex Hordeo, Passulis Corinthiacis, Uvis passis, Violis, Glyzyrriza, Semin. Anis. Fœnicul. &c. Aut Julapium ex hac Aqua, & Jul. Rosar. vel Viol. concinnatum: vel Infusionem malorum Citriorum cum Saccharo: aut Emulsionem ex 4. sem. frigidis majoribus, Seminib. Papav. albi, & Aquis aut Decoctis modò recensitis,

An in phrenitide competat potus aqua frigida?

Quæritur hîc de potu ordinario, qui necessarius ad extinctionem sitis. Negantem quidam tuentur. I. Quia frigida aqua nocet nervosis partibus. At meninges, quæ in phrenitide sunt inflammata, sunt tales. II. Quia impedit materiæ resolutionem, eamque magis impungit. *Alij* distinguunt, dicuntque, non dandam esse aquam valdè frigidam: quia talis membranosis & nervosis corporibus suâ frigiditate nocet. Non etiam offerendam Senilibus, qui frigidi. Non macilentis & extenuatis, qui & ipsi tales. Non inassuetis: quia subitæ mutationes sunt periculosa. Non frigidum debilemque stomachum habentibus, quoniam talis stomachum magis refrigerat & debilitat. Porrigendum verò esse sanguineis & cholericis complexionibus: juvenibus: carnosio corporis habitu præditis: assuetis: validis atque robustis: æstivo tempore: iis denique, qui de hæctica periclitantur. Refrigerantur enim aquæ potu & humectantur. *Arbitramur*, cùm phrenitici acutè febricitent,

ea ex usu esse, quæ refrigerandi & humectandi vi pollent. At tali pollet aqua. Ergo phreniticis confert. Si non simplex, mera & sincera, saltem cocta, cum Hordeo, Passulis, Glycyrriza, Flor. Violar. &c. Neque rationes in contrarium allatæ quicquam probant. Frigida aqua nervosis nocet partibus, si sit extremè talis: si magna in quantitate offeratur, & offeratur crebrò admodum: si exhibeatur talis iis, qui naturâ sunt debiles, frigidi, & extenuati. At cocta aqua, vel modicè frigida, & moderatè exhibita, nil nocementi adfert phreniticis, præsertim si aquæ potui sint assueti, si cholericis, vel sanguinei, si stomachum habeant satis validum. Si enim omnibus in universum esset noxia, utique & abstemiis, qui meram bibunt aquam, detrimentosa foret.

Num phreniticis competant soporifera?

In confesso est, phreniticos valdè esse inquietos, & tùm interdiù, tùm noctu etiã vociferari, hinc inde jactari & agitari, hisque motibus admodum se debilitare. Videtur ergo consultum, ut somnus & quies iis comparetur. At hoc nullà aliâ ratione citiùs fieri potest, quàm somno. Somnus autem soporiferis & narcoticis conciliari potest faciliùs. *Censensus*, ad *πρασινα* temerè non accedendum esse: præsertim si vires jam incipiant fatiscere. *Eas* enim magis debilitant, & *cerebro nervus*, non parùm nocent: quæ tamen partes in phrenitide, per se jam laborant. Quapropter cautè adhibenda sunt: & l. tentanda alia, quæ leviora sunt, minùsque nocent: cujusmodi sunt intrinsecus quidem *emulsiones* ex Seminibus Papaveris albi & Aqua Lactuc. extrinsecus verò *frontalia* ex unguento Rosat. Violar. aut soporifero: item ex Aqua Violar. Nymph. Papav. Solani, &c. Adhæc & *pediluvia* ex Decocto Capit. Papaver. Lactuc. Solan. Nymph. foliis Salicis, vitis vinifera, summitatibus Anethi, &c. His verò nil proficientibus, ad oplata interna atque externa progrediendum.

An

An phrenitici in loco lucido, an tenebricofo detinendi?

De hoc quæſito diſputari poteſt in utramque partem. *Pro loco lucido* militant iſtæ rationes. I. Quia tenebræ ſunt terriſicæ. Terrentur autem per ſe phrenitici: quoniam multa ſibi imaginantur, quæ vana ſunt & ficta. II. Quia lucida loca vitali Solis lumine ſunt illuſtrata, quod ſpiritus noſtros recreat, & exhilarat. *Pro tenebris* autem pugnant ſequentia: I. Quia phrenitici in continuo ſunt corporis & animi motu. Opus igitur illis eſt quiete. Talis autem comparatur in tenebris. In lumineſco loco varia illis obverſantur, quæ illos reddunt inquietos. II. Quia phreniticis nil magis conducit quàm ſomnus. At is citiùs conciliatur in tenebris quàm in luce. Et hæc quoque cauſa fuit, quod veteres, ut *Celſus* teſtatur l. 3. c. 19. phreniticos voluerit in tenebris detineri. Ipſe *Celſus* ad quæſitum reſpondet, neutrum eſſe debere perpetuum. Ait, habendum illum eſſe in luce, qui tenebras horret: in tenebris: verò eum detinendum, qui lucem averſatur. Ubi nullum tale eſt diſcrimen, ægrum loco lucido continendum eſſe, ſi vires habeat: ſi non habet, obſcuro. Quæ ſententia probari poteſt. Habenda enim ratio naturarum. Alios enim ægros, plus tenebræ, alios plus lux turbare ſolet. Illi ergò in luce, hi in tenebris degere poſſunt.

Utrum in phrenitide vena ſecanda?

Perſuaſum quibusdam eſt, in biliola phrenitide venæ ſectionem non competere: quia ſanguis ſit frænum bilis. Eo igitur evacuato, bilem magis ferocire. Verùm neceſſariam eſſe, probatur ſeqq. rationibus. I. Quia eſt præſidium vacuatorium. At hîc vacuatione opus eſt, & quidem ſanguinis, qui cauſa inflammationis. II. Quia eſt præſidium revulſorium. At revulſione hîc opus, quoniam ſanguis ad locum affectum adfluit. III. Quia præſidium eſt refrigeratorium. At refrigeratio hîc eſt neceſſaria: quoniam febris adeſt & inflammatio. IV. Quia ob dolorem & calorem ſanguis accurrit, & quidem eò promptiùs, quòd

quò sanguis est fervidior & tenuior : ob capitis verò imbecillitatem aliunde affluens materia facilè admittitur. Sed cùm venæ sectio sit remedium refrigeratorium & mitigatorium doloris, eâ institutâ, humorum affluxus compescitur. *Ad objectionem verò* respondetur dupliciter. I. Phrenitidem non oriri à mera, pura, & sincera bile, sed à bilioso sanguine. Neque tamen semper : sed aliquando etiam à sanguine puro : interdum pituitoso : nonnunquam atrabilario, aut melancholico. II. Tametsi sanguinem bilis frænum esse concedatur, quòd eam suâ humiditate & calore temperato mitiget, tamen cùm non solus sanguis, sed unâ cum sanguine bilis quoque educatur, utpote sanguini permistus, haud apparet, quomodo bilis instituta venæ sectione magis furere queat. Eadem enim bilis & sanguinis proportio manet post venæ sectionem, quæ erat ante illam.

An purgatio in phrenitide sit necessaria?

Nullum remedium locum habet, si ejus indicans absit. Sin adsit, cæteris paribus, usurpandum. Purgationis autem indicans *ναρσυχία* est. Ideòque si illa adesse in phrenitideprehendatur, administranda. Nam & revellit, & refrigerat, & vacuat. Revellit humores, qui ad locum affectum, qui calet, dolet, & languet, facilè accurrunt : sicque ulteriorem inflammationem præcavet. Refrigerat per accidens, calidioribus humoribus, quales præcipuè sunt biliosi, eductis. Vacuat quoque abundantiam noxiorum humorum, quam in phrenitide & cholericis maximè complexionibus adesse præsupponimus. Est tamen etiam ratio purgantium habenda, ne scilicet violentiora illa, quæ præcalida sunt & sicca, usurpentur : sed eligenda mitiora : quæ licet unâ vice non omnem humorum colluviem exhauriant, repetitis tamen vicibus id præstare valent.

An

Cur visum praeceteris sensibus diligamus?

Ratio est, quia in plurimarum rerum cognitionem nos deducit. Non enim tantum sensilia sua propria, sed etiam communia omnia, magnitudinem, numerum, figuram, motum & quietem, percipit. *Deinde*, quia visus organa instar vigilum sunt, in editiore corporis parte siti, noctu & interdiu excubantes, ut noxia & salutaria, cominùs atque eminùs prospiciamus: illa ut fugiamus; hæc verò ut persequamur. *Tertiò*, quia tristis, misera, & querula illorum vita esse solet, qui sensu visus sunt orbatì. Ad nutum enim & arbitrium aliorum coguntur vivere cæci: injuriis variis sunt obnoxii: defendere se non possunt: victum quoque sibi parare nesciunt. *Quartò*, quia visus organa sunt, ut *Aphrodisæus* loquitur, *καταπύρα τῆς ψυχῆς*, animæ specula, & fenestræ atque fores illius, eò quòd per illos, tanquam per fenestras in penitiores animi recessus aditus pateat. Sunt animi indices: ut vultus est animi imago, produntq; cordis arcana: amorem, odium, iram, mærorem, verecundiam, commiserationem & condolentiam.

An verum illud Hippocratis lib. 6. Epid. sect. 4. ut valent oculi, ita & reliquum corpus?

Ὁφθαλμοὶ ὡς ἀνὶ ἰσχύων, ὥτε τὸ γνῶν. Per τὸ γνῶν omne corporis membrum *Hippocr.* intelligit. Idèd vox hæc pro universo corpore accipitur, & *Galenus* etiam τὸ γνῶν interpretatur τὸ σῶμα ὅλον, forsàn συνανδροχικῶς, accipiendo partem pro toto. Ut igitur oculi robur habent, inquit *Hippocr. lib. 6. Epid. s. 4. aphor. 26.* sic quoque corpus. Quæritur ergò non immeritò, quomodo ex oculorum robore robur totius corporis cognoscatur? Scire autem prius convenit, quomodo oculi valere, & robur habere dicantur? Et respondetur, tùm valere illos, cùm i. promptè & expeditè quoquoeversum moveantur: 2. Cùm puri sunt

Q

& lucidi

& lucidi; 3. cùm pleni, non collapsi. 4. cùm probè videntur; 5. cùm nulla visa, nulla rerum simulacra iis obversantur; 6. cùm nullo dolore affliguntur; 7. cùm lumen non refugiunt; 8. cùm non inlacryment præter voluntatem, aut pervertuntur. Hinc idem Hippocrat. in *Prognosticis & Coacis* scribit: καθαρότης χρῆσιμος: τὸ δὲ ἀλυώδες ἰκέρειον: puritas oculorum utilis est: caligo autem & obscuritas minimè elegans, venusta, & lepida sive festiva.

Causa verò dicti Hippocratei lib. 6. *Epid. sect. 4.* probati est: quia oculi plus in se continent spiritus animalis, quàm alia reliqui corporis membra: idque exindè est manifestum: quoniam oculi nobis vigilantibus in jugi & assiduà sunt actione, motu scil. & visione, ad quas actiones obeundas plurimus requiritur spiritus animalis. Deinde, quia nervi optici respectu aliorum nervorum sunt amplissimi, valdeque porosi, ut spiritus per illos ad oculos tranare possit facilè. Proinde quando per morbum aliquem visoriz facultatis debilitas accidit, certum est & reliqua corporis membra, in quibus tanta spiritus animalis copia non est, debilia esse atque infirma. Nam si debile est, quod plus habet spirituum, rationi consonum est, id quoque validum & robustum esse non posse, quod spiritus obtinet pauciores.

Verumne illud Aristotelis l. 1. de an. T. 65.

*Si senex haberet oculum juvenilem,
videret ut juvenis?*

Quòd senes deterius videant juvenibus omnibus est inconfesso & concessò. Propterea conspicillis, aut majusculis typis librorum uti coguntur. Et ratio est in promptu: non quòd anima, aut potentia illius videndi deterior imbecilliorque facta sit; (est enim *πρᾶξις*, quoniam incorporea & immaterialis) sed quòd videndi organum malè habeat. Hoc enim corrupto, per accidens fit, ut operatio visiva, non, ut in juventute, succedat. Quemadmodum enim artifex rectè operari nequit, si apto atque idoneo destituatur instrumento, ita neque anima benè suas exercere potest actiones, si organa, per quæ operari debet, sint corrupta & vitata.

Causa

Causa verò, cur fenēs minùs acutè videant, varia est & multiplex. I. Quia spiritus eorum visivi vel pauciores sunt, quàm esse deberent: vel crassiores & impuriore. II. Quia membranae sunt sicciore, densiore & rugosae. III. Quia humores fiunt crassiores & impuriore. In quibusdam etiam crystallinus humor sicciore evadit, & adedò quidem siccescit in multis, ut verum γλαύκωμα inde oboriatur.

Mercurialis lib. 1, prax. c. 37. Sententiam *Aristotelis* falsitatis infimulat: inquiens, visum deteriorem non semper fieri ratione organi corrupti, sed ut plurimum ratione facultatis visoriae. Proin concludit, si maximè seni daretur oculus juvenilis, non visurum tamen senem esse, ut juvenem: sed immeritò *Aristotelem* reprehendit: quoniam visoria facultas debiliore visus causa non est. Illa enim non vitatur. Hæret igitur vitium tantum in oculo, tanquam in organo videndi. Is ergò si malè habeat, benè videre nequit. sin secundum naturam constitutus, probè suo munere fungitur. Quare rectè dicit *Philosophus*, si senilis oculus ita esset dispositus, ut juvenilis, videret ut juvenilis. Cùm autem aliter se habeat, tametsi & anima, & potentia ejus sint incorrupta & illabefacta, fit, ut etiam aliter videat, quàm juvenilis oculus, hoc est, deterius.

Cur oculi faciliè ledantur?

Fama, fides, & oculus non patiuntur jocos, lususve. Læduntur autem oculi præ cæteris membris crebriùs & faciliùs. I. Quia siti in loco sublimi, qui externis est injuriis expositus: frigori, æstui, fumis, vaporibus, ictibus, &c. II. Quia oculi sunt humidi, molles, teneri & delicati, qui aliena faciliè admittunt, illa verò ægrè depellere valent. III. Quia inferiorum partium exhalationes, non secùs atque cerebrum, excipiunt. IV. Quia homines sapè, & pluries quidem, quàm bruta, in victùs ratione peccant. Bruta namque certis duntaxat temporibus comedunt: & comedunt, quantum ad sedandam famam sufficit: & bibunt, quantum ad restinguendam sitim est necessarium. Homines contrà,

Q 2

Quam

Quam ob causam uni homini vel maximè depraventur oculi?

Aristoteles *sect.* 10. *problem.* 49. causam hanc adfert, quia solus homo, vel maximè omnium epilepsiâ corripi solet in puerili ætate. Oculos autem depravari epilepticis convulsionibus, notorium est. Malè enim affliguntur admodum: ut liquet ex oculorum in epilepsia distortionem. At contra *Aristotelu* rationem adferri possent etiam brutorum exempla, quorum non pauca epilepsiâ laborant: ut coturnices, turtures, passerès, alaudæ, picæ, graculi, accipitres, capræ, oves, canes, bruta alia: & tamen non ita oculorum affectibus torquentur. Videtur ergo ratio esse alia: eaque partim externa, partim interna. Externa causa est inordinata & intemperans vivendi ratio. Interna amplitudo, humiditas & frigiditas cerebri: quæ in causa est, ut cerebrum sit aquosorum & pituitosorum excrementorum ferax: quæ postea, ubi gravare inceperunt naturam cerebri, ad subiectas partes amandantur.

Cur quæ viridi colore tineta sunt, oculos maximè delectent?

Inter colores, qui medii sunt, visum oblectant. Moderatè enim illum afficiunt. Et inter illos omnium maximè viridis & cæruleus: Colores extremi, quales sunt albus & niger, hoc faciunt immodicè. Albus enim visum disgregare: niger autem congregare dicitur. Ille visum lædit dissipando: quia multum lucis habet. Hic coarctando & constringendo: quoniam illius parùm aut nihil obtinet. Hinc multi, ut oculos pascant, & oblectent, montes adeunt, hortos invisunt, campos ingrediuntur, specula intuentur viridia, curant quoque, ut folia librorum, minutoribus excusorum typis, viridi colore tingantur. *Causam* autem, cur viridis color oblectet oculos, *Aristotel.* *probl.* 20. *sect.* 31. reddit, videturque ex illo prodiiisse canone, quo dicitur, omnia moderata naturæ esse amica: immoderata verò inimica: quia natura in symmetria sita est, sicuti & sanitas ipsa.

In

In *αμύψια* verd morbus consistit. Idem dici potest de colore cœruleo: qui & ipse oculis gratus atque acceptus est, propterea quoddammodum visum afficit. Idem faciunt etiam alii colores, qui inter extremos illos duos, album & nigrum, sunt medii. Sed præ cæteris viridis & cœruleus commendantur.

An hydropota videant acutiùs œnopotis?

Vinum halituosum est, & maximè caput petit. Aqua nequaquam. Ex quo nonnulli concludunt, vinum visum hebetare: quoddam halitibus suis spiritus animales turbet. Aquam id facere non posse. Sumunt etiam argumentum ab iis, qui vino dediti sunt, & sæpiùs inebriantur. Hebetiori enim sunt visu, tum propter impuritatem & turbationem spirituum visivorum, tum propter defluxiones, quas patiuntur creberrimas. *Verùm*, si vinum sit bonæ notæ, h. e. mediocris ætatis, probè defacatum, justæ consistentiæ, neque nimis forte, & bibatur moderatè, videtur visum reddere acutum, ut & reliquos sensus, imò & principes functiones, quo nomine ingenii fomes appellari solet. Est enim spirituosum, calore suo concoctionem juvat, probè nutrit, humiditates superfluas consumit: halitus & flatus crassos discutit & dissipat. Aqua autem cum frigida sit & humida, sensus & visum nihil videtur juvare posse. Calore enim & spiritu hic opus est: quo utroque vinum descriptum est imprægnatum.

Cur animalium quorundam oculi coruscant & luceant?

Non solum quorundam animalium oculi noctu lucent, sed etiam quædam alia corpora: ut ligna putrida quereina, fungi, squamæ piscium, & eorum capita, interiores felium pili. Visus enim objecta conspiciuntur variè. *Quædam* enim tantum interdiu & in lumine videntur: ut rei cujusque color. *Quædam* & interdiu atque in luce, & noctu atque in tenebris: ut ignis atque ignita omnia. *Quædam* noctu tantum, licet & color eorum, & ipsa occultentur. Fulgore enim quodam mi-

Q 3

cant:

cant: ut corpora suprà nominata, & quorundam animalium oculi. *Ceterum*, quam ob causam animalium quorundam oculi noctu luceant, explicatu valdè est difficile. Propterea quidam recurrunt ad dulce illud ignorantie asylum, occultam videlicet qualitatem, & peculiarem formam. Posset tamen dici, causam forsan esse insignem pelluciditatem humorum, & spirituum visivorum subtilitatem, & puritatem: quæ intenditur per caloris & aliorum spirituum exuscitationem, quando dicta animalia prædæ avidius inhiant. Luporum enim, noctuarum & felium oculi lucent, ut aër ambiens illuminetur, & occasio detur venandi escam.

Cur dum oculi torquentur, ignis & fulgoris species prodeat, & fricti in tenebris luceant?

Constat, & à multis etiam observatum est, quando oculi vel percutiuntur, vel comprimuntur, vel fortius fricantur, aut velociter admodum moventur, scintillas inde oboriri, & ignis speciem quandam representare: quo nomine quidam cum *Platone* statuerunt, oculos igneæ esse naturæ. Sciendum autem, causam istarum scintillarum, coruscationum, aut fulgorum, non esse lumen quoddam in humore crystallino, neque lævem politamque oculorum naturam, neque ignem quendam, quia 1. in humore crystallino lumen nullum est: 2. Quia causa latitat intus, non foris in lævi politaque oculorum superficie. 3. Quia ignis in oculo nullus: sed in causa esse spiritus animales, qui per se tenues sunt, puri & lucidi: in illis præsertim, quibus cerebrum est calidius & siccus, spiritusque animales subtiliores, puriores & calidiores. Cùm igitur oculus vel percutitur, vel comprimitur, vel movetur rapidius, vel torquetur, spiritus quasi ignescunt, & ejusmodi coruscationem efficiunt. Percussi enim, compressi, aut velocius moti coarctantur: mutuoque sese impetunt: à qua impetitione quasi ignem concipiunt, & scintillas edunt.

Quam

Quam ob causam hominum valde irascentium oculi rubeant?

Non solum oculi, sed etiam tota facies irascentibus rubere solet: & magis in illis, qui irascuntur vehementius, & calore, spiritu ac sanguine abundant. *Causa patet*, si in memoriam revocetur, quod ira fervor sit sanguinis circa cor, & quod per iram sanguis, spiritus & calor quasi in exteriora effundantur, & quidem una cum halitibus & vaporibus multis, qui per fervorem illum sanguinis & spirituum in corde accensi exultantur. Cum igitur hæc omnia ex corde effundantur, & præcipue etiam ad faciem ablegentur, nil mirum, faciem & oculos rubere. Rubicundi enim coloris etiam extra iram causa est sanguis. Ut autem rubedo illa splendida quasi sit, calor & spiritus efficiunt: adeo, ut rationale det sanguis: rationale for- male, calor & spiritus.

Cur duobus oculis res una non appareat gemina?

Platonici, qui statuunt, visionem fieri emittendo, facile respondent, causam esse, quia ab ambobus oculis radii perveniunt ad rem unam. In ea igitur cum amborum radii concurrant, rem unam esse, ostendunt. At falso nituntur principio. Non enim visio emittendo, sed potius, ut sensus reliqui recipiendo fit. Quo nomine sensus *πάθος* à Philosophis appellatur: quoniam aliquid à sensilibus patitur: non quidem, ut Aristoteles loquitur, *πρὸς τὴν ὁρᾶν ἀλλὰ πρὸς τὴν αἰσθησίαν*.

Alij causam referunt in coitionem nervorum opticonum: depromuntque hoc placitum ex Galen. l. 10. *usq. part. c. 10*. Volunt enim visionem fieri in communi nervorum istorum coalescentia. Sed erroneum hoc esse, inde perspicitur: quia si alterum oculum attrillas, alterum deprimas, visibile videbitur geminum, etiam *συνδρομή* illa & *συμψύσιν* nervorum opticonum permanente.

Hieronymus Fabricius ab Aquapendente l. de Vis. c. 1. hanc forsan

forſan cauſam eſſe arbitratur , quia facultas dijudicans & cognoscens una ſit. Verùm, ſi hæc cauſa eſſet, nunquam unum obiectum geminum cerneretur : quoniam facultas cognoscens ſemper una eſt.

Eſt, qui dicat, tametſi duo actus producti ſint ab anima per duo organa, una tamen eſt ſenſio, unusque videndi actus obiectivè, quia videndum proponitur unum duntaxat, circa quod naturali ſocietate ambo occupati ſunt oculi : Sed obſtat huic ſententiæ, quòd altero oculo depreſſo, altero elevato, res una cernatur gemina. Ideòque ſenſionum unitas, ratione obiecti unius, non poteſt dici cauſa, cur duæ imagines, ſpecies, ſive ſimulachra unius obiecti in duobus oculis conſignata, non pariant geminati obiecti *παρτάσιαν*. Dicit forſan poſſet, cùm unum tantùm viſibile offeratur ambobus oculis, idcirco unum ſolùm, non geminum cernitur. Nam quod unus oculus videt ut unum, id alter quoque ut unum videt. Eadem enim utriusque eſt actio. Eadem quoque ſenſus communis, cujus ſatellites & exhibitores ſuorum ſenſilium ſunt oculi, eſt dijudicatio.

*Qua cauſa ſit, quòd qui diù in tenebris
verſati ſunt, ſi repente maximo
ſplendori occurrunt, ob-
cæcentur?*

Dionyſius tyrannus ſuper carcerem tenebricoſum domum extruxit ſplendidiffimam & maximè claram, ut homines à carcere liberatos ſubdolè excæcetet. Quæritur ergò, quæ hujus eventus ſit ratio? Reſpondet *Aphrodiſæus ſeſt. 5. probl. 36.* cauſam eſſe, quia ex contrario ſubitò in contrarium factà traduccionem rei novitate homineſturbantur, ut minùs cernere valeant, *Scaliger. Exercitat. 73.* conſentit. Fit, *inquit*, læſio, repentinà illatà luce p̄iis, qui diù in tenebris ſunt commorati. Inaſſuetis enim novæ ſunt ſpecies. Omne autem novum, valdè mutat, ſicuti deſides ac longo marcidos otio, ſi quod illis datur opus laborioſum perficiendum. Ratio ergò in illo fundatur axioma, quòd ſubitanæ mutationes ab uno extremo in aliud, ſint pericu-

periculosa, & cum inolestiâ quâdam conjuncta: Quando enim quis ex tenebris, in quibus diù versatus, derepentè in lucem emittitur, fit sanè ab uno extremo in aliud transitus. Postea tamen visum accuratiorem iterum consequuntur, qui sedem hâc ratione mutarunt.

*Cur quibus oculi sunt profundiores, acutiùs
videant, quam quibus prominen-
tiores?*

Ratio videtur esse, quia profundiores oculi in obscuro magis loco delitescunt: prominentiores verò & emissitii nimis in lumine & splendore externo collustrantur. Quemadmodum enim illi, qui in loco à Solis radiis valdè illustrato vident deterius: meliùs autem si superciliis manum, aut rem aliam obijciunt, quòd hâc ratione quasi quoddam velamentum oculis prætendant, extremum splendorem arceant, aëremque sibi proximum obscurum reddant: ita oculi in profundo latentes minùs à splendore & lumine afficiuntur: magis autem qui prominent. Unde fit, ut illi accuratiùs, hi hebetiùs cernant. Qui dicunt profundos oculos idè exactiùs videre, quia motus radiorum visivorum non ita dissipantur: sed rectâ viâ progrediuntur: protruberantes verò oculos cernere hebetiùs, quòd radii illorum dissipentur, cùm nihil habeant, quod eos dirigat, non rectè sentire videntur, quia visus non fit emittendo: sed recipiendo: id quod commune habet cum reliquis sensibus: & quia visus, reliquique sensus sunt perpeffiones. Nostram autem rationem de splendore luminis, quod prominentes & exertos oculos nimis offendit, probabilem esse, exinde patet, quia cælo nubibus obducto visus meliùs perficitur, quàm aère à splendore Solis illustrato.

*Cur qui oculos habent prominentes, suffu-
sioni sint expositi?*

Qui prominentes oculos habent, etiam magnos obtinent. Et qui tales nacti sunt, crassis sunt spiritibus præditi, quibus ad-

R

misti

misti sunt humores excrementitii, qui suffusionibus faciliè præbent occasionem. Ejusmodi oculi deterius etiam vident. Inquit enim *Aristoteles 1. de gen. an. cap. 1.* in magno amplexu spatio virtutem esse longè dispersam. Cum igitur in descriptis oculis virtus unita non sit, quæ aliàs solet esse robustior, sed diffusa, rationi consonum videtur, eos etiam deterius videre. Utriusque autem accidentis, & suffusionis, & debilioris visus etiam hæc dari causa potest triplex. I. Quia prominentes & magni oculi humores & vapores alienos faciliè suscipiunt. II. Quia in illis est viarum laxitas, quæ humoribus affluentibus aditum præbet facilem. III. Quia externis injuriis magis sunt obviæ, quàm oculi parvi, & in profundo latentes.

*Cur sinister oculus nihilo sit imbecillior
dextro, cum reliquæ omnes sinistra
partes invalidiores sint
quàm dextra?*

Aristoteles ad hoc quæsitum respondet *problem. 19. sect. 31.* causam esse, quia dextra pars in eo à sinistra discrepat, quoddam sit efficacior, non in eo, quoddam affici aptior. Vires autem visus à natura comparatæ sunt, non ut afficiant, sed ut afficiantur.

Nos probabiliorẽ dari posse rationem arbitramur. Dicimus, sinistrum oculum dextro imbecilliorẽ non esse propter eam, quoddam ea omnia habeat, quæ oculus dexter, & quidem non tantum in quantitate discreta, h. e. in numero, & quantitate continuâ, i. e. in magnitudine, sed etiam in qualitate, ipso scilicet temperamento, figurâ item & situ: quemadmodum *Aristoteles* docet. Parem enim ambo oculi situm habent, paria propugnacula, paria domicilia, parem figuram, parem connexionem in partibus aliis, pares & nervos, & musculos, & spiritus & humores & membranas, & pinguedinem. Par quoque in utrumque oculum cerebri est influxus. Ergo par utriusque est robur, nec magis alter obnoxius est externis injuriis quàm alter.

Dexteras partes validiores esse sinistris vulgò quidem dicitur: idque tribus de causis. I. Quia magis exercentur. II. Quia calidi-

calidiores sunt ob dextrum jecoris situm. III. Quia motionis origo est ex parte dextra. Et propterea illa potius movet, sinistra verò movetur. *Verum* sinistras dextris esse pares, paritas & temperamentis, & figuræ, & structuræ, & usus atque officii demonstrat. Concedimus quidem, disparitatem quandam esse in manibus; & dextram ad agendum esse habiliorem fortiolemque sinistra: sed hoc fieri asserimus per accidens solum: quoniam plerique sinistra manu non tam frequenter & tam fortiter utuntur, ac dextrâ. Secus enim si fieret, h. e. si homines æquè sinistram usurparent, ac dextram, quemadmodum facere solent, qui sunt ἀμφοτέρωθεν apparet, sinistrae manui tantum roboris inesse, quantum dextræ: id quod verissimum esse, illorum probari potest exemplo, qui sinistra pro dextrâ, & hæc pro illâ utuntur. Hinc *Plato lib. 3. de legib.* quoddam pauci viri, nullæ verò foeminae fiant ἀμφοτέρωθεν, non ad caloris imbecillitatem, sed ad exercitationis defectum causam refert: idque exemplo pedum confirmat. Sinistro enim æquè ac dextro utimur. Unde illi tantum roboris ad præstandum officium inest, quantum dextro. Et *Plato* ibidem quoque conqueritur, quoddam nutrices dimidio roboris & agilitatis fraudarint, quæ sinistrae manûs usum tenellis adhuc infantibus denegarunt. Partes dextras calidiores esse sinistris propter situm cordis & hepatis negamus. Cor in medio thoracis est situm, ut æqualiter in omnes partes influere possit. Et habet pars sinistra tot arterias, quot & dextra, parem quoque cum dextra arteriarum motum. Hepar verò majori quidem sui portione collocatum est in hypochondrio dextro: vergit tamen ad sinistrum: & accepit sinistra pars corporis tot ab hepate venas, quot dextra. *Motionis originem* esse ex parte dextra, & hanc movere, sinistram verò moveri, nullo probari potest fundamento. Remotum quippe & mediatum principium cor est. At illud neque in dextrâ, neque in sinistra parte thoracis est positum, sed exquisitè in media. Proximus verò motus principium latet in cerebro, quod per spiritum animale ipsosque nervos & sensum, & motum dextræ pariter ac sinistrae parti, largitur. *Instrumenta voluntarij motûs* sunt muscoli, qui rursus in sinistra parte

corporis pares & æquales sunt iis, qui in dextra visuntur: id quod Anatome docet.

An pisces oculis noceant?

Simpliciter ad quæsitum responderi non potest. Opus est piscium distinctione. Quando Authores piscium esu interdiciunt iis, qui malè utuntur oculis, & vident obscurius, sermonem habent de illis, qui lentum, crassum, viscosumque succum generant: cujus generis sunt, qui in stagnis, paludibus & lacubus vivunt, quique squamis carent, ut tinca, anguilla, gobij fluviatiles, callaria, &c. Tales namque frigidum, glutinosumque sanguinem generant, defluxiones, tum ad partes alias, tum vel inprimis etiam ad oculos causantur, crassosq; gignunt halitus, qui visivos spiritus turbant, impurioreque reddunt. Concedi autem potest moderatus illorum piscium esus, qui squamis sunt præditi, qui carnem habent friabilem, & duriusculam, quæ siccior, qui vel in aquis saxosis, unde & saxatiles vocantur, vel aliàs puris & currentibus degunt: cujus generis sunt trutta, thymalli, salmerini, lucioli, perca, funduli &c. Facile namque concoquuntur, bonum sanguinem produciunt, probè nutriunt, neque spiritibus officiunt. *Πασιππος* hîc notandum, quodd statulenta omnia, omnia valdè salita, itemque acria & mordacia cuncta, nec non quæ humida sunt frigidaq; admodum, oculis plurimum noceant.

Cur Venus oculis maximè noceat, visumq; reddat hebetiorem.

Hoc facere *Venerim* experientia docet quotidiana. Et nos videmus, illas gentes, quæ libidinosiores sunt cæteris, & frequenter Venere utuntur, plerunque oculis malè uti, esse lippos: & cogi, ut specillis, seu, ut *Plautus* loquitur, conspiciillis utantur. *Aristoteles problem. ult. sect. 4.* dicit, causam esse, quodd nimis Veneris usum humidum deficiat: scil. per concubitum exeretum. Oculi autem naturâ humidi sunt & aquei. Ideoque exiccatio illis multum in visione obesse potest. *Verum* plausibilior

bilior dari potest ratio alia, eaque gemina. *Vna est*, quoniam usu Veneris immodicæ multum caloris & spiritus perditur. At multo spiritu oculis est opus : quia interdum indefinenter moventur, & actionem suam visivam præ cæteris sensibus sine intermissione exercent. Ad spirituum autem generationem sanguis requiritur : qui tamen ob nimium Veneris actum consumitur. Seminis quippe proxima materia uterque est sanguis, venosus & arteriosus. *Altera*, quoniam nimio Veneris exercitio calor valde imminuitur : quo fit, ut cruditas dominetur, exuperent humiditates excrementitiæ : succrescant defluxiones à cerebro : quod per se frigidum est, & superfluitatum hanc ob causam ferax : quæ postea ad partes alias, & præcipuè etiam ad oculos feruntur. *Ha eadem causa reddi quoq. possunt*, si queratur, cur multa lectio, scriptio, & assidua literarum meditatio, præsertim quæ in concubiam usque noctem protrahitur, oculis & visui plurimum officiat. Nimirum, quia per hæc actiones, & spiritus consumuntur, & calor hebetatur, & cerebrum enervatur, & excrementitiæ humiditates in illo gignuntur. Spiritibus autem deficientibus, & defluxionibus ad oculos factis, fieri nequit, quin oculi suo in officio impediuntur.

*Quam ob causam vehemens corporis exercitatio oculorum acumini
noceat ?*

Movet hanc quæstionem *Aristoteles problem. 14. sect. 37.* Constat aliàs exercitationem corporis adeò utilem esse & necessariam ad conservandam valetudinem, ut etiam eam natura infantulis adhuc in cunis jacentibus indiderit. Nam cum viri etiam non amplius sunt, nunquam quiescunt, sed manibus pedibusque hinc inde se jactant & agitant. Unde *Hippocr. lib. 6. Epidem. sect. 4* scriptum reliquit, sanitatis studium omnium maximè in tempestivâ & moderatâ corporis exercitatione, & temperantia in cibo & potu positum esse. Et *Galenus libr. de bonitat. & vit. succorum* dixit, maximum malum ad sanitatis custodiam esse omnimodam corporis quietem, h. e. otium, do-

fidiam, atque ignaviam: maximum contra bonum esse moti-
onem & exercitationem moderatam. Et ibidem hoc insuper
addit, se, quodd diligenter rationem habuerit exercitiorum sui
corporis, nunquam malè concoxisse, sanumque multis perman-
sisse annis. Motus siquidem corporis tempestivus & modera-
tus propter partium mutuam attritum, & agitationem spirituum
atque sanguinis, calorem exuscitare: poros aperire: humores
attenuare: eosdemque sensibilibus per sudores, & insensibilibus
per *ἀδηνον διαπρὸν* evacuare: partes firmiores robustioresque
reddere: præterea alimenti distributionem juvare: feliciter nu-
trire: bonum habitum corpori procurare, & vividum faciei
colorem conciliare solet. Ignavia verò & otium, vitæque se-
dentaria contrarium planè efficere consuevit. Hinc illud
Celsi lib. 1. cap. 1. Ignavia corpus hebetat, labor verò fir-
mat. Illa maturam senectutem: hic longam promittit
adolescenciam. Id quod didicisse videtur ex *Hippocrate*
libr. 2. de diar. ubi inter cætera docet, segnitiam ac otium
humectare, & corpus facere infirmum. Animam enim, h. e.
ὄργανον illius, calorem, qui, ut *Aristot. 1. 2. part. an. c. 7.* loquitur,
ὑπερτινικατόν ejus est instrumentum, quiescentem ac torpescen-
tem superfluas humiditates minimè consumere. Laborem con-
trà siccare, corpusque efficere validum atque robustum. Cæ-
terùm, quemadmodum moderatum & opportunum corporis ex-
ercitium maximas & plurimas commoditates corpori adfert,
ita immodicum, intempestivum & assiduum sanitatem destruit.
Etenim spiritus exhaurit: calorem dissipat: vires debilitat:
musculorum, nervorum & ligamentorum robur dissolvit: hu-
midum primigenium absorbet, omnesque partes sicciores, du-
rioresque facit: & consequenter etiam oculos. Oculi verò
quando sicciores, duriores & deteriores facti sunt, acutè mini-
mè vident. Id quod *Aristoteles* loco allegato exemplo senum
confirmat. Hi enim obtusius vident: quodd tunica oculorum
in illis sint sicciores, durioresque & rugosæ redditæ. Immo-
dicæ ergò corporis exercitationes acumini oculorum nocent, &
quodd spiritus visorios imminuant, & quodd tunicas illorum sic-
cent, durioresque & densiores efficiant.

Num

Num oculi quotidie, cum surreximus, & faciem manusq; lavamus, calidâ, an frigidâ aquâ sint lavandi?

Possunt argumenta in utramque partem adferri. Contra calidam aquam seqq. I. Quia Hippocr. dicit *aphor. 16. sect. 5.* calidum frequentiore usu facere nervorum imbecillitatem, & effœminare partes, h. e. molliores, laxioresque eas reddere. II. Quia calida aqua spiritus videtur evocare, poris apertis: quorum tamen copia ad visionem, quæ interdiu minimè feriat, est necessària. III. Quia eadem humectat corneam tunicam, eamque laxat, hocque nomine illius *ἀραιόν* officit: visumq; deteriore facit. Contra frigidam verò aquam profecti possunt hæ rationes. I. Quia frigidum omne frigidis partibus est inimicum: ut patet ex *aphor. 18. sect. 5. & aphor. 22. ejusd. section.* II. Quia aqua frigida membranas oculorum duriores densioresq; efficit. Respondetur, medio tutissimos nos ire. Quæ valdè calida sunt & frigida, ut aliis nocent partibus, ita & oculis. Et de his intelligenda sunt argumenta in utramque partem allata. Quæ verò modum tenent, & frigidiuscula sunt, salubriora videntur. Non autem in oculos infundenda sunt, sed foris solùm oculisfc. clausis, applicanda: ut sunt præter simplicem aquam, stillatitiæ Rosarum, Fœnicul. Euphrag. Verben. Valerian. Nepet. Rutæ Chelidoni majoris.

An sternutatoria in affectibus oculorum convenient?

Hippocrates libr. de loc. in homine videtur ea concedere. Avicenna dicit, nocere sternutatoria & juvare. Nocere, quia humores cerebri ad oculos præcipitant. Juvare, quatenus caput purgant. Respondent quidam ex Neoterich, quòd fortia *πλάσμα* non convenient, quoniam non caput solùm vacuent, sed etiam humores ad oculos mittant: debilia autem profint, quoniam

quoniam oculos solum purgant. Deinde asserunt, fortia, capite nondum prius vacuato, minimè competere. Ratio est, quoniam capite humoribus repleto, humores faciliè ad oculos moveri queunt. Si autem probe prius sit inanitum, debilia *παραμυδιά* conducere posse: quia illud periculum de delapsu humorum excrementitiorum ad oculos abest. Huc accedit, quod humores cerebri & oculorum possimus evacuare per nares, licet sternutamentum non excitemus. Nam sunt in promptu ejusmodi remedia, quæ hoc præstare possunt: ut sunt, quæ dicuntur *ὑπνῖνα*: v. g. Majorana, Salv. Beton. Beta, Brassica, Fl. Lil. convall. &c.

An per oculos fieri possit contagio?

Fieri posse doceri potest exemplo ophthalmiæ: quæ aliquando contagiosa. Sed necessum est, ut qui infici debet, propius, & intentius, & diutius aspiciat ophthalmiā laborantem. Egrediuntur enim ex illius oculo affecto halitus, sive vapores iustar atomorum, quibus cum *μυδάμασι*, aut *ἀποκρίσσει νοσῶντος*, aut *ἀποπύλαι νοσῶντος*, vitium communicatur oculo hominis sani, similemque affectum illi imprimunt.

Quod oculorum intuitu venefici & homines & pecudes afficere queant, notum est. Unde illud Virgilij:

Nescio quis teneros oculus mihi fascinet agnos.

De hoc problemate videri etiam potest *Aphrodisæi sect. 2. problem. 50.* Ait enim radios exitiales egredi ex oculo venefici, qui alium inficere valent. Per radios sine dubio vapores intelligens.

Quamobrem epoto medicamine oculi primum turbentur: peracta verò purgatione, acutiùs videant?

MOVet hoc problema *Aphrodisaus sect. 2. problem. 30.* Et facilis est responsio. Etenim dum purgans medicamentum purgat, materiamque evacuandam movet, & ad intestina trahit, vaporum exuscitatur copia, qui caput & cerebrum petunt, spiritus & sensuum organa, ac præcipuè oculos turbant. Postea verò cum peccans materia est evacuata, & vapores exhalârunt, aut discussi sunt, nihil amplius est, quod cerebrum & oculos afficere queat.

Cur qui multas crebrasq; profundunt lacrymas, parùm urinae soleant emittere?

Responsio est facilis. Liquor namque urinæ & lacrymarum sunt unius ejusdemque naturæ. Ambo enim aquosæ sunt substantiæ: ambo falsedinem in se habent: ex ambobus falsa excoqui potest materia. Qui ergo sæpè multumque plorant & lacrymas profundunt, in illis rationabiliter urina minuitur. Eademque etiam ratio est sudoris, qui cum urina unam eandemque obtinet materiam. Sudor enim serum est, & falsedinis particeps, sicut & urina. Hinc qui multum mingunt, parùm sudant, & contrà, qui copiosè sudant, parùm mingunt. Ubi enim fit multiplicatio unius, ibi fit diminutio alterius. Simile quid habet *Hippocras. aphor. ult. sect. 4.* quando dicit, mictione noctu plurima facta, paucam fieri alvi dejectionem. Cui aphorismo addi potest contrarium, nimirum, facta copiosa humoris aquosi per alvum dejectione, urinam excerni pauciozem. Subtrahitur enim mi-

S ctioni

Alioni materia: quia per alium locum evacuatur. Ratio vero Hippocratei aphorismi est, quia si noctu mingatur plurimum, humiditas aquosa ad urinæ vias transmittitur: excrementa vero in intestinis coacervata sicca evadunt & dura, quo nomine etiam ignavia & pigriora fiunt ad defectionem. Hinc docet Galen. in comm. si alvus sit supra modum humida, potum dandum esse parciolem, & serum ad ductus urinarios per diuresin ablegandum. Contrà, si alvus sit siccior, largiorem propinandum esse potum, ut eo alvi excrementa rigentur & diluantur, faciliusque excernantur.

Qua de causa oculi non, ut alia faciei partes frigeant?

Rei istius causæ sunt sequentes. I. Quia oculi sunt in assiduo motu. At quod movetur, non friget. Motus enim calorem exuscitat. II. Quoniam oculi reconditi sunt in orbita, tanquam in antro, in quod frigus externum non ita penetrare potest. Reliquæ faciei partes foris sitæ sunt & injuriæ frigoris expositæ. III. Quia oculi tecti sunt palpebris, reliquæ faciei partes sunt nudæ. IV. Quia multa pinguedine præditi, quæ aures, nasus, fronsque carent. V. Quia musculos habent sex, qui carnosius; & propterea calidi.

Cur alterius oculi morbus gravior multoque diuturnior esse soleat, quàm utriusque.

Videtur prima fronte potius evenire debere contrarium. Nam quod plures affliguntur partes, eò magis afficitur Natura: eò major requiritur labor. Et fieri potest, ut una sanata, altera adhuc laboret Alexander Aphrodisæus lib. x. problem. 138. sentit contrarium. Rationem dat geminam. Vnam: quia fieri potest, ut fluxio in alterum oculum tantum tota decumbat:

cumbat: aut saltem majori ex parte. Fit ergò, ut defluxio-
nis materia inefficacior reddatur, quia decisa, & quoniam co-
piosior ad alterum oculum delata. Informius autem reddi-
tur, quod dividitur, eoque magis hebetatur, quòd sectum nu-
merosius. *Alteram*, quia cum alter oculus, qui est sanus, fre-
quenter se moveat, cogit etiam ægrotantem oculum toties mo-
veri. At quietem summum esse remedium membri affecti,
compertum est omnibus. Lis forsàn decidi potest, si dicatur,
per se pejus esse, si ambo oculi afficiantur: tùm quia Natura
hac ratione magis infestatur, tùm quia ambo in periculo ver-
santur. Cùm enim oculus sit pars humida, mollis, admodùm,
sensilis & delicata, adhæc in supremo corporis loco, & ante-
riori quidem, qui externis injuriis expositus est, collocata,
lædi facilè potest. Per accidens autem deterius esse, si alter
duntaxat vitio aliquo laboret; idque propter rationes ab
Aphrodisæo allatas.

Cur manu præ lucerna, aut Sole objecta melius videamus?

Notorium est, ut res obvias accuratius distinguamus,
solere nos lumini manum opponere, ne in oculos illabatur.
Scimus etiam, eos, qui in aëre Solis radiis illustrato è longin-
quo aliquid cognoscere volunt, apposita ad supercilia manu,
aut alia aliqua re umbram sibi parare. *Queritur* ergò, quæ
hujus rei sit causa? Videtur, causam hauriri posse ex illo *Ari-
stotelis* dicto, quòd excellentia sensilia & nimis vehementer
sensus moventia sensibus officiant, imò sensoria vitient atque
corrumpant. Splendor igitur luminis solaris cùm sit excellens
sensibile, & vehementer ac violenter in sensorium visûs agat,
non mirum, illud rectè videre, & objecta aspicere non posse.
Manu autem superciliis admota, acies luminis & externi splen-
doris arcetur, quòd minùs in oculos illabatur. Cùm igitur res
inspicienda nihilominus in luce posita sit, sit, ut rectius ab ocu-
lis videri possit.

An ab uno oculo visus edatur acutior, quàm ab utroqꝫ.

Hic rursus monendum est, sermonem esse de oculis sanis & æqualiter sese moventibus. Etsi autem quidam probare conentur, accuratiùs nos uno, quàm duobus oculis videre experientià tamen & ratione redarguuntur. *Experientià*: quia si quis utroque oculo rem aliquam aspiciat, alterum verò deinde claudat, comperiet, rem illam se accuratiùs videre, ambo- bus apertis, quàm uno solùm. *Ratione*: I. Quia duæ causæ simul junctæ perfectiorem edunt effectum, quàm una. Hinc videmus duas faces magis illuminare aërem, quàm unam. Duas manus faciliùs & citiùs onus aliquod elevare aut gestare, quàm unam. Duabus naribus meliùs nos inspirare aërem, & expirare quàm una. II. Quia Natura semper id agit, quod est melius & utiliùs. At si acutiùs nos uno oculo quàm duobus videremus, utique non binos, sed unum duntaxat oculum condidisset.

Quanam oculis maximè noxia sint, vi- sumqꝫ offendant?

Plurima sanè sunt, quæ oculis nocent visumque laedunt. Afficiunt autem præcipuè cerebrum, spiritus, humores, & membranas oculorum: quæ cerebrum vel nimis refrigerant, vel nimium humectant, vel vaporibus & halitibus implectant. Item, quæ spiritus visivos minuunt, aut prorsùs exhauriunt & consumunt, aut turbidos crassosque illos reddunt. Adhæc, quæ humores oculorum faciunt impuros. Denique, quæ membranas eorum exiccant, densant atque corrugant.

Cerebrum autem refrigerant aër externus, præsertim hybernus, & venti boreales. Refrigeratum quippe excrementitias gignit humiditates, quæ postmodùm tum ad partes alias, tum etiam ad oculos defluere solent.

Cire

Cerebrum humectant venti austrini, pluviosa cœli constitutio, somnus immodicus, & meridianus, olerum, acetarium, fructuum æstivorum, & piscium crebrior esus, capitis lationes frequentes.

Cerebrum vaporibus & halitibus implent fabæ, pisa, lentes, phaseoli, rapæ crudæ, napi, pastinaca, castanæ &c.

Spiritus visivos minuunt & exhauriunt, vigiliæ, inediæ, assiduæ meditationes & studia, omnes immodicæ evacuationes sponte, vel arte factæ.

Spiritus turbidos, crassos impurosque reddunt edulia phlegmatica, & melancholica. Ex illorum albo sunt partes animalium membranosa, tendinosa, ligamentosa & cartilaginea: item pisces squamis carentes: ut Tinca, Anguilla & Mustelæ fluviatiles, caseus recens, lactinia &c. Ex horum numero caro fumo indurata, cervina, leporina, vaccina & bovina vetus, genera farciminum, parenchymata viscerum &c.

Humores oculorum turbidos impurosque faciunt modo dicta. Crassa item novaque vina & mustum.

Membranas eorum siccant calefaciendo ut ignis: quando homines ante fornacem, aut caminum sese calefaciendi gratia sedent diù multumque: ut fieri solet tempore brumali: aut metalla in igne emolliunt, vel liquant. Idem ignis oculis etiam nocet propterea, quòd humores in capite contentos fundat atque liquet, qui postea ad oculos delabuntur.

Quæ acria sunt & mordacia, ut fumi, ut porrum, cepa, allium, raphanus esculentus & rusticanus, sinapi, eruca, salsa & aromatizata omnia, eatenus oculis officiunt, quia acriter membranas earum, præcipuè adnatam feriunt. Sensû enim membrana est acerrimi. Ideoque ab ejusmodi rebus petita dolet admodum. Proinde affluxus exuscitatur humorum: & illorum quidem acrium, biliosorum, & salforum, qui epiphoram, sive lachrymam calidam, & alteram illam, quæ talis non est, pariunt.

An ophthalmia morbus sit simplex: an compositus?

Simplex morbus est, qui cum nullo alio est conjunctus. Compositus qui alium sibi adjunctum habet, & quidem in una eademque parte, uno eodemque tempore. Copulantur autem morbi variis modis. 1. *Ejundem generis*: ut intemperies calida & sicca. Intemperies calida cum humida. Intemperies frigida cum humida: & intemperies frigida cum sicca. *Primi* exemplum habemus in feбри, & maximè in hectica. *Secundi* in pustulis & tuberculis sanguineis. *Tertii* in anasarca, Caro, &c. *Quarti* in callositate partium. Ad hanc primam compositorum morborum classem pertinent, quando organicus cum organico confociatur: v. g. luxatio ossis cum coarctatione alicujus vasis: morbus enim est compositus, sed ejusdem generis: alter in situ: alter in cavitate. Item tumor & vitiosa figura. Adhæc, cum continui solutio cum alia continui solutione in eadem parte copulatur: v. g. vulnus & fractura: *Deinde generis diversi*: ut quando intemperies cum vulnere, ulcere, fractura, aut ruptura connectitur, similis scil. morbus cum communi, qui est continui solutio. Item cum organicus componitur cum soluta unitate: v. g. magnitudo diminuta, aut numerus deficiens, cum vulnere. Adhæc, cum omnia tria morborum genera concurrunt. Id quod fieri solet in omnibus insignioribus inflammationibus, œdematibus, & scirrhosis tumoribus: nam in illis & intemperies, & aucta magnitudo, & continui solutio quædam deprehenditur, præsertim si etiam ulcus adsit. Ophthalmia ergo simplex morbus non est: sed in illa tria morborum genera conveniunt. Intemperies, eaque calida & humida, composita scil. & materialis. Mala compositio: nimirum vitiosa figura & magnitudo aucta, quia tumor adest: & continui quædam solutio, non quidem sensu perceptibilis, attamen ratione contemplabilis: quoniam partes affecti oculi à se invicem sunt separatæ, quæ debebant esse conjunctæ atque unitæ. Separatæ autem sunt à se invicem, ob sanguinis præsentiam, qui copiosius influxit.

Sed

Sed coronidū loco hīc quæri posset, an non & illi morbi compositi dici possint, qui vel cum sua causa, vel cum graviore aliquo symptomate sunt copulati? Resp. propriè morbos compositos vocari non posse: quoniam neque causa, neque symptoma morbus est. Hīc autem de complicatione morborum rogitur.

Quæritur rursus, an non illi morbi dici queant compositi, qui uno eodemque tempore varias partes occupant? Resp. Nequaquam, quia complicati & consociati non sunt, sed in diversis locis hærent. Illi enim morbi propriè dicuntur compositi, qui unam duntaxat partem uno eodemque tempore unâ occupant. Qui verò plures partes obsident, non compositi, sed multi dicuntur, & corpus multis morbis laborare dicitur: ut si ulcere in tibiis: nephritide in renibus: *phthisi* in pulmonibus: frigida humidaque intemperie in capite consisteretur. Atque isti morbi varii, sive multiplices opponuntur solitariis, qui sunt uni: quia unam solū partem occupant, ejusque actiones lædunt: vel etiam totum corpus obsident: ut febres. Et morbi isti, qui unam solū partem affligunt, in simplices & compositos dispescuntur.

*Utrum ophthalmia sit affectus totius oculi,
an solius tunice adnatæ?*

Ad hoc quæsitum respondendum est per distinctionem. Nam si ophthalmia propriè dicta intrâ suos limites sese contineat, inflammatio est solius tunicæ adnatæ, sive conjunctivæ: & quidem immediatè, primò ac per se: quoniam & rubor, & calor, & dolor in ea observantur. Venulæ quoque illius conspicuæ sunt, quæ ante inflammationem latebant. Per se igitur, *opthalmia* & *aqueus* inflammatio est tunicæ dictæ: per accidens verò, *pusillus* & *impurior* totius oculi. At si fluxum sanguineum non sola conjunctiva in se suscepit, sed etiam aliæ oculi partes: adeò ut & motus & visus in ea offendantur, morbus est totius oculi, non solius adnatæ tunicæ.

An

An cornea oculorum tunica possit inflam- mari & ophtalmiam pati?

Valesius de Taranta l. 2. c. 2. videtur hoc negare. Ratio illius est: quia *οφθαλμία* est inflammatio. At ubi ista, ibi & venæ & sanguis, & mollities requiritur, ut influens faciliè recipi possit sanguis. Sed in cornea venæ nullæ visuntur, neque sanguis spectatur. Est quoque cornea crassa, sicca, dura. Verùm, si ossa ex *Galeni* mente inflammarì possunt, quæ longè & crassiora, & sicciora, & duriora sunt tunica cornea, cur non & cornea? Deinde, si totus oculus inflammarì potest, cur non & amplissima illius pars, tunica cornea? Oculo enim toto ob copiam sanguinis inflammato, inflammatio sanè etiam maximæ illius portioni communicari potest. Tertio, anterior corneæ pars in *οφθαλμία* universali totius oculi rubet adeò, ut quæ videntur, rubro infecta esse colore putentur. Ergò etiam inflammata est. Sed ratio *Valesii* valida satis esse minimè videtur. Nam si cornea est pars vivens, etiam nutritur. Si nutritur, sanguine nutritur: quoniam hic est commune omnium partium pabulum. Si nutritur sanguine, habebit etiam vascula sanguinis, ipsas scilicet venas, tametsi illæ propter exiguitatem minimè videantur: quoniam ne conjunctivæ quidem venulæ extra inflammationis tempus conspiciuntur. *Credimus* ergo, etiam corneam inflammarì posse, sed rariùs, quàm adnata: quoniam sanguinem habet pauciorè: venas rariores: & substantiam duriorè.

Sitnè ophtalmia contagiosa?

Affirmativam tuetur *Aristotel. sect. 7. problem. 4.* & *Aphrodisæus l. 2. probl. 39.* Verùm necesse est, ut oculus affecti hominis halitus ex se emittat, & sanus illum propiùs, crebriùs, attentiusque inspiciat. Tunc enim *μίασμα* illud, quod ex ægri oculo egreditur, oculis sani hominis communicatur, fitque contactus mediatus, & ad distans. Quòd autem istud *μίασμα* recipia-

recipiatur ab oculo hominis sani, & simili labe inficiatur, in causa est natura & constitutio oculi, qui mollis est, tener, humidus, valde mobilis & irritabilis.

An omnis ophthalmia à solo proveniat sanguine?

Quæritur hic de *ὀφθαλμία* vera, quæ humida: non de sicca, quæ *ξηροφθαλμία* appellatur. Illam *Celsus* vocat lippitudinem: hæc arida lippitudo à quibusdam vocatur. In illa, si quidem vera sit & exquisita, tunicæ conjunctivæ est inflammatio, oculi calent, rubent, tument, dolent, tensi sunt, & lacrymæ ex oculis manant. Venæ quoque, quæ prius erant planæ obscuræ, in conspectum veniunt. In hac oculi sunt subaridi, neque tument, neque fluunt, sed rubent tantum, & cum dolore quodam levi ac prurigine gravescent, & palpebræ citra duritiem ullam prægravi pituita inhærescunt, sic docentibus *Celfo* & *Aërio*. Nascitur non ex sanguine, sed humore falso & nitroso: qualis est pituita & serum falsum.

Sed quæritur, an *ὀφθαλμία* à solo sanguine oriatur? *Resp.* si vera & exquisita sit phlegmone, sanguinem solum in causa esse: id quod satis ex rubedine oculorum patet. Nulla quippe inflammatio est, quæ non sanguinem pro causa habeat. Quod si exquisita inflammatio non sit, tùm sanguis quidem adest, sed non solus: verùm adjunctos sibi habet humores alios & cum primis biliosos & serosos falsos: id quod ex emanantibus lacrymis, quæ serosæ sunt & falsæ, aliquando etiam citrinæ, manifestum est: quæ notæ sunt bilis.

Cur æstate & in regionibus calidioribus crebriores sint ophthalmiæ?

Hippocrates: *aphor.* 21. *sect.* 3. ophthalmias, quas alii siccas, alii humidas interpretantur lippitudines, inter morbos æstivos recenset. *Galenus* ait in *comm.* hoc fieri ob capitis repletio-

pletionem. Repletur autem caput tempore verno, quod æstivum præcedit. Calor verò æstivus fundit & liquat illam materiam: quæ deinde ad oculos subiectos defluit. Melior forsitan interpretatio est, quia æstivo tempore ob caliditatem & siccitatem multum colligitur humoris biliosi: ob frequentem etiam acetariorum fructuumque horzorum & olerum usum plurimum coacervatur seri. Id quod etiam fieri potest hanc ob causam, quoniam æstivo tempore siticulosiores sumus: quod fit, ut etiam potus simus appetentiores, plusque eo, quàm aliis anni temporibus, bibamus. Serum ergò salum facere potest lippitudinem siccam & pruriginosam. Biliosus verò sanguis ophthalmiam, sive lippitudinem siccam.

Quæ sit causa, quòd in ὀφθαλμία lachrymæ fundantur calidæ?

Lacrymare oculos in ὀφθαλμία, αὐτοφία docet. Quæ sit, queritur. Ea verò est, quoniam oculi inflammati quasi ardent, vehementerque dolent. Calor autem & dolor faciunt, ut humores accersantur: illi præcipuè, qui ad motum prompti sunt atque parati: cuiusmodi est sanguis fervidus & tenuis, biliosus item & sero salo per mixtus. In causa quoque harum lacrymarum est oculorum infirmitas, maxime ophthalmiæ tempore. Ideoque aliena quæ sunt, & affluunt, faciliè admittunt.

An in curatione ophthalmiæ usurpanda sint repellentia & suppurantia?

Manifestum est, inflammationes pro diversitate suorum temporum diversa postulare remedia. In principio enim requiruntur revellentia & repercutientia. In augmento permiscuntur repellentia & digerentia, ita tamen ut illa prædominentur, quia materia adhuc affluit. In statu digerentia: & si inflammatio ad suppurationem vergat, maturantia, sive pus moventia. Verùm hic habenda est ratio partis affectæ. Repellentia quidem

quidem in principio, ut affluens materia repellatur, conceduntur, sed moderata esse tenentur. Si enim vehementer repellant, præsertim cum materia tenuis & penetrativa, qualis esse solet biliosa, periculum est, ne se conferat ad oculorum cavitatem & nervos opticos, indeque vel omnimoda cæcitas, vel suffusio oboriat. Suppurantium autem usum Medici nonnulli dissuadent, quoniam verentur, ne purulenta genita materia oculis, qui sunt membra mollia, humida, valdeque tenera & delicata, noceat, & putredinem aliquam inducat. Præstat ergo in progressu digerentibus & discutientibus uti.

An vini potus in ophthalmia conveniat?

Hippocr. sect. 6. aphor. 31. quinque remediorum genera in doloribus oculorum præscribit: I. ἀλεσιποσίην, meri potionem. II. λυρὸν, balneum. III. πνέιν, fomentum. IV. φλεβοτομίαν, Venæ sectionem. V. φαρμακίην, purgationem. Verùm cognoscenda priùs causa est doloris oculorum. Non enim omnia omnibus oculorum doloribus conveniunt. Quare neque vini meracioris potus. Inspecie autem vinum meracum ophtalmiæ minimè confert: seqq. de causis. I. Quia admodum calefacit. At calor in ophtalmia urget. II. Quia in vera effatuque digna ὀφθαλμία propter sanguinem accensum, vigilias, inedias, doloresque adest febris, cui vinum est inimicum. III. Quia tale vinum humores concitat, & ad oculos movet, cum tamen jam antè sponte sua ad illos fluant. Ideoq; missum faciendum. Quod si tamen citra phlegmonem oculorum dolores adessent, nati ex copia sanguinis crassioris, in venulis oculorum contenti, citra totius corporis plethoram, de quibus Hippocras, loqui videtur, tùm vinum substantiæ tenuis, & ætatis justæ uti liceret. Ratio est: quia crassum sanguinem diluit: attenuat: & obstructions venularum recludit. *Balneum aqua dulci* illis competit oculorum doloribus, qui ab humoribus acris ad oculos fluentibus profecti. Dolores enim mitigat, acresque humores poris cutis apertis evocat atque

contemperat. *Vena sectio* commodat in *οφθαλμία*, & aliis oculorum doloribus à sanguinis copia dependentibus revulsio- nis & vacuationis gratia. Sed administranda maturè, & in- cidenda cephalica, quæ κατ' ἰξιν affecto oculo respondet: aut in utroque brachio, si ambo oculi laborent. *Purgatio* deni- que ordinanda, præsentē *κακοχυμία*, cū scil. corpus malis est refertum humoribus. Accommodanda autem peccanti humori.

Utrum topica actu frigida in ophtalmia esse debeant?

Tepida videntur potiora esse: quæ tamen potestate sint frigida in principio, cū repellentia usurpanda; calida verò in progressu, cū digerendum & discutiendum. Talia enim dolori etiam mitigando sunt convenientiora. Actu frigida membranas densant, & visum reddunt hebetiorem.

An errhina in ophtalmia sint con- ducibilia?

Errhina illa dicuntur medicamenta, quæ serum sive æ- quam & pituitam cerebri per *πύλας*, h. e. per nares evacuant: suntque in albo particularium cerebri vacuationum, quemad- modum & ptarmica, & apophlegmatizonta & gargarismi, qui pituitam inde proluciant. An errhina in ophtalmia adhiben- da sint, controversatur. *Quidam illa improbant*, eò quòd hu- mores ad oculos, qui jam antea fluxione sunt tentati, ad an- teriora capitis trahant, sicque malum augeant. *Nonnulli* ve- rò iis utuntur, moti partim autoritate veterum, partim hac ratione, quòd errhina sese habeant instar derivantium præsi- diorum, quia humores per vicinum locum, ipsas scil. nares, evacuare queunt. Potest & hæc dari ratio: quoniam si licet in *οφθαλμία* uti apophlegmatismis & gargarismis, cur non & errhi- nis. Acquæ enim cerebrum vacuant, ac remedia ista. *Sunt denique*, qui distinguunt inter fortiora & leviora. Ajunt, illa vitanda esse.

esse, quia humores fortiter alliciunt & ad locum affectum quasi invitant. Hæc locum habere posse, sed cum hac conditione, quando corpus totum & caput præcipue jam est vacuatum, & cum causa ophtalmiæ adhuc est in fluxu ad oculos.

Verum nos arbitramur, satius esse, si errhina omittantur. Non enim materia quæ jam per se ad oculos fluit, errhinis magis est ad illos præcipitanda. Magna enim ratio oculorum habenda est, tum propter summam eorum utilitatem & necessitatem, tum etiam, quia deniles sunt atque infirmi, & variis externis injuriis obnoxii. *Sic quoque* cum plerisque errhinis comparatum est, ut ob acrimoniam, qua pollent, etiam sternutationem excitent: quæ tamen oculis afflictis ob validam capitis commotionem vehementer nocet. *Adde quod materia* ad oculos affluens aliis, & longè commodioribus modis averti possit: nempe venæ sectione, purgatione, scarificatione. Evacuari quoque possit topicis, digestibus scil. & insensibiliter vacuantibus, quæ suo loco & tempore usurpata quam maximè conducunt. *Apoplegmatisimos & gargarismata* concedere possumus, quia materiam non ad oculos & ad anteriora capitis, sed ad posteriora deducunt. Ideoque oculis non obsunt, ut *ippiva*. Leviora verò *ippiva* parùm, aut nihil educunt. Ideoque cum parùm prosint, & tamen oculis nocere queant, humores ad anteriorem capitis partem, & consequenter etiam ad oculos propellendo, præstat ab illis abstinere: præsertim cum habeamus alia, quæ tutò materiam affluentem avertere & evacuare valeant.

An lac muliebre dolentibus oculis instillandum?

Lac muliebre, ut & vaccinum, siquidem recens sit, & bona notæ, insigne est anodynum tepidè instillatum. Acrimonia enim & mordacitatem humorum, qui jam in oculos influxerunt, mitigat atque contemperat. *Cavendum tamen*, ne diutius oculis inhæreat. Acefcit enim, & à calore oculorum inflammatorum corrumpitur, & acrimoniam acquirit;

qua dolorem conduplicare potest. Quare singulis propemodum duabus horis novum instillandum.

An narcotica oculis ophthalmia vexatis foris admovenda?

Constat atque in confesso est, in vera ophthalmia, praesertim si à fervido sanguine orta sit, & magnus ad oculos sit acrim mordaciumque humorum, quales sunt serosi salsi; affluxus, dolores excitari acerbos atque atroces, qui vigilias, inedias, febres, viriumque prostrationem tandem causantur. Ideoque opus, ut illi placentur & consopiantur. Placari autem citius non posse, nisi topicis vim stupefaciendi habentibus. Quæritur ergo, an aliis utendum sit? *Resp.* necessitatem urgentem ea requirere: sed usum illorum neque nimis crebrum, neque multum admodum esse debere. Tametsi enim frigiditate non noceant: quia probatum in antecedentibus, opium frigidum non esse, sed potius calidum, acre & mordax, ideoque cum hac qualitate acri molesta esse possint oculis, cumque spiritibus animalibus non parùm obsint, illos incrassando, figendo & hebetando, consultius videri, ut vel benè correcta, vel parca admodum manu usurpentur.

Nunquid balneum aqua dulcis in ὀφθαλμία parandum?

Videtur prima fronte non convenire. I. Quia calore balnei materia in capite contenta funditur, & ad oculos fluit, II. Quia halitus & vapores, qui à calore balnei exsuscitantur, ascendunt, & oculos petunt, sicque intemperiem calidam oculorum inflammatorum augment. *Verùm inconveniens* esse videtur I. Quoniam *Hippocr.* illud in oculorum doloribus concedit *aph. 32. sect. 6.* II. Quia materiam biliosam, acrem & mordacem mitigat atque contemperat. Crassam verò attenuat. III. Quia eandem ex parte vacuat. IV. Quoniam materia

teriâ minorata facit, ut quod illius est residuum, à Naturâ faciliùs vincatur. Sed oportet corpus priùs esse vacuum, h. e. si sit plethoricum, à copia sanguinis liberatum. Si κακός, à viciosis humoribus alienum. Nec in principio statim, affluente adhuc materia, balneum usurpari debet, ne fusa liquataque materia αἴθριος ad oculos fluat.

Primo verò argumento in contrarium adducto satisficit, si commemorata modò regulæ observentur. Posteriori verò respondetur, posse halitus illos à calore balnei exuscitados arceri, si solium, sive balneum, quo indiget aget, probè sit velamentis tectum. Hoc tamen addendum, quòd balneum aquæ dulcis tutius possit administrari in ὀφθαλμία mitiori, quando sanguis est serosus, aut pituitosus: minùs tutò, cùm idem est fervidior, tenuior & biliosior: idque tùm propter calorem, tùm quia humores potest ad oculos invitare.

Quam ob causam homo suffusioni maximè sit obnoxius?

Ratio forsan est, quia ut homini cerebrum est amplissimum, ita & humidissimum. Non amplum autem solum est hominis cerebrum: verùm etiam frigidum. Hæc frigiditas in causa est, quòd in cerebro multum aquosi & pituitosi excrementi succrescat: quod nisi per emissaria solita evacuetur, fit, ut ad oculos decumbat: & tùm mala alia, tùm vel imprimis etiam suffusionem generet.

An μυωπία & νυκταλωπία sint unus idemq; oculorum affectus?

Nequaquam. Etenim μυωπία, quæ etiam μίωψ vocatur, quamvis & hoc nomine illi insigniantur, qui μυωπία laborant, id vitium est, quæ oculis propiùs admodum, & oculos ferè contingentia, videmus, & limis semiclusisque oculis aspiciamus, etiamsi parva sint, remota autem, licet magna, non vide-

mus.

mus. *Νυκταλία* verò, quæ etiam *νυκταλῖα* dicitur, is est affectus oculorum, quo interdum quidem videmus, at Sole occidente obscurius, noctu omnino nihil. Visus igitur, inquit *Avicenna*, in nocte, h. e. in obscuro evanescit. Quidam asserunt, inter *μωπία* & *νυκταλία* hoc quoque discrimen esse, quod illa vitium sit nobis congenitum, & à prima nativitate nobis contingat: hæc verò à morbo accadat. Verum utrumque vitium & naturæ nobis inesse potest, & à morbo obtingere, *Μυωπες* lusciosi vocantur, quasi minus videntes. *Νυκταλῶπες* quasi τῶς νυκτὸς ἀλαοί, noctu cæci. *Λάαν* enim videre significat. Causa *μωπίας* ἢ *μωωπιάσεως* est paucitas spiritus visivi. Ut enim acutè & distinctè tum vicina, tum remota videamus, spiritus in quantitate requiritur multus & copiosus: in qualitate tenuis & purus. In *μωωπίᾳ* spiritus est quidem tenuis & purus, inde propinqua videntur accuratè & distinctè: sed longinqua non item. Spiritus multus quidem, sed crassus, & longinqua, & vicina videt, verum non exquisitè & accuratè illa discernit. Spiritus paucus & crassus hebetes reddit oculos, qui neque distantia vident, neque propinqua discernunt.

*Cur nyctalopes interdum videant, noctu
autem id præstare non possint: con-
trà quidam noctu videant magis:
interdum minus?*

Prioris problematis ratio esse videtur, quoniam nyctalopum spiritus multi quidem sunt, sed obscuri & tenebrosi. Ideoque cum spiritus ipsorum diurna juventur luce, vident: ubi verò hac privati sunt, aut nihil, aut debiliter vident. Posterioris verò hæc est causa: quoniam spiritus eorum valde sunt subtiles, ita ut à luce diurna dissipentur & imminuantur: noctu autem congregati & collecti sunt, & ob id videant clariùs.

Cur

Cur qui mali aliquid perpetrârunt, oculis & vultu id dissimulare nequeant?

Hec quàm difficile est crimen non prodere vultu.

Inquit Poëta.

Ratio est, quia oculus nuncius est cordis & animi speculum, in quo omnia refulgent & emicant. Est etiam oculus pars propter molliem & humiditatem debilis. Quo fit, ut omnis alteratio, quæ ex corde sumpsit initium, oculis illicò communicetur.

Qui sensus omnium maximè utiles sint & necessarii?

Ipse vò dicitur simpliciter maximè necessarius & utilis est sensus tactus. Propterea omnibus animalibus, etiam imperfectissimis est concessus, & per totum corpus, & singulas ferè illius partes diffusus. Dein gustus, qui & ipse tactus quidam est, & alimenti sensus. Tertio obfactus: brutis quidam utilis ad perquirendam escam; hominibus verò magis ad voluptatem, quàm ad necessitatem conducens. Quanquam etiam ad alterationem & roborationem cerebri ejusque spirituum aliquid conferat, & ad alimenti faciliorem assumptionem. At *ipse vò dicitur* maximè necessarii sunt visus & auditus. Is quidem ad rerum inventionem magis aptus est, hic verò ad inventarum perceptionem & communicationem accommodatus. Quo nomine ab *Aristotele* disciplina sensus nominatur. Omnium tamen nobilissimus censetur Visus. I. Quia non tantùm sensilia propria, ipsos scilicet, colores, simplices & mixtos, & tùm extremos, tùm intermedios percipit, verùm etiam omnia communia sensilia, utpote magnitudinem, numerum, figuram, motum & quietem sentit. II. Quia ad rerum cognitionem comparandam plurimùm facit. III. Quoniam sua sensilia omnium citissimè & velocissimè percipit. IV. Quia organum illius, oculus, structuræ artificio mirabili cæteros sensus antecellit.

cellit. Quamvis autem homo ratione citæ receptionis à brutis vincatur : vincit tamen illa ratione dijudicationis , quoniam objectorum differentias perfectiùs cognoscit atque discernit. Vincitur enim ab Apro auditu : à Lynce visu : à Simia gustu : à Vulture odoratu : ab Aranea tactu : scil. ratione receptionis objectorum : vincit tamen illa rursus ratione dijudicationis sensilium receptorum , ut jam dictum.

Quinam sint affectus auditûs præter naturam ?

Sunt morbi & symptomata. Morbi in genere triplices : similes , dissimiles & communes. *Similes* sunt intemperies , potissimùm nervorum & membranarum : & intemperies quidem frigida atque humida : frigida sine materia à ventis & aëre frigido : humida verò ab humore : vel in auribus genito : vel aliundè transmissò : vel ob dolorem , aut calorem attracto. Calida enim intemperies non excluditur. *Dissimiles* sunt tumores & obstructions. *Communes* ulcera & vulnera. *Symptomata* vel sunt actiones læsæ , vel excretiones. *Ad læsas* actiones referimus auditum deperditum : quod fit in surditate : ad diminutum : qui contingit in *Supercala* , auditûs gravitate : ad depravatum : quod accidit in sibilo , tinnitu , strepitu & susurro. *Ad excretiones* , effluxum saniei , putis , ichorum , feri , aliarumque sordium , imò & vermium. *Ad læsas actiones* reduci quoque dolor potest , qui auribus non est infrequens. Est enim symptoma in tactu.

An à causa externa calida auribus calida imprimi possit intemperies , quæ auditum ledat ?

Quidam hoc negant : moti seqq. rationibus. I. Quia aures organa sunt frigida : quòd ex cartilaginibus , membranis , ossibus & nervis consistit. At quemadmodum causæ frigidæ frigidis

gidis partibus sunt inimicæ, ita calidæ iisdem amicæ sunt, & ut Hippocr. aph. 21. sect. 5. loquitur, decretoria. Τὸ θερμὸν, inquit, frigidis partibus est φίλον & κρῖνον: τὸ δὲ ψυχρὸν πολέμιον & ἔχθρον, inimicum atque interimens. II. Quia calor externus vix calidior esse potest cerebro & cæteris partibus internis. Ideoque non videtur ipsis inferre posse calidam δυσκροσίαν, & quidem talem, quæ actionem lædere queat. At nobis eorum placet sententia, qui persuasum habent, externum calorem posse inducere in aures δυσκροσίαν calidam & per se, & per accidens. Per se aër intersè calidus in causa esse potest. Si enim frigidus refrigerare, quidni & calidus calefacere posset? Suffitus auribus excepti, & vapores calorifici ex decocto herbarum in illas immissi idem valent præstare. Idem etiam possunt spiritus officinales instillati, qui ignei, cujus generis sunt Fœnic. Anis. Junip. Per accidens verò, quoniam calor externus humores in cerebro dissolvit, attenuat, eosque attrahit & meatu aperit, ut calidi humores ad aures affluant. Hinc Hippocr. aphor. 21. sect. 3. inter morbos ætiales etiam τῶν ὀτῶν πόνος, aurium dolores, recenset. Et Galen. in comm. dicit, fieri illos, cùm cerebrum est repletum, & superfluitates suas, tùm ad partes alias, tùm etiam ad aures deponit.

Ad priorem verò rationem in oppositum allatam respondemus, etiam frigida membra calida affici posse intemperie. Id quod inde patet, quia membranæ inflammantur, ut manifestum est in phrenitide, pleuritide, & quadam arthritide. Imò etiam ossa secundum Galeni placitum inflammationem concipere solent: hoc est, accenduntur.

Ad posteriorem. Tametsi calor externus aëris nos ambientis vix calidior videatur partibus internis, potest tamen auribus calida imprimi intemperies à fumis & vaporibus decoctorum calidorum, à balneis ficeis & humidis, naturalibus & arte paratis.

Utrum aures inflammationem patiuntur?

Tametsi aurium particulæ penè omnes sint frigidæ, ossa
V 2 scil.

scil. membranæ, cartilagines, & nervi, tamen & inflammatio quandoque illas corripit. Habent enim suas quoque venulas atque arteriolas. His enim vel ruptis, vel apertis, vel exesis, sanguis effluit, putrescit, & phlegmonem parit: quæ ex calore, rubore, dolore, feбри, continua & molesta pulsatione facillè innotescit: nec sanè etiam periculo caret. Coincidunt enim nonnunquam deliria, convulsivi motus, partes etiam vicinæ, cerebrum maximè, genæ, & tempora in consensum trahuntur.

An Vermes generari possint in auribus?

Quemadmodum calculi in quamplurimis nostri corporis particulis gigni solent: v. g. in renibus, vesica, cerebro, tonsillis, pulmonibus, mammis, hepate, liene, intestinis, vesicula fellea, mesenterio, utero, articulis arthriticorum &c. sic etiam vermes multas obsidere partes consueverunt: scil. caput, nares, cavos corrososque dentes, pulmones, renes, vesicam, uterum, partes alias, ut ex monumentis Virorum fide dignissimorum satis constat. Sermo autem nobis de illis est vermibus, qui in auribus nascuntur, non de iis, qui dormientibus in illas irrepererunt. Nascuntur verò in auribus vel ex sordibus ac saniei suppressione: vel ex pure ulcerum: vel ex alia aliqua inibi putrefacta materia. Posita namque verminum materia, loco generationis apto, & causa efficiente accommodata, nulli dubium, quin & ipse effectus, vermes scil. dentur. Quam rationem etiam ipsa comprobatur experientia. Vidit namque *Valerius de Taranta* l. 4. *prax.* c. 40. duos tresve vermiculos pini granis similes ex aure cujusdam juvenis acuta feбри laborantis ejectos. Similes etiam conspexit *Fernelius* l. 6. *patbol.* c. 10. Ubi non ulcera fieri possunt sordida, quæ negliguntur, minimeque purgantur, ibi etiam vermes gigni queunt. Est namque *Aristot.* l. 3. *de generat. anim.* c. ult. sententia, quòd animalia non tantùm ex semine & ovis, sed etiam ex putri materia & excrementis generentur. Nam in his etiam inesse spiritum quandam vivificum, elemento stellarum ἀνάλογον, à quo ζῷτικὴν ἀρχὴν ea accipiant, quæ inde producuntur.

Virum

Utrum ulcera gigni queant in auribus?

Omninò: & quidem dupliciter. I. post inflammationem. Hæc enim si suppuretur, abscessus fit, qui puris est collectio. Eo rupto, pus effluit, ulcusque manet. II. per se, nullo antegresso affectu. Illius causæ sunt variæ: nimirum acres erodentesque humores, ii que vel in auribus geniti, vel à cerebro transmissi. Exulcerantur quoque aures à rebus externis, liquidis & humidis, quæ corrodingi facultatem habent, & in aures immittuntur. Ulcera quoque fieri possunt ob icthum & casum. Sanguis enim extravasatur, putrescit, & in pus convertitur. Quodd autem aures verè ulcerentur, non solum à priori & causis antegressis, sed etiam à posteriori cognoscitur. Pus enim, & id quidem foetidum exire solet.

Qua sit diuturni illius aurium fluxûs causa, qui in pueris maximè observatur?

Varii generis humores ex auribus manare experientia testatur: sanguinem, pus, sanie, serum, & aquam. Verum de illo potissimum fluxu jam quæritur, qui puerilis & infantibus frequens est, & diù interdum durare solet, magnaque in copia apparere: modò cum, modò sine foetore. Certum autem est, materiam istius fluxûs in auribus minimè congeri: sed ad illas à cerebro humido atque impuro, vicinisque partibus derivari. Minores enim sunt aures, quàm ut tantam materiei copiam generare queant. *Quari autem posset*, per quam viam sanies illa effluat? & unde reverà scaturiat? *Platerus* persuasum habet, à cerebro non prodire, sed è venis porum *anastomosis* implicantibus fluere. Nullam enim aliam viam esse à cerebro, quam per foramen, nervo auditorio destinatum. Quod si verò humor in interiorem auris cavitatem primò effunderetur, ex aure, salvo tympano, effluere nequirit: sed auditus omninò laederetur, quod tamen non fieri, experientia testatur. Sed quemadmodum concedere possumus, fluxûs aurium diuturni & copiosi

pioſi ſcaturiginem etiam alibi quandoque latere, ita perſuaſum habemus, ipſum quoque cerebrum interdum illius fontem eſſe. Id quod inde conſtare poteſt: quia in multis, qui hoc fluxu divexantur, cerebrum malè aſſectum deprehenditur. Et notorium eſt, infantulorum caput plerumque humiditatibus excrementitiis abundare. Quo nomine etiam in ſomnum ſunt proclives, & ſuperfluitates pituitoſas & aquoſas per nares, os, oculos, & aures excernunt. Hinc *Hippocrat. aphor. 24. ſect. 3.* ὅτων ὑγρότης inter morbos infantiles recenſet. Cujus placenti in *commento* rationem reddit *Galenus*. Cerebri, inquit, humiditates derivatoriè in pueris atque adultis per nares & foramina palati expurgantur. Extraordinario autem modo etiam per aures, præſertim in pueris atque infantibus. His enim tùm corpus totum eſſe humidum, adeo ut & oſſa in ipſis potiùs cerea, quàm lapidea videantur: tùm vel maximè cerebrum. Ideoque addit, non abſque ratione in puerulis, cùm ſuperfluitatibus abundant, per omnia capitis foramina, eas excerni. *Quòd verò etiam aliarum partium ſuperfluitates quandoque ad caput transferantur*, id in affectibus benè multis quotidie experimur. Scimus enim maniam & melancholiam in quibusdam prodire à liene. Hæmorrhagiam narium à plenitudine totius corporis. Surditatem à bile, quam hepar mittit, Epilepſiam fieri per conſenſum cum ventriculo, utero, partibus inferioribus aliis, materià inde capiti communicatâ. Parotidas & bubones peſtilentiales cum peſte oboriri, venenatâ cauſâ ad ſuperiora tranſmiſſâ. In hydrope, & maximè in anafarca ſerum ablegari ad caput, & ſic deinceps. *De vi autem*, per quas materia ad aures pervenit, non admodùm ſolliciti ſumus. Natura enim vias ſibi ſemper quærit, & invenit etiam, tametiſi illæ nobis ſint incognitæ. Totum quippe corpus eſt *σπῆρ ἐν συμπύκνῳ*.

Cur nonnulli convaleſcentes ſonitum quendam in auribus percipiunt?

Qui febribus laborârunt, aut chronicis divexati fuerunt morbis, in convaleſcentia ſonitus aurium propterea percipiunt, quo-

quoniam calor illorum natus est debilitatus. Calore debilitato, concoctiones laeduntur. His laesis cruditates generantur: à quibus vapores varij oriuntur: qui caput petentes, & in aurium anfractûs sese insinuantes, varios propter varietatem copiae, qualitatis, & viarum, per quas exire contendunt, amplitudinem atque angustiam, sonitus excitare consueverunt, in alijs tinnitum, in alijs sibilum, in alijs strepitum, in alijs aliam soni speciem.

*An proxima horum sonorum causa sit
sit vel in auditûs ἀκροβεία, vel in ejusdem in-
firmitate, vel in objecto aliquo inter-
no, sive materia, qua interiori au-
ri offertur?*

Sunt, qui dicant, sonorum illorum causam esse τὴν ἀνωμαλίαν αἰσθητικὴν ἀκροβείαν. Hujus verò causam esse asserunt calorem organi modum excedentem, quo congenitus aër faciliè impellatur. Item tympanum siccius & tenuius. Adhæc rariorem texturam nervi auditorii: denique τὸ πρῶτον αἰσθητικὸν vel nimis patentem, vel tortuosum nimis. Ideoque levissimi soni interni, vel externi speciem ἀκρίβεια illa sensûs sentit. Verùm huic placito multa obstant. I. Quia ἀκρίβεια sensûs est virtus & res planè secundùm naturam, quæ depravatæ actionis causa esse non potest. At senitus illi sunt in genere symptomatum, scilicet mutatarum qualitatum, & depravatæ auditionis. II. Quia nemo est, cujuscunque tandem sit complexionis, sive calidæ, sive frigidæ, & sive acutè, sive obtusè audiat, qui non aliquando sentiat, vel senserit aliquem dictorum sonorum. Ergò si & obtusè audientes, & frigidi hosce sonos patiuntur, calor & ἀκρίβεια auditûs non erit causa. III. Quoniam ἀκρίβεια sensûs non videtur conjuncta esse cum excedente calore. Hic enim præternaturalis est: & agitationem potius confusionemque parit, quàm sensûs acumen. IV. Quia necessariò requiritur aliqua illius soni causa, quæ sanè excedens calor non est, sed

sed halitus quidam atque vapor: qui citò exuscitatur, citò etiam evanescit. Atqui soni illi etiam citò oboriuntur, citoque rursus evanescunt.

Sunt alii, qui statuunt contrarium: nimirum sonorum istorum causam esse debilitatem auditûs: sed contradictio videtur esse in adjecto. Debilitas enim auditûs nil est aliud, quàm auditûs diminutio & *ææuola*. At ista levia & exigua objecta sentire nequit. Talia autem illa sunt, quæ tinnitum & sibilum præcipuè faciunt. *Videtur ergò rationi magis* esse consonum si dicatur, sonos istos neque ab excellentia, neque ab infirmitate, sed ab objecto, sive materia aliqua intra aurem existente proficisci: & pro sui copia, qualitate, & viarum amplitudine, aut angustia, diversitatem sonorum parere: sicut supra dictum.

Quanam hæc sit materia, & unde scaturiat?

Materia illa, sive objectum, sive causa sonorum proxima, est vapor, seu halitus aliquis, modò copiosior, modò parcius, modò crassior, modò subtilior: qui perpetuò ex humida aliqua materia procreatur. Generatur autem vel in auribus: vel aliunde ad illas mittitur. Mittitur rursus aut à cerebro per venas, arterias, occultosve ductus? aut à partibus infernis: v. g. ventriculo, liene hepate, intestinis, utero, mesenterio, venis atque arteriis in principio paroxysmorum febrilium, in futura *κρίσις* per vomitum, aut narium *αιμορραγία*. *Aliæ causæ* evidentes atque externæ sunt, aurium refrigeratio, crapula, ingluvies, vomitio difficilis, inedia, purgantia pharmaca, humores commoventia, capitis percussio ad aures, fragor magnus, qualis edi solet in dispendione bombardarum & tormentorum bellicorum, itemque etiam tempore tonitruum & fulminum.

Qua

Quæ sit illius sonitus aurium causa, qui in quibusdam ferè continuus est, & durare solet non solum aliquot hebdomadibus, & mensibus, sed etiam annis aliquot?

Sonitus diurni causa videtur querenda esse, vel in cerebro, vel extrà illud in partibus infernis. In cerebro causa latet, quando halitibus, muco, aquosis & serosis est refertum humiditatibus. Sic autem est refertum, vel à nativitate, cum frigidum est atque humidum. Ablegare enim solet superfluitates suas ad varias partes, nares, oculos, spinalem medullam, pectus, asperam arteriam, & consequenter etiam ad aures: vel post nativitatem tale factum à prava diæta. Extrà cerebrum autem in ventriculo, intestinis, liene, utero, valis majoribus, & quibus halitus ac vapores sursum ad caput ascendant, ejusque partes. Ascendant autem in lienosis, stomachicis, hysteriis, iis, qui crapulæ indulgent, cruditates colligunt, uno verbo cacochymia & impuritate inferiorum viscerum laborant. Quidam addunt sanguinem multum eumque fervidum ac spirituosum in arteriis aurium contentum. Pulsu enim validiore in auribus sonus percipitur.

Utrum humores sint causa dictorum sonorum?

Humores, quia immoti persistunt in auribus, causa proxima sonorum illorum esse nequeunt. Nam quod illos excitat, moveatur est necessum, & vel percutiat internum aërem, vel ex meatu aliquo angustiore erumpat. Halitus autem & vapores causæ esse possunt, quia moveri, & per angustos meatus tranare queunt. Sunt igitur halitus causa proxima & immediata: humores causæ mediata: quoniam ex illis halitus & flatus exuscitantur. Acumen auditus pro causa sonorum haberi

haberi non potest: quia sonos non efficit, sed factos tantum facile & exquisitè percipit, qui in *σάπηξις* audiri nequeunt: quoniam auditus est hebetior.

Utrum dolor aurium pertineat ad sensum auditus, an ad sensum tactus.

Notandum I, quòd dolori opponatur voluptas. Quemadmodum autem dolor est noxa sive molestia, sive *πῆξις* quoddam, quod sentientes corporis particula ex improporcionato, & violenter celeriterque agente objecto, percipiunt: ita voluptasejusmodi est *πῆξις*, quo eadem partes ob gratum jucundumque, & leniter benigneque operante objecto afficiuntur. *Deinde*, quemadmodum dolor & voluptas cadit in sensorium tactus, ipsas scilicet membranas: ita utrumque *πῆξις* etiam locum habet in reliquis quatuor sensibus: evidentius tamen in tactu: obscurius autem in cæteris sensibus. *Tertiò*, quòd sensoria omnium sensuum doleant & voluptate afficiantur dupliciter: 1. quatenus sensu tactus sunt prædita: 2. quatenus suis inserviunt sensibus. Sic visus organum dolet aliquando vehementer, quatenus ratione suarum membranarum læditur, & continui solutionem à frigore, calore, rebusque secantibus, perforantibus, erodentibus & contundentibus patitur: dolet etiam, quòd est sensorium visus ab excellentibus sensilibus, v.g. rebus luminosis, & splendidis admodum: voluptate verò afficitur ab intuitu rerum viridi cæruleove colore tinctarum. Eademque ratio est etiam reliquorum sensoriorum: quorum quodlibet dolet & voluptate afficitur à suis objectis, & quatenus tactu pollet: & quatenus sensorium est alicujus sensus. Olfactus enim voluptatem percipit ex rebus suavem odorem spirantibus, Rosis v.g. Cariophyllis, Violis, Mentha, Majorana, Rosmarino, Ambra, Moscho &c. dolorem verò ex rebus foetidis: utpote Castoreo, Asa foetida, putridis cadaveribus, excrementis animalium &c. Gustus voluptatem capit ex rebus sapidis, pinguibus scilicet dulcibus aliis: v.g. Amygdalis, Pineis, Saccharo, Melle, carnibus volatiliis &c. Dolorem verò

verò acquirit ex rebus valdè amaris, acerbis, salis, acerbis, austeris, acidis. Auditus delectatur sonis suavis, ut harmonia concinna vocalis & instrumentalis Musicæ: contristatur verò maximis campanarum, bombardarum, tormentorum bellicorum, tonitruum sonis. *Ad propositum problema jam respondemus*, aurium dolorem, de quo impræsentiarum quaeritur, pertinere ad sensum tactus: quia *ratio* est, ex continui solutione membranarum, quæ intus in auribus existunt, genitum. Continuum verò solvunt res externæ atque internæ. *Externa* sunt frigus aëris, aqua, aliarum rerum, quæ in aures immittuntur, aut infunduntur & instillantur: item ab iis quæ secant, perforant, rumpunt, contundunt, erodunt. *Interna* sunt humores & vapores, sive halitus ac flatus. Humores sunt calidi vel frigidi, falsi, acres atque mordaces. Vapores ac flatus ab humoribus oriuntur. Is autem dolor aurium, qui ab excellenti objecto oritur, hujus loci non est.

Sintne aurium dolores atrociores quàm oculorum?

Affirmantem tuetur *Cornel. Celsus*. l. 6. c. 7. In doloribus aurium inquit, aliquando majus periculum est, quàm in oculorum. Nam vitia oculorum intra ipsos nocent. Aurium inflammationes doloresque interdum etiam ad dementiae mortemque præcipitant: quod magis inter initia protinus succutendum est, ne majori periculo locus sit. Hinc *Hippocr.* in *prognost.* dicit, aurium dolor acutus cum febre continua ac vehementi, difficilis est. Periculum enim delirii & mortis imminet. *Galen.* 3. in *prognost.* §. 13. ait, *Hippocrati* sermonem esse, non de dolore auris externæ. In hoc enim nunquam fit vehemens dolor: neque si fiat, periculum subsequitur: eò quod neque ipsa pars sit præcipua: neque parti alicui præcipuè continueretur. Cutacea namque est, addimus nos, & cartilaginea, paucosque tùm nervos, tùm venas, tùm etiam arterias habet. Sed *Hippocras.* verba facere ait de aure interna, quæ non ut externa, nobis foris apparet. Afficitur namque ner-

Vus *ἀκροὺς*, qui cerebro vicinus est, & cum illo copulatus. Ideoque multi non absque ratione interimuntur per dolores aurium vehementes, cerebro in consensum perdueto. Quocirca subdit idem *Galenus*, nonnulli ægrotantes delirant, alii qui verò derepente moriuntur, instar apoplecticorum, quoties in cerebrum ea decumbit defluxio *ἀθροῖς*, quæ aurium doloris causa est. *Possent forsan etiam alia problematis reddi rationes.* I. Quia auris interna exquisitiori sensu pollet, ob membranas & nervum *ἀκροὺς*: & præcipuè ob tympanum quod acutè sentire, experientia probat. Hoc enim si leniter saltem auriscalpio tangatur, atrox excitatur dolor. II. Quoniam angustis est circumscripta limitibus, & multos meandros meatusque angustos, & flexuosos in se habet, ut causa doloris, calidus frigidusve humor, vel vapor, non faciliè exire queat.

Cur auris auri non ita condoleat, ut oculus oculo?

Occasio hujus quæriti est, quia videmus, quemadmodum oculus oculo per omnia similis est, ita & aurem auri similem esse. Merito itaque quæritur, quæ fiat, quodd cum oculus dexter est affectus, sinister etiam coafficiatur faciliè: & vice versa. Aure autem dextra laborante, sinistra non adeò faciliè laboret. Respondet *Cassius in problem. Medicin. probl. 17.* duas præcipuè esse causas. I. Quia oculi non solum sibi invicem sunt similes, verum etiam valdè vicini. Aures autem longius à se invicem distant. II. Quia oculorum motus ab intrinseco principio originem trahit: auribus verò extrinsecus id accedit. Tertia addi potest, quoniam nervi optici in sui medio conjunguntur: ita ut uno oculo affecto vitium alteri faciliè communicari queat.

Cur qui surdi sunt à nativitate etiam muti sint?

Alexander Aphrodisæus l. 1. problem. 133. duas hujus rei addert rationes. I. est: quoniam quæ homines nunquam audire-

diverunt, ea verbis exprimere nequeunt. II. Ex Medicorum schola depromit. Medicos, inquit, docere, idem par nervorum esse, cujus altera pars abeat ad linguam; altera ad aures usque porrigatur. Ideoque recessum esse, communem accidere affectionem, & privato auditu etiam perire locutionem. *Priorem rationem* etiam comprobant alii, inter quos *Valescius l. 2. c. 50. prax.* Dicunt, loquelam nobis non inesse à naturâ, sed arte, usu, & assuefactione fieri, ut linguas addiscamus. Opus igitur esse auditu, qui disciplinæ sensus statuitur, ut audiamus verba, quibus res exprimamus. Jam si auditus desit, utique nemo sciet, quomodo hoc vel illud exprimendum sit. Itaque necesse est, ut mutus sit. *Posterior ratio* nulla est. Anatome enim & ocularis inspectio monstrat, auditum & locutionem ab uno eodemque nervorum pari minimè oriri. Auditus enim nervi prodeunt à conjugatione nervorum quinta: lingua autem à tertia & quarta partim, partim etiam à septima. Illa gustui; hæc motioni & locutioni inservit. *Fuerunt, ait Andr. Laurentius l. II. Anatom. quest. 11.* qui existimârent, nervum quintæ conjugationis *ἀκροῦ* & septimæ, qui linguam moveret, in exortu eadem vestiri tunica, & propterea aurium & linguæ affectus faciliè communicari. Verùm contrarium suadere *ἀντιστάται* dicit. Diversi quippe sunt utriusque conjugationis ductus, satisque longo inter se intervallo distant. Ipse *Laurentius* duplicem hujus communicationis causam agnoscit: quarum altera ad nervum *ἀκροῦ*, altera ad canaliculum referenda est. Nervus quintæ conjugationis varios de se promit sūculos: major in aurem & membranam exquisitissimi sensûs expanditur: minor ad linguam & laryngem excurrit. Proinde ob nervorum communicationem aurium & linguæ affectus faciliè communicantur. Hinc surdi muti sunt, aut ægrè saltem loquuntur, affecto nervo auditorio, qui cum septima conjugatione implicatur. *Alter* hujus societatis causa est, quæ fit per canaliculum cartilagineum, velut aquæ ductum, qui à secundo auris meatu ad os & palatum fertur. Ductus iste tūm expurgando aëri vernaculo & aurium excrementis dicatus est, tūm ut insitus aër novi per os inspirati appulsu recreetur; denique ut aëri externo per auris foramen

impetu irruenti, ut in bombardarum strepitu per hanc viam pateat aditus. Ab ore igitur ad aurem, & ab aure in os liberè meat remeatque aër. Unde fit, ut benè audituri cohibeamus spiritum, ne aëre inspirato copioso cochlea impleatur, & tendatur tympanum. Oscitantes verò sonos acutè non audiamus, quia oscitatione ita distenditur & inflatur tympanum, ut sonos excipere non possit. Postremò scalpentes aurem excitamus fallivam, quia ea compressione fit sordium expressio in ductum cartilagineum, & ab eo in linguam. *Hæc Laurentius. Hieronymus Fabricius ab Aquapendente* quæsitam aliam rationem nobis proponit *part. 1. de aere cap. 4.* Solet quandoque, inquit, quamvis raro exterius antè membranulam tympanum appellatam, quæ pelvi est præfixa, & hoc nomine donata est, quoddam similis sit membranæ tympano bellico obducta, tunica quædam crassa præter naturam adnasci, quam se bis in pueris deprehendisse asserit, & cujus etiam *Paulus l. 2. c. 23.* meminit, ejusque curandæ & eximendæ modum præscribit. Ea si adsit, surdum reddit hominem, & consequenter etiam mutum, siquidem adnata sit à prima natiuitate in utero. Ratio est, addunt alii, quia ignotas & inauditas voces nec animo concipere, nec lingua profertè nòrunt. Quemadmodum autem membranula ista crassa & densa foris interdum adnata, auditum tollit, sic quoque accidit, ut intus mucus opponatur, vel humoris affluxu perfundatur, & *Cæcilia*, aut omninò nascens oboriatur. *Iul. Casserius Placentinus* dicit, nervum *acusticus* à quinta *oculus* ortum in varios dispergi ramulos in ipso auditus organo: & capillamenta quædam illius in laryngis & ossis hyoidis musculos inferi: unde mira aurium, linguæ & laryngis *supra dicta* resultat. Nam qui à prima conformatione propter obstructionem, exolutionem, refrigerationem aliudve vitium nervi quintæ conjugationis surdi nascuntur, illi pariter & obmutescere solent. *Ex dictis ergò constat*, cur qui surdi nati sunt, etiam muti sint, causas esse seqq. I. Quoniam nullum doceri potest idioma. Facultas quidem loquendi naturà insita est nobis: sed exercitium, h. e. ipsa praxis, *instructio* & actus secundus, usu & assuefactione, necnon & doctrina addiscitur. Qui autem nihil audir.

nihil

nihil etiam doceri potest. Mutus igitur sit necesse est, quamvis vocalis maneat. Non enim de voce simpliciter, quæ est inarticulata, & nihil certi significat, sed de voce articulata, quæ certi aliquid denotat, sermo nobis est. Illa mutis inest: hæc in illis desideratur. II. Quia nervuli, qui à quinto pari & nervo auditorio oriuntur, & in linguam inferuntur, sunt obstructi, refrigerati, aut quavis alia ratione affecti. III. Quia tympano membrana præter naturam est adnata. IV. Quoniam intus illi mucus adhæret. V. Quia partes ad auditum necessariae malè se habeat: hocque si fiat à primo ortu, ita ut surditas inde nata sit, sit, ut & locutio locum non habeat.

*An muti fiant, qui ex morbo surdi facti?
& vice versâ?*

Qui surdi facti sunt à primâ nativitate dictas ob causas necessariò etiam muti fiunt. Sed qui surdi facti post nativitatem, ob morbum aliquem, & quando jam loqui didicerunt, illi non necessariò obmutescunt. Ratio est, quia alia organa sunt auditus, alia locutionis. Illis ergò læsis, non necessariò & ista læduntur. Fieri enim potest, ut materia aliqua vitiosa in morbis ad aures sit translata, illæque linguâ, quæ auditum perdiderit, & hoc in casu loquela minimè perit. Accidere quoque solet, ut alio modo vel in temperatura, vel in compositione, vel in continuitate & unione organum auditus affectum aliquem conceperit, salvo persistente organo locutionis, tùm ne sic quidem amisso auditu etiam locutio perit. *Rursus necessarium non est eandem ob causam, ut qui mutus factus, sive ab ortu, sive post ortum, necessariò etiam surdus sit.* Potest enim lædi locutionis organum inoffenso auditus instrumento. Læditur ergò loquela, & homo mutus fit, etiamsi audiat.

An surditas in febris mortis sit præsagium?

Exstat apud Hippocr. aph. 49. sect. 4. in quo docet: Si in fe-

bris

*Cur attentè audituri non respiremus,
sed spiritum cohibeamus?*

Resp. Quia spiritum cohibendo, & neque aërem inspirando, neque eundem emittendo, audimus accuratius, eò quodd nihil sit, quod internum aërem turbet, & strepitum excitet: qui excitari solet, dum aërem inspiramus & expiramus.

Quam ob causam Hippocr. aphorism. 5. sect. 3. dicat, austrinam aëris constitutionem auditum hebetare & βαρύνειν inducere: contra aphorism. 13. sect. ejusdem asseveret, aquilonariam homines reddere ὑποκατείνε, auditu valentiores?

Resp. Priori quæsti causam esse, quia Auster ventus est calidus & humidus: hocque nomine & caput gravat, & sensuum organa multa implet humiditate, quæ sensus reddit hebetiores, spiritus quoque facit turbidos, nervosque humectat. Posteriori ratio est: quia Aquilo ventus est frigidus & siccus. Ideoque humiditates consumit, spiritus purificat, calorem concentrat, qui omnium facultatum ad actiones probe obeundas est organum.

Cur oscitantes minùs audiant?

Et istud problema à Philosopho movetur sect. II. problem. 29. Rejicit autem causam in spiritum, sive halitum, qui per
Y oscita-

oscitationem egreditur: turbatque aërem ingehitum & quendam strepitum edit, qui facit, ut minùs rectè audiamus. *Posset & altera ratio adferri*: quia in oscitatione, præsertim cum os insigniter aperitur, maxilla inferior deorsum trahitur, & consequenter etiam illius processûs *κορυβαῖος*, qui in cavitatem ossis temporum inseritur, ipsique poro *ἀκροῖον* vicinus est. Hoc autem deorsum tracto processu, porus *ἀκροῖος* angustior redditur, & ob id minùs auditur.

An ὠταλγία sit morbus, an symptoma morbi?

Valesium de Tarenta L. 2. Philon. cap. 52. dicit, ὠταλγίαν & morbum & symptoma morbi esse. Morbus est, inquit, quia actionem lædit. Symptoma est, quando morbum sequitur: v. g. intemperiem calidam, aut inflammationem. Verùm *ὠταλγία* rectius statuitur symptoma, sicut & quilibet dolor cujuslibet partis: quoniam læsa functio est in tactu. Est enim actio corrupta ac depravata: tùm quia molestia est, sive *πῶς*, quod sentientes auris particula ex improporcionado, inconvenienti & violenter celeriterque agente objecto percipiunt: tùm quia in dolore organum malè afficitur, ac quodammodo corrumpitur. Est enim dolor affectus præter naturam. Ideoque necesse est, ut vel sit intemperies, vel causa, vel symptoma. Intemperies verò non est, sed ab intemperie continuum solvente profisciscitur. Causa morbifica non est per se, sed à causa tali ortum ducit. Relinquitur ergò symptoma esse. *Ad argumentum autem Valesii* respondetur, non omne id, quod actionem lædit, morbum esse, aliàs etiam causa morbifica morbus foret: cùm & ipsa morbo interveniente actionem offendant. Morbus præterea per se & immediatè actionem lædit. Dolor hoc non facit. Non igitur morbus est. Neque deinde omnis affectus, qui morbum aliquem sequitur, symptoma dici meretur. Aliàs enim

enim morbi consequentes, quales sunt febres inflammationibus succedentes symptomata essent; quodd falsum, quia ad nulum symptomatis genus, scil. neque ad actionis lationem, neque ad mutatas qualitates, neque ad excretionem ac suppressionem referri possunt.

Utrum italyia provenire possit à δυσκρασία calida?

Aurium dolorem à frigida oriri posse intemperie notorium est. Sunt enim aures organa frigida. Frigidum autem omne partibus frigidis inimicum est, quia intemperiem frigidam auget. Calidum autem iisdem est, ut Hippocr. loquitur, *sect. 5. aphor. 22. φίλον & κείνον*, amicum & deceptorium. Experientia insuper testatur, aërem hyemalem intensè frigidum, ventos boreales, nivem, glaciem, aquam, aut res alias valdè frigidas, in aures inditas, eas vehementer lacerare. *At vero calida intemperies aurium dolorem producere possit*, controversatur. Nonnulli enim hoc negant. I. Quia si frigida auribus inimica sunt, & dolorem in illis pariunt, calida amica erunt, & aures à dolore præservabunt. II. Quia aër externus aure interna non videtur esse calidior. Ideoque nullam calidam *δυσκράσιαν* imprimere potest. Verùm nulli qualitatum excessus auribus sunt amici & familiares. Natura enim posita est in *συνμείξει*. Proinde quod *ἀμείστω* est, modumque excedit, id omne, juxta Hippocratis doctrinam *aphor. 51. sect. 2.* naturæ *πολέμων* est & adversum. Deinde licet ab aëre forsàn calido nulla in aurem induci posset calida intemperies, sunt tamen res externæ aliæ, quæ in aures infiguntur, infunduntur, & instillantur, quæ eam auribus inferre queunt: ut sunt spiritus Anisi, Fœnicul. Baccar. Junip. Aqua vitæ, & ol. chymicè præparata. *Præter res externas* extant & humores interni, iique calidi & acres, sicut & fuligines, ab inferioribus partibus in febribus acu-

tis atque ardentibus ad superiores capitis partes ascendentes. Aurium insuper inflammationes, quæ raræ non sunt: auresque infestant urendo, pulsando divellendoque.

*An in aurium tinnitu, sibilo & strepitu
convenient masticatoria, ptarmi-
ca, narcotica, cauteria?*

Masticatoria maximè conveniunt, si sonitus isti proveniant à materia aliqua cerebrum occupante. Anatome enim docet, esse meatum quendam cartilagineum ab aure ad palatum porrectum, per quem aures purgari queunt. *Ptarmica*, nisi caput exquisitè sit evacuatum, plùs videntur obesse, quàm prodesse: quia per concussionem illam, quæ in sternutatione fieri solet, materia in cerebro existens ad aures præcipitari potest, & malum conduplicari. Nam dùm nares duntaxat emunguntur, semper aures compatiuntur. *Narcotica* membranis & nervis inimica sunt, quare videntur auditum reddere hebetiorem: lædere quoque organum auditus, quod ex ossibus, membranis, cartilaginibus & nervis est constitutum, ea inprimis, quæ præter vim *εὐαρμολιαν* etiam frigidam habent complexionem, quæ partibus istis, utpote naturâ frigidis, est adversa. Frigida autem Mandragora, Hyoscyamus &c. sunt. *Cauteria* nuchæ, vel brachiis applicita, vacuando & derivando utilis esse, præctici docent.

*Utrum surditas per hemorrhagiam na-
rium & biliosam alvi dejectionem sol-
vatur?*

Utrumque fieri posse, author est Hippocr. *aphor.* 28. & 60. *sect.* 4. De biliosa quidem dejectione surditatem solvente
aphor.

apbor. 28. de hæmorrhagia verò & quacunque alvi dejectione *apborism.* 60. *scil.* 4. *Hippocras.* verba facit. Non intelligit autem surditatem habitualement & difficulter solubilem, (τῆς ἐν ἔξει καὶ δύσλυτον καίρωσι) cùm scil. instrumentum auditûs proprio vitio est corruptum: sed eam, quæ repenti in febris, vel affectu alio facta, translata scil. bile ad aures. Hæc enim si κατὰ feratur, & ad alvum descendat, naturæ, vel artis ope, surditatem tollit: quoniam causâ illius evacuetur. Eadem surditas, si à sanguinis copia orta sit, cessat, sanguine superfluo per nares excreto. Finitur quoque, si diarrhoëa in febribus accadat quavis alia: quoniam causâ mali extirpatur. *Sed quaritur*, per quas vias bilis à capite ad intestina pervenire queat, & surditatem auferre? *Respondetur*, manifestam esse viam, si descendat à capite ad venas jugulares: ab his ad venam cavam: ab hac ad hepar: ab isto ad venas mesenterii: à quibus tandem ad intestina devolvitur.

An in ὠταλγία vena secanda, an purgandum?

Pro diversitate causæ diversa etiam instituenda est vacuatio. Si indicans venæ sectionis, sanguis mittendus. Si purgationis, purgandum. Est autem venæ sectionis indicans vitium aliquod effatu dignum sanguinis fluxilis, & illud quidem vel in substantia, vel in quantitate, vel in qualitate, vel in motu. Indicans autem purgationis est κακοχymία, & ipsa notatu digna. Quod si ergo vel sanguinis redundantia, vel phlegmone adsit, quæ ὠταλγίαν produxerit, tùm illius ratione omninò sanguis detrahendus est: scil. aut vacationis, aut diversionis gratiâ. Si verò vapores, aut humores ὠταλγίαν pepererint, purgatio præscribenda, & tùm totum corpus universaliter purgandum, siquidem ὠταλγία à κακοχymία totius

corporis habuerit originem: tùm particulariter caput, quando ab eo ad aures noxii humores sunt translati,

*Utrum in otalgia usurpanda sint re-
percutientia?*

Si ista locum habent in otalgia, locum habere debent in phlegmone, in cujus principio aliàs repercutientia usurpari consueverunt. In aliis otalgias differentiis non videntur esse necessaria: quia intemperies non tollunt: quæ in aures irreperunt, non eximunt: materias quoq; phlegmaticas, biliosas, serosas aut purulentas minimè vacuant. Sed ne quidem in inflammationibus utilia videntur, seqq. de causis. I. Quia materias dolorificas intus coëctent, malumque iis persistentibus foveant. II. Quia illis perseverantibus auditum corrumpunt. III. Quia efficiunt, ut repertus materia, cerebri, quod vicinum, coafficiatur.

*Qua regula in universum observanda
sint in auricularium medicaminum
usu?*

Bene multe.

I. est; Auricularia medicamenta prius immittenda aut infundenda non sunt, quàm aures probè auriscalptis sint expurgatæ. Ratio est; quoniam sordes aurium ingressum & penetrationem remediorum impediunt. II. Quoniam vis eorum à sordibus obtunditur & hebetatur.

II. Liquida quæ sunt, & tepida instillari debent, non admodum calida, neque valdè frigida. Hæc enim auribus, utpote ex frigidis particulis conflatis, sunt inimica. Præcalida verò nervos & membranas aurium feriunt.

III. Ta-

III. Tameſi remedia auricularia etiam in forma vaporum & ſolidorum corporum uſurpentur, præſtat tamen forma liquida: ſic enim medicamenta altius penetrant, & facile rursus effluunt. Secus fit, ſi craſſæ ſubſtantiæ remedia adhibeantur.

IV. Liquida quæ ſunt, in parva quantitate immittenda ſunt. In magna enim quantitate immiſſa, implent nervos & cavitates, & obturantur ea, quæ debent eſſe aperta.

V. Poſt inſuſionem medicamentorum æger jacere debet ſuper aurem ſanam per horam unam, ut vis eorum melius deſcendat & ad interiora perveniat. Poſt horam unam vel alteram jaceat æger ſuper aurem affectam, ut materia inſuſa iterum effluat.

VI. Corpore-exiſtente plethorico vel cacochymo, nil in aures immittendum, ſed prius ſanguinis abundantia venæ ſectiōe: cacochymia verò purgatione tollenda.

VII. Tutiora ſunt ſuffumigia, ſacculi & ſiccæ conſiſtentia medicamenta, quàm liquida, quæ inſtillantur. Hæc enim tympanum laxant atque humectant; quod tamen ſiccum eſſe convenit. Quodd ſi ſicca nil proficiant, tùm ad liquida accedendum: quæ tamen poſt horas aliquot, puta 4. aut 6. iterum ex auribus eliminanda.

VIII. Curatio inchoanda à levioribus: & his nihil proficientibus, ad fortiora facienda progreſſio.

IX. Cùm nervi & tympanum exquisitè & accuratè ſentiant, internæ operationes fieri debent, quantum licet, ſine dolore.

Quam ob cauſam deterius ſe habeant, qui multum mucoris & aquæ, aut phlegmatis per nares excernunt?

Cauſa eſt, quoniam iſta narium humiditas ſignificat, frigidius humidiusque eorum eſſe cerebrum. Hæc ergo excrementa ſi intus in capite maneat, variorum morborum cauſa eſſe poſſunt: epilepſiæ v.g. apoplexiæ, paralyſeos, lethargi,

thargi, convulsionum, capitis gravitatis, cari, vertiginis, comatis. Sin defluant ad oculos, aures, nasum, fauces, asperam arteriam, pulmones, œsophagum, ventriculum, intestina, spinæ medullam, & efficere solent epiphoras, caliginem visûs, aurium dolores, auditûs heberudinem, anginam, raudedinem, asthma, dyspnoeam, tussim, *phlegmæ*, si defluxio sit acris & salsa, nauseam, vomitionem, diarrhoeam, affectus alios. Unde non immeritò Hippocrat. in Epistola ad Demetrium scripsit, caput radicem esse humanorum morborum & morbos maximos ex illo homini accidere. Et lib. 4. de morbu ait, caput cavum esse, & velut cucurbitam corpori incumbere. Pituitam autem in eo potissimum colligi, & vel in capite manere, vel ab eo extrudi, variasque ad partes amandari. Libro de morbo sacro inquit, cerebrum authorem & causam esse epilepsie, sicut etiam aliorum maximorum morborum. Denique libr. de locis in homine, 7. recenset fluxiones, quæ fieri à capite solent in nares, aures, oculos, thoracem, guttur, spinalem medullam, & musculos cervicis ac thoracis.

*Quamobrem quibus nares sunt sicciore,
& genitura etiam siccior, salubrius degere.*

Hippocrat. aphor. 2. sect. 6. asseveret,

adeò, ut minus morbus sint

obnoxij?

Causa patet ex constitutione contraria, quæ humida. Siccitas namque narium palàm facit siccitatem cerebri, quæ mucosa & aquosa per nares non emittit. Undè fit, ut quorum siccior est cerebrum, catarrhis, iisque affectibus minus corripiantur, de quibus problemate præcedente dictum. Tales etiam memoriam habent felicem, & sensuum perspicacitatem: ad vigilias sunt prompti, in motu agiles, pauca & rarè emungunt & expunt: cum è contrà quibus cerebrum contigit humidum & frigidum, labilem & infirmam possideant memoriam, sensus turbulentos, excrementorum multitudinem, sitque illis somnolentia & proclivitas ad somnum valdè consueta, somnosque habeant multos atque profundos.

Qualis affectus sit hæmorrhagia narium, & quibus affectibus succedat?

Est symptoma in genere immodicè excretorum, & quidem toto genere p. n. quia sanguis immodicè profunditur, quem Natura aliàs, tanquam vitæ thesaurum, alimentum totius corporis, sustentaculum caloris, materiam seminis, spirituum & in lactantibus lactis diligenter asservare studet. Quamvis autem sanguis ipse præter naturam non sit, tamen si profundatur enormiter, viresque inde debilitentur, hæc illius excretio p. n. esse dicitur: quoniam evacuatur id, quod retineri in corpore debebat. *Observandum enim* obiter est, excreta peccare tripliciter. I. Tota substantia. II. Quantitate. III. Qualitate. Tota substantia, seu toto genere p. n. esse dicuntur primùm ea, quæ non solùm ob quantitatem, aut qualitatem, sed etiam totam eorum naturam damnamus: cujusmodi sunt vermes, calculi, arenulæ, & quæ in abscessibus quibusdam reperiuntur, testis, carbonibus, sevo, meli, pulci, cretæ, clavis, pilis, vitro &c. similia. Deinde ea, quæ quidem toto genere p. n. non sunt, sed tamen per loca insolita excernuntur: v. g. fæces alvi per os: urina per perinæum, aut umbilicum: sanguis menstruus per mammas, angulos oculorum, vomitum. Tertiò illa, quæ res quidem planè naturales sunt, sed quæ potiùs retineri, quàm evacuari debent: ut sanguis qui nonnunquam immodicè per nares, os, alvum, venas uterinas & hæmorrhoidales, ductus urinæ, spiracula cutis excernitur.

Quantitate peccare dicuntur excreta, cùm sunt vel copiosiora, vel pauciora. Item cùm sunt crebriora, vel rariora. Adhæc cùm diutiùs, aut brevius durant.

Qualitate delinquant, quæ acria, mordacia, crassa, viscida, fætida, malè colorata, calida, frigida &c.

Cæterùm hæmorrhagia narium interdùm alii succedit symptomati, v. g. venarum retentrici facultati debilitatæ:

Z

inter-

interdum morbis : utpote vasorum ἀνατομῶν, διαρίων, διαβρώων, vel διαπυλῶν : quarum quælibet rursus suas habet causas, v. g. ἀνατομῶν sanguinis abundantiam, fervorem, aut subtilitatem. Διαρίων res rumpentes, perforantes, secantes & contundentes. Διαβρώων res erodentes, internas atque externas. Διαπυλῶν, qua tamen multus sanguis evacuari non potest, sanguinem tenuem, serosum & acrem.

Utrum in omni hæmorrhagia narium vena sit secanda ?

Negativa videtur esse probabilis. I. Quia causa hæmorrhagiæ non est semper sanguinis abundantia, sed aliquando etiam qualitas fervida, tenuis & subtilis, cui non vacuatio per venæ sectionem, sed alteratio per refrigerantia & incrassantia debetur. II. Quia hæmorrhagia vires debilitantur. Non ergo sanguinis missione debilitandæ magis. III. Quia fieri potest hæmorrhagia in senibus, pueris, gravidis, debilibus atque infirmis : quibus certè venæsectio nequaquam competere videtur. IV. Quoniam accidere potest πρῆξις. At quæ judicantur, aut judicata sunt integrè, nec movere, nec aliud quicquam novare, sive medicamentis, sive aliis irritamentis fiat, sed omittere oportet. V. Quia hæmorrhagia contingere potest capite dolente, & vehementer laborante. At Hippocr. dicit *aphor. 10. sect. 6.* si hoc in casu vel pus, vel aqua, vel sanguis per nares, os, aut aures effluat, dolorem capitis finire. Verùm ut decenti modo V. S. administretur, distinctione opus est. Opus est venæ sectione in narium hæmorrhagia revulsionis & vacuationis gratia, si sanguis sit copiosus, & enormiter erumpat, & quidem statim in principio, cùm vires adhuc constant, & ætas quoque permittit. Peccat enim sanguis in motu. Ideoque revelendus. Peccat & in quantitate. Ergò minuendus. Quodsi vacuatio hæc critica sit, & benè procedat, naturæ motus venæ sectione non est impediendus. Fervidus, tenuis & subti-

subtilis sanguis, si in quantitate non magnoperè peccet, alterandus, refrigerantibus & incrassantibus: ratione apertorum orificiorum in vasis etiam adstringentibus utendum. Quodsi illius causa corpus caleat, tùm quia vitium sanguinis est in qualitate, præter alterantia etiam venæ sectione utendum, ut corpus refrigeretur.

Argumenta in oppositum adducta solvuntur facillè.

Ad primum quid dicendum sit, ex modò dictis liquet. Nam si hæmorrhagia fiat non ob redundantiam, sed fervorem & subtilitatem sanguinis, alterantibus potius & adstringentibus utendum quàm venæ sectione. Quodsi verò calor urgeat, ventilationis & refrigerationis causa venæ sectio locum habet: quia sanguine evacuato fervido, calor mitescit.

Ad secundum. Venæ sectio competit statim in principio, dùm adhuc vires constant. Cum jam debilitatæ & quasi prostratæ; noxia est. Licet autem etiam in principio vires debilitet, tamen aliarum quoque evacuationum par est ratio. Omnes enim vires minuunt, propter egressum spirituum & caloris; & tamen non intermittuntur. Inter duo enim mala minus eligendum est. Præstat quippe vires paululum minuere, quàm neglecta venæ sectione in majus periculum ægotantem conjicere.

Ad tertium. Senes, pueri, & gravidæ non omninò à venæ sectione excluduntur, si necessitas urgeat, quæ lege caret. Regulariter quidem ad venæ sectionem non admittuntur, in casu verò necessitatis venæ sectionem admittunt, viribus constantibus.

Ad quartum. Si vacuatio sanguinis sit critica, conceditur, v. s. necessariam non esse, siquidem natura sanguinem sufficienter vacuet. At si hoc fiat imperfectè, quod natura præstare & perficere nequit, arte supplendum est.

Ad quintum. Si hæmorrhagia fiat spontaneo naturæ motu in vehementi capitis dolore, similiter à venæ sectione abstinendum. Quos enim Natura sponte sanat, frustra Medicina fatigat.

Nunquid omnium infantium lingua sit adstricta, ita ut ab obstetricibus li- beranda sit?

Ut hæc quæstio rectè intelligatur, sciendum, vitium esse linguæ, *vel congenitum infantibus, vel accidentarium*, & adventitium, etiam in adultis, cum ulcus sub lingua cicatricem duriores contraxit. De priore autem nobis nunc est sermo. Vocatur ἀγκύλωσις, ἀγκύλη, & ἀγκυλόγλωσσον, vulgò *Filum*. Qui eo laborant, ἀγκυλόγλωσσοι, & μογιάλοι, vix, ægrè, & magno cum labore loquentes vocantur, quia linguam habent impeditam, & quasi ligatam, aded ut infantes in exugendo lacte è mammis matrum, & postea, cum adoleverunt, nec prius curati sunt, in proferendo sermone impediatur. Habet enim lingua ligamentum, quod ab Anatomicis frænulum appellatur, validissimum, membranosum & latum, idque medio suo corpori subiectum. Huius ligamenti extremitatē aliquando versùs linguæ mucronem sub lingua funiculus adnascitur, qui & ipse frænulum nominari solet: quod vel ungue divellitur, vel forfice, aut scalpello inciditur, ut infans sugere, & adultior factus, liberè voces pronunciare valeat. De hoc ergò frænulo obstetrices meritò sollicitæ esse debent: & si adsit, illud decenter remove. Semper igitur videndum, an adsit? Verùm non sequitur, semper adesse. Si enim natura totum corpus, omnesque illius partes aptè & convenienter formare potuit, quidni etiam & linguam: cum illa mentis sit nuncia, & sermonem proferre teneatur, qui solius est hominis. *Tria namque peculiariora* dona præ cæteris animalibus homo sortitus est: Rationem, Orationem, & Manus. Rationem ad inveniendum & dijudicandum: Orationem ad petendum, & communicandum: Manus ad efficiendum, & se defendendum.

An

An ex lingua in morbis signa diagnostica & prognostica peti possint?

Maximè. Id quod operosè admodùm *Prothus Casulanus* ex *Hippocratis* & *Galen*i monumentis demonstrat: præcipuè verò ex *libr. Epidem. ex Coacis, Prognostic. Prorhet.* libris aliis. Considerantur autem in lingua varia. I. *Colores.* Est enim lingua alba, pallida, flava, nigra, rubicunda, livida, maculis quibusdam varii coloris tincta. II. *Tactiles qualitates* primæ & secundæ. Harum ratione lingua est calida, frigida, humida & sicca. Item mollis, laxa, tensa, dura, crassa, aspera, rara, densa. III. *Sapores:* quorum respectu in lingua varii percipiuntur sapor: v. g. amaror, dulcedo, aciditas, falsedo, austeritas. IV. *Magnitudo:* cujus ratione est longa, lata, brevis. V. *Figura.* VI. *Motus,* qui vel est tremulus, vel velox, vel tardus, vel nullus, vel etiam cum dolore conjunctus, vel difficilis & languidus. VII. *De glutitio* & masticatio, quarum actionum lingua est *ὀργανον* cum aliis quibusdam partibus. VIII. *Locutio,* cujus & ipsa quoque instrumentum est. Est autem illa balba, blæsa, vel hæsitans, quæ & titubans vocatur. Eadem locutio solet in quibusdam ægris etiam esse obscura, quæ vix intelligitur, turbata, sive confusa, inarticulata. Horum accidentium causæ sunt variæ & multiplices: nimirum intemperies simplices, & compositæ: materiales & immateriales. Ad materiales referimus humores, qui sunt sanguis, pituita, bilis flava, melancholia, serum, salivæ humiditas. Eò etiam reducimus vapores & fuligines, quæ ex humoribus nascuntur: & pro ut humores variant, ita variare quoque solent vapores & fuligines. In causarum numero sunt quoque vitia in meatibus & cavitatibus, tumores etiam. Denique & continui solutiones causarum rationem habere queunt. Præter morbos istos in causa quorundam accidentium sunt vires debiles atque infirmæ. Sunt autem enumerata linguæ vi-

tia vel idiopathetica, vel sympathetica: ex quibus illa quidem linguae sunt propria: hæc verò illi aliunde communicata interventu caufarum, quæ ex aliis locis in linguam sunt derivata.

Quæ dicta sunt de διαγνώσεις καὶ προγνώσεις, quæ ex linguae affectibus defumuntur, possunt aliquot exemplis declarari. Ex lingua nigra, scabra, aspera & fissa cognoscimus aliarum partium fervorem, febrimque ardentem. Ex alba, humida, laxa, mollique humiditatem cerebri, ventriculi, & tonsillarum. Ex rubra flammeaque inflammationem non linguae solum, sed etiam pulmonum & cordis. Ex flava bilis copiam & morbos inde scaturientes. Ex linguae amarore bilem flavam. Ex aciditate illius, & falfedine, pituitam acidam & falfam. Ex austeritate humorem melancholicum. Ex lingua exerta cordis incendium, Ex ægra deglutitione, languida masticatione, obscura locutione, ut vix percipi queat, summam virium infirmitatem. *Omnium autem* maximè affectus cerebri, faucium, pulmonum, cordis, ventriculi, hepatis & lienis ex linguae accidentibus conjiciuntur. Harum namque partium intemperie, humoribus, vaporibus & fuliginibus lingua cumprimis affici solet.

Utrum lingua nigredo, ariditas, scabrities & fissura morbus in febribus ardentibus sit peculiaris, & peculiarem etiam curam postulet?

Vitium istud vulgò **die Bräune** appellatur: & de illo chirurgi valdè sunt solliciti. Contingit sæpè in febribus continuis, malignis, ardentibus, peripneumonia, pleuritide, inflammatione jecoris: habetque causam viscerum fervorem, & calidas acresque fuligines, quæ sursum ad fauces &

ces & linguam feruntur, & hanc aded exiceant, atque adurunt, ut inde nigra, aspera duraque, instar testæ alicujus, evadat: nonnunquam etiam rimas & fissuras haud mediocres concipiat: ut ægri neque articulatè loqui, neque saporè rectè percipere, neque cibum facillè deglutire, neque quæ in ore sunt, promptè expuere valeant. Quæritur ergo, an malum istud, quod castrense etiam nominant, quia in castris militibus morbo Ungarico correptis frequens est & familiare, morbus sit peculiaris, & peculiariter etiam curandus? *Respondemus.* Esse quidem morbum, & quidem non simplicem, sed compositum, similem, organicum, & communem: aut morbum connexum, sive alium consequentem: scil. vel febrim aliquam acutam atque ardentem, vel alicujus visceris phlegmonem, aut erysipelas. Adest enim calor & siccitas linguæ. Præstò est asperitas. Visitur quoque in ea continui solutio. Itaque curam quoque requirit, per refrigerantia, humectantia, emollientia & consolidantia: quoniam ægris malum est valdè molestum. Verùm præcipua ratio habenda est fontis & scaturiginis, unde fluit. Hac enim eliminata, ipsum quoque malum castrense fugatur.

An accidere possit, ut in lingua maneat sensus tactus, & gustus pereat?

Lingua gustat saporè, sentit qualitatè tactiles, primas & secundas, & sursum, deorsum, retrorsum, antrosum, atque ad latera beneficio 10. musculorum movetur. Gustat per nervos tertiæ conjugationis, qui sparsi per ejus superficiem & tunicam. Movetur per mûsculos & nervos à septima conjugatione ortos. Sentit qualitatè tactiles per nervos virosque. *Ad quæsitum autem respondemus,* fieri posse, ut gustus pereat, & maneat tactus: licet per eosdem nervos gustus, & tactus contingere soleant. Etenim, cùm
gustus

gustus sensus sit subtilior, quàm tactus, (is enim in humido magis, quàm in terreo & sicco consistit subiecto: hic contrà:) Ideoque exquisita admodum in organo gustandi ad gustum requiritur facultas, quæ faciliè à causa aliqua p.n. hebetatur: hebetata tamen sufficere potest ad sensum tactus, qui non ita faciliè, ut gustus, in eadem parte læditur atque afficitur. Hinc acutè febricitantes & icterici tactum in lingua habent sufficientem: gustus tamen eorum læsus est.

Num in lingua gustus manere queat, tactus autem perire?

Hoc fieri non posse videtur, propter rationem modò datam. Nam cum gustus sit sensus subtilior, crassior tactus, sequitur accuratiorem sentiendi facultatem ad gustum necessariam esse, quàm ad tactum. Ideoque tactus perire nequit, salvo manente gustu; quoniam id periret, quod facultate magis opus haberet: id verò maneret, quod facultate debiliori contentum esse posset. Gustum autem subtiliorem esse tactu, ex lib. 1. *Gal. de symptom. caus.* c. 6. probari posse videtur: quia *Galen.* dicit, visum sensum esse splendoris: auditum aëris: olfactum habitus: gustum humoris: tactum corporis solidi, scil. ratione organorum. At aër crassior est splendore: halitus crassior aëre: humor crassior halitu: solidum corpus, quod terrenum, crassius est humore. Ejusdem penè sententiæ est *Aristotel.* l. 3. de anim. c. 1. ubi inter cætera quinarium externorum sensuum numerum probat ex organorum natura: & concludit, illa ex duobus tantum elementis componi posse: sed 5. modis. Inesse enim hæc elementa, ut vel aqua abundet: vel aër prædominetur: vel aër & aqua sint conjuncta, sed ita, ut aut aqua superet, aut terra prædominium habeat. Prius fit in organo visus: secundum in auditus: tertium in olfactus: quartum in gustus: quintum in tactus.

An

An gustus & tactus in lingua constare possit, motus autem impeditus sit?

Affirmativa est rationi consentanea: & experientia illam confirmat. Etenim in *παρελύσις* linguæ motus impeditur, tactus tamen & gustus manet. Quam ob causam? Quia motus linguæ fit per nervos à septima conjugatione productos, & musculos 10. linguæ motibus destinatos. Tactus autem & gustus in lingua fiunt per nervos ejusdem conjugationis, quæ est tertia. Cùm igitur organa sint diversa, non mirum, sensum gustus & tactus consistere posse, motu læso. Et hunc vice versà manere posse, gustu & tactu existentibus salvis.

Cur febricitantium & ictericorum lingua judicet omnia esse amara?

Resp. Quia Ventriculus eorum bilioso ut plurimum humore abundat, qui amarus est, os autem & lingua magna cum ventriculo habent consensum: idque ratione tunicæ ventriculi interioris, quæ gulæ & ori communis est. Huc accedit & ista ratio: quoniam ex bile amari halitus ad os ascendunt, linguamque imbuunt, ut judicet, amara esse omnia, quæ alio tamen sapore prædita sunt. De hac oris amaritudine etiam *Hippocr. aphor. 17. sect. 4.* locutus est, & propterea monet, purgatione bilis per superiora opus esse.

Quam ob causam ebrii & pueruli balbutiant?

Resp. Quia in illis cerebrum & nervi à vinosis halitibus sunt impleti, & gravati; quo fit ut lingua rectè moveri nequeat.

queat. His verò cerebrum humidum est: nervi, musculi & lingua molles, laxi, & debiles, ut lingua neque palato, neque dentibus firmiter inniti possit.

*Cur lingua canina medicatricem habeat
facultatem, adeò ut si ulcera homi-
num lambat, ea sanare va-
leat?*

Resp. Sermonem esse de lingua canum sanorum, non rabie correptorum, quæ venenata, sicut & serpentum. Causa verò quæsitæ est, aut occulta, aut manifesta. Occulta prodit ab occulta aliqua qualitate. Manifesta inde profisciscitur: quia canes lambendo ulcera abstergunt, & à pure, sanie ac sorde liberant, ut sicciora evadant: jam autem notorium est, quodd ulcerum cura in mundificatione & modica exiccatione præcipuè consistat.

*In quibus affectibus raninas lingua ve-
nas liceat incidere?*

Sub lingua, cùm elevatur, duæ venæ satis insignes videntur, à colore magis, quàm figura ranarum raninæ appellatæ. Oriuntur à jugularibus externis. Illas omninò in affectibus oris, faucium ardore, & angina secare licet; Sed demum post sanguinis vacationem in vena humeraria, seu cephalica factam, *κρίσις καὶ ἀρτηρίασις ἔστω*. Ipsæ enim raninæ tantùm *παροχαιώσις* χείρ incidere debent. *Κίρσις* quippe & *ἀρτηρίασις* sunt præsidia universalia: *παροχαιώσις* autem particulare. Universalia autem semper particularibus debent præmitti.

Quas

Quas ob causas locutio amittatur & pereat ?

Non de illa amissione vocis, sed de locutionis, h. e. vocis articulatæ amissione quæritur. Vox namque & locutio plurimum inter se differunt. I. *Subjello* cui insunt. Nam vox inest omnibus animalibus, quæ pulmones habent & respirant. Locutio soli homini data est: quia solus ratione & intellectu est præditus, cujus nuncia, sive declaratio est locutio. II. *Tempore*: quia vox prior est, locutio posterior. Infantes enim vocem quidem edunt & clamant, non autem loquuntur. III. *Forma*: quoniam vox nudus & simplex est sonus, nihil certi significans, quia articulis caret. Locutio autem secus se habet. Est enim per vocales & consonantes articulata, & propterea mentis interpret, animique sensa patefacit. IV. *Dignitate*. Ignobilior vox est: nobilior locutio. Vox rationem materiæ: locutio formæ habet. Vox propter locutionem homini concessa est, huncque in illo usum præbet, ut loquens audiat. Locutio verò, facit, ut quid vox sibi velit, intelligatur. Vox veluti basis est locutionis, & similis tubicini: locutio præconi. Vox refert sonum fistularum in organo pneumatico: locutio artificem, sive musicum, qui digitis claves organi illius movet, & sonum per fistulas editum articulat. Mutuam ergo sibi invicem præstant operam, & neutra per se sola animi conceptus significare valet. Tametsi enim etiam voce, oculis, manibus, motuque capitis interiores animi conceptus homo de tegere possit, id tamen omnium clarissime certissimeque locutione præstare solet. V. *Organis*. Nam vocis instrumentum est larynx, & potissimum rimula ejus, per quam aër in expiratione eliditur. Locutionis organum est os, à faucibus usque ad labia inclusivè. In illis formantur vocales: in reliquo consonantes per linguam, labia, dentes.

Non etiam hic de illa mutitate sive locutionis deperditione

tionē quæstio est instituta, quæ qui à nativitate surdi sunt, laborant. Hi enim hanc solum mutitatis suæ causam habent, quod surdi sint. Nam locutio naturâ nobis non inest, sicuti vox, sed discitur. At surdi dictiones, quibus homo in loquendo utitur, discere nequeunt. Ipsa quidem δύναμις, πρῶτον, seu ἐκτενδύωσις,abilitas & potentia ad loquendum surdis inest: quoniam mutitas est locutionis privatio. Privatio autem est absentia formæ in subiecto habili ad eam recipiendam: at ἐνέργεια & actus ipse in mutis desideratur.

*Quæritur ergò, quanam sint causa, cùm
homo sanus, vel ager locutione pri-
vatus est?*

Sanos mutos reddi posse, ex eo constat, quoniam præ metore & luctu, præ timore, præ summa animi consternatione, præ effuso gaudio, & ira quandoque loqui non possunt. Cujus mutitatis hæc videtur esse causa, quod spiritus retrahantur ad interiora, nec in membra locutionis, ut linguam ejusque musculos, ablegentur. *In agri autem causæ sunt variæ, quia varia organa ad locutionem requiruntur.*

Prima causa latet in spiritu animali, *cùm is vel non transfertur* ad linguam, idque aut propter cerebri obstructionem, aut nervorum angustiam: ut fieri consuevit in apoplexia, catoche, caro: *vel consumptus est*: sicut accidit in moribundis: *vel retrahitur* ad interiora, ut in syncope & leipothymia videre licet.

Secunda hæret in lingua ipsa, quæ organum est διαλεκτικόν: quando vel arefacta est, scabra, & fissâ: ut contingit in febribus ardentissimis: vel tumefacta, ut ore ferè contineri nequeat, quemadmodum hujus rei exemplum habet *Galen. lib. 14. method. med. c. 8.* vel abscissa, aut putrefacta: vel aliàs graviter vulnerata, aut ulcerata, unde motus linguæ impeditur.

Tertia

Tertia in nervis septimæ conjugationis sita est, qui obstructi, adstricti, disrupti à contusione, casu ab alto &c.

Quarta in musculis linguam exercentibus, retrahentibus, sursum deorsum, & ad latera moventibus, qui resoluti, tumefacti, inflammati, multa humiditate referti, ulcerati, fauciiati.

Quinta in faucibus, cùm sunt præclusæ, ut experimur in illa angina specie, in qua nullus tumor neque foris, neque intus conspicitur: de qua *Hippocr. sect. 4. aphor. 34.* Faucibus enim penitus oclusis, nulla materia subministratur pro voce. Aer enim transire nequit, & propterea etiam decumbentes suffocantur. Deinde dictum, vocales formari in faucibus. At illæ formari nequeunt, si fauces sint præclusæ. Si vocales efferti non possunt, neque pronunciari possunt consonantes. Si hoc, desiderantur vocis articuli, & consequenter locutio, quæ vox est articulis distincta.

Sexta iterum in lingua, quæ ut *Hippocr. aphor. 40. sect. 7.* loquitur, est *ægestis*, incontinens, seu adedò debilis atque infirma, ut moveri nequeat, tali scilicet motu, qui ad articulatam vocem formandam est necessarius.

Labia si desunt, aut vicio aliquo notabili in compositione & continuitate laborent, hominem non prorsus mutum reddunt: faciunt tamen, ut quasdam literas efferre non liceat. Nam sine labiis omnes pronunciare vocales integrum est: edò quodd in faucibus formentur. Consonantes autem, exceptis B. F. M. P. & Y. sine labiorum auxilio pronunciare possumus. Necesse enim est, ut in pronunciatione lit. B. & P. labia primùm conjungantur, postea addita aliqua vocali à se rursus separentur. Ut litera F. proferatur, requiritur, ut inferius labium ad dentes maxillæ superioris anteriores adducatur, & cum illis conjunctum maneat. Ad pronunciandum M. conjunctio utriusque labii est necessaria. Ut Y. enuncietur, similiter necesse est, ut, cùm syllaba prima effertur, utrumque labium ad mutuum contactum ducatur.

Dentes & palatum perinde, ut labia hominem locutio-

ne minimè privant, quomocumque sint affecta. Hos solum efficiunt, ut locutio eo modo & ratione non fiat, sicuti fieri debet. Nam in quarundam literarum elocutione necessarius est linguæ appulsus ad dentes, ut in C. D. S. X. in nonnullarum ad palatum, ut D. L. N. R. T. In pronunciatione literæ F. labium inferius ad superiores dentes movetur. Absentibus ergò dentibus, & dempto palato, tales literæ rectè pronuciari nequeunt.

Quanam sint causa τραυλότητος balbutiei?

Observandum, duas hæc voces, τραυλότητα, balbutiem, & ψαλλότητα, blæsitatem, sæpiùs inter se confundi, & utramque pro quovis loquelæ vitio accipi. Variè quoque à variis authoribus describi. *Suidas* enim ait, ψαλλὸν vocari, qui ita loquitur, vix ut possit intelligi. *Hesychius* dicit, ψαλλὸν vocari eum, qui literam S. pronunciat crassius. Veritati autem magis consentanea *Aristotelis* videtur esse sententia, qui *sect. 11. problem. 30.* diligentius hæc linguæ vitia distinguit. Etenim τραυλότητα, balbutiem, dicit esse, τῷ γραμματῶς τινὸς μὴ κρατεῖν: ἢ τὸ τοῦ τῷ τύχοντος, literam quandam exprimere non posse: eamque non quamlibet, sed certam, v. g. cum pro lit. R. pronunciat L. aut R. imperfectè solum, & quasi cum ictu aliquo tremulo. Hoc modo *Alcibiades* literam R. pronuntiabat, ceu *Plutarchus* notat: eoque nomine ab *Aristophano* in vespis irridetur. *Galen. comm. 6. aphor. 32.* scribit, ψαλλίζων, balbutire, pronunciationis vitium esse, non vocis: sicut & τραυλίζων: non potente lingua exquisitè διαρθρῶν, dearticulare voces, quæ per T. & R. proferuntur, qualis est hæc ipsa vox τραυλὸς & similes hæ τρέχῃ, τρέμῃ, τρεχὺς, τρεχὺς, τρεφὺς, currit, tremit, asper, curfus. Hæ siquidem omnes exigunt linguam se ampliantem, ac prioribus dentibus innitentem.

Causas ergo τραυλότητος, balbutiei, dicit esse sequentes.

tes. I. *Est, imbecillitas lingua naturalis*, aut etiam nervorum, quos lingua accipit à cerebro; Lingua enim in pronunciatione R. & T. validè apice suo inniti debet palato, propè dentes superiores. Hoc autem facere debilis lingua non potest. Quare T. & R. articulare nequit. Labitur ergò ad pronunciandum T. & L. II. *Est lingua brevis*, quam tamen dicit est rarissimam. Brevis lingua dentes anteriores non attingit; neque extremitatem palati. III. *Lingua humiditas & mollities*. Talis enim firmiter inniti non potest. Unde pueri quoque balbutiunt, & ebrii: partim quia cerebrum multa humiditate est perfusum; partim quia ab illius multitudine præggravatum. IV. *Lingua siccitas*. Unde qui febribus detinentur acutis & ardentibus, & quibus lingua inaruit, balbutire solent. Arida enim lingua non est flexilis & volubilis, ut requiritur in locutione. V. *Lingua defatigatio*; idque propter continuum & diuturnum sermonem; aut prolixiorem cantum, quem fistula tibia exercuit. Membra enim defatigata vigorem amiserunt. Ideoque non promptè & expedite moventur. VI. *Virium infirmitas*, ex morbo contracta. Præ hac enim languet omnium membrorum robur & facilis motus.

Quæ sint causa ψαλλότης, blæsitatis?

Aristotel. verbum ψαλλίζει non semper uno eodemque modo usurpat. Nam I. *metaphys.* ψαλλίζει illi significat blaterare, nugari, & absurdè loqui. Quid *Suidas* & *Hesychius* per τὴν ψαλλότητα intellexerit, præcedenti expositum fuit problemate. Nos iterum *Aristotelem* sequimur *problem.* 30. *sect.* 11. & ψαλλότητα, sive ψαλλισμόν, blæsitatem esse dicimus cùm literæ aut syllabæ quædam non pronuntiantur, sed planè omittuntur. Sic enim *Philosophus*, ψαλλότης est τὸ ἱκταρεῖν τί, ἢ γεῖμα, ἢ συλλαβὴν, Blæsitatis est prætermittere aliquid, scil. vel literam, vel syllabam. Ejus causæ sunt seqq. I. *Nimia in loquendo festinatio*. Nimium enim festinando quædam literæ interdum omittuntur. II. *De-*
festinatio

scelus dentium ad quos fit linguæ & labiorum appulsus, III. *Mutilatio labiorum*, quæ nec mutuo conjungi, nec inferius ad superiores dentes moveri possunt. IV. *Erosio palati*. Ita enim linguæ appulsus impeditur. V. *Vitium aliquod linguæ*: idque in quantitate, cùm justo longior est vel brevior: latior vel angustior: aut in qualitate: cùm crassior, indecenter formata, aut ligata, ut esse solet in ἀγκύλη, quod vitium filum, & funiculum interpretantur. Hoc enim impedit linguam, quò minùs undique se ori applicare possit.

Qua sint causa ἰσχνοφωνίας?

Vocabulum ἰσχνοφωνίας geminam habet significationem. I. Enim significat gracilitatem vocis: & ἰσχνόφωνοι vocantur illi, qui gracili voce sunt præditi: ἰσχνὸν enim significat macrum, gracile, tenue. Ischnophonis, inquit *Galen. comm. 2. in l. 1. Epid. 6. 78.* affines sunt λεπτόφωνοι, exili voce donati. Est tamen, subdit, aliqua inter eos differentia. Nam λεπτοφωνία in hoc significatu fit ob angustiam asperæ arteriæ: ἰσχνοφωνία vero propter vitium innatum muscutorum laryngem moventium. Utrique in prima conformatione contrahunt ea vitia ob caloris innati infirmitatem: & quemadmodum ἰσχνόφωνοι deteriore figuram muscutorum laryngem moventium consecuti sunt: ita τετραλὸν muscutorum linguæ. Deinde ἰσχνοφωνία, linguæ hæsitantia, sive titubantia, aliàs battarismus accipitur pro illo vitio apud *Aristot. f. 11. probl. 30* quo quis primam syllabam cum labore & difficultate repetere cogitur. Sic enim *Philosophus*, ἰσχνοφωνία est ἀπὸ τοῦ μὴ δύνασθαι ταχὺ συνάγειν τὴν ἐτέραν συλλαβὴν πρὸς τὴν ἐτέραν, alteram syllabam alteri præproperè jungere non posse. Vel est vitium pronunciationis, quo syllaba syllabæ citò copulari non potest. Quæ causa sit, explicatu perquam est difficile. Ex *Aristoreli* tamen *scil. 11. problem. 54. 57. & 63.* colligitur, esse quadruplicem. I. Linguæ & labiorum infirmitatem, II. Ligationem linguæ, cùm scil. libera & soluta non est, III. Calorem. IV. Frigus. Quòd autem calor in causa sit, quòd minùs verba

copu-

copulare queamus, *Aristotel. probl. 63.* exemplo iratorum probat. Hi enim præ caloris fervore adeò sunt in loquendo præcipientes, ut sæpiùs impingant, & tandem in salebris hæreant. Frigus verò hæsitantiæ linguæ causam esse, exinde planum facit, quia quibus ὄργανα ὑμνωδικὰ sunt refrigerata, & vel vino, vel oratione continua sunt calefacta, verba difficiliùs conjungunt. Intelligit autem per κατὰ-λύειν, refrigerationem, ut idem se ipsum *problem. 54.* explicat, vel uti quandam ἀποπληξίαν, h. e. stuporem & resolutionem, à frigore ortam.

*Quæ sint in universum causa omnes,
non mutitatis, sed solum loquela
non decenter facta & formata?*

Vitia loquelæ vel nativa sunt, à primo ortu nobis inhærentia: vel post ortum demùm introducta. Causæ eorum variæ sunt, & multiplices. I. *Latet in lingua*, primario locutionis organo. Lingua autem varios habet affectus, scil. in temperie, quando nimis est resiccata: admodùm humida; valdè dura; insigniter crassa. In compositione, cum est in molem insignem aucta, ut ore vix contineri possit; abbreviata: inflammata: ligata filo illo, cujus mentio facta: ut liberè se in ore movere nequeat. In continuitate, cum fissâ, ulcerata, abscissa prorsus per supplicium, aut convulsionem. II. *Hæret in lingua nervis*, iis scil. qui à septimo pari oriuntur: cum sunt obstructi, adstricti, relaxati & humectati: aut solutionem continui passi. III. *Posita est in lingua musculus*: qui & ipsi vitium aliquod habent in compositione, in temperie, in continuitate: ut cum sunt humidiores, molliores & laxiores: cum inflammati: cum incisi, aut exulcerati. IV. *Sita est in faucibus*, in quibus vocales formari solent. Illæ enim similiter vel sunt arefactæ: vel inflammatae: vel angustiores redditæ: vel ulceratæ aut vulneratæ. V. *Observatur in uvula*, seu columella, quæ abla-

ta, elongata, corrola. VI. *Animadvertitur in palato*, ad quod fieri debet linguæ in quarundam consonantium pronuntiatione appulsus: cum scil. illud est ablatum per falsos catarrhos, aut Luem Veneream, aut saltem excavatum. VII. *In dentibus cernitur*, præsertim anterioribus utriusque maxillæ, cum defunt. VIII. Videtur in labiis, quæ sunt tumefacta, inflammata, abscissa, fissa, exulcerata. IX. *Habetur in faucibus*, qui in ea oris parte molli & laxa, quæ sublingua est, & cui ea incubat, ac quasi vinculo alligatur, consistit: tumor scil. interdum phlegmones, sæpiùs œdematis mollis & laxi speciem exhibens, è quo aperto, mucus profilit, ovi candido perlimilis; pueros præsertim infestans.

*An exulceratio labiorum bonum semper
sit signum in febribus continuis &
intermittentibus?*

Vulgus persuasum habet, exulceratione labiorum in febribus apparente, febres iri solutum. Ast hoc perpetuum non est. Experientia quippe testatur, ejusmodi exulcerationem interdum absque *crisi* ab humoribus falsis, acribus, nitrosis, atrabilaris, aut biliosis ex reliquo corpore ad labia, aliasque faciei partes protulis ortum habere.

*Qua sit causa, quòd vulnera & ulcera
labiorum agrè sanentur?*

Causa varia est. I. Labiorum humiditas. Sunt enim carnes fungosæ, ræz, laxæ & molles. II. Crebra & frequens illorum motio & agitatio, cum comedimus, bibimus, oquimur, expuimus. III. Humectatio, quæ fit à saliva, phlegmate, aqua, proveniente à cerebro, pulmone, & ventriculo.

Qua

Qua causa sit labii leporini, & quomodo curetur ?

In labio superiore in quibusdam fit disjunctio, ut illius partes minimè cohaereant. Vitium est valdè deforme, quod à leporis similitudine, cujus labium superius in medio est fissum, nomen habet, & *Hasenschart* appellatur. Vitium est originale, & plerumque causam habet matris *parvaria*, quæ vel leporem, vel alium hominem hoc morbo laborantem, adspexit, sibi que formam istam corruptam & depravatam labii superioris fortiter impressit. Et quia vitium est admodum deforme, faciens, ut per illud dentes quasi per fissuram aliquam pateant, cheirurgorum imploratur consilium. Curatio præcipuè consistit in operatione cheirurgica. Primum autem disjunctæ labii partes, scil. à lateribus earum exco-riandæ sunt. Dein conjungendæ. Tercio conjunctæ servandæ futuris, vel fibulis, sive aciculis infixis. Tandem unguenta & emplastra consolidantia imponenda.

Qua sint causa tremoris in labiis ?

Causæ sunt externæ atque internæ. Ad externas refertur summum frigus, cum dentium stridore : qui quædam est convulsionis species. Convelluntur autem muscoli maxillæ inferioris : quæ modò sursum à musculis illius os claudentibus, modò deorsum à musculis id aperientibus præter voluntatem moventur. Ad internas pertinet metus, cujus nomine etiam membra tremunt alia, ob caloris, spirituum & sanguinis retractionem ad interiora. Deinde ira, ob effusionem caloris & spirituum. Tertiò nervorum debilitas : cujus ratione senes, & qui vel longis laborarunt morbis, vel longas vacationes perpassi sunt, tremere solent. Quartò, humor acer & mordax, nervos & musculos labiorum vellicans. Quintò, commotio ventriculi in nauseabundis & vomituri-

tibus: quoniam ori cum ventriculo per communionem interioris membranæ magnus est consensus. *Sextò*, magna aliqua cerebri affectio. Eo quippe debilitato, benè esse nervis non potest. Nam & ipsi debilitantur, & spiritibus depauperantur.

Qua sint causa variorum in labiis colorum ?

Constat omnibus, labia variis tingi coloribus. Esse livida, pallida, subnigra, rubicunda. Apparere etiam in illis vitiosos colores in multis affectibus: v. g. in cachexia, febris virginum alba, syncope, leipothymia, mensium suppressione, *atroliq* jecoris, infirmitate & cruditate ventriculi, lienis & hepatis obstructione, *phlog*, hydrope, in quibus affectibus labia ut plurimum pallent: idque ob penuriam boni & laudabilis sanguinis, spirituum item paucitatem, vel impuritatem. Adhæc in peripneumonia, in qua ut genæ rubent intensè, ita & vicina labia, ob calidorum halituum ascensum: forsan etiam ob sanguinis fervorem. Item in angina & pleuritide, in quibus illa similiter ob fervorem sanguinis & spirituum rubro sunt infecta colore. Denique in morbis spleneticis, & melancholia hypochondriaca, in quibus subnigricant: aut livent; quamvis lividus color etiam *reparatus* caloris nativi signum esse soleat. Ex quibus constat, causas colorum in labiis rejiciendas esse in humores, spiritus & calorem. Humores sunt varii, & pro ut vario colore sunt imbuti, sanguis rubro, pituita albo, melancholia nigro, aut livido, sic varii quoque colores in labiis elucent. Eademque hîc est ratio, quæ in cute. Qualis enim inquit *Hippocr.* humor intus est in corpore, talis color foris conspicitur in cute. Vividus color emicat in sanguineis: albus in phlegmaticis: flavus in biliosis: niger in melancholicis.

An tortura oris & spasmus cynicus sint unus idemq; affectus ?

Hi duo affectus sæpius inter se confunduntur, & uno
voca-

vocabulo oris tortura à multis insigniuntur. *Celsus* l. 4. c. 2. spasmus cynicus oris distentionem appellat. Sed si accuratè loquendum, utique discrimen aliquod inter eos constituendum. Nam quando os in alterutrum tantum latus, dextrum vel sinistrum contorquetur, vitium oris tortura vocandum. Si verò contractio fit in utroque latere, ita ut os transversim diducatur, cynicus spasmus, & *Risus Sardonius* malum nominandum. Illud, quoniam os in utroque latere contractum, rictum canis ita percipit exprimit. Hoc, quia hæc oris contorsio os ridentium repræsentat. In illis enim os in utrumque latus diducitur. Vocatur autem risus Sardonius ab herba *σαρδύς*, quæ à *Dioscoride* l. 6. c. 14. ranunculi herbæ generi assignatur, quæque vespertibus mentem adimit, & quadam nervorum distensione labia in rictum contrahit, ut risus speciem præbeant: qua in sententia etiam est *Aëtius*, scribens, herbam istam potatam furorem & convulsiones inducere, malasque contrahere, ut risus imaginem de se præbeant: à qua dispositione etiam risus Sardonius non admodum boni ominis adagio circumfertur. Sunt tamen qui persuasum habent, ægros non solum ob labiorum convulsionem ridentes videri, sed reverà etiam ob mentis alienationem ridere. *Dodoneus* namque antumat, esse hanc stirpem *Galatophyllida* illam, cujus meminit *Plinius* l. 24. c. 17. qua cum vino & myrrha bibita, variae observantur species, ridendique finis non fit, nisi nucleis pineis cum pipere & melle in vino palmeo potis.

Utrum spasmus cynicus, seu, ut vulgo loquuntur, oris tortura, fiat à convulsione, an à paralyssi?

Ab utraque. Sed frequentius à convulsione musculorum faciei, præsertim illorum, qui dicuntur buccarum & labiorum

biorum, affectis nervorum propaginibus, quæ ad tertium nervorum par spectant. Quando autem convulsio in causa est, musculis buccarum & labiorum versùs sua principia contractis, tunc pars sana ad convulsam trahitur: estque locus affectus ibi, ubi distortio cernitur. V.g. si muscoli dextræ partis convelluntur, unà secum musculos partis sinistræ trahunt, & vice versa. Cùm verò in causa est *παρὰ λυσις*, tum pars faciei distorta est sana: quoniam muscoli sani suo munere fungentes resolutam partem ad se trahunt. Nam si v.g. resoluta sit pars dextra, os contorquetur ad sinistram: è contrà si sinistra resoluta sit, os ad dextram contrahitur. In convulsione pars affecta dura est, quia tensa, trahitque sanam, & plerumque dolet. In *παρὰ λυσις* pars affecta est mollis & laxa, trahiturque ad sanam, & sensus in parte laborante est obtusus, deceditque palpebra inferior in eadem.

Utrum dentitio sit nova dentium generatio? Item, an sit morbus, an opus Natura?

Prius quæsitum quod attinet, respondemus, dentitionem non esse dentium generationem, sed duntaxat genitorum eruptionem. Erumpere autem solent dentes primi ut plurimum circa mensem septimum: secundi anno ætatis septimo, præter propter. Neque enim unum, aut certum quidem eruptionis & casus dentium tempus est: sed in aliis citius, in aliis verò tardius erumpere & cadere solent. Quòd autem dentitio non sit dentium generatio, ex eo constat, quoniam in abortivis fœtibus sectio ostendit, dentes in utero nasci, & delitescere in alveolis suis. Experientia insuper planum facit, quosdam dentatos in lucem prodiisse: quemadmodum *Plinius* hoc exemplo *Cn. Papyrii*, & *Marci Curii*: & *Polydoru Virgilium* cujusdam infantis in Piceno nati declarat. Ad secundum quæsitum dicimus, dentitionem morbum

bum non esse, quia ad nullum morbi genus referri potest: sed esse Naturæ opus, expellentis dentes, qui ad solidioris cibi contritionem sunt necessarii. Priùs autem cùm infans lacte & pulcibus ex lacte confectis vesceretur, necessarii non erant, imò matri & nutrici molesti, quòd papillas interdum morsu fauciare soleant. Licet autem prima eruptio dentium dolorosa sit, & cum multis symptomatibus, v. g. cum gingivarum pruritu, febris, convulsione, diarrhoea &c. conjuncta: quemadmodum Hippocr. *sect. 3. aphor. 25.* docet, secunda tamen, vel illis caret, vel longè saltem mitior est & tolerabilior. Adhæc symptomata illa de dentitionis natura non sunt, neque planum faciunt, quòd dentitio per se & formaliter considerata, quatenus genitorum dentium est eruptio, sit morbus, sed solum illius effectus existunt. Etenim dentitio fieri nequit sine perforatione gingivarum: perforatio autem, tanquam continui solutio, dolorem parit: dolor vigilias inducit: vigilie cruditatem causantur: erudititas diarrhoeam gignit. Idem dolor inflammationem gingivarum & genarum excitat, quia facit, ut sanguis accurrat. Inflammationem postea febris consequitur. *Obijcies*, Naturæ opera fieri sine periculo, sine molestia. *Resp.* non semper. Probant hoc *partus difficilis* & laboriosus: *russu ferina*: *vomitio magno* conamine facta: *sternutatio* crebra & violenta: *fecum induratarum* ægra excretio: *κρίσις* quæ dicuntur *κρίσις*: quæ naturæ actiones & cum dolore, & cum periculo non parvo fieri consueverunt.

Cur dentientes pueruli plorent, malæ eorum rubeant, & caleant, gingivæ tumeant, os saliva madeat, febris laborent: digitulos ori crebrò admoveant, & gingivas sæpè contrectent: inquieti sint

sint valdè : os eorum quasi ardeat , aut solito sit calidius ?

Resp. *Plorant* , quia dolent. *Dolent* , quia continui patiuntur solutionem , ob gingivas perforatas & illis inhaerentes aculeos osseos atque dentatos. *Mala rubent* & calent , ob vicinas gingivas , quæ sunt inflammatae. Inflammantur autem quia dolor earum facit , ut sanguis cum spiritu & calore affluat. Ob affectum inflammatorium eadem etiam *tument* : & ob dolorem allicitur ex vicinis locis copiosior salivæ materia , cujus nomine os madet. *Febri* laborant , quæ symptomatice est . & ut plurimum ephemera. *Galenus comm.* 3. *aphor.* 25. causam dat triplicem : *dolores , vigiliæ & inflammationes* , quæ gingivas potissimum infestant. Præcipua tamen causa est dolor , cum pungitivus , cum pruriginosus. Nam cum dentes egrediuntur , non secus ac stimuli carnes gingivarum compungunt : unde vigiliæ & phlegmone. *Digiti* ori sæpius immittunt , & gingivas scalpunt , quia sentiunt ibi doloris , cui mederi student , sedem esse *inquieta sunt valdè* , quia dolent atque febricitant. Dolor & calor quiescere minimè sinunt. *Os ardet* , quia gingivæ sunt inflammatae.

Quam ob causam Hippocrat. aph. 25. sect. 3. *dicat , dentientibus puerulis accidere gingivarum pruritum , spasmodum , diarrhæam , maximè cum caninos dentes edunt , hæcque symptomata iis potissimum evenire puerulis , qui sunt παχύτατοι , crassissimi , & quibus alvus est dura , sive adstricta & constipata ?*

Respondetur ordine ad singula. *Gingiva pruriunt* , quia dentes

dentes veluti spicula gingivas compungunt, quando exire incipiunt. *Per spasmos* intelligere videtur non proportionatos ad materiam, ut sunt convulsiones epilepticæ, quæ infantibus nostris dentientibus admodum sunt frequentes. Causa est aura maligna, quæ cerebro, nervorum principio, est communicata: & ex corrupto lacte, aliave vitiosa materia, vel in ventriculo, vel in intestinis collecta, exuscitata. *Diarrhæa* causa est cruditatis copia, & non mala esse ab *Hippocr.* de dentibus judicatur, quoniam convulsiones arceat. *Arce* etiam potest febrem. Nam per eam non solum faeces, verum etiam bilis & serosa materia, horum affectuum genitricæ, evacuantur. Cæterum *pruritus*, *febris* & *convulsio* urgere magis solent, cum canini dentes eduntur. Ratio est, quoniam isti supra cæteris dentibus sunt acutiores, & in acutum mucronem fastigiati; infra verò crassiores & latiores. Quo nomine etiam magis pungunt & ægrius erumpunt.

*Cur ex hydrargyri inunctione dentes ita
vacillent, & mobiles evadant, ut
aliquando cum & sine tussi ex-
puantur?*

Resp. Id fieri propterea, quoniam *hydrargyrus* per salivationem vacuat. Humoribus ergo pituitosis & serosis ad os & dentes concitatis, laxantur eorum vincula, ut alveolis firmiter inhaerere nequeant. Talis autem vacuandi ratio soli *hydrargyro*, non alii cathartico est concessa.

*An saliva aliquis sit usus, & quis-
nam?*

Aristot. l. 2. de gen. an. c. 4. inquit, Naturam perinde atque prudentem Patremfamilias nihil amittere consuevisse,

Cc

cx

ex quo facere aliquid commodi potest. Nam etiam excrementa ad utiles ac necessarios usus convertit. Id quod declarari potest exemplo bilis intestinorum, melancholiz lienis, mucosi humoris articularum, feri venarum atque articularum, pinguedinis multarum partium, vaporum halituumque ascendentium à ventriculo ad cerebrum. Etenim *bilis* mucum intestinorum abstergit, & facultatem expultricem eorum ad fecum excretionem sollicitat. *Melancholia* à liene per vas breve eructatur in ventriculum, tùm ut appetentiam ciborum sua austeritate excitet, tùm ut vim illius retentricem roboret. *Mucosus* humor articularum instar axungiz, quibus aurigæ curruum axes inungunt, efficit, ut articularum extremitates fiant lubricæ, & motus succedat faciliùs. *Serum vasorum* diluit sanguinem, ut per angustos meatus transire queat, & partes alere. Unde & vehiculum alimenti nuncupatur. *Pinguedo* partes humectat & lubricat, earum calorem fovet, egressum illius arcendo, & ingressum frigoris prohibendo, musculis quibusdam, iis maximè, qui sæpiùs inter sedendum & ambulandum, & apprehendendum premuntur, instar alicujus pulvinaris est, loca vacua implet, &c. *Vapores* & halitus illi suaves, qui post cibum ascendunt ad caput, faciunt, ut placidus obrepere somnus queat. Eodem modo etiam salivà Natura utitur ad varia officia. *Primum* est, cibum solidiorem in ore ad futuram *χύλωσιν* præparare. Salivà enim cibus emollitur: qui emollitus faciliùs & rectiùs masticatur: probè masticatus & contritus meliùs in ventriculo concoquitur. *Secundum*, efficere, ut cibus masticatus minori enim labore deglutiatur. Nam quæ sicca sunt, dura & solida ægrè deglutiuntur. *Tertium*, inservire rectæ literarum, syllabarum & dictionum pronunciationi. Quàm enim difficilis sit & inepta locutio, si os saliváli destituatur humiditate, in illis experimur, qui febribus ardentibus laborant. Lingua enim illorum scabra est, sicca, dura, nigra, aliquando & ob cordis, pulmonum & hepatis fervorem, halituumque præcalidorum ascensum ita torretur, & quasi assatur, ut terræ in modum à Solis ardore

ardore resiccata findatur atque dehiscat. *Quartum*, curare, ut saporum differentiar rectè percipiantur & dignoscantur. Est enim saliva quasi saporum vehiculum. *Quintum*, rigare laryngem, & fauces, ut respiratio & vox fieri possit commodius. Sunt enim hæ partes linguæ admodum vicinæ. Ideoque ut facilè moveri, h. e. dilatari & constringi queant, à salivâ humectari debent.

Quæ sint causæ ptyelismi ?

Πτυελισμός immoderata & frequens est salivæ expulsiō. Ejus causæ sunt externæ atque internæ. Ad externas refertur inunctio ex hydrargyro, quæ usitata est in cura Luis Venereæ. Hæc enim salivationem & sputi ex ore rejectionem parit. Ad internas pertinent partes variæ, quæ materiam suppeditant. Et I. quidem *cerebrum*, quod pituitosum humorem ad os & fauces deponit: tum maximè, quando vel natura, vel casu frigidius est atque humidius. Docet enim *Galen. in μικροτέχνη* c. 22. frigidi humidique cerebri notas esse, non solum proclivitatem ad somnum, profunditatem somni, hebetudinem sensuum, læsionem à frigore facilem, promptamque capitis repletionem, sed etiam excrementorum copiam, & frequentiam catarrhorum ac destillationum. II. *Ventriculus*: hic enim *sive naturâ, sive morbo* aliquo chronico, *sive etiam* frigida humidaque victûs ratione humidior frigidiorque factus sit, multamque seri & phlegmatis copiam coacervârit, sit, ut aqua & pituita in os exundet, & salivæ permisceatur. III. *Intestina*, urgentibus lumbricis. Aquosa quippe pituita ab intestinis in os confluit. IV. *Lien*, qui secundum *Hippocr.* aquæ est domicilium. Hinc videmus, lienosos & scorbuticos spntatores & salivatores esse. IV. *Pectus & pulmo*. Etenim si in hisce partibus congesta excrementa in os propellantur, sputum augece solent. VI. *Os ipsum* in pueris lactantibus & dentientibus. Nam propter dolorem quem dentes erumpentes ob perforationem gingivarum excitant, & ob

ἀφθας, quæ non raro cum phlegmone & ardore conjunctæ sunt, allici solet ex vicinis locis copiosior salivæ materia, qua os præter solitum madet. Notandum autem quod σάλων sive σίλλον, & πτύαλον, sive πτύσμα, h. e. saliva & sputum unum idemque non sint. Nam σάλων, saliva, id excrementum oris esse dicunt, quod sine tussi & expectoratione rejicitur. Πτύαλον autem seu πτύσμα, sputum illud appellant, quod ex thorace & pulmonibus cum tussi excernitur: vel ut Etymologicum habet græcum, sputum evacuatur προσωρετικῶς, contracto thorace in expiratione: saliva verò αὐτομάτως ex ore emanat. Unde constat, πτυαλισμὸν rectius salivationem, quàm frequentem sputationem nominari.

*Utrum oris fætor ab una solum causa,
halitu scil. sive vapore fætido
oriatur?*

Oris fætor symptoma est in genere mutatarum qualitatum, earum scil. quæ olfactiles dicuntur, si scilicet ab interna causa fuerit ortus. Vitium est adstantibus & assidentibus valdè molestum, cùm qui eo laborant, nobiscum loquuntur, vel canunt, vel aperto ore respirant, vel oscitant, osque admodum dilatant atque aperiunt. Causam habet unam proximam, scil. tetrum & fætidum vaporem: mediatas plures. Prodit autem vapor iste vel ab externis rebus, quæ assumptæ fuerunt: vel ab internis. *Externa* sunt allium, porrum, cepæ, raphanus, caseus putridus, ova putrida, alia. *Interna* in variis hærent partibus. I. *In putridâ gingivâ.* Unde scorbuticis, quibus gingivæ putrent, anima olet. II. *In corrofis dentibus.* III. *In dentium interstitiis,* in quibus reliquæ ciborum, panis, carniû, casei &c. latent: aut etiam in ipsis dentibus excavatis. IV. *In ulceribus faucium,* linguæ, pulmonum & palati. Teter enim inde expirat halitus, V. *In vulnere thoracis,* vel empyemate. Pus enim & sanies ibi sita est olida, è quibus olidus vapor exhalat, qui nares assiden-

assidentium & adstantium ferit. VI. *In ventriculo*: in quo vel fœtidi cibi continentur: vel humores corrupti: qui in illo aut geniti sunt: aut aliunde ad illum derivati. VII. *In intestinis*, in quibus vel vermes, vel ulcera, vel putridi humores, vel fæces admodum fœtentes sitæ sunt, in illis maxime, in quibus pylorus exactè clausus non est. Tunc enim fœtidi halitus per laxam hanc viam ad ventriculum ascendunt, & fœtore suo halitum oris inficiunt. Quodsi humores pravi, tetrumque spirantes odorem ventriculo à liene impuro, inquinato utero, aut mesenterio sordibus repleto communicentur, hoc quoque nomine anhelitus fœtore inficitur.

Quid sint aphthæ? An etiam cadant in adultos? Et quas agnoscant causas?

Aphtharum vox significationem habet generalem & specialem. In genere tribuitur etiam aliis partibus, utpote *utero, testibus, & aspera arteria*. Harum enim partium ulcuscula ab Hippocr. & Galeno *aphthæ* vocantur. Specialiter & propriè *aphthæ* sunt ulcuscula oris. Quamvis autem frequenter admodum recens natis eas accidere scribat Hippocr. *aphorism. 24. sect. 3.* tamen etiam adultos aggrediuntur. Sunt ulcuscula quidem, sed dolorosa admodum, serpentina, & ignea quadam caliditate prædita. Occupant interdum gingivas, buccas, palatum, fauces, linguam & labia. Colore variant. Modò enim subalbida sunt, modò subrubra, modò nigra, quæ pessima. Sunt quoque in aliis pauciora, in aliis plura, leviora item & deteriora: recentia & inveterata. In infantibus causa est nutricis lac. Illud autem vel per se vitiosum est, calidum, acre & mordax, idque vel ob nutricis caliditatem, vel calidiorem victus rationem, maxime vini meracioris potum, aut esum cibariorum sale & aromatibus nimis conditorum. Vel in ventriculo lactentis corrumpitur, Prius immediatè tenellas infantulorum oris partes, quæ raræ, laxæ, teneræ, mollesque sunt, faciliè exulcerat: posterius hoc facit mediatè, emissis calidis acrisque halitibus. In

adultis, qui lacte non utuntur, plerumque per consensum accidunt aphtæ: & quidem per consensum totius in febribus acutis & malignis: quando acres mordacesque halitus ad os ab inferioribus partibus ascendunt in febribus: aut falsa pituita à cerebro in os dilabitur, aut fumi ferventes citra febrem à ventriculo, hepate, utero, liene, pulmone &c. effeferuntur, & oris internas partes exulcerant.

Utrum aphthæ in infantili ætate possint esse lethales?

Sine distinctione ad hoc quaesitum rectè responderi non potest. Præmittemus igitur aphtarum differentias: postea quaestionem decidemus. Pustulæ ergo istæ, tubercula, seu ulcuscula (initio enim sunt tubercula & pustulæ, postea ulcuscula fiunt, partibus oris corrosis) *Ratione materiae* vel sunt calidæ & rubicundæ, quæ fiunt ex sanguine fervido: vel igneæ & flaviores, quæ ex bile proveniunt: vel minùs fervidæ sunt & albicantes, quarum causâ pituita est: vel nigricant, quæ à bile atra proficiscuntur. Quæ ex pituita nascuntur, leviores sunt, minùs dolorosæ, non etiam cum inflammatione conjunctæ. Atrociores sunt sanguineæ. Deteriores biliosæ, Pessimæ atrabilaria. *Ratione adjunctorum* quædam sunt cum febris & phlegmone conjunctæ: quædam illis carent, & solitariae sunt. *Ratione situs*, vel sunt superficialia, vel profundiores. *Ratione ætatis* vel incipientes sunt & recentes, vel diuturnæ & inveteratæ. Adest denique aliis putredo, in aliis illa desideratur & abest. Aphtæ ergo pituitosæ, recentes, minùs dolorosæ, febris destitutæ & phlegmonis expertes, superficialia etiam, & quæ infantes læsugere, & pulticulas consuetas comedere sinunt, exitiosæ non sunt, sed brevi curantur: quæ verò hisce sunt contrariæ, periculo minimè carent. *Dolorosa* phlegmonem accersunt: hæc ardoris & febris causâ est: hinc *vigilia* & *inedia* oboriuntur. Accersitur etiam ob ardorem *salivatio*, quæ medicamenta reddit irrita. Accedit *impedimentum suctionis*, lingua non potente se papillis mammarum, ut solita erat, applicare.

care. Ob inedia, dolorem, febrem & vigilas vires desiciuntur, corpusque contabescit. Et quia oris partes dolent, *infantes* non facili sibi remedia adhiberi sinunt. *Saliva* quoque illa copiosa, quæ ex ore eorum indefinenter quasi emanat, vim remediorum obtundit. Fieri ergo solet, ut *infantes* tandem fati concedant.

Qualia deceat esse medicamenta in curatione aphtarum?

In principio debent esse adstringentia & repellentia. In progressu admiscenda sunt adstringentibus digerentia. Si ad suppurationem tendant, maturantibus suppuratio adjuvanda. Et sordidæ si fuerint, usurpanda mundificantia & abstergentia. Danda quoque opera, ut quæ in os immittantur, grata sint, non horribili sapore prædita, quæ *infantes* & *pueri* respuere solent. In id quoque incumbendum, ut cum quæ sunt in os indita, portio eorum deglutiatur, talia sint, quæ neque ventriculo, neque pulmonibus nocere queant. Nam & ad hos etiam aliquid per asperam arteriam deferri solet.

Quid & quale sit illud vitium, quod vulgus die Brâune appellat?

Vitium istud à quibusdam malum castrense vocatur, quod militibus in castris degentibus interdum valde sit frequens & familiare. Dicitur verò *die Brâune* ob rubrum puniceumve linguæ colorem: quamvis etiam aliis oris partibus communicetur. Accidit in febribus continuis, ardentibus atque malignis: & eousque nonnunquam increscit, ut lingua ardeat, intumescat, loqui nesciat, deglutitionem non juvet, doleat, efficiat etiam, ut ægri penè suffocentur. Quo nomine vulgus majorem rationem habendam illius arbitratur, quàm ipsius febris, à qua tamen prodire solet. Evenit etiam interdum in iisdem febribus, ut lingua nigra, sicca, dura, aspera evadat, & ita quidem, ut præ nimia ariditate findatur atque dehiscat, non secus atque terra ab ardore solis findi ac dehisce-

dehiscere consuevit. *Causa mali* sunt acres ferventesque halitus sursum ad os & caput ascendentes. Potest in causa quoque esse in vitio illo castrensi sanguis fervidus, ad linguam partesque vicinas delatus: unde & angina quoque incidere aliquando solet. Est autem potior habenda ratio febris quàm istius mali. Illa enim fons & scaturigo mali est. Ipsum tamen linguæ vitium non negligendum est: quia diſtas ob causas urget vehementer: & licet accidens sit cum febris commemoratis complicatum, morbus tamen est, & in temperie, & in compositione, & in continuitate. In temperie, quia adest calor & siccitas. In compositione, quoniam orta est inflammatio & linguæ magnitudo aucta. In continuitate, quia lingua quandoque fissâ est.

An uvula elongatio periculosa sit, & quibus remedium generibus curatur?

Affectus hujus particulæ de quo hîc sermo est, nominatur laxatio, elongatio, descensus & delapsus uvulæ: non quoddē labatur, sed quoddē aquoso serosove humore à cerebro defluente repleta elongetur, & posteriori linguæ parti incumbat, aded ut laborantes putent, carnis portiunculam linguæ incumbere, quam etiam deglutire conantur. Laxa enim & spongiosa est columellæ substantia. Ideoq; humores serosos & pituitosos à cerebro delabentes facildē in se suscipit: susceptis elongatur: elongata in fauces & linguam decumbit. Vitium frequens est tempore hyberno ob catarrhos ad loca inferiora missos. Plerumque fit sine dolore & inflammatione. Aliquando tamen uvula & crassa nimis, & longa valddē evadit: aded ut & loquelam, & deglutionem, & respirationem impediat. Hæc ergo periculo non caret. Respiratione namque impedita, metus suffocationis inducitur. Curatio dirigitur ad cerebrum & uvulam ipsam. Illud purgatur, siccatur, corroboratur. Hujus gratiâ usurpantur, *gargarismata*, *suffitus* per infundibulum excepti, *pulveres* uvulæ admoti: *trochisci* in ore retenti: *sopica* vertici capitis imposita: *cervici* item & collo appensa: omnia siccandi & adstringendi facultate prædita.

Unde angina dicta? quæ illius sint differentia? an specie inter se differant? & an omnes lethales?

A Ngina non ab angendo, ut quidam existimârunt, sed à Græco verbo ἀγγω, quod strangulo atque suffoco significat, nomen est sortita, quoniam, ut *Trallianus* l. 4. c. 1. docet, ægrotantes laquei in modum strangulare suffocareque soleat. Barbari squinantiam vocant, corrupto vocabulo κενάγχης, ἢ συνάγχης. *Differentiæ* habet duas: altera vera est, exquisita & propriè dicta angina: altera notha sive spuria. Veræ & exquisitæ differentiæ rursus traduntur quatuor. *Prima* appellatur κενάγχη, quod κύνες, canes frequenter ea torqueantur, vel quod homines eâ correpti canum instar sint sitibundi, aut eorum excalefactorum modo, aperto ore respirare, linguamque exertam habere cogantur. *Secunda* nominatur συνάγχη. *Tertia* ταπεινάγχη. *Quarta* ταπεινάγχη. In *prima* tumor nullus neq; foris neque intus apparet: quoniam musculi laryngis interni, quales præ cæteris sunt thyroidei dicti interni inflammatione sunt detenti. In *secunda* musculi faucium manifesta phlegmone tentantur. In *tertia* externi potissimum musculi inflammantur: & tumor intus ore diducto, lingueque depressâ manifestè conspicitur. In *quarta* musculi gutturi & faucium externi sunt inflammati, tumorque tùm intus, tùm foris cernitur.

Spuria angina gemina est. Una oritur à destillatione phlegmatica in fauces & cervicis musculos facta. Altera fit ob cervicis vertebrae ad anteriora luxatas, fauces comprimentes & arctiùs constringentes.

In κενάγχη tumor nullus, neque foris, neque intus apparet, uti dictum. Ea decumbentes rubent, calent, dolent, febricitant acutè, ægrè respirant, difficulter admodum deglutunt, ob angustiam viæ & dolorem, spiritum ducere coguntur cervice erecta, linguam habeat exertam, & vehementer sitiunt. Est morbus valdè acutus, & anginarum

Dd omnium

omnium periculosissima: adeò ut *Hippocrates* eam *apborism.* 34. *sect.* 4. lethalem judicet, ipseque *Fernelius* l. 5. *παθολογ.* c. 9. eà sæpè viderit sublato ægro intra spatium 18. horatum, constante mente, integrisque sensibus.

In *συνάγγη* faucium musculi sunt inflammati. Estque illa quoque sæva admodum, sed tamen minore cum periculo conjuncta. Causam *Fernelius* dat triplicem: quòd scilicet, manifestò se proferat tumore; quòd remedia promptè admittat: ac quòd in os expurgari possit.

In *παρεσυνάγγη* facilis fit degeneratio in *κυνάγγη*: sique affectus augeatur inflammatorius, etiam interni tandem musculi inflammantur. Hinc *Galenus* l. 4. *loc. aff.* c. 3. scribit, in illa internos & externos laryngis musculos affici. Quod si fit, videtur periculosior esse *κυνάγγη*, in qua interni duntaxat sunt affecti.

In *παρεσυνάγγη* tumor se tùm intus, tùm foris prodit. Prioribus anginæ differentiis levior est: quoniam materia magis exteriora occupat, quàm interiora. Hæ anginæ differentiæ specie inter se non differunt, sed tantum loco affecto, & symptomatibus quibusdam. Conveniunt autem inter se materia: quæ vel est merè sanguinea, unde etiam resultat vera & exquisita phlegmone: vel biliosa: quo nomine phlegmone crysielatodis exurgit.

In prima spuria rubor, ardor & febris non adsunt. Dolor quidem adest aliquis & deglutitio ob illam difficilis. Quare inter acutos morbos locum non habet. In secunda idiopatheticus affectus neque in faucibus, neque in laryngis musculis sese offert: sed vertebrarum duntaxat cervicis versùs anteriora facta luxatio: cujus ratione fauces coangustantur. Est etiam periculi plena, quia vertebræ ægrè reponuntur suum in locum. Causa luxationis earum est vel ictus & contusio, vel casus, vel affluxus pituitosus serosusve vincula vertebrarum laxans, aut eas copia sua de propria sede dejiciens.

Quas

Quas ob causas vera & exquisita angina adeò sit periculosa?

Mirum videri queat, quòd angina ista adeò sit periculosa, ut etiam brevi temporis spatio mortem inferre possit: cum tamen partes affectæ, larynx scil. & fauces partes principales non sint. Verùm tamen res ita sese habeat, tamen quia hæ partes partim respirationi, partim deglutioni inserviunt, sine quibus actionibus homini vivere minimè licet, idcirco illis oclusis, constrictis atque compressis mors tandem obrepere solet. Nam licet quædam partes nobiles non sint, tamen si ejusmodi fungantur officio, sine quo vita continuari nequit, per accidens hominem interimunt, si scil. officium earum interceptiatur. Exemplo sit vesica, quæ ignobilis pars est, & receptioni urinæ tantùm destinata, attamen si obstructa sit, aut coarctata, aut dissecta, ob suppreSSIONem urinæ hominem mori cogit. *Pari modo intestina* partes sunt ignobiles, & fabricibus excipiendis assignatæ, videmus tamen quòd si vel obstruantur, vel coarctentur, ut fæces suum habere exitum nequeant, quod in affectu iliaco fieri comperimus, hominem decedere, mortemq; cum vita commutare. Sunt autem causæ variæ, ob quas vera angina adeò periculosa, & sæpè lethalis esse solet. I Est *dyspnœa*, quæ accidit, quòd larynx ob phlegmonem musculorum suorum sit constrictus: adeò ut aër neque liberè inspirari, neque expirari possit. II. *Deglutitio impedita*, ob dolorem & faucium angustiam. Partes enim laryngi contiguous & vicinæ semper coafficiuntur. Deglutatione autem impedita, homo alimento privatur. Sine respiratione autem & assumptione cibi ac potûs, vita persistere nequit. III. *Febbris acuta*, præsertim si phlegmone sit biliosa. Hæc enim vires mirum in modum demolitur, spiritus dissipando, & calorem cordis augendo, qui jam per se satis ob laryngis constrictionem est accensus. IV. *Dolor*, qui est ob sensibilitatem partium acerbis: & similiter vires dejicit. V. *Vigilia*, quæ accidunt ob doloris acerbitatem & spirandi difficultatem.

Dd 2

Moriun-

Moriuntur autem ægri in hac anginae specie, quia strangulantur & suffocantur.

An angina specie differat à vitio castrensi, quod vulgus die Bräune vocat ?

Sermo est de angina verè ac propriè dicta. Eam enim specie à castrensi hoc malo differre ex eo apparet, quia alia est definitio anginae, alia vitii castrensis, quod per *bräune*, *Bräune* à colore, vel *Pruna* ab ardore appellari potest. Etenim angina inflammatio est vel exquisita, vel erysipelatodis, musculorum laryngis & faucium, metum suffocationis introducens: Pruna ardor est linguae, siccitas, durities, scabrities, non rarè nigredo, cum fissura ejusdem conjuncta. Differunt & modis aliis. I. Quia angina malum est Pruna periculosius, propter metum suffocationis. II. Quia angina causa febris est: Pruna illius effectus. III. Quia in angina dolor est acerbus, praesertim in erysipelatodei. In Pruna tantus dolor non urget. IV. Quia diversimodè curantur. Conveniunt autem in eo, quòd in utroque affectu deglutitio & locutio impediatur: quoniam harum actionum organa sunt laesa. In utroque dolor vexat, ob continui solutionem. In utroque vigiliae urgent, ob ardorem & dolorem. In utroque calor est febrilis.

Utrum phlegmone tonsillarum etiam diciqueat angina, eandemq; cum illa curationem habeat ?

Respondetur *ad primum*, inflammationem tonsillarum, si tanta sit, & eò usque aucta, ut fauces ferè praecludat, laryngemque coarctet, anginam eà ratione dici posse, quatenus *αγγ*, hominem suffocat & strangulat. Sunt enim tonsillae, ut glandulae aliae, corpora laxa, fungosa & spongiosa, ut magnam affluen-

affluentium humorum copiam in se suscipere, & inde insigniter intumescere queant. Melius tamen est, si hunc earum affectum inflammationem, laryngis autem & faucium inflammationem anginam nuncupamus, ne affectuum aliqua fiat confusio, neve inde improprie locutiones oriantur. *Ad secundum*, eandem prorsus videri curationem esse inflammationis tonsillarum & anginæ: quia præsupponitur, eundem esse affectum, phlegmonem: eandemque causam, sanguinis affluxum, vel puri & simplicis, vel biliosi. Eadem ergo & indicationes se offerunt: quæ eadem indicata, sive præsidiorum genera requirunt.

Quæ sit causa, quòd veram anginam semper febris consequatur?

Adesse anginosi perpetuò febrem *experientia & symptomatica*, nec non *juvantia & ledentia* testatum faciunt. *Calent* enim, *rubent*, *sitiunt*, *vigilant*, *inflammatione* laborant, quam symptomatica sequi febris solet, *frigidūq;* rebus delectantur, *leduntur* à calidis. *Pulsus* denique creber, velox, magnusque satis superque ostendit, cor accensum esse. Febris autem anginosorum causas habet sequentes. I. Est, quia propter angustationem laryngis & faucium respiratio læditur. Ideoque fit, ut neque cor, neque pulmones sufficienter ventilari possint. Non etiam, ut decet, fuligines illorum satis expelluntur. Accenduntur ergo partes istæ, & febrem pariunt: idque eò magis, quoniam in perpetuo sunt motu, qui & ipse caloris est causa. II. Quia sanguis, qui causa est inflammationis in laryngis & faucium musculis, est ut in aliarum partium inflammationibus extravasatus, corruptus & putrefactus, à quo putridi halitus exurgunt, cordique communicantur: unde febris. III. Quia larynx, cujus muscoli in vera angina sunt inflammati, interventu asperæ arteriæ, magnum habent cum pulmone & corde consensum, hisque partibus plurimùm insevit: quatenus per musculos suos dilatatur & constringitur, & sic tum ingressui, tum egressui aëris viam supeditat.

D d 3

AN

An vera sit angina, quæ à fungorum esu fieri possit?

Dioscorides fungos dispecit in edules sive vescos, & exitiales. Hos genere, illos copia perniciosos esse scribit. Omnes autem copia lædere dicit, & strangulatus suspensio similes concitare: *Lib. 6. c. 23, edit. Ruellian. Galen.* multis in locis similiter illos dividit: & omnes lucci esse frigidi, humidi, pituitosi, glutinosique valdè, monet. *Martbiolus in Comm.* addit, cum hac sua temperatura calorem nostrum extinguant, mirum non esse, quod suffocare, strangulare, & prorsus nos interimere queant. Cum igitur non minùs ac angina hominem suffocent, non immeritò queritur, an suffocatio illa pro angina debeat haberi? *Respondetur*, si anginæ vocabulum latius sumatur pro omni strangulatione & suffocatione, posse effectum illum, quem fungi intulerunt, anginam vocari. At si strictè accipiat, pro inflammatione musculorum laryngis & faucium, haud videri anginam esse, quia quam strangulationem fungorum esus infert, ea febris & inflammatorii tumoris expers est. Præterea longè alia curatio debetur veræ anginæ, alia strangulatui, quem fungi pepererunt: quemadmodum Præctici docent: & ipse etiam *Dioscorides* id loco allegato ostendit: ubi varia remediorum genera proponit exhibenda iis, qui fungos ingesserunt, & inde periculum suffocationis subierunt.

An in angina purgandum?

Quidam purgationem dissuadent seqq. permoti rationibus. I. Quia sanguis, non alii humores, qui purgationem exigunt, abundant. II. Quia purgantia humores exagitant, eosque ad locum affectum præcipitant, à quibus postea malum conduplicatur. III. Quia omnia calida sunt, hocque nomine febrim augent. IV. Quia deglutitio in anginosi est impedita. Fit etiam cum magno dolore. Ideoque frustra purgantia deglutienda ægris propinantur. Verùm, si angina sit biliosa, aut pituito-

pituitosa, arbitramur, dato indicante, dari quoque debere indicatum. Volumus autem, ut maturè instituatur purgatio. Cunctandum enim in angina non est. II. Ut præscribatur in forma liquida. Solida enim ægrè, nec sine dolore deglutiuntur ab angina detentis. III. Ut sint purgantia leviora, cujusmodi sunt Marina, Cassia, Tamarindi, Syrup. Viol. & Rosar. simpl. Diacathol. El. lenit. &c. Quodsi nullo modo deglutiri possint purgantia, censemus, vacationem tentandam esse per enemata. Existimamus etiam, non necessariò expectandum esse tempus matutinum, sed etiam eligi posse vespertinum, imò & nocturnum: quod fecisse etiam *Galen.* legimus, qui cuidam noctu pilulas præscripsit, cui lingua erat inflammata, & insigniter tumefacta, *lib. 8. meth. mal. c. 14.* Quod etiam in venæ sectionis administratione observandum. Quacunque enim die necessitas urget vacuandi sanguinem, ea, etsi jam sit vigesima à morbo, vacuandum esse idem *Gal. l. de cur. rat. per S. M. c. 20.* monet.

Ad primum verò argumentum in contrariam sententiam allatum respondemus, non omnem anginam exquisitam esse phlegmonem, sed quandam etiam erysipelatosa, quandam etiam œdematosa: in qua sanè biliosi & phlegmatici humores occasionem anginae præbuerunt, & ob id evacuandi sunt,

Ad secundum: ab agitantibus & humores ad locum affectum præcipitantibus abstinendum esse jam monuimus: & mitiora usurpanda.

Ad tertium, concedimus, vehementiora illa purgantia calida siccaque esse: non autem leviora: ut sunt Syrup. Viol. simpl. de Cichor. cum Rhab. Diaprun. simpl. El. Lenitiv. Diacathol. &c.

Ad quartum, in principio deglutitio aded difficilis & dolorosa non est, ut non possint liquida assumi: cum constet, etiam brodia carniū anginosi offerri. Quodsi purgatio sit diutius dilata, ita ut ne quidem cibi aliquid deglutire possint, alterum propositum est vacuatorium præsidium, nimirum usus Enematum.

An

An in omni angina vena secanda?

De vera angina: quæ phlegmone est faucium & laryngis musculorum, dubium nullum est, quin vena aperiri debeat, tùm revulsionis gratiâ, ut sanguis ad fauces & laryngem affluens avertatur: tùm vacuationis & ventilationis ergò, præsertim in corporibus plethoricis: forsan & in illis, in quibus menses, aut hæmorrhoides sunt suppressæ. In his enim sanguinis est collecta copia. Est autem Venæsectio, vacuatis prius intestinorum fœcibus, festinè adhibenda, & in principio statim, quia affectus propter metum suffocationis vehementer urget. Iteranda quoque, si vires eam sanguinis evacuandi quantitatem non ferant, quanta vacuari debet. Aperienda verò sunt initiò venæ brachiorum: dextri, si angina magis urgeat in parte dextra: sinistri, si in sinistra. Si æqualiter in utraque, dextri brachii cephalica, vel mediana eligenda. In gravidis cautè procedendum est: quia quædam illarum faciliè abortiunt. Quæ tamen validæ sunt, animosæ, venæ sectioni assuetæ, sanguinis plenæ, turò ferre possunt venæ sectionem. Quodsi fuerint debiliores, vel repetenda est, vel parcius vacuandum, vel vicaria venæ sectionis usurpanda, scarificatio cum cucurbitulis: quæ facienda in cruribus, vel suprà renes: non in cervice, ne per illam major ad locum laborantem concitetur sanguinis affluxus, malumque augeatur: quod fieri solet in principio. *Lingua venarum*, quæ raninæ dicuntur, statim interdum Chirurgi incidunt. Verùm petperàm. Revulsione enim in principiis inflammationum opus est, non derivatione. Hæc enim raninarum venarum sectio invitat fluxum sanguinis ad partem inflamatam.

Quæritur autem, an etiam in spuria angina utrâque venæ sectio necessaria sit, nec ne? *Respondemus*, in ea spuria, quæ fit ob defluxum materiæ aquosæ, aut phlegmaticæ competere eam, ratione doloris. Dolent enim ob tensionem. Tenduntur partes affectæ ob repletionem. Repletio fit à descensu frigidorum humorum, Quare ne affluxus etiam sanguinis

guinis concitetur, ejusque causa homo suffocetur, venam secare licet: praesertim in iis, quorum vires valent, & qui multi sunt sanguinis. *Eadem ratio* illius est anginae, quam vertebrarum luxatio pepesit. Nam & hæc dolorem causat, & affluxum sanguinis, metumque suffocationis invehit.

An statim in principio angina repellentia gargarismata usurpanda?

Omnino, sed præmissa vacatione universali per venæ sectionem, & si fieri possit per purgationem. Oportet enim materiam influentem repercutere, partesque affectas repellentium usu, quæ adstringunt, corroborare, porosque eorum claudere, ne appellentem materiam faciliè admittant. Verùm in repellentium usu seqq. observanda sunt præcepta. I. Repellentia foris applicari non debent, ne materia ad locum affectum & ab ignobiliore ad nobiliorem partem deferatur. Scribit autem *Hippocr. aphor. 37. sect. 6.* si in angina tumor appareat in collo, bonum esse signum. Rationem subjungit: quoniam humor peccans ab internis ad externa transfertur. Usurpanda ergò intus solum, ut vis eorum ad fauces & laryngem pertingat: quod fit præcipuè per gargarismos. II. Repellentia ea sunt eligenda, quæ penetrent: id quod faciunt, quæ tenui sunt partium. III. Continuanda sunt duabus aut tribus diebus: sed varianda in progressu: ut in principio merè & purè sint repellentia. In augmento discutientia illis admisceantur, sic tamen ut repellentia adhuc prædominentur. In statu præpollere debent discutientia. IV. Præscribenda sunt in forma gargarismorum & linctuum: quia non omnes gargarizare possunt: cujusmodi sunt pueruli. V. Vitandi suffitus, quos quidam ex simplicibus adstringentibus parant, & per infundibulum ore excipiunt. Etenim asperam arteriam faucesque exasperant & siccant, periculumque suffocationis augent.

Ee

Utrum

Utrum Laryngotomia locum habeat in angina ?

Laryngotomia operatio est cheirurgica, qua non ipse larynx, sed potius aspera arteria per transversum inter duas cartilagineos circulos inciditur, postea cannula inditur, ut per illam inspiratio & expiratio fieri possit. Hinc rectius *ῥοιχοτομία* appellatur. Administratur autem extrema urgente necessitate, cum scil. homo in summo versatur suffocationis periculo: idque ob præclusum laryngem, & fauces contractas. Cum causa dyspnoeae hæret in bronchiis pulmonum, aut in cavitate thoracis, ut in empyemate, pleuritide, vel peripneumonia suppuratis, & pure in pulmonem, cavitatemve thoracis effuso, sectio ista nihil conducit. Conducere autem potest, quando in ore, tonsillis, columella, faucibus, aut larynge tanta oborta est inflammatio, ut respiratio inde lædatur, nulla autem dyspnoeae causa sit infra bronchum, h. e. truncum asperæ arteriæ, ejusque propagines per pulmones disseminatas.

Queritur jam, an laryngotomia possit tutè & utiliter etiam in angina celebrari? Pro negante videntur seqq. facere rationes. I. Est: quia sectio hæc valdè videtur esse periculosa: idque ob venas jugulares, arterias carotidas, nervos recurrentes, musculos bronchios, quæ partes bronchii sunt vicinæ & contiguae. Illæ verò si inciderentur, vel hæmorrhagia subsequeretur, vel vox interciperetur, vel respirandi difficultas, metusque suffocationis augeretur. II. Quia timendum, ne sanguis à vulnere inflictio ruat in pulmones, ægrumque suffocet. III. Quia vulnus non amplius consolidari potest. Ossa enim, cartilagine, & membranæ non amplius uniuntur incisæ. IV. Quoniam aër integris viribus pulmonem per incisionem factam ingreditur, eumque frigidity sua lædit: præsertim tempore hyberno, cum æger rursus exit. V. Quia dicunt, hanc sectionem esse remedium extremum, & nunquam tentandum, nisi in casu planè deplorato. At deplorati solis relinquendi sunt prognosticis: teste

teste *Galeno comm. 1. apbor. 8. VI.* Quia hæc operatio à veteribus practicis appellata est subscannatio, ut videre est apud *Hieronym. Fabricium ab Aquapendente part. 1. operation. cheiurgic. c. 44.* Et *Savanarolam tract. 6. c. 9. de agnitudine guttur.* Est autem subscannatio, rectius subscannatio, idem quod sanatio: à *sauna*, quæ vox irrisionem sonat. Volebant autem hac voce veteres indigitare, quodd illi, qui hanc operationem aggrediuntur, risui sese omnium adstantium exponant: eò quodd illà nihil efficiant, imò in vitæ discrimen majus deducant laborantem, cum famæ & existimationis suæ jactura. VII. Quia cheirurgi multi peritissimi à sectione hac periculi plena abstinuerunt. Id quod ex *Albucasi & Mesue* declarari potest. *Fabricius ab Aquapendente* fatetur ingenuè, se illam nunquam tentasse.

Pro affirmativa verò I. pugnat *experientia*, quæ docuit, hanc operationem benè successisse, & vindicasse quosdam à morte, qui erant in summo suffocationis periculo. II. *Authoritas* Veterum Græcorum & Arabum: imò etiam quorundam Neotericorum. III. *Ratio*, quia per hanc asperæ arteriæ incisionem liberatur æger ab illo malo, quod imminebat: scil. suffocationis. Per cannulam enim, quæ post sectionem in asperam arteriam inditur, aër inspirari & expirari potest, hacq; ratione respiratio conservari.

Hieronym. Fabricius ab Aquapendente loco citato controversiam hanc dirimit distinctione, dicens, oportere Laryngotomiam facere, si futura sit utilis & fructuosa: sin minis, eam intermittere. Utilis autem esse potest in omni dyspnoëa, cum suffocationis impendat periculum, & alia remedia frustra sunt adhibita, dummodò tota aspera arteria & pulmo non sint repleta materia peccante. Nam in angina suppurata materia potest descendere, & arteriam asperam pulmonemque implere. Inutilis est, quando utraque pars materiâ est infarcta. Hinc intermittenda est in empyemate, pleuritide, peripneumonia, & ea in angina, in qua viæ respirationis laryngi subditi sunt repleti. Fieri autem potest, quando aut in ore, aut in tonsillis, aut in columella, aut in faucibus, aut in larynge

phlegmone orta aded magna, ut viam asperæ arteriæ perfectè obstruat. *Breviter & summarim* dicendo: ubi affectio & materia est suprâ laryngem, incidendum est: ubi infrâ illum, abstinendum.

Ad argumentum verò primum pro negativa allatum respondetur, hanc operationem non committi cuivis, sed cheirurgis anatomicis peritis, qui allegatas partes non incidet.

Ad secundum. Defluxionem sanguinis in arteriam asperam timendam non esse, si operatio dextrè instituitur.

Ad tertium, experientiam testatum facere, coaluisse vulnusculum inflatum, si non κατὰ πρῶτον σκοπὸν, scil. per veram ἔκρωσιν, attamen κατὰ δεύτερον, interventu carnis durioris, aut calli.

Ad quartum. Non apparere, quomodo aër per infixam cannulam inspiratus magis sit pulmones læsurus, quàm si per os, aut nares attrahatur. Non enim immediatè, sed median- te aspera arteria ad illum vehitur, & sic eò deducitur in medio itinere alteratus.

Ad quintum, Si casus esset planè deploratus, meritò à sectione ista abstinendum. Quia autem adhuc spes aliqua superest, satius esse putamus cum *Cornelio Celso* l. 2. c. 10. anceps experiri auxilium, quàm nullum, ubi res ad desperationem declinare videtur. Dubiam quippe spem, subdit idem *lib. 4.* certa desperatione potiorē esse. Et *Soranus* putat, haud humanum esse, etiam in extrema desperatione languentes prorsus deserere. Cujus sententiæ subscribit *Aëtius* *tetrab. 4. sermon. 1. c. 120.* inquit, humanum & plenum benevolentiae signum esse, in extremis etiam malis usque ad experimentum procedere, ad difficultatem affectionis compescendam. *Hippocrates* quoque vult *apber. 6. sect. 1.* ad extremos morbos extrema exquisitè comparata remedia esse optima. At laryngotomia est unum ex remediis extremis, & angina quoque morbus est extremus.

Ad sextum. Illos meritò rideri, qui imperitè laryngotomiam aggrediuntur anatomici ignari. Peritos autem Chei- rurgos temerè nunquam ad eam accedere, sed omnia dili-
genter

genter perpendere, & sectionem cautè, providè & circumspèctè instituire. Docuisse enim experientiam, tales risui se non exposuisse, quin imò magnam nominis celebritatem sibi comparasse, re feliciter peracta.

Ad septimum. Licet unus & alter cheirurgorum à laryngotomia abstinuerit, alios tamen eam in numero cheirurgicorum præfidiorum reliquisse: quorum suprà factæ mentio: Cæterùm quo pacto operatio hæc administranda sit, operosè *Fabricii* ab *Aquapendente* loco allegato significat.

Quot modis angina vera solvatur: & quis solutionis modus sit optabilior?

Angina hæc tribus modis solvi potest. I. *Διαφορῶς*, materià illius insensibiliter discussâ & in halitum versâ ac evacuatâ. II. *Ἐκρυσῶς*, illâ suppuratâ, quod etiam in aliis fieri solet inflammationibus. III. *Μεταστάς*, translatâ materiâ ad partem aliam. Ex hisce modis optabilior est primus, quia melior & tutior. Affectus enim insensibiliter disparet & evanescit. Postea secundus, dummodò purulenta materia per os evacuetur, non delabatur ad pulmones per asperam arteriam: sic enim suffocare posset hominem. Tertius optabilis non est: quoniam novum parit morbum: & quidem periculosum interdum: ut cùm materia illius ad pulmonem convertitur: de qua *μεταστάς Hippocr. aphor. 10. sect. 5.* verba facit: vel quando *ab is ad cerebrum*: unde cephalalgia, deliria, & phrenitis oboriuntur: vel *ubi mittitur ad musculos colli*: in quo postea dolor, tumor, & nonnunquam convulsio excitatur: vel *cùm ad cor sese confert*: ex quo palpitatio, leipothymia, syncope, & pulsus obscuritas nascitur.

An angina materia transferri possit ad pulmones, & inibi peripneumoniam causari?

Hippocrates scribit *aphor. 10. sect. 5.* ex angina ad pulmonem mali fieri conversionem posse. Et ægros, si hoc factum, intrâ septem mori: si verò hos effugerint, *μῆνους*, purulentos evadere. Non dubium, quin *Hippocr.* hoc factum viderit. Sed quæritur I. qua in angina hoc contigerit? & num sanguis, anginae causa, an verò pus, in quod materia anginae conversa, ad pulmonem concedat, & quem inibi affectum pariat? *Respond.* Conversionem ad pulmonem fieri posse in vera & exquisita angina, quam *κυσσάνη* appellavimus. In hac enim interni laryngis musculi sunt inflammati. Ideoque neque rubor, neque tumor in ore cernitur. Et prompta expeditaque inde ad pulmones est via, scil. per arteriam asperam, cujus caput est larynx. An verò sanguis, an pus, in quod jam sanguis mutatus, ad pulmones delabatur, quæritur? *Respond.* Si ista materiei *μετάσσει* peripneumoniam causari debet, necesse est, ut sanguinea materia descendat. Hæc enim peripneumoniam, quæ inflammatio est pulmonum, parit. Sed oportet, ut in principio anginae hoc fiat, quando materia illius nondum est in pus formata. Ideoque *μετάσσει* illa symptomatica est, non critica. Verùm & materia jam in pus conversa descendere potest ad pulmones, & quidem motu critico, quia fit materia cocta; at peripneumoniam creare non potest: quoniam hæc non ex pure, sed ex sanguine nascitur. Moriuntur igitur ægri, in quibus hæc facta *μετάσσει*, intrâ dies 7. ait *Hippocras.* scilicet non à primo morbi die, sed ab hac translatione: præsertim si delapsus sit *αἰθρίας* factus. Obstruuntur enim pulmonum bronchia, & æger suffocatur.

Quæ

Quæ sint in universum læsæ deglutitionis causæ ?

Omnes causæ læsæ deglutitionis referri possunt ad linguam, fauces, œsophagum, & ventriculum. *Lingua* hujus defectus est causâ variis modis. I. Quando vehementer est exiccata per febres ardentes, interiorum viscerum phlegmones & erysipelata, ardorem solis, æstus balneorum, vigilias, exercitationem violentiorem corporis, vacuationes enormes, prolixum sermonem, iram & excandescentiam, usum medicamentorum, ciborum & potuum insigniter calefacientium & siccantium: cujus generis ea sunt, quæ actria, salsa, amara. Crebris namque linguæ motibus cibus, & quæ deglutienda sunt, in œsophagum detruduntur. Exiccata autem & arefacta lingua difficulter movetur. II. Quando lingua est suprâ modum tumefacta. III. Cùm eadem vulnerata, ulcerata, aut decurtata. IV. Cùm musculi ejus paralyti laborant, nervis, quos à septimo pari habet offensis, h. e. obstructis, aut contractis, ita ut animalêm spiritum musculis linguæ communicare nequeant.

Fauces in causâ sunt læsæ deglutitionis, quando inflammata, vulnerata, exulcerata, musculi earum paralytici facti: quorum alii plures, pauciores alii recensent.

✓ *Œsophagus* ob fibras rectas, quas interna illius tunica habet, & transversas, quibus externa prædita est, nec non ob musculos, qui partem ejus summam amplexantur, deglutitioni inservit, partim cibum & potum attrahendo, partim detrahendo. Ideoque illo vel resiccato, vel inflammato, vel obstructo, vel ulcerato, vel vulnerato, deglutitio impeditur, & quidem aut prorsus, aut solum secundum quid, adeò ut ægrè succedat.

Ventriculum ea ratione officere potest deglutitioni, quatenus debilis est atque infirmus, nauseabundus, & ita affectus, ut cibum planè aversetur. Famelicus enim cibo quasi ire solet obviâ, & illum, etiam nondum perfectè in ore masticatum, & comminutum, ab ore ad se trahit.

An deglutitio ciborum & potuum naturalis sit actio, an animalis?

Deglutitio, græcè κατέψωσις, est alimentorum ab ore ad ventriculum per gulam, tanquam per canalem aliquem atque tubum, descensus. Partes, quæ ad efficiendam deglutitionem pertinent, sunt ventriculus, gula, lingua, & faucium musculi. *Ventriculum* facere aliquid ad deglutitionem ex eo constat. I. Quia famelicus valdè si sit, cibo quasi obviàm ire solet, eumque ab ore, etiam nondum planè comminutum & masticatum, trahere. II. Quia qui cibi ventriculo sunt grati atque accepti, suaves scilicet, atque jucundi, citò admodum deglutuntur: quoniam ventriculus eos trahit, & quasi deorsum rapit, priusquam sint masticati. III. Quia deglutitio in illis, qui vel medicamentum aliquod coacti assument, vel cibum aliquem valdè ingratum, aut etiam medicamentosum inviti capiunt, vel naturà ab eo abhorrent eumque ἀντιψαλτικῶς, reipiunt atque averſantur, ægrè admodum peragitur. IV. Quoniam interior ventriculi tunica communis est cum interiori tunica œsophagi: cumque hæc tractricis sit organum, quo cibus ab ore attrahitur, sequitur, ejusdem quoque conditionis esse interiorem ventriculi. *Quòd secundo loco* ad deglutitionem faciat *gula*, id exinde probatur: Quia gula in tunica interiore fibras habet rectas, quibus cibum ad sui initium depressum attrahit. In exteriori verò fibris instructa est transversis, quibus cibum in ventriculum detrudit. *Lingua* suis quoque motibus contritum cibum in œsophagi principium propellit. *Fauces* musculos habent plures quorum illi, qui constingunt & comprimunt, cibum in œsophagi principium detrudunt. Quamvis gula quoque beneficio musculorum œsophagiorum hoc ipsum detrudendi officium præstare soleat.

Ex quibus perspicuum est, actionem deglutitionis partim esse naturalem, ratione fibrarum rectarum & transversarum: partim animalem, ratione musculorum linguæ, faucium & œsophagi. Mixta igitur actio est: sicuti tales mixtas actiones deprehendimus etiam in *respiratione, mictione, alvegectione, partu, sive emissionem* infantis.

Quot & qua pleuritidis sint differentia?

Variæ sanè & multiplices ratione causarum, moris, sedis, seu loci affecti, sputaminum, magnitudinis, modi existendi, ortûs, & invasionis.

Nam ratione *causarum* alia vera est, alia spuria. Vera rursus vel legitima est & exquisita, vel illegitima. Vera & legitima pleuræ & musculorum illi contiguorum, qui sunt mesopleurii interni, inspirationi inservientes, orta est à sanguine puro. Veram, sed illegitimam dicimus illam, quæ quidem dictas partes occupat, sed ex puro sanguine genita non est. Hinc alia vocatur erysipelatodis, alia œdematodis, alia melancholica: quæ scil. à sanguine bilioso, phlegmatico, aut melancholico profecta. *Spuriam* appellamus eam, quæ vel à flatibus, vel à phlegmate à capite ad thoracem delapso est prognata. Hinc vocatur flatulenta, & phlegmatica. Spuria autem nuncupatur non solum ratione causarum, verum etiam ratione sedis, in qua causæ latent. Illa autem est inter cutem & musculos thoracicos qui mesopleuriis externis & costis incubant: quemadmodum vera & exquisita causam habet hærentem vel in musculis mesopleuriis: vel inter costas & pleuram: auctore *Fernelio l. 5. παθολογ. c. 11.*

Ratione moris, sive *ἤθους*, alia benigna est, nihil venenositatis in se habens: alia maligna, interdum & pestilentialis.

Ratione sedis alia alterutrum tantum latet, dextrum, vel sinistrum: alia utrumque: alia superiorem pleuræ partem prope jugulum & claviculas, alia inferiorem circa diaphragma & hypocondria, alia anteriorem, alia posteriorem illius partem occupat.

Ratione sputaminum, quæ tussi ejiciuntur, alia sicca est, quam *Galenus ἀπύου*, quidam ἀπυρρῆς nominant, quoniam materia rebellis est & contumax: ut vel propter malitiam concoqui non possit: vel propter crassitiam aut viscositatem expectorari nequeat: quamvis & expultricis infirmitas, & doloris acerbitas in causa esse possit, quod minus sputum procedat.

Ff

Tussi

Tussi enim dolor exacerbatur, *Alia humida*, in qua sputa, nunc temporius, nunc serius evacuantur: eaque vel *cruenta*, vel *subflava*, vel *spumosa & alba*, vel *livida*, vel *nigricantia*, vel *viridia*, vel alio colore tincta. Item, vel foetida sunt, vel inodora. Pauca item, vel copiosa.

Ratione magnitudinis alia pleuritis levior est & tolerabilior, quæ ob mitiorem pauciorēve materiam remissiora habet symptomata: alia gravis ac vehemens ob causam contrariam.

Ratione modi existendi vel solitaria est, cum nullo alio affectu conjuncta: vel cum alio, v. g. cum peripneumonia copulata.

Ratione ortus vel est *πρωτογενής*, primigenia, quæ alium affectum minimè secuta: vel *υστερογενής*, postgenita, & succedanea, quæ alium affectum habet prævium: v. g. dysenteriam præcociter cohibitam: fluxum hæmorrhoidalem præpropè sedatum.

Ratione invasionis, seu afflictionis alia est epidemia, quæ grassatur populariter, & plures uno eodemque tempore, & uno eodemque in loco ob communem causam invadit: alia *σπορσδιμή*, quæ non multos communiter, sed separatim sparsimque unumquemque aggreditur, ob vicium peculiarem, & singularem corporis *διέσθαι*.

An pleura reverà possit inflammari?

Possit forsitan hoc negari seqq. de causis. I. Quia membrana est exanguis, frigida, dura & sicca. At inflammationes potissimum cadere solent in partes carnosas. II. Quia vicina cordi, quod ob robur naturale fortiter quod noxium & alienum est, non solum à seipso, sed etiam à vicinis partibus depellit. *Respondetur*, *αυτοσίαν* docere, pleuram verè inflammari. Refert enim *Riolanus* in sua *δισπνοσγενεία*, visam pleuram in pleuriticis dissecis aded intumuisse, ut decuplo crassior facta sit solito: & intumuisse non tantum, sed etiam reliqua pleuritidis signa adfuisse, ut de inflammatione illius minimè potuerit

potuerit dubitari. Idem observatum quoque aliis. Ubi igitur oculi fidem faciunt, ibi rationibus opus non esse videtur, inquit *Avicenna*. Verum ex abundanti hac ratione stabiliri potest pleurae inflammatio: quoniam in illa concurrunt omnia inflammationis signa: calor, rubor, tumor, dolor, tensio, molesta pulsatio, febris etiam acuta, siquidem pleuritis adfuerit vera & exquilita. Hæc enim accidentia observata fuerunt partim in pleuriticis adhuc viventibus, partim etiam defunctis atque apertis. At in pleuritide pars affecta est pleura. *Prior autem ratio* in negantem allata nihil probat. Non enim simpliciter & absolute pleura exanguis est, sed omnino sua vasa habet, suasque arterias à vasis intercostalibus. Illis ergo vel apertis, vel ruptis, vel exesis, sanguis excidit, corrumpitur, putrescit, phlegmonemque gignit. Et si inflammari possunt membranae aliæ, maxime cerebri, quod apparet in phreneticis: cur non & pleura eidem malo esset exposita? Nec verum est, phlegmones in solas carnosas partes cadere. Nam licet in illas ob sanguinis copiam, & vasorum amplitudinem cadere soleat frequentius: tamen & in alias partes, etiam in ossa secundum *Galeni* placitum cadere potest. *Ad secundam*. Licet cor ob caloris, spirituum & sanguinis abundantiam, imò & substantiæ suæ duritiem & soliditatem, noxia fortiter depellat, tamen nec ipsum satis tutum ab incursione causarum morbificarum esse potest: quemadmodum apparet ex syncope, leipothymia, palpitatione, febribus, addo & continui solutionibus, vulneribus scil. atque ulceribus, quæ passum fuisse in quibusdam, observationum scriptores testantur. Tantum igitur abest, ut etiam vicina membra protegere queat. *Pulmo* cordi vicinior est, quàm pleura: est enim illius culcitra, sive substerniculum. At quot quæso mala idem pati solet, *phlog.* peripneumoniam, vomicam, grandines, asthma, hæmoptysin, tussim.

An inflammatio mediastini vera dici possit pleuritis?

Quid Mediastinum sit, & quem usum habeat, notum est ex anatomicis: pleurae scil. reflexio, seu reduplicatio. Nam

ubi pleura ab exortu suo, qui sunt ligamenta vertebrarum thoracis, ad sterni usque latera utrinque conscendit, rursus versus spinam, seu vertebrae thoracis, principium suum, repit, ita ut à medio pectore ad spinam abeat, inque duas partes horacem distinguat, & mediastinum constituat, quod à medio dictum creditur: quia & thoracem, & pulmones in duas partes secat, inque medio thorace situm est. Hinc membrana *diaphragmæ*, intersepiens dictum. Usui illi assignant, ut cor & diaphragma teneat suspensum, utque pulmonem dividat in duas partes, ut una læsa altera persistat incolumis, *iam queritur*, an si contingat mediastinum inflammari, inflammatio ista vocari possit vera pleuritis? Ajentem videtur tueri *Avicenna sen. 10. tractat. 4. c. 1. libr. tertii canonis*: in-
 quiens, pleuritidem vocari, si *pleura vera*, aut *musculi intercostales* interni, aut membrana hæc distinguens, h. e. mediastinum, aut *musculi intercostales* externi, aut *membrana sternum* operiens inflammetur. Et ratio videtur idem confirmare: quia mediastinum reduplicatio est pleuræ. Potest igitur & inflammatio illius pleuritidis appellari. Verum pleuritidis nomen suum accepit à pleura, membrana costas succingente. Unde & morbus *πλευριτις*, & *laterum punctio*, & *morbus lateralis*, & morbus costarum appellatur. At mediastinum costas non succingit, nec in lateribus, sed in medietate thoracis consistit. Itaque propriè loquendo inflammatio ejus vera pleuritis appellari nequit.

Rectène pleuritis aliqua dici possit sicca?

Cùm vera & exquisita pleuritis inflammatio sit: omnis autem inflammatio sanguineæ fluxionis sit soboles, patet, nullam rectè siccam appellari posse. *Huc accedit*, quod plerique omnes pleuritici per tussim varia excernere soleant sputamina, quemadmodum in differentiis dictum: quæ satis ostendunt, pleuritides siccas nominari non posse. Imò & istud probat, quòd quandoque pleuritis, ut & peripneumonia, in

in empyema definat, quæ puris est in cavitate thoracis collectio. At ubi purulenta conservatur materia, ibi siccitas esse nequit.

Obijcies, I. Galen. qui hanc differentiam in siccam & humidam l. 5. loc. aff. c. 3. & comm. 1. in l. de viâ. acutor. § 22. & 23. proposuit. II. Quia non omnis pleuritis in suppurationem definit: sed quædam etiam in *διαφύσι*. At in ista nihil excernitur. E. quædam sicca rectè vocari potest. III. Quia neque in flatulenta materia expuitur: Imò neque in puitosa, quæ à defluxione orta, & cujus materia continetur inter cutem & musculos thoracem moventes: aut inter hos & mesopleurios externos, *Responderetur*, siccum morbum dici dupliciter. I. Eum, qui est immaterialis, nuda scil. sicca intemperies, qualis est hæctica febris species, quæ dicitur marasmus. II. Illum, qui quidem materialis est, sed in illo nihil excernitur: idque vel ob materiæ *crassitatem*: vel ejus *malitiam*: vel illius etiam *crassitiem*, aut *lentorem*: vel *expultricis facultatis* imbecillitatem: vel ob *viarum*, per quas evacuari deberet, obstructionem: vel ob *agri* mollitiem & timiditatem, præsertim in pleuritide, in qua etsi natura parata sit ad excretionem illam tamen æger impedit, ob metum subsequendi doloris. Tussi enim materiâ in pleuritide natura ejicit: At tussis sine dolore fieri nequit. Ideoque eam pleuritici sæpè impediunt: quò sit, ut pleuritis eorum sicca statuatur. Quare pleuritis à *Galeno* sicca dicitur, non omnis, sed in qua nihil de materia ejus per tussim excernitur. Est ergò quædam sicca, in significatione posteriore, non priore, sicca ratione expuitionis, quæ nulla. Humida, ratione causæ. *Pleuritis* quæ finitur *διαφύσι*, vel propter materiæ paucitatem, vel illius tenuitatem, & nihil in ea expellitur, sicca tamen vocari non potest, quia inflammatio est. Omnis autem inflammatio tumor est sanguineus. *Pleuritis* quæ à destillatione orta à capite, vera & exquisita non est, sed spuria. Et licet in illa nihil excernatur, idque propter situm, qui externus est, nihilominus tamen sicca statui nequit: quoniam cum materia phlegmatica, aut serosa est conjuncta. *Eadem ratio* est pleuritidis flatulentæ. Nam ubi flatus, ibi materia aliqua præsupponitur, quæ à de-

bili calore in halitus & flatus fuit resoluta. Ergò neque in illa pleuritis sicca appellari potest. Omnis ergò pleuritis, si-
ve vera sit, siue notha, humida est. Si aliqua sicca nuncupa-
tur, id sic accipiendum, quia ob causas explicatas materia
per tussim non evacuatur.

Utrum in pleuritide pulmo sit af- fectus ?

Doctiss. *Platerus* sua in praxi, pulmones in vera pleuriti-
de inflammatos esse dicit. Ad cujus sententiæ confirmatio-
nem seqq. utitur rationibus. I. Petitur ab experientia. Inquit
enim, se pulmones in demortuis, quorum pectus erat apertum,
inflammatos vidisse in pleuritide. II. Quia videmus, pleu-
riticos citò admodùm sanguinem excreare. At is potiùs à
pulmone prodire videtur, sicut etiam in peripneumonia fieri
cernimus, quàm in pleura. Brevis enim via est à pulmone ad
asperam arteriam, longa contrà à pleura. III. Quoniam pu-
rulenta expuere pleuriticos observamus. At si hæc à pleura in
pleuritide suppurata profiscerentur, necesse esset, ut transi-
rent per pulmonum parenchyma, idque exulcerarent, quod
tamen minimè evenire comperimus: quia perpetuò *phitis*
pleuritidem exciperet. *Aut* necesse esset, ut purulenta mate-
ria à pleura in cavitatem thoracis deflueret, sicque empyema
causaretur. IV. Quia videmus, magnam quandoque puris &
sanguinis copiam à pleuriticis excreari. At tanta copia à
pleura, parte membranosa & pauci sanguinis provenire non
potest. Potest autem à pulmone: quoniam membrum est san-
guineum, vasisque insignibus abundat. V. Quia quæ acci-
dentia pleuritidi adscribuntur, etiam in peripneumonia obser-
vantur. Idèoque eadem utriusque sedes esse videtur. *Credi-
mus*, posse pleuritidem esse sine peripneumonia: & vice ver-
sa, peripneumoniam sine pleuritide. Aliquando tamen utrum-
que affectum conjungi copularique posse. *Quòd pleuritis* esse
possit sine peripneumonia, exinde probatur, quia non in omni
pleuritide ea adsunt signa, quæ peripneumoniam patefaciunt.

Habent

Habent quidem quædam communia : v. g. febrim acutam, spirandi difficultatem, cruentam & purulentam expuitionem, siquidem definant in suppurationem, tussim crebram &c. sed in pleuritide dolor est punctorius : pulsus durus atque tensus : decubitus in agrum latus facilius est, quàm in sanum. Causam dat *Fernel. l. 5. παθολογ. c. 11.* quia materia, quæ inter costas, musculos mesopleurios internos & pleuram continetur, adverso decubitu propendet, pleuramque magis distendit atque divellit : unde dolor, dyspnœa, atque tussis acerbior. In peripneumonia malæ præter modum quasi inflammata rubent : oculi intumescunt : gravitatis sensus in pectore est evidentissimus : quæ symptomata in pleuritide non apparent. *Deinde* idem probatur autoritate *Hippocr. aphor. 11. sect. 7.* ubi dicit à pleuritide peripneumonia malum. *Galen. in comm.* scribit, malum esse, si peripneumonia pleuritidi superveniat. Solitaria ergò priùs erat pleuritis, & neutiquam cum peripneumonia conjuncta : neque pleuritis est in peripneumoniâ transmutata : sicut aliquando tertiana mutatur in quartanam, aut angina in peripneumoniâ, ut habet *aphor. 10. sect. 5.* Morbus, inquit *Galen. in comm. aph. 11. sect. 7.* transmutari dicitur, quando prior cedit, & accedit alius. Supervenire autem perhibetur, quando prior adhuc manet, alter verò adjicitur. *Quòd deinde* peripneumonia solitaria existere queat sine pleuritide, id ex eo probatur, quoniam in multis solius peripneumonix signa adsunt, pleuritidis nequaquam. Neque enim omnes peripneumonici de punctorio lateris dolore conqueruntur. *Quòd tertio* ambo affectus possint esse conjuncti, hoc probatur argumento, quoniam utriusque indicia observantur : præsertim quando pleuritis est in superiori pectoris parte, quæ pulmone valdè est vicina. Nam quando uno eodemque tempore præsertim in plethora rotius copiosior sanguis & in pleuram, & in pulmonem influit, quid impedit, quò minùs ambo affectus inflammatorii unà stare queant? Et si quis caderet ab alto, aut pectus illius vehementer contunderetur, anon fieri potest, ut & vasâ pulmonum, & venæ pleuræ, musculorumque intercostalium, pleuræ contiguum, vel aperiantur, vel rumpantur & sanguis extravasetur, corrumpatur, putrescat,

trescat, atque in omnibus hisce partibus phlegmonem pariat. Concluditur ergò, etiam pulmonem quandoque in pleuritide affectum esse, at non semper & necessariò.

Ad argumenta verò in contrarium allata respondetur, *primum* concedi libenter, quòd *Platerus* viderit pulmonem in pleuritide fuisse inflammatum. At una hirundo non facit ver; neque quod in uno atque altero cernitur subiecto, in omnibus necessariò videtur. Concessum enim & probatum jam fuit, quòd quandoque in pleuritide unà cum pleura etiam pulmo sit inflammatus: non enim rarum est, duos concurrere affectus uno eodemque tempore, in uno eodemque subiecto. *Ad secundum.* Sanguinem etiam in pleuritide maturè expui possè. Et hoc si fiat, inquit *Hippocr. aphor. 12. sect. 1.* signum esse, pleuritidem fore brevem. Licet autem via à pulmone ad asperam arteriam sit brevior, quàm ad illam à pleura, hoc tamen non impedit, quòd minùs tempestivè satis sanguis à pleura ad arteriam asperam tranare queat. *Ad tertium.* Neutrum necessariò accidere. Nam pus, quod in pleuritide ex rupto abscessu decidit in cavitatem thoracis, non necessariò parit empyema, quia ibi non manet, sed ut plurimum expectoratur, aut, quod rariùs evenit, ad ductus urinæ, vel alvum fertur. Neque tamen necessariò & in omnibus parenchyma corrodit, sed cùm membranula pulmonum sit tenuissima, & suos habeat poros, ut alia membra, idèd pus defertur ad bronchia pulmonis per *μετέσσω*, h. e. transpirationem, tractu in inspiratione: pulsus in expiratione: aliàs via nulla monstrari posset, per quam pus empyicorum ad asperam arteriam, & inde ad os perveniret: cùm tamen *Hippocr. aphor. 15. sect. 5.* scribat, si empyi ex pleuritide facti intra 40. dies repurgentur *αὐτο*, scil. per os, liberari & sanitati restitui. *Ad quartum.* Magnam semper sanguinis copiam à pleuriticis omnibus excerni, falsum esse. Probat hoc ipsum *αὐτοψία*. Plus enim expuant ij, qui sunt plethorici, & quando inflammatorius tumor est magnus; minùs illi, qui sanguine non abundant, & in quibus pleura magna effatuque digna inflammatione non laborat. Dantur enim ut in morbis aliis, sic & in phlegmonibus certi quidam gradus majoris, minorisve ratione

tione. Huc accedit; quod pleura quidem per se multi sanguinis non sit: accidere tamen potest, ut accurrente sanguine ad ipsam copioso, magna in illa phlegmone oboritur, ejusque ratione multum postea sanguinis extussatur. Per se quidem, quia corpus est membranofum & frigidum, ad sui nutritionem multo sanguine non eget, quia frigiditatis ratione non multum alimenti discit atque consumit: evenit tamen, ut aliunde ad ipsam copiosus sanguis effluat. Id quod etiam meningibus cerebri accidere solet, quarum venæ in phrenitide, quæ meningum est phlegmone, præ copia sanguinis valde turgent. Affluere autem copiosus solet sanguis ob calorem, ob dolorem, ob contusionem, ob casum ab alto: quarum causarum ratione vasa vel aperiuntur, vel rumpuntur. *Ad quintum.* Quædam accidentia pleuritidi cum peripneumonia communia esse, concedi: omnia autem illi cum peripneumonia communia esse, negari. In solitaria enim peripneumonia punctorius dolor non observatur: pulsus durus & tensus non sentitur, decubitus in latus dextrum difficilior & dolorosior non est, quàm qui in sinistrum sit latus, & vice versâ. Adde quod in solitaria pleuritide, & genæ vehementer rubere, & oculi tumere, & pectoris gravitatem adesse deberet, sicut in peripneumonia, si una utriusque morbi esset sedes. At hoc non fit. Ergo unum utriusque domicilium statui non potest.

An ex phlegmone diaphragmatis, maxime nervosa seu tendinosa illius partis, vera fiat pleuritis?

Mesue tract. de agnitud pector. c. de pleuritide videtur affirmantem tueri. I. Quia septum transversum superiorem suam membranam mutuatur à pleura, inferiorem enim à peritonæo habet. Ubi igitur pleura, ibi & pleuritis, scil. pleuræ phlegmone locum habere potest. II. Quia si nervosa illius portio inflammata est, eadem accidunt symptomata, quæ in pleuritide observantur: scil. dolor punctorius, dyspnœa, fe-

Gg

bris

bris acuta, pulsus durus. Verùm *Galen*i mens est pleuritidem tùm demùm adesse, quando ipsa pleura, membrana costas succingens, est inflammata: *l. 5. loc. aff. c. 3.* Propterea diversis in locis de utriusque partis phlegmone agit: de septi *c. 4.* de pleuræ *cap. 3. l. 5. loc. aff.*

Ad argumentum primum responderetur, licet verum sit, quòd diaphragma membranas sortiatur à peritonæo & à pleura: illam ea parte, qua respicit viscera abdominis: hanc ea, qua viscera thoracis intuetur: posterior tamen ista non amplius pleuræ nomen meretur, quia τὰς πλευρὰς, costas non succingit. *Ad secundum.* Negatur eadem prorsus utraque in phlegmone symptomata esse. Etenim *Galen. 5. loc. aff. c. 4.* ait in diaphragmatis phlegmone esse retractionem hypochondriorum versùs superiora à principio morbi, quæ in pleuritide non observatur. Deinde situs doloris etiam est diversus. Tametsi enim etiam in phlegmone diaphragmatis sit punctorius, tamen in regione costarum non sentitur. Diaphragmatis enim pars media, quæ tendinosa, à costis non parùm distat. Utriusque quidem partis phlegmone quædam habet communia: sed non omnia. Et ea, quæ communia sunt, non prorsus eadem sunt, sed duntaxat similia.

An ex phlegmone musculorum intercostalium internorum vera & exquisita nascatur pleuritis?

Adeò vicinæ sunt hæ partes, pleura & musculi intercostales interni, ut si una laxa sit, altera statim in consensum trahatur. Sunt enim partes contiguæ, & ipsa pleura difficulter admodùm illacera à costis & internis intercostalibus thoracis musculis separari potest. Quapropter inflammata pleura, fieri nequit, quin musculi isti unà patiantur: & vice versâ inflammatis musculis dictis etiam pleura in consensum trahatur. *Sed quòd inflammatio musculorum istorum vera appellari debeat pleuritis, concedi non potest. I.* Quia pleuritis nomen suum accepit à parte affecta. Ea verò pleura est
non

non musculi. II. Quoniam non omnia pleuritidis signa *παθολογικὰ* inflammationi musculorum intercostalium tribui possunt. His enim inflammatis non punctorius, sed pulsatorius dolor oboritur. Non etiam adest pulsus durus, ut in vera pleuritide. Si inflammatio eorum pleuritidis vocari debet: non vera pleuritis sed spuria nominanda est: quemadmodum etiam illi laterum dolores, qui vel à defluxione à capite, vel à flatibus profecti sunt, spuriae pleuritidis nomine veniunt. Aut si omninò pleuritis dici debeat, in lato tantum sensu pleuritis est, non proprio.

Qua sint pleuritidis symptomata, & quæ illorum causa?

Galenus veræ & exquisitæ pleuritidis signa *ἀρχαῖα, ἰκκαμικὰ & παθολογικὰ* l. 5. loc. aff. c. 3. & 8. libr. 1. de crifib. c. 5. l. de art. confitut. c. 15. enumerat quinque; nimirum dolorem punctorium: difficilem respirationem: febrim acutam: tussim, sub qua comprehenditur sputum: & pulsus, qui est durus, & ferratus. *Dolor punctorius* ejusmodi sensum exhibet, qualem puncturæ acus. Percipitur maximè, & exacerbatur etiam tussi, & cum thorax dilatatur ac constringitur, ea præcipuè in parte, ubi phlegmone latet, nunc suprâ, nunc infrâ: modò ante, modò post: nonnunquam in latere, vel uno solùm vel utroque. Causa doloris est pleuræ distensio. Distensio oritur à repletionem. Repletio à sanguine, qui influxit, promanat. Estque decubitus in partem dolentem faciliior, quàm in oppositam: quia si æger in partem sanam decumbat, pensilis quasi est phlegmone, & pleura magis distenditur, ipseque tumor phlegmonodes quasi quoddam onus propendet. Unde dolor est acerbior. *Difficultas respirationis* adest, quia dolor liberè ægotantem respirare non sinit. Namdùm conatur dilatare & constringere thoracem, dolor exasperatur. Ideoque potius frequenter, velociter & leviter respirat, quò usui & necessitati respirationis satisfaciât: propter phlegmonem & febrim acutam, quæ refrigerium per respirationem postulat.

Cùm autem magnitudine respirationis usui ejus satisfieri nequeat, natura defectum magnitudinis velocitate & frequentia compensare studet. *Febris acuta, continua & symptomatica* causa est sanguis accensus & inflammatus, qui inflammationis causa. Facile autem cor accenditur, febris *πρῶτον δεικνύει*, quoniam pars laborans illi est vicina. *Tussis* causa est facultas expultrix, quæ impactam materiam, & quæ jam ex inflammata parte est effusa, vel in pulmonem, vel in cavitatem thoracis evacuare studet. Evacuare enim commodius non potest, nisi per tussim: quæ tamen ægrotanti valde est molesta, quoniam dolorem exacerbat. Est autem tussis initio sicca, suntque pleuritici, ut *Galen. l. 2. de crisib.* loquitur *ἀπλως*, nihilque expuunt, quoniam materia adhuc est cruda. Postea vero tussis humida evadit, quoniam phlegmone est maturata. *Sputum*, quod varium est, pro varietate materiæ: nempe cruentum, album, pallidum, flavum, nigrum, lividum, spumofum: ut videre licet apud *Galen. l. 2. de cris. c. 10. l. 5. loc. aff. c. 5. Pulsus*, qui durus, parvus, frequens, celer & serratus. Durus, quoniam pars affecta est membranosa, & propter repletionem tumoremque inflammatorum tensa. Parvus, eandem ob causam. Durities enim & densitas membranz non ita arterias distendi & dilatari sinunt, quemadmodum calor febrilis, ipseque usus & necessitas requirit. Celer & frequens est, ut compensetur velocitate & crebritate, quod magnitudine præstari nequit. Serratus, quia dum tangitur, serræ secantis dentes repræsentare videtur. Talis est, cùm alia pars arteriæ elata distentaque, alia minùs obinæqualem ex phlegmone duritiem, videtur esse.

An in pleuritide phlegmone pendeat à fe- bri, an hæc ab illa?

In concessio & confesso est, in omni vera & exquisita pleuritide adesse phlegmonem & febrem continuam. Queritur autem, utra harum alterius causa existat, febrisné phlegmonis, an hæc illius? Quidam phlegmonem pendere à febre, tanquam

tanquam à sua causa, non hanc à phlegmone arbitrantur. Rationibus utuntur seqq. I. Quia pleuritis, & inflammationes viscerum aliar, febrim non præcedunt, sed hæc potius præcedit inflammationem: aut febris simul cum inflammatione incipit. At quod prius est, causa est posterioris: hocque ab illo: non illud ab hoc dependet. II. Quoniam materia inflammationis non in parte inflammata fixa consistit, & calorem p. n. à se diffundendo febrim accendit, sed sæpè vaga, & quasi turgens hinc inde vagatur, id quod ex morborum, qui febres hæc comitantur, commutationibus patet: quoniam ex pleuritide & peripneumonia fit angina, ex peripneumonia phrenitis, materia ex una parte in aliam translata: ut constat ex *aphor. 10. sect. 5. & aphor. 11. & 12. sect. 7.* Hinc videmus, tales inflammationes aliarum acutarum febrium more, per universales evacuationes & *crisis* solvi, & concoctionis humorum signa in urina conspici. *Nos communem sequimur opinionem*, & febrim, quæ in pleuritide & peripneumonia se offert, symptomaticam esse credimus, & sobolem inflammationis esse persuasum habemus. Ratio est: quoniam præsentem inflammationem pleuræ, pulmonis, aut alterius alicujus visceris, v. g. hepatis, lienis, renum, uteri, &c. præfens statim febris est: absente, abest; auctâ augetur: diminutâ febris remittit, sitque levior. II. Quia in morbis connexis & consequentibus priori semper statim in principio occurrimus, tanquam fonti, & causæ, utpote quo profligato etiam profligetur consequens. At in curatione pleuritidis & peripneumoniar nos omnium primò auxiliamur phlegmoni. Scimus enim hac curatâ, etiam febrim disparere. Ergò inflammatio naturâ prior est feberi: & hæc ab illa: non illa ab hac dependet. III. Quia *Hippocr. aphor. 47. sect. 2.* dicit, dum pus fit in partibus inflammatis, dolores ac febres fieri magis, quàm confecto ipso pure. Necessè igitur est, inflammationem esse naturâ priorem feberi, quia ad illius mutationem febris quoque mutatur: & vehementior fit, quando inflammatio suppuratur. Rationem dat *Galenus*, inquiens, dolorem fieri, quia pars phlegmone obfessa est distenta, ac præter naturam calefacta. Patitur ergò & continui solutionem,

& alterationem violenter factam. Adfunt ergò duæ doloris causæ: proxima & remota. Febris autem subdit, sequuntur, principio h. e. corde concalesfacto. Et hæc ambo contingunt ex quadam veluti ebullitione atque exustione sanguinis: qui ubi ex toto fuerit exustus, residuum illius pus sit, quemadmodum in liquorum exustione cinis: & propterea illo tempore dolores ac febres sedantur: præsertim si pus fuerit excretum: utpote jam consumpta materia, extinctaque ignea caliditate.

Ad primum autem argumentum in contrariam sententiam allatum respondemus, febrim nequaquam præcedere, sed sequi potius, & naturâ posteriorem esse inflammatione, quemadmodum suprà probatum. *Ad secundum.* Continens & proxima inflammationis materia vagabunda non est, sed fixa permanet in parte inflammata, in qua etiam vel digeritur & discutitur, vel suppuratur. Ratio est, quia est extravasata, & in poris partium inflammatarum delitescit: aded ut in venas remeare & regurgitare, per easque ad loca alia se conferre nequeat. Antecedentem & remotam materiam posse ab una parte ad aliam transire, concedimus, quia nondum est extravasata, sed adhuc in vasis continetur. Quod dicitur, materie evagationem & emigrationem ex eo probari posse, quoniam experimur, morbos in se invicem mutari, & pleuritidem ac peripneumoniam desinere in anginam, *aphor. 10. sect. 5.* pleuritidem in peripneumoniam: & hanc in phrenitidem: *aph. 11. & 12. sect. 7.* respondemus cum *Galeno* ex *aphor. 11. sect. 7.* aliud esse, transmutari, aliud supervenire. Transmutari dicitur morbus in alium, cum priore cessante, advenit alter: supervenire autem judicatur, quando altero adhuc manente, alter accedit. *Hippocratem* autem loqui de supervenientibus, qui adveniunt prioribus nondum extinctis. Pars v. g. humoris pellentis continetur in pleura: pars verò, quæ nondum est impacta, & extravasata, potest influere in pulmones, & ibi etiam phlegmonem causari. Unde rectè dixit *Hippocr.* à pleuritide peripneumoniam, quæ scil. illi adhuc permanenti supervenit, esse malam. Sat enim periculi imminet ægrotanti, ab ipsa pleuritide vera & exquisita: augetur igitur periculum,

lum, si etiam peripneumonia morbus lethalis ut plurimum, adjiciatur. *Dicere quoque* licet, uti dictum prius, morbum inflammatorium transmutari in alium, ut anginam in peripneumoniam, pleuritidem in peripneumoniam, & peripneumoniam in phrenitidem, non quod prioris materia continens & proxima locum suum mutet, & alio se convertat (hoc enim impossibile est, ut ex dictis liquet) sed quod materia remota & *πρωγενής* etiam aliis partibus communicetur, & inibi novum morbum pariat, priori adhuc persistente. Patet hoc ex *Galeni comm. in aph. 12. sect. 7* quando *Hippocr.* scribit, à peripneumonia fieri phrenitidem. *Galenus* dicit, peripneumoniam materiam h. e. sanguinem jam pulmonum substantiæ in peripneumonia impactum, ad cerebrum non ferri, sed inde solum, h. e. à sanguine pulmonum accenso præcalidos exsuscitari halitus, qui ad cerebrum delati phrenitidem gignant. Quod subjungitur, ejusmodi inflammationes aliarum acutarum febrium more per universales evacuationes & *κρίσεως* solvi, id intelligendum rursus sic est, quia causa earum antecedens evacuatur. Continens enim remeare in venas non amplius potest. Hinc inquit *Hippocr. aph. 17. sect. 7. δεβαλμία* laborantem alvi profluvio corripì bonum esse, scil. ut *Galenus* interpretatur, ut causam, quoniam humorum abundantia simul evacuatur, atque ad inferiora retrahitur.

Utrum in omni vera pleuritide semper adsit punctorius lateris dolor?

Constat omnibus, pleuritidem veram sua habere signa *παθογνωμονικά*: scil. spirandi difficultatem, febrem acutam, pulsum durum & serratum, tussim, quibus adjicitur dolor lateris punctorius. Hoc si verum est, ut verissimum esse experientia docet, sequitur, lateris dolorem punctorium in omni esse vera pleuritide. Nam signa 1. *παθογνωμονικά* sunt *αχώρεστα*: Nullus, 2. hætenus pleuriticus fuit inventus, qui non de punctorio lateris dolore fuisset conquestus.

Eß

Est & 3. sanè dolor punctorius membranarum proprius. Hic autem affecta est membrana, nempe pleura: quæ, ut membranæ aliæ, sensu pollet exquisito. Passa enim tumorem inflammatorium tenditur & pungitur, ac si acus, spina, aut spiculum illi esset infixum. Dantur autem in hoc, ut & in quovis alio dolore gradus ratione majoris ac minoris, & pro quantitate ac qualitate causæ in hoc subjecto sunt atrociores, in illo remissiores.

An aliqua pleuritis possit fieri à bile, pituita, vel melancholia sola?

Negatur. Ratio est: quia vera & exquisita pleuritis est inflammatio. Omnis autem inflammatio à sanguine oritur. Patet hoc ex rubore, & dolore pulsatorio. *At dices*, tamen sputa in pleuritide esse varia: scil. flava, alba, nigricantia: quæ bilem flavam, pituitam, & melancholiam patefaciunt. *Respondetur*, solum sanguinem procreare pleuritidem, scil. exquisitam. Fieri tamen posse, ut vel bilis, vel pituita, vel melancholia sanguini sit permixta. Sed tùm pleuritis exquisita phlegmone non est, sed vel erysipelatodis, ratione admixtæ bilis: vel œdematodis, ratione pituitæ: vel scirrhodis, ob melancholici humoris admisionem.

*Quo pacto calor, frigus, vini meracioris ingurgitatio, potus aqua frigida post valida exercitia, flatus Aquilonij post Austri-
nos, & corporis post sudorem in aëre
frigido denudatio pleuritidem
faciant?*

Calor externus videtur pleuritidem causari posse duobus modis. I. Humores fundendo, liquando & attenuando: II. Calidos, tenues, biliosos & acres humores gignendo, qui sanguini

guini admisti pleuritidem parere queant, aut illorum saltem esse vehiculum: eò quòd vasa, quæ ad pleuram pertinent, sint parva, ipsaque pleura densa. *Frigus* pleuritidem gignit, I. Quia pectori, ut *Hippocr.* loquitur *aphorism.* 24. *sect.* 5. est inimicum. Est enim pectus frigidum per se, quia osseum, cartilagineum & membranofum majori ex parte. Magis igitur refrigeratur à frigore externo: ab eodem debilitatur, & proin affluentes humores faciliè admittit. Quo nomine ab *Hippocr.* *aph.* 23. *sect.* 3. pleuritis inter hyemales morbos recensetur. Et *Galen.* hanc eandem causam reddit in *comment.* Inquit enim, organa respirationi inservientia à frigore hyemali offendi. Alia quidem membra nos posse ita benè tegere, & vestibis munire, ut nihil aut minimum sentiant ambientis frigiditatem. Neminem autem posse cohibere respirationem, sed necessum esse, ut frigidus aër inspiretur. *Possumus etiam dicere*, hybernium frigus refrigerando cerebrum, quod per se frigidum est, & aquosis pituitosisque humoribus hyeme refectum, præsertim in temperamento phlegmatico, parere destillationes. Nam instar manûs cerebrum, veluti spongiam madefactam comprimit. Unde fit, ut humores ad pectus defluant, & pleuritidem non veram quidem & exquisitam, attamen spuriam creent. Tertio hæc quoque ratio dari potest ex *aphor.* 24. *sect.* 5. Quia *Hippocr.* dicit, τὸ ψυχρὸν εἶναι αἰμορροϊκὸν: quoniam, ut idem monet l. 6. *Epidem.* est φλεβῶν ρυπτικὸν: h. e. sanguinis facit profluvium, quia venarum est ruptorium: venis autem ruptis, sanguis extravasatur, corrumpitur, putrescit, facitque ut alibi, ita quoque in thorace phlegmonas. Cæterùm, cur frigus intensum, de quo *Hippocr.* in *citat.* *aphorism.* loquitur, venas rumpat, hæc est causa: quia per frigus venæ condensantur, & durescunt. Tunc autem quia sanguis minùs transpirat, magis implentur ac distenduntur. Ubi autem tantoperè distenduntur, non ita cedunt, ac si molles essent. Quare faciliè rumpuntur, præcipuè in thorace. Unde αἰμορροϊκία. *Ingurgitatio vini meratio-ru* propterea pleuritidem excitat, quia illi materiam subministrat, calidum scil. tenuemque sanguinem, quem fervore suo generat. Is igitur delatus ad thoracem, ut ad reliquum

H h

etiam

etiam corpus, faciliè ex venis ob fervorem & subtilitatem effluit, & plegmonem accendit. *Potus aqua frigida* post valida exercitia & peripneumoniam, & pleuritidem gignit propterea, quia calorem & sanguinem accensum, imò & accensos etiam spiritus repercutit. Hinc implentur & distenduntur venæ: distentæ vel rumpuntur, vel saltem orificia earum aperiuntur. Ruptis, vel apertis, effluit sanguis, putrescit, & phlegmonas parit. *Post flatu austrinos boreales venti* inflammationes, & consequenter etiam pleuritides produciunt: quia auster caput implevit humoribus. Superveniens autem Boreas, ventus frigidus, apprehendens cerebrum, veluti spongiam, humiditates illas exprimit, quæ defluentes ad pectus causantur pleuritidem, non quidem sanguineam illam & legitimam, attamen spuriam, quam diximus vel flatulentam, vel piritosam esse. *Denudatio corporis in aëre frigido* post sudorem, ortum à calore, pleuritidem profert planè ob eam causam, ob quam diximus aquæ frigidæ potum post valida exercitia eandem procreare.

Qua causa, quòd ebriofis & vini gurgites pleuritici fiant?

Causa videtur esse gemina. I. Quia vinum, præsertim quod potens & generosum, *sanguinem accendit, attenuat, fundit quasi & liquat*, imò totam sanguineam massam commovet, ut impetu quodam nunc ad hanc, nunc ad illam partem ruat: calore suo venas adaperiat, & ob tenuitatem inde faciliè effluat, putrescat & phlegmonem excitet. II. Quoniam vinum est halituosum, suisque halitibus caput implet, & defluxiones movet, quæ si ferantur ad pectus, pleuritidem, sed spuriam gignit. *Verùm rationi & experientia* magis consentaneum videtur, ebriositatem potiùs frigidos procreare affectus. Fieri enim lurcones & helluones tandem apoplecticos, paralyticos, tremulos, hydropicos & convulsos videmus. *Respondetur*: vinum proferre affectus calidos per se: quoniam ejus temperaturæ sunt affines. Frigidos autem per
accidens,

accidens, idque 4. de causis. I. Quia calorem nativum obruit atque suffocat. Ut enim à magna lignorum strue ignis in foco obruitur: ut lumen in lampade à copiose affuso oleo evanescit: sic ab immodico vini calore calor noster natus superatur ac deletur. Calore autem extincto concoctiones vitiantur: crudi succrescunt humores, ex iisque frigidi generantur affectus. *Aristot. sect. 3. problem. 5. 22. 25.* II. Quia vini calor cum nostro calore conjunctus nativam depascitur humiditatem. Absorpta corporis humiditate, etiam calor, qui eà sustentabatur, evanescit. Deficiente calore, cruditates exurgunt, quæ ægritudinum frigidarum sunt genitrices. III. Quoniam vinum suis halitibus uberrimam defluxionibus materiam subministrat: quæ postea *epiphora, paralysis, coryza, tussis, arthritidis*, aliarumque frigidarum affectionum causæ existunt. In capite verò si materia cumulata maneat, *apoplexiam, carum, lethargum, &c.* producit. IV. Quia vinum calore suo collectos jam in corpore, & maximè in capite frigidos humores fundit, & liquat.

Utri pleuritidi magis sint obnoxij, Senes an Juvenes?

Senes, quia phlegmatici, catarrhosi, & cruditatibus ob caloris infirmitatem scatent, biliosæ & sanguineæ pleuritidi obnoxii non sunt: expositi autem pleuritidi flatuosæ & phlegmaticæ, quæ spuria est. Adolescentes contrà & Juvenes, quia sanguinei sunt, & bile abundant, insuper & multos in vivendi ratione excessus atque errores committunt, non rarò in pleuritidem sanguineam, aut biliosam incidunt. Unde *Hippocr. aphor. 29. sect. 3.* inter morbos *maiorum* recenset febres acutas & sanguinis exuptiones. Senibus autem ait idem *aphor. 14. sect. 1.* ob caloris exiguitatem febres acutas non accidere.

Quis sexus pleuritidi magis obnoxius?

Videtur magis masculinus. Hic enim & calidior est, & biliosior, & sanguineus magis, & intemperantior. Fœminæ contrà frigidior est, & crudiorē sanguinem gignit, & singulis purgatur mensibus: quo nomine etiam sanguinis deponit superfluitatem. Si tamen menstrua supprimantur, sanguis cūm fiat *crassior*, facili inde in pleuritidem, aliisque plurimos affectus cadere potest.

Quo anni tempore pleuritides sint frequentiores?

Pleuritides *pituitosa* & *sterculenta*, quæ à capitis destillatione proveniunt, frequentiores sunt tempore hyerno. Idèoque etiam ab *Hippocr. aphor. 23. sect. 3.* inter hyemales relata. *Sanguinea* observantur magis verno tempore, propter sanguinis copiam, quæ in eo major, quàm aliis anni temporibus. Quamvis & phlegmaticæ illo tempore contingere soleant: nimirum propter phlegma hyeme in capite collectum. Inquit enim *Hippocr. aphor. 20. sect. 3.* Vere etiam fieri gravedines, defluxiones, tusses, scil. ob pituitam defluentem. Calor enim vernalis solet illam quasi fundere & liquare, ut quæ hyeme partim ob frigus externum, partim propter victum largiorem, partim etiam vitam otiosiorē, & sedentariam magis, cui homines illo tempore magis dediti sunt, quàm aliis anni temporibus, in capite collecta. *Biliose* pleuritides ætate potissimum contingunt, ob biliosorum tenuiumque humorum proventum. *Melancholica* rarissimæ sunt, ob sanguinis melancholici crassitiem & frigiditatem, qui scirrholos potius tumores, quàm inflammatorios producere solet.

Cur Senum pleuritis minùs periculosa quàm Juvenum?

Senum pleuritis vel spuria est, externa scil. orta à flatibus

bus, aut humoribus pituitosis, defluentibus à capite: vel vera est, scilicet à sanguine profecta, impacto pleuræ & musculis mesopleuriis internis. Illa periculo carere videtur, tum quia externos tantum musculos sub cute latitantes, occupat: tum quia cum gravibus symptomatibus non est conjuncta. Hæc verò à frigidiore provenit sanguine, qui est phlegmaticus. At Juvenum pleuritis acuta est: vel quia à sanguine, qui calidior, quàm Senum: vel quia à sanguine bilioso originem trahit. Ideoque & dolores intensiores, & dyspnœam majorem, & febrem acutiorem parit.

An sicca pleuritis semper sit periculosa?

Quid per siccam pleuritidem inaudiat, dictum fuit, scil. non affectus aliquis immaterialis, & nuda simplexque interperies sicca, nullo cum humore conjuncta. Nam cum omnis vera pleuritis inflammatio sit: omnis autem inflammatio soboles sit sanguineæ fluxionis, liquet, nullam hac quidem ratione siccam esse. Sicca tamen aliqua est ea ratione, quatenus pleuritici nihil expuunt, & sunt, ut *Galenus* loquitur, *ἀήρωσι*. Tales autem sunt, vel quia *pleuritis* solvitur per *διασποράν*, digestionem & discussionem materiæ, calore nativo factam: vel quia *expulsiæ* respiratoriorum instrumentorum aded debilis est, ut excernere nihil possit, idque ob læsa plurima organa spiritalia, pulmonis & musculorum thoraciorum: vel *ob materiei*, quæ expellenda, crassitiem, lentorem ac visciditatem: vel propter *ejus malitiam*, ut concoqui, & postea evacuari nequeat. Quapropter sicca pleuritis, quæ per *διασποράν* judicatur, haud videtur periculosa esse. Quod enim per sputamina extussiri deberet, id insensibiliter exhalat: & sic demptâ causâ, cessat affectus. Illa verò pleuritis, quæ solvitur per *ἐκκρίσιν*, nisi purulenta materia per tussim, vel per alvum, vel per urinam educatur, periculi plena est. Minatur enim juxta *Aphorism.* 8, f. 9. Empyema: & hoc, nisi intra dies 40. evacuetur, *εὐθὺς* portendit: juxta *Aphorism.* 15. scil. 9.

Hb 3

An

*An verum illud Hippocratis, pleuritide,
aut peripneumonia detento, diarrhœa
superveniens, malum? aphor.*

16. sect. 6.

Hippocrates spontaneas diarrhoeas, h. e. alvi profluvia criticè facta commendat, quodd morborum causas & morbos ipsos extirpent. Nam *aphorism. 2. sect. 1.* ait, si per spontanea alvi profluvia talia vacuentur, qualia decet vacuari, h. e. si morborum causæ eradicentur, bonum esse, & consequi inde ægrorum *ὑποεῖαν*. *Aphorismo 14 sect. 6.* dicit, si hydropse correpto aqua è venis in ventrem confluxerit, morbi fieri solutionem. Loquitur enim de diarrhoea serosa. *Aphorism. 48. sect. 6.* monet si lienosis dysenteria superveniat, bonum esse. *Aphorism. 17. sect. 6.* asserit, ophthalmia laborantem alvi profluvio corripì, esse salutare. *Aphorism. 29. sect. 7.* affirmat, si leucophlegmatia laboranti fortis diarrhœa supervenerit, morbum solvi. *Contrà diarrhoeas* symptomaticas valdè improbat, v. g. si non talia evacuentur, qualia decet vacuari, monet, neque conducere, neque inde ægrum *ὑποεῖαν* sentire: *aph. 2. sect. 1.* Si morbis incipientibus atra bilis suprà infrave exierit, perniciosum, *aphor. 22. sect. 4.* Dysenteria si ab atra bile incipiat, est lethale, *aphor. 24. sect. 4.* Si dysenteria laboranti veluti carunculæ deiciantur, est mortiferum, *aphorism. 26. sect. 4.* Si tabe detento alvi profluvium acciderit, est exitiosum, *aphorism. 12. sect. 5. & aphor. 14. sect. 5.* Mulieri gravidæ si alvus multùm fluat, periculum est, ne abortiat, *aphor. 34. sect. 5.* Balbi longo alvi profluvio corripiuntur, *aphor. 32. sect. 6.* Si prægnanti tenesmus supervenerit, abortus est causa: *aphor. 27. sect. 7.* *Diarrhœa igitur* quæ magna, symptomatica, & non ab externa aliqua causa, sed interna exuscitata, periculosa est in pleuritide & peripneumonia, & ut causa, & ut signum. *Ut causa*, quoniam non juvat, symptomatica enim est, & vires solùm debilitat, quæ jam antea fractæ satis sunt, ut morborum istorum duorum magnitudinem, & febris ardorem,

rem,

rem, aliaque accidentia superare non possit. *Vi signum*, quia significat, hepar & ventriculum esse tracta in consensum, ita ut ventriculus non concoquat, jecur verò non attrahat, & sanguinem non conficiat, neque distribuat.

Utra periculosior, pleuritis an peripneumonia ?

Est quidem pleuritis peripneumoniâ ratione illarum pun-
ctionum, quibus ægrum affligit, dolorosior: sed peripneu-
monia tamen lethalior est pleuritide. Testatum hoc facit I.
Experientia. Plures enim pleuritici evadunt quàm peripneu-
monici. II. *Idem suadet ratio*. *Primum*, quia locus affectus
in peripneumonia, ipse scilicet pulmo, longè nobilior est pleura,
& musculis intercostalibus, qui in pleuriticis laborant. Usus
namque & actionem habent longè præstantiorem. *Est idem*
pulmo cordi vicinior: majoremque cum vitæ principio con-
sensum habet, quàm pleura & musculi dicti. *Tertio*, me-
tus suffocationis in peripneumonia major est, quàm in pleu-
ritide. In illa enim organum respirationis est inflammatum,
à materiæ copia oneratum, & ratione febris accensum. *Quar-
tò*, quia peripneumonia, quando suppuratur, plerumque in
phlegmonem degenerat. Fit enim post inflammationem abscessus, si-
ve puris collectio. Eo rupto ulcus relinquitur: quod nisi
brevis expurgetur, phlegmonem causatur, quæ incurabilis ferè est,
ut suo dicetur loco. *Quintò*, quia medicamenta ægrè admo-
dum ad pulmonem perveniunt: topicorum verò in pleuriti-
de adhibitorum vis facilè ad musculos intercostales & ad pleu-
ram pertingit. *Sextò*, quia peripneumonia pluribus & gra-
vioribus stipata est accidentibus: præsertim si phrenitis illi
superveniat, quæ affectus est longè gravissimus.

An

An pleuritis degenerare possit in peripneumoniam: & num hac illi supervenire queat?

Utrumque fieri potest: scil. ut pleuritis degeneret in peripneumoniam, pleuritide cessante, & peripneumonia succedente: & pleuritide perseverante, illi verò accedente & superveniente peripneumoniâ, Prior modus vocatur à Græcis μεταστροφὴ, μεταπλευσις & ἀπώθεσις: translatio, transmutatio & decubitus materiei prioris affectus ad partem aliam, ubi novus generatur morbus. Posterior dicitur νέμω & ἐπινέμω: quia novus morbus priori accedit, & cum eo complicatur. Hippocrates aphor. 11. sect. 7. ait, à pleuritide, peripneumonia, malum. Hunc aphorismum de μεταπλευσὶ & epigenimate quidam interpretantur. Nam si pleuritidi addatur peripneumonia, ita ut pleuriticus uno eodemque tempore sit & pleuriticus, & peripneumonicus, peripneumonia est ἐπινέμω. At si cessante pleuritide, peripneumonia oboritur, ita ut qui prius erat pleuriticus, postea peripneumonicus existat, tùm μεταπλευσις est, & pleuritis in peripneumoniam degeneravit. *Utrumque autem malum est.* Prius autem & longè gravius est, si peripneumonia sit ἐπινέμω, & pleuritidi adjungatur. Ratio est: quia duo adsunt morbi: & quia uterque cum acuta febris est conjunctus, uterque etiam vires demolitur, & spirandi difficultatem invehit magnam. Malum verò est levius, si fiat μεταστροφὴ, & pleuritis in peripneumoniam degeneret: ed quoddam æger uno solùm morbo conficietur. *Ceterum querenda causa est,* cur pleuritis in peripneumoniam mutetur? Ea verò est, quoniam illius materia à pleura & musculis illi contiguis ad pulmones transfertur, per vias nobis quidem incognitas, naturæ verò probè perspectas, quæ vias semper sibi in μεταστροφῇ humorum parare solet. Cur autem peripneumonia aliquando pleuritidi accedat & cum ea jungatur, causa est, quia sanguis non tantùm ad pleuram & musculos intercostales,

costales, sed etiam ad membra vicina fluere potest: præsertim si thorax contundatur, vasa rumpantur, aut aperiantur: vel si plethora sit in toto: & accersatur sanguis ratione caloris & doloris, qui in pleuritide ægrum divexat.

Quot modis materia pleuritidis, imò & peripneumonia, & per qua loca evacuetur?

Materia pleuritidis & peripneumoniæ evacuatur modis duobus. Uno per *diaphoresin*, digestionem, sive discussionem, cum materia vertitur in halitum & transpirat. Altero per *excretionem*, quando vertitur in pus. Discutitur verò, si tenuis sit & pauca. Suppuratur autem si copiosa & crassa. Purulenta deinde materia evacuatur vel per os, vel per urinæ ductus, vel per alvum, vel ad aliam partem in, aut extrà thoracem fertur, inibique abscessum gignit. Ut plurimum autem per os excernitur: rarò per meatus urinarios: adhuc rarius per alvum: rarissimè translatione factà abscessum alibi producit. Videantur *observat.* 97. 98. 99. & 100. l. 2. apud *Schenkiū* ubi habetur, quòd pus pleuriticorum etiam per uterum in mulieribus fuerit eductum.

Quo pacto materia pleuriticorum & empyicorum ad pulmonum bronchia perveniat, & inde per os ejiciatur?

Ad hoc quæsitum respondet *Galenus* l. 5. *loc. aff.* 6. 3. Præsupponit autem fabulosum neutiquam esse, si dicatur, aliquid interdum ex cavitate thoracis per tussim expui posse. Declarat istud exemplo vulnèrum, ulcerum, & abscessuum thoracis, quorum materia in cavitatem thoracis penetravit. Nam si hydromel abstergendi, mundificandi & purgandi thoracis gra-

ciā per siphonem foris in cavum thoracis spatium infundatur, & agro, ut tussiat, præcipiatur, hydromel expui deprehendatur, & æger ipse ex sapore faciliè cognoscat, hydromel se reddidisse. Verum, per quam viam & pus, & hydromel asperam ingrediatur arteriam, perpendendum esse dicit. Arbitratur autem materiam, quæ à pleuritidis expuitur, per *μυτράδοςιν*, transumptionem ad bronchia pulmonum pervenire. Membranulam enim pulmones involventem esse admodum tenuem, habere quoque suos poros: substantiam pulmonum esse raram, laxam & spongiosam: fistulas eorum, quæ cartilagineæ sunt, semper ob ingressum & egressum aëris apertas: thoracem & pulmones in perpetuo motu: ita ut in inspiratione materia in cavo pectoris contenta possit attrahi, & à pulmone inflato, qui instar spongiæ se habet, fugi: in expiratione autem ad bronchia impelli. Nisi enim hanc concedamus *μυτράδοςιν*, viam nullam declarare poterimus, per quam pus empyicorum, & eorum, qui vel vulnus, vel ulcus, vel ruptum abscessum in thorace perpeffi, expuendo educatur. Quodsi, ait idem *Galenus*, in fracturis, cum cutis ossibus superposita adhuc est integra, sanguis aliquando cutem, membranam crassissimam, transmitti potest, & fascias circumvolutas cruentare, quidni & pus empyicorum, & pleuritico- rum per subtilissimam pulmonum membranulam quasi transfudare posset, in bronchia illorum se insinuare, tandemque irritata expultrice facultate in asperam arteriam devenire?

*Qua sit causa, quòd pleuritis purgetur per
sputamina, cum pleura, & muscoli illi
contigui sint inflammati, pulmo au-
tem non semper laboret?*

Causa est, quia materia pleuritidis suo in loco non manet, sed maturata & in pus conversa, partim in pulmones, partim in cavitatem thoracis delabitur, indeque ad pulmonum fistulas transfertur, tussique excernitur. Est enim eadem
hic

hîc ratio, quæ in inflammationibus aliis, quæ non per διαφύρσιιν, sed per ἰκτύωσιν solvuntur. Nam sanguine è conceptaculis suis in vacua illa spatiola, quæ in partibus similibus, organum aliquod constituentibus, reperiuntur, effuso, inflammatio oboritur, eaque novo semper affluente sanguine incrementum capit. Deinde sanguis ille suppuratur, vocaturque puris collectio ἀπύημα, abscessus. Tandem abscessus rumpitur, fitque in pleura ulcus, è quo purulenta materia in cavitatem thoracis defluit, ad pulmonum bronchia se confert, & tussi expectoratur. Rumpitur verò abscessus, pleurâ à puris quantitate distentâ, vel à qualitate ejus acri corrosâ,

Utrum Vena sectio in pleuritide remedium sit unum ex principalioribus, & que vena secanda?

In omni vera & exquisita pleuritide principalissimum ferè auxilium est venæ sectio. I. Quia remedium est ἀντιστατικόν. II. Quoniam præsidium est κινωτικόν. III. Quia auxilium est καταλυτικόν. IV. Quia dyspnœam levat. V. Quoniam punctorios lenit dolores. VI. Quia naturam aliquo onere, quo premebatur, liberat: quod cùm factum, quod reliquum est, faciliùs vincit & superat. Secanda autem vena κατ' ἔξιν dolenti lateri respondens: interna scil. quæ basilica in dextro, lienaris in sinistro brachio appellatur. Hippocrates enim, ut Galen. docet in lib. de cur. rat. per sanguinis missionem, semper laudat vacationes κατ' ἔξιν, i. e. per rectitudinem factas: improbat contrâ quæ factæ ἀνέπαλιν: hasque vacationes naturæ esse consuetas: quas Medicum, Naturæ ministrum, imitari decet. *Tundenda autem* vena est in principio statim: & si propter virium imbecillitatem tantum una vice evacuare non licet, quantum morbi magnitudo exigit, repetenda est venæ sectio, eodem, aut postero die.

An in pleuritide purgare liceat?

In flatulenta & phlegmatica pleuritide, quæ orta à defluxione à capite, purgandum esse, minimè dubium. De purgatione autem in vera pleuritide, quæ phlegmone est, dubitari posset. I. Quia cathartica calida sunt & sicca. Ideòq; febri acutæ, qualis in pleuritide nobis offertur, adversari videntur. II. Quia humores agitant, & ad locum inflammatum, utpote dolentem & debilitatum, præcipitant, sicque phlegmonem augent. III. Quia causam mali non extirpant. IV. Quoniam in pleuritide sanguis, non *κακοχυμία* accusatur. *Nostre sententia est*, posse nos primas vias etiam ante venæ sectionem, per enemata & suppositoria evacuare. Post, venæ sectionem subjungere. Tùm purgantia præscribere, sed leviora, si *κακοχυμία* adsit, præsertim in prima corporis regione, quæ quasi publica est totius corporis sentina & cloaca. Metuendum enim, ne cùm calor & dolor sit in latere pleuritico, vitiosi humores, maximè illi, qui tenues sunt & biliosi, aut serosi, ad locum affectum accurrant, & malum non solum foveant, sed etiam adaugeant.

Ad argumentum verò primum respondetur, ut & ad *secundum*, ordinare nos non validiora illa, calidiora, & sicciora cathartica. Talia enim calida sunt valdeque sicca, & humores agitant atque ad locum affectum præcipitant: ut sunt Colocynthis, Scammonium, Helleborus albus & niger, Esularum, Tithymalorum & Mezerei genera &c. non mitiora, benedicta nuncupata: qualia sunt Manna, Cassia fistularis, Tamarindi, Rhabarbarum, Agaricus, Sena, Jalapa & quæ ex his parantur compositiones, quæ in officinis passim prostant.

Ad tertiam. Tametsi ista purgantia causam mali non extirpent, impediunt tamen, ne ad locum inflammatum affluant. Avertunt ergo humores affluxuros.

Ad quartum. Pleuritis non semper exquisita est, ex puro scil. sanguine genita: sed sæpè etiam notha, quæ sanguini admixtam habet vel pituitam, vel bilem, vel melancholicam:

liam: quorum admistorum humorum ratione purgatio necessaria est, quodd illius indicans adfit, nimirum κακογμία.

Utrum repellentia in pleuritide thoraci sint imponenda?

Nequaquam. I. Quia materia ad loca interiora, quæ nobiliora sunt, repercutitur. II. Quoniam materia incrassatur repellentibus, & inepta fit ad expuendum. III. Quia respiratio impeditur. Pleraque enim vim adstringendi habent, & incrassandi materiam. IV. Quia Hippocrates anginae exemplo monstra, melius esse, si materia illius vergat foras, quàm si intus maneat: *aphorismo 37. sect. 6. & aphorism. 49. sect. 7.* Quod præceptum licet particulare sit, universale tamen est, quodd scil. melius semper sit, si materia alicujus affectus interiora deferat, & se ad exteriora conferat: ratio, quia talia ignobiliora sunt, & tanta eorum necessitas non est, quanta interiorum. Habet enim Hippocr., hoc in more positum, utpote βρογχίτης & φιλούντομος, ut posito particulari, intelligat universale. Exempli gratiâ, *aphorism. 22. sect. 4.* dicit morbis quibuslibet incipientibus si atra bilis vel suprâ, vel infrâ exierit, est lethale. *Galenu in comm.* inquit, hoc non solum in specie de atra bile, sed in genere de omnibus humoribus noxiis intelligendum esse: quodd scil. eorum eruptio in principio statim morbi sit mala: ratio est, quoniam adhuc existunt crudi. Eruptiones igitur non sunt criticæ, sed symptomatice, vi materiei peccantis factæ. Ut enim κρίσις sit bona, præcedere oportet πεπασµόν: sequi διάκρισιν: tandem ἄκρσις, ait idem *Galenu* ibidem. Ita enim Hippocrates 1. *Epidem. comm. 2. § 45.* coctiones judicii celeritatem, salutisque securitatem significant: cruda autem & inconcocta & ad malos abscessus conversa, vel ἀκρσίην, vel dolores, vel longitudinem, vel mortem, vel eorundem malorum reditus portendunt. Græcus textus ita habet: Πεπασμοὶ ταχύτητα κρίσεως & ἀσφάλειαν ὑγιάνην σημαίνουσι: ὁµὰ δὲ & ἀπίπτα, & ἡ κόκκας ἀποδόσεις τριπλόµερα, ἢ ἀκροσίας, ἢ πόνους, ἢ χρόνους, ἢ θανάτους, ἢ τῶν αὐτῶν ἐπιστροφὰς.

Cur pleuriticis usu rerum acidarum & refrigerantium interdicator?

Acida videntur pleuriticis prodesse sequentibus de causis. I. Quia materiam pleuritidis incidunt, & attenuant: quo nomine eam faciunt ad expectorationem. II. Quia Practici utuntur in pleuritide oxymelite, quod ex aceto, aqua & melle componitur. Frigida verò conducere videntur ratione febris, quæ satis in pleuritide acuta. *Sed verior* sententia est negativa. I. Quia acida respirationem & expectorationem impediunt. II. Quoniam frigida pectori sunt inimica, quod majori ex parte est osseum, cartilagineum & membranofum. III. Quia frigida *πυρρὰ* materiæ remorantur. Is enim fit à calore. *Ad primum vero* argumentum respondetur, majorem habendam esse rationem respirationis & expectorationis materiæ, quam incisionis & extenuationis, quæ actiones fieri à natura & ministrante calore possunt sine usu acidorum. *Ad secundum.* Oxymel licet sua in mistura acetum contineat: id tamen sui juris amplius non est; sed obtunditur ab aqua & melle admistis; quorum illa acrimoniam aceti temperat & mitigat: mellis autem & febris calorem moderatiorem reddit. *Ad tertium.* Febrilis calor etiam citrà acetum contemperari potest: usu scil. ptisanæ, quæ pleuriticis saluberrimum est alimentum: quoniam humectat, refrigerat, expectorat, laxat, nutrit, vires roborat.

An fomentorum aliqua sit in pleuritide utilitas?

Per fomenta hoc loco intelligimus tum sicca, tum humida. Adhæc unguenta, cataplasmata, pulticulas, linimenta, emplastra, olea, quæ foris applicantur thoraci, & ibi quidem, ubi dolor maximè urget.

Videntur autem pleuriticis incommodare. I. Quia calorisifica sunt, & propterea affluxum humorum augent. II. Quia calore

calore poros aperiunt, humoresque attenuant, sicque eos redu-
dunt ad fluxum paratiores. III. Quoniam febris adest acuta,
& calor insignis, quem topica ista intendunt. IV. Quia sac-
culi, cataplasmata, pulticulæ, & emplastra pectus gravant, sic-
que respirationem, quæ per se difficilis est in pleuritide, dif-
ficiliorem reddunt. *Respondemus*, topica hæcce opportuno tem-
pore & debito modo adhibita, utrique pleuritidi, spurix &
veræ, commodare plurimum. Opportunum autem tempus
est, non in principio statim, dùm materia adhuc affluit, sed
in progressu, cùm affluere desiit. Debito autem modo usur-
pantur, cùm non nimis calida sunt, nec in tanta quantitate
applicantur, ut pectus gravent.

Habent autem variam & multiplicem utilitatem. Nam
& dolores punctorios leniunt: & *impastam* materiam discuti-
unt: & *respirationem*, siquidem emolliant & laxent, facilitate-
rem reddunt: & *si materia* imbibita ad suppurationem ver-
gat, eam juvant: efficiuntque, ut sputamina promptius atque
expeditius expectorentur.

Ad hos usus extant in officinis varia. V. g. *Ex oleo*, ol.
Amygdal. dulc. ol. Chamæmelin. Anethin. Sefamin. Matricar.
ex vitellis ovorum. *Ex Emplastro*: Empl. de Melilot. *Ex Un-*
guento: Ungu. Anodynum, Dialcheæ, Resumptivum. *Fomen-*
ta humida accommodantur cum sacculis, lana succida, spon-
gia, aut vesica suilla vel bubula. Fiunt autem ex Decocto
radic. Alth. Lilior. alb. Herbarum Malv. Alcheæ, Matricar. Flor.
Chamæmel. Melilot. Summitat. Aneth. Sem. Lini, Fœnogr.
Malv. &c. *Pulticula* parantur ex fatin. sem. Lin. & Fœnogr.
Pulv. flor. Chamæmel. Melilot. rad. Alth. Lilior. alb. cum lacte,
aut oleis dictis. *Cataplasmata* fieri solent ex mica panis si-
milagin. in lacte vaccino aut caprillo cocta, addit in fine oleo
aliquo, & croci momento.

An mulsa pleuriticis concedenda?

Mulsa à Græcis vocatur *μυλινεστος* & *ὕδρμελις*, aqua
mellis, Nostratibus *Mess*. Varia est & multiplex. I. Simplex &

& composita. Illa constat ex melle & aqua. Hæc præter mel & aquam habet quædam alia, præsertim aromata. II. Est diluta & meraca. Illa fit ex una parte mellis & viij. partibus aquæ. Hæc ex 2. partibus mellis, & viij. aquæ. III. Est cruda & cocta. Illa parùm cocta est, aut Solis duntaxat calore mel cum aqua mixtum est. Hæc calore ignis cocta est. *Magnæ horum bylromelicum* est ratione virium differentia. Pleuriticis concedi potest hydromel simplex, dilutum & probè coctum. Tale enim flatulentum non est: neque mellis ratione viscera incendit, cùm aquæ admistione illius calor & acrimonia sit retusa. Aquæ frigiditas corrigitur caliditate mellis. Mellis caliditas emendatur frigiditate aquæ. Aliud est, si loquamur de qualitibus & viribus aquæ & mellis seorsum consideratorum, aliud, si de mixtura mellis & aquæ iudicium feramus. *Hydromel* ergò simplex, dilutum & probè coctum utile est pleuriticis, quia materiam expectorat, crassam attenuat & incidit, mediocriter alit.

An ova pleuriticis proficua?

Ova, quæ recentia, quæ sorbilia, quæ tremula, quæ ex gallinis petita, proficua sunt pleuriticis omninò. I. Quia *πυρρὰ*. II. Quia *υπερπλά*. III. Quoniam *πολυτρόφα*. IV. Quia vites roborant multùm. V. Quia alvum laxant. VI. Quia humectando emolliendoque expectorationem promouent. VII. Quoniam *ὑμερτα*, h. e. temperata. Albumen enim ovi refrigerat: contrà vitellus calefacit modicè. Ast ova vetera, ex anseribus aut anatibus petita, assa item, frixa, indurata, & putida ne sanis quidem utilia sunt. I. Quia *παχύρρμα*. II. Quia *δύσπικτα*. III. Quia naturæ adversa, scilicet quæ per vetustatem olent. Assa sub cineribus, & coctura longiori indurata alvum sistunt.

Quomodo pleuritis & peripneumonia inter se convenient, quomodoq; differant?

Conveniunt inter se **I. Ratione generis**, quia utraque est inflammatio. **II. Ratione causæ**, quæ sanguis est, isque vel purus, vel biliosus, pituitosus, aut melancholicus. **III. Ratione doloris**, qui tamen in pleuritide est vehementior, remissior in peripneumonia. Dolor intelligitur in genere: non in specie. **IV. Ratione formæ**: quoniam utraque potest esse vera & spuria: epidemia & sporadica. **V. Ratione quorundam symptomatum & adjunctorum**. In utraque enim adest febris acuta: dyspnœa: tussis: vigiliæ &c. **VI. Ratione curationis**, quæ in diætâ pharmacia & cheirurgia consistit. *Diætâ* est refrigerans & humectans. *Cheirurgia* exercetur potissimum venæ sectione. *Pharmacia* postulat in utraque revellentia, derivantia, evacuantia, digerentia: ut de symptomatum urgentiorum providentiâ nihil dicamus. *Differunt autem* inter se loco affecto, qui in peripneumonia est pulmo: in pleuritide pleura unâ cum musculis contiguus, **II. Dolo**re: qui in pleuritide est punctorius: in peripneumonia gravativus. **III. Eventu**: qui in peripneumonia plerumq; est mors: in pleuritide eadem quoque contingit, sed in peripneumonia sæpius.

Utrum peripneumonia morbus sit lethalis?

Tò lethale geminam apud *Galenum* habet significationem. *Primò* enim is morbus lethalis dicitur, qui semper & necessariò mortem infert: ejusmodi sunt vulnera profunda cordis, ea maximè, quæ inflicta illius ventriculo sinistro, ubi *ἡ ψυχὴ* est vitalis spiritus & sanguinis. *Deinde*, qui ut plurimum hominem è medio tollit, ut pestis, febris maligna & petechialis, phrenitis, hydrops &c. Lethalis ergò

Kk

peri-

peripneumonia est in significatione secunda. Rationes sunt sequentes. I. Quia partem obsidet ad vitam summè necessariam, ipsum scilicet pulmonem : qui respirationis est organum, sine qua homini vivere non licet. At illa vehementer in peripneumonia laborat : & ita quidem, ut ægri erecta cervice spirare cogantur. II. Quia vitæ principium ob vicinitatem, & vasorum communionem, ipsum scilicet cor in consensum trahit. III. Quoniam febris illi assidet acuta, quæ vires summoperè debilitat. IV. Quia plurimis est stipata symptomatibus : v. g. dyspnœa, vigiliis, inedia, deliriis, cephalalgia &c. V. Quia sputamina vel ob virium infirmitatem, vel sui copiam & crassitiem ac lentorem ægrè admodum expectorantur, unde suffocationis imminet periculum. VI. Quia sæpè vel in empyema, phthisin degenerare solet. VII. Quoniam medicamenta ægrè ad pulmonem perveniunt : & quæ eò pertingunt, in exigua admodum quantitate pertingunt, major quippe pars per gulam ad ventriculum delabitur : ex quo ad pulmones via est longissima, in qua vis medicamentorum exolvitur.

An à peripneumoniâ oriri queat phrenitis?

Affirmat Hippocr. *aphor. 12. sect. 7.* & hoc malum esse asseverat, non quòd peripneumonia mutetur in phrenitidem, per modum degenerationis : sed per modum accessionis, sive *ἐκπύρωσις*. Potest autem peripneumonia causa esse phrenitidis utriusque : veræ, sive exquisitæ, & spuriz. *Vera*, cùm peripneumonia orta à sanguine bilioso, qui tenuis est & præcalidus. Ab eo enim ascendunt vapores fervidi, aeres atque mordaces, cerebrum admodum accendentes. Hoc igitur concale factum trahit aliundè sanguinem, qui si copiâ abundet, vasa vel aperit, hoc maximè nomine, quòd præcalidus sit ac tenuis, vel rumpit. Effunditur igitur sanguis, putrescit, & cerebrum ejusque meninges inflammat. Est quoque eadem peripneumonia phrenitidis spuriz causa, ob

ob diſtas putridotum mordaciumq; vaporum aſcenſum. Licet autem in hac phrenitide cerebrum & meninges inflammatae non ſint, ſpecies tamen quaedam phrenitidis inde naſcitur; quoniam vigiliae, deliria, inquietudo, ira & exandefcentia, clamores & vociferationes adſunt, quae adefſe etiam in vera phrenitide conſueverunt.

In quibus rebus potiſſimum ſpes ſit recon- ualeſcentia in peripneumonia?

I. *In virium robore*: quia affectus eſt acutus: quoniam brevi durat tempore, hoc eſt, celeriter movetur: quodd movetur vehementer: & quia movetur continenter. In ejusmodi autem affectu virtus requiritur valida, ut tam potenti poſſit reſiſtere hoſti. II. *In cisa & facili expectoratione*: quae & naturae robur, & materia obedientiam nobis patefacit, liberatur quoque æger à metu ſuffocationis. III. *In ſymptomatum moderatione*: quando ſcilicet nimis vehementia & gravia non ſunt.

Cur ſputamina peripneumonicorum ſint ſpumofa?

Quia à pulmone prodeunt. Unde Hippocr. ſect. 5. apbor. 14. dicit, qui ſpumantem ſanguinem extuſſiunt, iis ex pulmonibus educitur. Spumofus autem pulmonum ſanguis eſt, quia cauſae omnes, quae ſpumam producunt, in pulmonibus reperiuntur; nimirum calor, motus, & materia ſpirituofa, quae humida. Pulmo per ſe calidus eſt, & principio caloris influentis cordi, eſt viciniſſimus. Cor namque illi inſidet. Idem pulmo perpetuò movetur in inſpiratione & expiratione. Habet deniq; ſanguinem, qui ſpirituofus eſt, quoniam ab ipſo ſpirituum vitalium, utroq; cordis ventriculo emanavit. Has eaſdem ob cauſas etiam peripneumonicorum ſputamina ſpumofa ſunt. Calor enim pulmonum humiditates attenuat, rarefacit, & quandam illarum portionem vertit in

halitus. Motus illas humiditates confringit, & in multas bullulas dissolvit. Permiscetur igitur halitus humiditati, & spumam pariunt.

Quod autem calor spumam excitet, experimur in apris, qui ira perciti, quod maximè in venationibus contingit, quando à canibus & venatoribus urgentur, spumam ex ore copiosam emittunt. At ira est fervor sanguinis circa cor. Idem quoque observamus in ollis igni appolitis. Liquores enim in illis contenti ab igneo calore attenuantur, rarefiunt, & in halitum secundum aliquam illorum partem mutantur: qui postea assurgentes & exitum quærentes unà secum etiam liquorem attollunt, quod est ebullire atque effervesce.

Quod motus spumam procreat, apparet in fluctibus maris, item cum aquæ ejus ad scopulos alliduntur. Copiosa enim inde spuma elicitur: quia ipsa quoque aqua multis est imprægnata halitibus.

An dulcia, an verò acida peripneumoniciis exhibenda?

Utraque videntur prima fronte obesse. Dulcia quidem propterea, I. Quia sunt calida: At hinc urget inflammatio & febris acuta: cui calida offerre, est ignem igni addere. II. Quia faciliè bilefcunt, præsertim in corpore acuto morbo laborante, & quando peripneumonia à bilioso sanguine orta. III. Quia eadem dulcia etiam in hepatis & lienis inflammatione plurimum nocent. Hæc enim viscera dulcia avidè attrahunt: sed quia inflammata sunt, ea etiam in bilem convertunt. Acida verò eo nomine minimè conferunt, quia constringunt, atque sic respirationem, quæ jam antè est difficilis & laboriosa, magis impediunt.

Lis dirimitur faciliè, si distinguatur. Calidiora dulcia nocent, ut Mel, & valdè mellita & saccharata omnia. Item vina dulcia, mustum, Fœniculum & Anisum dulce, medullæ & pinguedines animalium. Sunt tamen dulcia, quæ temperata sunt, & hæc peripneumoniciis concedi possunt, quoniam

niam pectori sunt grata atque amica, & sputamina promouent, quorum expectoratio summè est necessaria. Aliàs enim si retineantur, hominem suffocant, vel Emphyema causantur, quod ut plurimum *edisis* sequi solet, malum immedicabile ob causas infra explicandas. Quodsi calidiora quæ sunt temperatis permisceantur, nil noxæ adferre putamus. *Acida* quod attinet, eligenda rursus sunt, quæ remissiora: vel permiscenda dulcibus. Sic enim compositiones istæ ratione dulcium abstergent & expectorationem iuvabunt: ratione verò acidorum incident, dissolvent, & attenuabunt ea, quæ crassa sunt, lenta, viscida & glutinosa.

Si ex abundanti queratur, *quanam sint illa dulcia temperantiora?* Respondetur seqq. quæ etiam pulmonibus & pectori dicuntur appropriata: ut rad. Polypod. Glyzyrrhizæ, & Ononidis, sem. Malvæ & Bombacis. Ficus, Jujubæ, siue Zyzypha, Sebesten, Pruna dulcia, Amygdalæ dulces, Nuclei Pinei, Pistacia, Dactyli, Uvæ passæ, Passulæ Corinthiæ, Poma dulcia, Hordeum & illius cremor, Lac bubulum, Lac amygdalinum. Adhæc quædam compositiones officinales, ut *Syr. Jujubin. Syr. Granatorum dulcium. Violar. simpl. Glyzyrrhiz. Althææ. Loeb Passulat. Violar. Tabul. Diatragacanth. Ifrig Diapenid. Manus Christi.*

Si rogetur ulterius, *quanam ex acidis tuta sint?* R. Oxy-mel simpl. Syr. Limon. Acetos. simpl. & compos. sed permiscenda hæc sunt, uti dictum, cum dulcibus.

Quæ formula remediorum pectori & pulmonibus omnium sit accommodatissima?

Materia in peripneumonia commodissimè & tutissimè per asperam arteriam tussi evacuat. Educitur tamen per urinæ ductus, & per alvum, sed rarè admodum. Licet autem facultas expultrix vel gravata à materie copia, vel irritata ab illius qualitate, ultrò tussim moveat, & quod molestum sibi est, expellat, tamen iuvanda est à Medico, præsertim

cùm vires sunt debiliores, quàm ut illam sufficienter ejicere queant : item quando materia bronchiis inherens, crassa est, lenta ac viscida. Tunc enim *βρυχιά* usurpanda sunt, quæ illam attenuant, incidunt, & abstergunt.

Formulae autem pectori & pulmōni accommodatæ sunt Syrupi, Eclegmata, Electuaria & Tabulata. Priores enim tres formulæ mediocrem habet crassitiem, Ideoque non ita promptæ præterfluunt, & in ventriculū delabuntur, sed per asperæ arteriæ latera sensim paulatimque descendunt. Postrema formula, quæ est Tabulatorum, dnra quidem est, quia verò in ore detinetur, sensim liquefcit, & ob id etiam portio aliqua illorum ad pulmōnem descendit. *Quæ liquida sunt* valdè, instar vini & aquæ, mox ad ventriculū perveniunt. Et quia ab eoad pulmōnes usque via valdè longa est, ita ut vis remedium in itinere debilitetur, propterea & validiora esse debent, & in majori quantitate crebriusque assumenda sunt, ut ubi ad pulmōnes pervenerunt, vires adhuc habeant eas, quæ curando morbo sufficere queant. *Topica* quæ thoraci adinoveantur, ferè sunt Olea, Unguenta, Lini-menta, & Cataplasmata : & usurpantur propterea, ut thorax ejusque musculi illorum usu humectati & emollicti, faciliùs dilatari possint & constringi, sicque respiratio, quæ in peripneumoniâ est difficilis, sit liberior. Quamvis etiam digerendæ, concoquendæ & emollicudæ impactæ materiæ non parùm inserviant.

*An tabis vocabulum uno semper eodemq;
modo accipiatur ?*

Negatur. Habet enim significationem generalem & specialem. *Generaliter* accipitur pro omni totius corporis extenuatione, consumptione, sive diminutione, à quacunque tandem causâ fuerit profecta. Hac ratione ea corporis consumptio tabes dici potest, quæ ab inedia, marcōre, vigiliis, curis & sollicitudinibus, laboribus & exercitiis assiduis, nimis studiis & lucubrationibus, vacationibus arte vel spontè

tè factis morbis diuturnis, & acutis atque ardentibus prodiit, tabes appellari potest. Potest etiam sic vocari *σύντηξις*, colliquatio, quæ febres ardentes & colliquativas sequitur. Hætica etiam, & præcipuè *μαρασμός*, tabis nomine venit. Eodem nomine etiam *ἀσπρῖα* insignitur: in qua vel ob sanguinis defectum, vel ejusdem vitiosam qualitatem, vel venarum obstructionem, coarctationem & constrictionem, vel dissectionem, vel partium alendarum infirmitatem & intemperiem, non potentium alimentum attrahere, retinere, nec retentum assimilare, corpus contabescit. In hac generali significatione tribuitur vocabulum tabis, sive *φθίσιας* etiam stirpibus, cum præ alimenti defectu arresunt. *Specialiter* verò & in usu practico *φθίσιας* nomen usurpatur pro ea solùm corporis macie & extenuatione, quæ ab ulcere pulmonis ortum traxit: & aliàs à Græcis *φθῖν* nuncupatur. *Aratens l. i. de caus. & sign. diuturn. morb. c. 8.* hunc affectum *πύον* appellat à verbo *πύω*, quod est suppurare, seu ad suppurationem perduco. Purulenta enim in *φθίω*, sputa ejiciuntur. Unde etiam τὸ πύον, ἢ. pus derivatur. Hac in significatione *φθίσιας* est totius corporis macies & extenuatio, quæ à febre lenta putridaque, ulcus pulmonum infecuta originem habet. Dicta à verbo *φθίω*, quod tabescere, consumi, & extenuari sonat. *φθῖν* autem à verbo *φθίω*, vel *φθίω* derivatur, quod significat corrumpo, perdo labefacto. *φθιράδης* verò is dicitur, qui jam actu *φθίω* laborat: vel qui ad *φθίω* naturâ proclivis est: teste *Galeno comm. 4. aphor. 8. & comm. 1. in lib. 1. Epidem. §. 18.* Tales esse dicit, qui aded angusto sunt thorace & constricto, ut à tergo in morem alarum scoptula aperta promineant. Quo nomine etiam *πτερυγιάδης*, quasi alatos eos vocare solent. Præterea quibus caput faciliè impletur, quodque multos catarrhos ad organa respiratoria demittit. Tales enim faciliè tabescent. Ambò vitia, thoracis angustia, & capitis imbecillitas, defluxiones parienti, si concurrant, reddunt tibi obnoxios duabus de causis. Nam quorum caput fluxiones ad pulmonem mittit, temporis tandem diuturnitate fiunt phthisici: sæpèque in pulmone vas ob visceris angustiam ac infirmitatem rum-

Utrum

*Utrum Celsus καχεξίαν rectè ad φθίσιν
retulerit ?*

Cornel. Celsus l. 3. c. 23. tres tabis species recenset : ἀ-
τροφίαν, qua corpus non alitur, & naturaliter semper aliqui-
bus decedentibus, nullis verò in eorum locum subeuntibus,
summa oritur macies. Hanc ait tribus ferè de causis incide-
re : vel quia homo minùs, præ nimio timore comedit : vel
vel quia ob voracitatem & aviditatem nimiam plùs, quàm
debeat, assumit : & ita vel quod deest infirmat, vel quod su-
perat, corrumpitur. *Secunda* tabis species est καχεξία, in qua
malus est corporis habitus : ideòque omnia alimenta corrup-
puntur. Hujus affectus 4. causas ponit. I. Cùm corpora
longo morbo vitata minimè reficiuntur, tametsi morbo illo
careant. II. Cùm malis medicamentis corpus est affectum.
III. Cùm necessaria quæ sunt, diù defuerunt. IV. Cùm
inuitati & inutiles cibi fuerunt assumpti, aut simile quid in-
cidit. Et in hac φθίσιν specie, quæ καχεξία dicitur, accidit,
ut vel cutis pustulis, ulceribusve exasperetur, vel aliquæ
corporis partes intumescant. *Tertia* tabis species longè est
periculosissima. Eam Græci φθίσιν nuncupant. Oritur fe-
rè à capite, & quidem à catarrho in pulmonem factò. Ac-
cedit illi exulceratio : ex hac nascitur febricula levis, quæ
etiam, cùm quievit, tamen & repetit. Tussis est frequens :
pus exsereatur, interdùm & cruentum quid rejicitur. Quic-
quid exscreatum est, si in ignem projiciatur, mali est
odoris.

Jam quæritur, an καχεξία rectè φθίσιν species statua-
tur, nec ne ? De ἀτροφία quidem dubium non est : quin
φθίσιν in genere, sumpto vocabulo, ut antea dictum, la-
xiùs, appellari queat : quoniam in illa corpus extenuatur
& contabescit. Verùm cùm hoc in καχεξία non fiat, sed
ut ipsius fatetur *Celsus*, partes quædam corporis intume-
scant, & hydropem præfagiant, nisi maturè occurratur,
haud videtur, rectè φθίσιν species appellari. *Respondetur*,
licet in καχεξία universum corpus laxum & humidum con-

spiciatur, & hoc nomine non extenuari, sed potius augeri videatur, verum tamen & propriè dictum augmentum in ea non esse, sed potius carnosarum partium ab humore pituitoso & aquoso quædam repletio atque distentio. Partes enim alimento naturæ & assentiæ suæ convenienti destituuntur. Hinc etiam fit, ut in ascite partes superiores emacientur, quia laudabili, utili & convenienti alimoniâ carent: inferiores autem falsum incrementum capiant, tumorem scilicet ob aquam & serum eò sese recipiens. Emaciantur ergò partes in substantiâ solidâ: augentur verò ob aquam carnibus in hærentem.

Rectiusné phthisis ulcus an extenuatio statuatur?

Communis ferè opinio est, *phthisis* ulcus esse & ulcus habere pro genere. Verùm si nomen spectetur, rectius extenuatio, macies, diminutio & consumptio corporis dicitur. Ipsa quippe *phthisis* per se & formaliter ulcus pulmonum non est, sed ab ulcere interveniente febris, proficiscitur. Primum enim à causâ aliqua erodente, interna, vel externa, fit ulcus in pulmone: postea febris succedit, à putridis ulceris halitibus, qui vicino & contiguo corpori, ipsi nimirum cordi, communicantur, originem trahens: tertio ab hac febris, tanquam à lento quodam igne partes corporis paulatim & pedetentim consumuntur. Si ulcus statuatur *phthisis*, intelligendum id est in sensu causali, non formali. Prodit enim mediè ab ulcere: per se tamen & formaliter ulcus non est.

An phthisis morbus sit hereditarius?

Morbi alii à prima statim nativitate homini inhærent; alii jam in lucem edito adveniunt. Illi duplices sunt: hæreditarii & congeniti. Hi adventitii & ascitici appellantur. *Hæreditarii* dicuntur, quorum causæ à parentibus in

liberos propagantur , & quando virium aliquod , cūi parentes antea fuerunt obnoxii , cum ipso parentum semine & sanguine materno in liberos derivatur. Tales morbi sunt epilepsia , arthritis , gutta rosacea , nephritis , elephantiasis , &c. Nam quemadmodum quæ sunt secundum naturam plerumque à parentibus in liberos transfunduntur , & liberi parentibus secundum speciem , sexum , & proprietates individuales similes nascuntur : ita quoque si quid morbosus insit parentibus , & illud in liberos propagari solet : & quo morbo , aut morbosa dispositione parentes afficiuntur , ea per semen in liberos transit : & ut maternus sanguis , corporis alimentum , fuerit dispositus , sic & infantis corpusculum disponitur. Licet enim facultas *πλαστική* lardi nequeat , quia est incorporea , & per se aliquid pati non possit : semper etiam id sibi habeat propositum , quod est optimum & convenientissimum , tamen quia in materia operatur , & pro ratione illius ac dispositione agit , idèd speciem quidem producit , sed respondentem materię dispositionibus. *Congeniti morbi* quidem etiam in utero fiunt materno , sed tamen hæreditarii non sunt. Hæreditarii quidem nobis connascuntur : sed non omnes qui nobis connascuntur , hæreditarii sunt : quoniam hi parentibus insunt : illi nequaquam : sed ab aliis causis , v. g. casu , ictu , terrore , imaginatione , pravo victu matris &c. proficiuntur. *Adventitii & ascititii morbi* vocantur , uti dictum , qui nobis jam in lucem editis accidunt , & quidem vel ab internis , vel externis causis : iisque aut necessariè , aut non necessariè nos alterantibus.

Esse autem *phthisin* morbum hæreditarium , I. probat auctoritas magnorum Virorum. II. Id attestatur quotidiana experientia. Qui tabidà stirpe nati sunt , quasi jure hæreditario omnes tabe marcescunt , hocque malum inquit *Fernelius* , sæpè se vidisse in omnes ejusdem familiæ ordine fuisse grassatum. Et sanè si videmus , epilepticos , podagricos , nephriticos , leprosos similes procreare liberos , cur non & phthisici phthisicos generare possent ?

An

An phthisis morbus sit contagiosus ?

Contagiosi morbi dicuntur , qui fiunt per contactum , & seminium aliquod , sive *μίσμα* , inquinamentum , in aliud corpus immittunt , & per id affectum specie sibi similem in illo excitant. Tales sunt , v. g. scabies , tinea , pestis , elephantiasis , lues venerea , scorbutus , rabies canina &c.

Ad producendum autem morbum contagiosum requiruntur. 4. I. Corpus jam infectum. II. *Μίσμα* , seminium , contagium sive inquinamentum. III. Corpus inficiendum , quod sit habile , & sic dispositum , ut affici queat. IV. Contactus : & is vel mediatum , vel immediatus. Corpus jam affectum non suum affectum immittit in aliud corpus. Sic enim ab affectu contagioso liberaretur , & is transiret in corpus aliud : quod fieri nequit : cum accidentia ex subiecto in subiectum non migrant , sed afficit corpus aliud per contactum. Hic autem vel immediatus est , cum scilicet corpus jam infectum secundum suam superficiem contingit corpus inficiendum : vel mediatum , quando hæc corpora à se invicem sunt separata. *Μίσμα* , quod aliàs etiam *ἀπόρροια νοσώδης* , *ἀπὸ κρισις νοσώδης* , seminium , & inquinamentum appellatur , exit ab infecto corpore , & communicatur inficiendo. Communicatur autem illi vel sine medio , scilicet per contactum immediatum : vel per medium , v. g. fomitem aliquem , per aërem. Vocatur fomes corpus aliquod solidum , in quo *μίσματα* latere possunt : cujusmodi sunt illa , quæ porosa sunt & foraminulenta : ut vestes , lana , spongiæ , panni , &c. vel non quidem talia , solida tamen & fotis sordibus conspurcata , quæ lenta , ut *μίσματα* excipere , & excepta aliquandiu conservare possint : ut specula infecta. *Μίσμα* vel venenatum est , ut in peste , lue Venerea , vel venenositatis expers , ut in scabie , estque varium & multiplex : v. g. spiritus , vapor , humor , pus , sordes , excrementa varii generis. *Corpus infectum* fons est & scaturigo

contagionis. *Μίασμα* medium est, sive instrumentum, per quod contagio præstatur. *Corpus inficiendum* est patiens, quod simili labe cum corpore contagioso, sive jam infecto, est inquinatum. *Corpus* primò infectum semper laborare tenetur illo affectu, qui transferri debet in corpus aliud, quod est patiens. *Contagium* vel in ipso generatur homine, ob pravam viscerum constitutionem, aut improbam vivendi rationem: vel aliundè illi accedit: scil. ab aëre, aut fomite aliquo, in quo contagium latet. Dicimus contagium fieri vel immediatum, quando duo corpora se mutuò contingunt: vel mediatum, quando corpus quidem primò infectum inficiendum non contingit, id tamen inficit per *μίασμα* in fomite; aut in aëre latente. Et si hoc fiat posterius, nihilominus tamen contactus est immediatus, non ratione corporis primò infecti; sed ratione *μιάσματος*, quod agit in corpus inficiendum: quia in omni actione contactus est, vel corporeus, vel virtutis.

Ad questionem ergò propositam respondetur, *πθίσιν* vel *ἐπὶ πρὸς γενῇ*, quæ proprio pulmonum vitio facta, sanguine scilicet extravasato: vel *ὑπερπνευμονίᾳ*, quæ alium infecta affectum: v. g. catarrhos salios, pleuritidem, peripneumoniam, empyema, tussim ferinam, violentam vomitionem, suppressionem mensium, hæmorrhoidum &c. Utraque autem contagiosa est: quia in utraque *μιάσμα* contagiosa, vapores & humores è pulmonibus exulceratis emanant qui non solum cohabitantes ad recipiendam istam luem habiles ac dispoſitos simili labe inficiunt, sed etiam alicui fomiti diù in hærete possunt: v. g. lintaminibus, indusiis, vestibus, aliisq; in eandem præcipitare. Tenax enim & lentum phthisicale dicitur esse contagium, ita ut perseverare aliquandiu possit in conclavibus & lectis, in quibus phthisici decubuerunt, & indumentis, quibus usi sunt. Experientia enim testatum fecit, eos, qui vel cum phthisicis in eodem lecto dormiverunt, vel diù iisdem eodem in conclavi cohabitârunt, vel cum illis biberunt & comederunt, vel eorum indusiis, stropholiis, vestibus, lintaminibus, culcitris, stragulis &c. usi sunt, inquinamentis phthisicalibus nondum expul-

sis,

sis, in φθίσει delapsos esse. Phthisicus igitur phthisicum facit vel αμείσως, scilicet osculatione, accubitu, inspiratione halitûs ex pulmone infecti hominis emanantis in os, aut nares, hominis inficiendi: vel ἰμμεσως idque dupliciter, nimirum per fomitem, in quo μιάσματα pulmonum putrida latent: qui genere quidem unus est, specie autem varius & multiplex: & per aërem ad distans. Atque huic sententiæ etiam subscribit Galenus lib. 1. de differ. febr. cap. 2. inquit, consuetudinem & cohabitationem eorum qui tabe laborant, nunquam esse tutam.

Quodnam phthisic⁹ sit subiectum, pulmo an corpus univ- ersum?

In φθίσει spectantur duo. Ulcus & febris. Illius subiectum est pulmo: hujus πρῶτον δακτικόν est Cor, sicut & aliarum febrium. Δεύτερον δὲ reliquum corpus. Calor enim in corde accensus impertitur per arterias cum sanguine & spiritibus toti corpori. Unde fit, ut & extenuationis subiectum totum sit corpus, quia omnes illius partes extenuantur. Febris enim concoctionem alimenti impedit: & calore suo præternaturali id, quod concoctum est atque appositum, consumit. Unde macies corporis resultat.

Quot morborum genera in φθίσει con- currant? & qua illorum causa?

Tria potissimum morborum genera in omni vera φθίσει concurrere solent. I. Continui solutio: nempe ulcus pulmonum. II. Intemperies, febris scil. lenta ac continua. III. Magnitudo diminuta, h. e. macies & diminutio, si-ve extenuatio corporis totius. Febris autem & maciei scaturigo est ulcus. Ab hoc enim putridi exurgunt halitus, qui

cordi communicati, febrim accendunt. Febris sensim ac sensim corporis substantiam depascitur, ut tandem quasi quoddam sceleton appareat. *Si de ulceris causa* rogetur, varia & multiplex esse dicitur: externa & interna. *Interna* iterum sunt bene multæ: mediatae ac immediae: per se & per accidens. *Ex illarum albo sunt* I. Salsi acresque capitis catarrhi, qui pulmones tandem corrodunt: II. Sanguis in vasis pulmonum, qui vel sua copiâ illorum orificia diducit atque aperit: aut etiam planè distrumpit, vel suo fervore & tenuitate exilit, inque pulmonum substantiam effunditur, putrescit, acrimoniam acquirit, qua pulmones corrodit atque exulcerat. III. Pus in thoracis cavitate collectum, empyema cognominatum: quod vel pleuritidem, vel peripneumoniam, vel anginam, vel vulnus thoracis infecutum. IV. Suppressio mensium, vel hæmorrhoidum. Sic enim sanguis fit *δυσήκωτος*: Sique ad pulmonum vasa fuerit delatus, ea aperit, aut distrumpit suâ copiâ illa distendendo. *Ex evidentium & externarum causarum censu sunt* I. Flatus austrini, qui capitis defluxiones causantur. II. Aër autumnalis, qui sua inæqualitate caloris ac frigoris acutas & salâs destillationes movet, & eos, qui ad *ψύκην* proni sunt atque propensi, insigniter offendit. III. Aër præcalidus materiam aërem in capite collectam resolvens, ut ad pectus delabatur. IV. Aër valdè frigidus, qui instar alicujus manûs cerebrum, tanquam spongiam madefactam, apprehendit, idque constringit ac comprimit, ut catarrhi ob refrigeratum cerebrum descendant, & tussim quandoque ferinam excitent, ob cujus violentiam vasa aperiuntur, vel rumpuntur, sanguis effluat, in spatio aliquo pulmonum colligatur, putrescat, eosque exulceret. V. Cibi, potus & medicamenta acris & mordacia. Hæc enim vi corrodendi prædita sunt. VI. Vociferationes, tiliarum inflationes, & vehementes spiritûs cohibitiones, quibus vasa pectoris & pulmonum rumpi solent: præsertim in plethoricis. VII. Casus ab alto, ictus, contusiones, & perforationes thoracis ac pulmonum. VIII. *Μάστιχα* phthisicalia ex crebra cum tabidis cohabitatione ore & naribus hausta. IX. Partus

tus laboriosus & difficilis vehemensq; in illo enixus, & violenta spiritus cohibitio, quæ vasa rumpere potest. X. Mora diuturna in locis subterraneis, præsertim metallifodinis. XI. Lepus marinus, qui qualitate adbita pulmones præteris corporis partibus corrodere perhibetur.

Quanam symptomata in Phisica se offerant, & quæ illorum causa?

Varia sanè & multiplicia sese offerunt: nempe dyspnœa, tussis, varia sputa, capillorum defluvium, alvi profluvium, virium languor, pallor, sudor, pediculorum proventus, unguium incurvatio. *Dyspnœa* causa est excrementorum ex ulcere pulmonum resultantium copia, quibus pulmones gravantur, & fistulæ illorum opplentur & obstruuntur: in causa quoque est virium imbecillitas, tùm totius, tùm ipsorummet pulmonum & musculorum thoracicorum: qui se & pulmonem liberè & sufficienter movere non possunt. *Tussis causa* est materia pulmoni inhaerens, quæ varia est, sanies, pus, sordes, pituita &c. quam expultrix expellere nititur, eò quòd vel quantitate, vel qualitate sit molesta. *Sputa sunt varia* pro varietate temporum phisicorum. Initio enim expuuntur cruenta: post purulenta: tùm sordida: ultimò putridæ pulmonum portiones. Et hæc sputa vel simplicia sunt, vel mixta. *Capilli defluunt* juxta Hippocr. f. 5. aphor. 11. & 12. partim ob alimenti defectum, partim ob humores vitiosos radices pilorum erodentes. *Alvi profluvium* ex ejusdem sententiâ f. 5. aphor. 14. oritur, quia ob febrim viriumque languorem, & nativi caloris infirmitatem & *coëlix & retentrix facultas* laxa sunt. Et hoc alvi profluvium duplici nomine malum est: ut signum, & ut causa. Ut signum: quoniam harum facultatum infirmitatem significat. Ut causa: quia vires jam antea ob febrim, vigilias, inediam, dyspnœam, debilitatas, magis debilitat. *Virium languoris* causa est sanguinis consumptio, spirituum dissipatio, caloris nativi diminu-

minutio, à febrili calore profecta. *Pallor faciei* provenit à sanguinis boni penurià: spirituum paucitate: & naturalis caloris egestate. Hæc enim si in aliquo corpore vigeant, vividum floridumque calorem efficiunt. *Sudor in phlogi* sæpè erumpit, ob facultatis naturalis infirmitatem, coëctricis læsionem, & retentricis debilitatem. *Pediculorum proventus* causam habet putridorum humorum copiam, qui tales ob alimenti corruptionem. Corruptuntur autem calore febrili: *Ungues incurvantur*, absumpta carne, quæ in summis digitis existerat, & ungues firmabat.

An febris phthysicalis putrida sit, an hectica?

Febris ista putrida est, continua, & lenta. Putrida est, quoniam oritur pulmonum ulcerea, quod putridum. Ex illo enim vapores exurgunt putridi, qui per venam arteriosam, & arteriam venosam ad cor ascendunt, & illud p. n. calefaciunt. Hoc accensum calorem p. n. per arterias cum sanguine & spiritibus diffundit in universum corpus. *Est continua*: quoniam præsens semper est causa: putridum scilicet pulmonum ulcus, indeque excitati putridi halitus, qui cor jugiter affligunt. *Est lenta*: nunc tamen magis, nunc minùs, pro ratione putredinis, & copiarum vaporum putridorum. Fieri tamen potest, ut cum febris ista phthysicali complicantur febres aliæ: aliàs erraticæ, aliàs tertianæ & quartanæ: nam si humores in vasis contenti à calore febrili orti ab ulcere pulmonum, & putridis illorum halitibus, accendantur, & putrescant, verisimile est, modò hanc, modò illam excitari febrem, scil. pro ratione humoris putrescentis. *Qua causa est*, quòd interdum putredinis indicia ex calore, pulsu, & urinis eluceant. *Item*, quòd paroxysmi febriles in phlogi, modò certi & constantes, modò erratici observentur. *Ad hæc*, quòd symptomata alia, in febribus putridis fieri solita, ut vigilie, deliria, cephalalgia, sitis, oris siccitas, nausea, inappetentia &c. animadvertantur.

Ceterum

Ceterum, an phthicalis febris hectica dici queat, rogatur? *Re.* Puram & simplicem esse non videtur: quia talis immaterialis est. Phthicalis autem semper cum putrida materia conjuncta. Observandum enim hecticam esse duplicem: simplicem & putredinis expertem; & ex putredine natam. Simplicis, quæ vera, pura & immaterialis est, gradus sunt tres. *Primus* est, quando calor febrilis parum de carnosa substantia absumsit. *Secundus*, cum calore procedente amplius, aut plurima, aut tota carnosa substantia est absorpta. Habet & iste gradus suos ordines. *Tertius*: verus est marcor, sive marasmus: In illo oculo sunt cavi; tempora collapsa: ossa prominentia: frons dura, intenta & arida: facies squalida & plumbea: venter quasi inanis, depressus atque contractus; & reliquum corpus adeo siccum, ut nihil præter ossa membranæ & cute obducta, & quasi skeleton esse videatur: cutis apprehensa veluti corium aridissima apparet: vires corporis omnes languent, omnesque functiones intercedunt. Estque hic gradus hecticæ vel *πρώτης*, scilicet à vigiliis diuturnis, curis, mœnore, labore, inedia, æstu, siti, iracundia &c. vel *ύστερης*, successitque febrì ephemeræ, & raro admodum accidere solet. Altera verò hectica est frequentior, & est cum putredine conjuncta, duplexque iterum statuitur. Una, acutam ardentemque febrim excipit: & propterea colligativa dicitur: quæ brevi efficit, quod hectica simplex sensim multoque tempore. Nam quando febris incendium est vehemens, & æger naturâ calidus siccusque diutius inediam, aut sitim tolerat, nullâque ope incendio succurritur, carnosa partium substantia colliquefit, & febris solidas partes aggreditur, easque depopulatur. Altera inflammationem, exulcerationem, & suppurationem insequitur viscerum pulmonis, jecoris, lienis renum &c. Hanc febrim *Fernelius* symptomaticam appellat: eamque plerunque lentam. Utamque autem veram hecticam non judicat: quia utraque ex putredine nata est, quam etiamnum redolet: eò quodd ejus indicia in pulsu, urinis, siti, aliisque symptomatibus permaneant. Quin & crebræ in his excandescentiæ etiam sine

Mm

cibo

cibo fiunt, & anomaliz, & crebri horrores, præsertim quando adest collectio purulenta.

*Utrum febris in verâ phlogesi semper
adsit, & ab eâ sit insepara-
bilis?*

Si verum est axioma philosophicum, uti est verissimum, quod præsentē causa actu operante, præsens etiam sit effectus, sequitur *phlogesi* vera, quæ ex ulcere pulmonum scaturit, perpetuū esse præsentem, & à *phlogesi* ἀπορίσθω. Semper enim ulcus adest. Ergo semper etiam vel sanies, vel pus, vel sordes adest: modò in minori, modò in majori quantitate: unde & febris nunc magis, nunc minùs urget. Si hoc, putrida hæc sicut ulceris excrementa, putridos quoque eructant halitus, qui facilius cordi, utpote pulmōni contiguo, & magnam cum eo habente vasorum ratione communionem, suppeditantur. Corde autem ab istis halitibus affecto, fieri nequit, quin febris semper adsit. *Deprehenditur* illius præsentia etiam ex pulsu, qui in *phlogesi* perpetuū febrilis. *Arguitur* quoque ex consumptione corporis continua, cujus nulla causa alia, quàm febrilis calor partes corporis consumens. Nonnulli autem, posse in *phlogesi* aliquandiu febrim abesse: idque tùm maximè, quando calor aded̃ intensus est, ut excrementa dicta exiccet, & quasi in crustam vertat. Hæc enim ajunt, ceu operculum febrim arceat: quoniam facit ut putridi halitus ad cor pertingere nequeant: pulmo interim magis calorem cordis ventilare valeat. *Sed opinio ista refutari potest seqq. rationibus.* I. Quia contradictio implicatur. Nam si calor adurens crustamq; inducens conceditur, Ergo & ipsa febris conceditur. Quomodo igitur febris præsentē tali adurente calore abesse potest. II. Quia fieri non posse videtur, ut excrementa saniosa, purulenta, aut sordida pulmonis in crustam mutantur. I. Quia pulmo locus est humidus. II. Quoniam cerebri destillationibus expositus.

*An. quis citra cruentam aut purulentam
excreationem tabe resolvi, hoc est,
ab ea extinguere possit?*

Ardua hæc est quæstio, & quæ multorum torfit ingenia. *Fernelius* scribit l. 5. *παθολογ. cap. 11.* quosdam post solam screationem humoris liquidi & subflavi, levi febricula correptos tabescere cœpisse, ac multo post tempore cruoris exiguum quiddam cum pure rejecisse. Se tamen non paucos etiam animadvertisse tabe sensim sublato, in quibus nihil omnino cruoris toto morbi decursu comparuerit. Asserit ergo, non omnes in universum tabidos cruorem excreatione. Historiam autem *effloris*, sicut in plerisque accidere solet, sic describit. Incipiente *effloris* tussis frequens est molestia, qua cruentum aliquid sine sensu doloris extunditur. Hoc interdum subsistit, tussisque sordidum quid editur; deinde purulentum: tunc febricula levis adoritur, quæ nunquam intermittit; & tandem hæctica facta mox à cibo aliarum more invalescit. Ulcere magis magisque sordescente pus excreationatur: fitque, ut *Hippocr.* dicebat, à sanguinis sputo puris exputio. Sistitur tamen interdum sputum istud, quando ulcus lentore puris est obductum. Ulcere autem restricto vel tussi, vel vociferatione, vel labore, vel excandescentiâ, cruenta redit excreatione. Vitio jam confirmato ac inveterascente, putris pulmonum portio aliquando ejicitur. Pus carbonibus injectum olet graviter: adstantes, qui habiles sunt, inficit: capilli defluunt, alimenti penuriâ totum corpus exarescit: ungues curvantur: malæ livescunt, tetra vapore eò sublato: costarum extrema siccitate sursum convelluntur: dum tandem omne corpus consumptum contabescit: calorque nativus exhausto pabulo intereat.

Ad quætionem ergo de cruenta screatione *Fernelius* sic respondet, qui ab ortu vitiosos nati sunt pulmones, h. e. molles, tenellos, ac corruptioni paratos: item qui tabida stirpe nati, & quibus pectus naturâ angustum est atque de-

pressum, hocq; nomine languidos aded debilesque obtinent pulmones, ut tempore sensuq; flaccescant ac spontè corrumpantur: alios cruenta screatione, alios citrà hanc tabidos decedere: non item illos, quorum pulmones vel ab acri capitis destillatione, vel humore acri è corde in pulmones ejecto, qualis maximè autumnò cumulatùr, vel à pure in thoracis capacitate concluso, vel à lepore marino sunt exulcerati. Hi enim & cruenta, & purulenta expectorare solent. *Zacutus l. 8. prax. c. 10.* arbitratur meliorem dari posse rationem. Inquit, in quavis verà *φθίσει* observari hæc tria. Ulcus pulmonum, consumptionem corporis, & febrem continuam, eamque lentam. Non omnes pus excreare: nec omnes sanguinem. Quosdam tabidos expuere cruenta, at non purulenta. Nonnullos expectorare purulenta, sed non cruenta. Aliquos & cruorem & pus extussire. Pus, subdit, non expuunt, vel quia illud est crassius, quàm ut tussi possit ejici: vel quia expultrix debilis est aded, ut illud evacuare nequeat: vel quia ipsa pulmonum parenchymatica substantia exulcerata non est: sed tantùm vasa sunt exesa, aut aperta. Quod si hæc corrosa sint, & corrosio longiùs absit à visceris substantiâ parenchymaticâ, tùm tabidi sanguinem expuunt, non pus. Hanc distinctionem petit ex *comm. 4. aph. 75.* Inquit enim eandem quoque in renibus esse rationem, ut scil. modò pus solum, modò solus sanguis cum lotio profundatur. Nam si vas aliquod renum effatu dignum fuerit erosum, sanguinis sequitur excretio. Si verò substantia renum propria fuerit exulcerata, pus tantùm cum urinâ emingitur.

Nostri sententia est: in quavis vera & propriè dicta *φθίσει* esse ulcus in pulmonibus. In omni autem ulcere resultare solent 2. excrementa: alterum tenue quodd est *χρῆμα*, sanies, alterum crassum, quod *πύον*, pus, vel *πύρον*, fordes: authore *Galeno l. 3. meth. med. c. 3.* Sic igitur argumentamur. Ubi ulcus ibi excrementa. In omni vera *φθίσει* est ulcus. E. in omni vera *φθίσει* sunt excrementa. Ubi autem excrementa sunt, ibi facultas expultrix laceffit ad expellendum. In omni verà *φθίσει* sunt excrementa. E. in omni verà *φθίσει* facultas expultrix ad expellendum laceffit. Ideoque

Ideoque fieri nequit, quin in omni *phlegma* purulentâ, vel saniosâ per tussim evacuentur: dummodò excrementa illa ita sint comparata, ut extussiri queant: & vis expultrix adeò valida, ut illa expectorare possit. Possunt autem excrementa expectorari, si neque crassâ nimis, neque etiam nimis tenuia; item, si neque valdè lenta aut glutinosa fuerint. Secus si res habeat, fieri quidem potest, ut à tabidis nihil extussatur: sed non perpetuò, verùm solummodò ad tempus. Tandem enim fit, ut materia fluxilior reddita expuatur.

Sed rursus queritur, an necessariò omnes in universum tabidi etiam sanguinem exscreent? R. *Zachus*, tùm solum sanguinem eos exscreare, cùm pulmonum vasa sunt corrofa; at si hæc sint integra, & parenchyma solum pulmonum exesum, nihil cruoris expuere, sed tantùm materiam purulentam. *Regerimus* I. posse etiam excerni sanguinem, si vasa non sint exesa. Sanguis enim alimentum est pulmonum, & per illos diffusus est atque disseminatus. Illorum ergò substantiâ corrosâ, fieri nequit, quin aliquid sanguis exeat, quemadmodum etiam alibi fieri consuevit: ut licet venæ partium læsæ non sint, iis tamen exulceratis, sanguis effluat. II. Fieri vix posse putamus, ut vasa pulmonum erodantur, pulmonum parenchymate illaeso: tùm quòd parenchyma citius & faciliùs ob sui mollietiem & teneritatem exulcerari possit, quàm vasa, quæ sunt densiora, duriora, siccioraque: tùm quòd vasa, propagines scilicet venæ arteriosæ & arteriæ venosæ, per omnem pulmonum sint substantiam dispersæ. In principio ergò *phlegmas* semper aliquid cruoris expui existimamus. Unde *ἀνιμικτὴς* multoties *phlegmas* est prodromus. In progressu autem ubi malum inveteravit, credimus, pus potiùs, quàm sanguinem per os reddi: nisi fortè nova vasa vel aperta, vel corrofa, vel etiam unâ cum parenchymate pulmonum putrefacta sint.

*Quæ causa , quòd tabidis nonnunquam
pedes intumescant , imò &
hydrops exoriatur ?*

Praxis quotidiana docet , tabidis tandem pedes intumescere : quorum tumor plerunque est hydropis subsecutus prodromus. Causam nonnulli rejiciunt in crebrum dulcium rerum usum : v. g. Syruporum, Electuaria, Eclegmatum, Tabellarum, potuum &c. quæ dulcia tabidis ordinantur propter eam, ut materia bronchijs pulmonum inhærens expectorari queat. Ajunt enim, rerum dulcium hepar esse appetentissimum, sed illi nocere plurimum, præsertim calidiori, quoniam ab eo vertuntur in bilem : bilis crassior hepatis ductus obstruit, perspirationem arcet : calorem quasi suffocat : quò suffocato & obruto, bona *diætæ* fieri non potest. Loco igitur boni sanguinis gignitur crudus & aquosus, qui ad pedes delatus non assimilatur. Relinquitur ergo : & quia ob diætam novus semper generatur, fit, ut ex illius copiâ pedes, ad quos ob gravitatem & decubitus loci delabatur, intumescant : & digitis pressi foveas, sive vestigia concipiant. Quæ sententia nihil habet absurdi. Verum cum non omnibus tabidis dulcia sapiant, neque omnes illis largiter & crebro utantur, alia inquirenda causa videtur. Est autem illa debilitas nativi caloris, quam peperit febris : quæ spiritus dissipat, & unâ cum illis etiam per accidens calorem ipsum enervat. Hoc enervato, concoctiones vitiantur : ex quibus postea crudi aquosique humores nascuntur : qui partim per ductus manifestos, partim per occultos in abdomen sese insinuant, & asciten causantur, vel etiam in totum corpus diffunduntur, & universale illud totius corporis œdema efficiunt : quod anasarca, aut leucoplegmatis nomine venit : malum æquè magnum ac *phlogis* ipsa : ex quo pauci convalescere solent : præsertim cum dyspnœa vehementer urget : ut urgere solet duplici de causa : I. propter obstructas pulmonum

num fistulas ab excrementis , quæ ex eorum ulcere resultant.
 II. Propter aquas in fistulas illas per cæcos & abditos cuniculos sese insinuantes : quæ tussim postea excitant , quam *Hippocras. aphor. 35. sect. 6.* malam pronunciat : & *aphor. 47. s. 7.* scribit , si hydropicum habeat , illum esse ἀνέλπιδον , desperatum & nullam spem superesse , ut convalescere queat.

Utrum omnes phthisici difficultate respirationis laborent ?

Nullus videtur esse posse tabidus , qui non dyspnœam quandam patiatur : aliàs minorem , scilicet pro magnitudine & parvitate causa. Causa verò triplex est. I. Imbecillitas pulmonis & thoracis , qui liberè se movere non potest. II. Ob sanie , pus , pituitam , & sorder alias , quibus referta sunt illius bronchia. III. Ob calorem febrilem quem phthisici perpetuò sentiunt. Obruit enim calorem nativum , & negotium illi facessit : imò ventilationem prohibet. Quibus causis quarta addi potest , defluxio , quæ sit à capite. Hæc enim tabidis frequens est , & angustiam atque oppilationem fistularum pulmonum auget.

Qua causa , quòd φθίσις potissimum Adolescentes & Juvenes cor- ripiat ?

Hippocrates scribit , φθίσιν inter alios morbos familiarem esse τοῖς νεανίσκοις , adolescentibus , *aphor. 29. sect. 3.* & *aphor. 9. s. 5.* docet , tabem iis maximè ætatibus accidere , quæ sunt ab anno 18. usque ad annum 25. *Galenus in comm. aphor. 29. sect. 3.* dicit , adolescentes non per se ætatis ratione , sed per accidens pluribus corripi ægritudinibus , scilicet ob vitæ intemperantiam. Monet enim *Hippocr. aphor. 32. sect. 2.* Senes magnam partem Juvenibus minùs ærotare. Percuti enim adolescentes , contundi , salire , vociferari , refrigerare.

frigerari, humi cubare, repleti. Non igitur propter ætatis infirmitatem, sed propter vitæ incontinentiam pluries ægrotare quàm senes. Potest tamen præter errores quos in diætâ committunt plurimos etiam interna tabis causa dari in Adolescentibus, qui tales esse incipiunt ab anno 18. & desinunt anno 25. itemque in Juvenibus, qui tales esse judicantur ab anno ætatis 25. & finiunt anno 35. quoniam ambo abundant sanguine: ambo sanguinem alunt fervidum: ambo etiam actiores mordacioresque humores suo in corpore colligunt. Hinc fit, ut vasa in illis ob distensionem rumantur, vel aperiantur, vel corrodantur. Corrosi autem pulmonum vas & substantiâ, phthisis incidit.

Quo pacto suppressio mensum in mulieribus, & hæmorrhoidum in viris tabem producant?

Hippocr. l. 2. præorhet. in medio ferè scribit, mulieribus quandòque ob menses suppressos tabem contingere, & minimè superstites manere. Et *aphor. 12. sect. 6.* asserit, nisi ex diuturnis hæmorrhoidibus una quæpiam aperta servetur, periculum hydropis, aut tabis imminere. Quæritur ergò, quo id modo eveniat? R. Id fieri propterea, quia si sanguis superflus, quem Natura evacuare in more positum habet, per loca consueta effluere nequit, ad alia se confert, & qui antea naturaliter erat κατάρροον, fit ἀνάρροον, seseque tum ad loca alia, tum etiam ad pulmonum vasa convertit, eaque vel aperit, & dirumpit, ex quo sanguis emanat, qui lapsus in pulmonum substantiam putrescit, acrimoniam acquirit, eaque tenerum & delicatum pulmonem corrodit, ulcusque parit, quod postea & febris lenta, & consumptio totius corporis sequitur. Nisi enim menstruus sanguis per locum ordinarium & Naturæ consuetum exitum habeat, ad extraordinarium repit: & frequenter ad nares. Unde dicit *Hippocrates aphor. 33. sect. 5.* suppressum menstruum quandòque ad nares se conferre, & ex iis emanare cum fructu mulierum:

rum : quoniam defectum menstrui compenſat. Et *aphor.* 39. *ſect.* 5. ſcribit, menſtrum deficiens quandoque ad mammas abire, & in illis lac generare, idque non ſolum in puerperis & prægnantibus, ſed etiam interdum in illis, quæ extrâ puerperium & graviditatem ſunt conſtitutæ.

An pleuritidem, peripneumoniam & anginam Φθίσις ſequatur ?

Non ſemper. Fieri enim poteſt, ut hi affectus diſcutiantur & digerantur : aut ſi ſuppurentur, accidere poteſt, ut pus per os, alvum, aut urinæ ductus egeratur. Quodſi tamen ſuppurentur, neque pus maturè evacuetur, empyema ſequi ſolet : quod niſi tempeſtivè excernatur, in *φθίſιν* tranſit. Sic enim *Hippocr.* de pleuritide *aphor.* 8. *ſect.* 5. Qui pleuritide laborant, niſi intrâ dies 14. ſupernè repurgentur, iis in empyema mali fit translatio. Empyema autem in tabernâ tranſit, niſi intrâ dies 40. per ſuperiora expurgetur ; eodem ibidem *aphor.* 15. authore. Quodd autem anginam etiam ſequi poſſit *φθίſις*, ex *aphor.* 10. *ſect.* 5. probari poſſe videtur. Inquit enim *Hippocr.* Quibus ex angina in pulmonem mali fit converſio, eos intrâ dies 7. mori ; ſi verò hos effugerint, purulentos evadere. Jam ſi pus in thoracis cavitate maneat, aut etiam in bronchijs pulmonum, ad quæ à faucibus, aut larynge eſt derivatum, perſeveret diutiùs, tùm pulmonum ſubſtantiam, tùm illorum vaſa corrodere ſolet, acrius ſcilicet mordaciusque factum. Tale autem fieri poſſe, oſtendunt abſceſſus, qui ſuppuratas ſequuntur phlegmonas. Nam non ſolum pus in illis contentum, ſua quantitate & copiâ abſceſſum diſtendendo, ſed etiam ſuâ acri mordacique qualitate corro-
dendo rumpere conſuevit.

*Utrum ἀιμόπλιςιν neceſſariò Φθίſις
excipiat ?*

Nequaquam. Experientia enim docuit, quosdam ſanguinem

Nn

guinem extussisse, neque tamen *phlegma* subsecutam esse. Non autem sequitur, sanguis expectoratur, vase aliquo rupto, vel aperto: neque aliquid illius in pulmonibus remanet. Sequitur autem, cum sanguinis aliquid extravasati in pulmone remanet, & putrescit. Sic enim temporis progressu pulmonem, ob acredinem quam acquisivit, corrodit & ulcerat, tabemque gignit.

*Quam ob causam facile in tabem incidunt,
qui uvulâ, sive columellâ sunt
privati?*

Particula hæc varias sortita est nomenclaturas. Vocatur à Græcis γαργαρίων, *xiôn*, *xiôis*, & σαυλή: à Latinis uvula, columna, columella, & Gurgulio. Gargareon, forsân à sono, qui gargarizatu editur. Columella, quasi parva columna, ob longitudinem & rotunditatem. Uvula, quodd elongata in fine uvæ acinum referat: quamvis vox ista etiam affectum ipsum denotet. Gurgulio, ut *Isidoro* placet, à gutture: vel, ut alii volunt, à Græca voce γέργυρ, quæ collum apud recentiores Græcos significat. Usus ejus volunt esse, ut frigiditatem aëris temperet, ne ita frigidus in pulmones irruat, eosque offendant.

Ad *quæsitum autem* ex hoc usu respondet *Aphrodisæus* l. 2. *problem.* 3. quamdiù uvula gutturis tegumentum extat, inspiratus aër, qui frigidus, ab uvulæ calore temperatur, ne integris viribus ad pulmones deferatur. Eâ verò vel amputatâ, vel quovis alio modo ablatâ, scil. erosâ, putrescât, aër inspiratus integris viribus ad pulmones pervenit, illos refrigerat, sanguinemque in vasis eorum contentum incrassat, & pulmones in motu tardiores reddit. Cum autem pulmones per vim moveri enitantur, sanguinis conceptacula rumpuntur: quo facto, *phlegma* occasio præbetur.

Cur

*Cur Avicenna l. 3. Can. fen. 10. tract. 4.
cap. 20. dicat eos, quibus pectus est stri-
ctum, sive angustum atque depressum, col-
lum oblongum, scapulæ alarum in mo-
dum prominentes, & caput, quod facile
impletur, quodque debile est, & prom-
ptè alienas suscipit superfluitates,
ad phthisin pronos procli-
vesque esse?*

Videtur Avicenna hæc prognostica desumpsisse ex Hip-
pocrate & Galeno. Hippocr. l. 3. Epidem. f. 3. quæ est de con-
stitut. temporis pestilentis circa finem ait, tabidos habere sca-
pulas alarum more prominentes. Idemq; repetit Gal. comm. 1.
in lib. 1. Epidem. §. 18. inquit τῶν φθισάντων veteres Medicos
appellasse, qui phthisi, quam etiam phthisi vocabant, sunt oppor-
tuni: quales sunt, qui aded sunt angusto, & restricto thorace,
ut scapulæ tactæ à tergo in morem alarum promineant. Quo
nomine etiam πτερυγιάδες, quasi alatos nuncupant. Præterea
quibus caput facile impletur, quodque ad organa respirato-
ria multas demittit destillationes. Tales enim promptè in ph-
thisi incidunt. Causa verò, cur quibus pectus est angustum
atque depressum, phthisi sint obnoxii, esse videtur, quoniam
pulmones angusto loco coerciti liberè moveri non possunt:
quo fit, ut facilè corruptantur, & flaccescant. Talibus et-
iam, inquit Galen. loco allegato propter visceris angustiam
& infirmitatem sæpè vas aliquod in pulmone rumpitur. Qui-
bus autem caput est debile, is id facile impletur; facile quo-
que superfluitates aliundè accipit: easque postea ad pulmo-
nem demittit, eumque si acres sint, promptè exulcerat. Cur
verò τῶν φθισάντων alati videantur ratione prominentium scapu-
larum, Galenus non exponit. Serapio autem tractat. 2. c. 27.

Nn 2

qui

qui & ipse tria hæc vitia proclivitatæ ad *phth* indicia esse dicit, scilicet pectus angustum, collum oblongum, & scapulas instar alarum elevatas, arbitratur, causam esse, quia eorum pectus sit strictum cavitæ carens. Necesse igitur esse, ut & scapulæ illorum strictæ sint, à carne denudatæ. *Quomodo autem longitudo colli hominem ad phth inclinare significet*, etiam obscurum est. Causa forsan est, quia per longum collum, & consequenter per longam asperam arteriam difficilius & majori cum conatu ejiciuntur ea, quæ ex pectore & fistulis pulmonum ejicienda sunt. Manent igitur, corrumpuntur, & accumulantur, tandemque pulmones lædunt.

Quam ob causam Autumnus tabidis noxius judicetur?

Hippocrates *lib. 3. aphor. 10.* apertè scribit, Autumnum phthificis esse noxium. *Lib. 2. Proverbes.* dicit phthificos autumnali interire tempore, quemadmodum & alios plerosque, qui chronicis morbis laborarunt. Denique *Lib. 6. Epidem. sect. 7.* repetit, quod docuit *aphor. 10. sect. 3.* Insuper & istud addit, quod vernum quoque tempus phthificis sit inimicum præsertim ea illius parte, qua fici folia cornicis pedibus sunt similia, h. e. Veris initio. *phth* quoque inter morbos autumnales recenset, *aphor. 22. sect. 3.* Oportet ergo ad singula respondere, & primùm causam dare, cur Autumnus tabidis sit adversus? *Galenus in comm. aph. 10. sect. 3.* monet, nos non posse conjectari, quos *Hippocrates phthificos*, tabidos intelligat: eosné, quibus pulmo est exulceratus, an in genere omnes, qui consumuntur & colliguescunt. Subdita, autem nrisque Autumnum esse contrarium: idque propterea, quia siccus est, frigidus, & inæqualis. At frigidum omne ulceribus mordax esse scribit *aphor. 20. sect. 5.* Siccitas Autumni tabidos, qui jam antè arefacti, magis siccant. Inæqualitas Autumni variis modis hominem afficit, cerebrum maximè, quod quia frigidum, humidum, laxum, molle, debile est, ideoque præ cæteris partibus ab aëris injuriis offendi solet: præsertim

fertim ab illius frigiditate, quæ destillationes parit, non raro *phlogos* causas, maximè si fuerint salæ & acres. Tales enim pulmones corrodunt: & tùm *phlogos* pariunt, tùm genitam jam foveant, imò & augment. Hùc accedit, quòd Autumnus corpus humanum excipiat ab æstu præcedentis temporis fractum & enervatum: magnamque caloris nativi jacturam perpeffum; non solùm, quòd is à calore æstivo fuerit evocatus, sed etiam vehementer ob largiorem potum, frequentem fructuum horæorum, olerum & acetariorum esum diminutus. Quo fit, ut non solùm tabidis, sed etiam somnibus iis, qui chronicos sustinuerunt morbos, Autumnus sit noxius. Vitæ enim principiis, calori & humori, siccitate & frigiditate sua est contrarius.

Quæsitum fuit secundo loco, cur etiam tempus vernum tabidis sit adversum. Moriuntur enim tabidi & cum folia decidunt, h. e. in Autumno: & cùm iterùm germinant, nimirùm tempore verno. *æ*. Ver proptereà tabidis noxium esse, quia humores in capite præcedente hyeme collectos quasi fundit & liquat caliditate suà tepidà. Unde evenit, ut ad pulmones subiectasque partes alias decendant, ulcusque pulmonum partim foveant, partim etiam augeant. Hanc ob causam scribit *Hippocr. aphor. 20. sect. 3.* Verno tempore præter cæteras affectiones contingete etiam gravedines, destillationes & tusses.

Tertiò quæsitum, cur *Hippocrates* tabem inter morbos autumnales recensuerit, *Galen. in comm.* respondet, Autumnum eos præcipuè in tabem præcipitare, qui tabidam naði sunt dispositionem: idque facere frigiditate, siccitate & inæqualitate suà. Addit & humorum pravitatem, qui æstivo tempore ob frigidum potum, esum fructuum, & caloris diminutionem collecti. Ab his enim causis pulmo jam antè ad tabem dispositus faciliè offenditur: & cumprimis à frigiditate: à qua ipsum quoque cerebrum plurimùm læditur, refrigeratur, malè concoquit, cruditates parit: quæ postea subiectis partibus, & præcipuè etiam pulmoni faciliè communicantur.

An omnium phthysicorum anhelitus graviter oleat, & pro signo phthisicus sit habendus?

Uni signo fidendum non est, si de præsentia phthisicus judicandum, sed sumenda multa. Nam si quis sæpè tussiat, difficulter respiret, varia expuat, in principio cruenta, in progressu purulenta, palleat, vividumque colorem amiserit, perpetuò febricitet, lentè toto corpore extenuetur, sudet crebrò, & inde debilitetur, patiatur quoque capillorum defluvium, unguium incurvationem, pedum tumorem, alvi profluvium, fætores oris, nonnunquam etiam portionem aliquam putridi pulmonis expuat, nemo dubitare potest, quin absoluta & consummata adsit phthisis. Verùm hinc quaeritur, *an omnium phthysicorum halitus fateat?* Hippocras, *aphor. 11. sect. 5.* videtur tueri affirmativam. Lethalia enim signa in phthysi dicit esse tria: graveolentiam sputi carbonibus injecti: capillorum defluvium, & alvi profluvium: *aphor. allegato, & aphor. 12. & 14. sect. 5.* Et ratio videtur consentire: quoniam in phthisi est ulcus pulmonum. In omni ulcere adest quædam putredo. Putredinis autem soboles est fætor. Idem Hippocr. in *prognostico* dicit, pus esse optimum, quod album, quod modicè crassum, quod in colore & consistentiâ æquale, quod læve, quod denique quàm minimè fætet. Apparet ergò, etiam optimum pus habere aliquid fætoris, verùm quàm minimum. Si hoc, habebit etiam omne pulmonum ulcus aliquid fætoris, & consequenter etiam halitus malè faciet olerè: præsertim cùm sit in loco humido, & putredini obnoxio. Respondendum ergò ad quaesitum, graveolentiæ certos esse gradus: & majorem quidem esse, quo major in ulcere ejusque excrementis, sanie scilicet, pure, & sorde, est putredo: minorem verò, quò putredo est remissior. Maximam verò, si pulmonum substantia sit putrefacta.

Cur

*Cur si pus tabidorum carbonibus injectum
olet graviter, signum sit lethale,
in partibus verò aliis non
item?*

Ratio diversitatis est, quia fœtor puris in tabidis ostendit, pulmonis viscus putredine laborare: cujus fœtor vitæ principio, cordi, communicatur, unâ cum putridis halitibus, à quibus accenditur febris, ab hac corpus totum extenuatur, vires debilitantur, à pure bronchia pulmonum opilantur, & respiratio, sine qua vivere non licet, fit difficilior, donec tandem phthisicus prorsus suffocetur. Pus, & puris graveolentia, præsertim in vulneribus & ulceribus parrium externarum, aut etiam internarum, non proindè tamen ut pulmonum, quoniam usus & officium noctu & interdù, usque ad extremum vitæ halitum, singulis prope modum momentis, requiritur.

*An graveolentia oris, sputum cruentum,
corporis extenuatio, febris symptomatice,
tussis perseverans, capillorum deflu-
vium, certa sint signa, quòd ho-
mo sit phthisi affectus?*

Sunt quidem signa, sed non sunt ταμείρια. Etenim graveolentia oris plures alias habet causas, quàm ulcus pulmonum. Similiter & ἀιμολυσις, sputatio cruenta, tussis, itemque corporis extenuatio, & capillorum defluvium. Collectivè & universa sumpta fiximè de præsentia tabis testantur: distributivè autem & singula non item.

Quo-

Quomodo dignoscantur phlegma & pus, quando à tabidis expuuntur ?

Oportet ambo in aquam calidam, aut salſam, aut ſi haberi queat, marinam conjicere. Tunc enim apparebit, phlegma, quia flatuoſum eſt ſupernatare, pus autem quia flatibus caret, ſubſidere, & petere fundum. Pus quoque agitatum facile diſſolvitur, pituita verò à capite delapſa, & in thorace collecta, ob ſui lentorem diſſolvi tam facile nequit.

An pus phthiſicorum tantum ſæteat, an verò etiam reliqui humores ?

Quando putrefacti ſunt, aut putido in loco continentur, aut per putidas partes feruntur, æquè ſætere ſolent, ac humores reliqui. Teſtantur hoc primùm urina, quæ in putridis febribus, aut veſicâ, renibusve exulceratis continentur, vel ſaltem per has partes tranſeunt, graviter olent. Idem dici poteſt de *ſanguine* in ſynocha putrida: idem etiam *pituita*, quæ vel in capite, vel in bronchijs pulmonum, vel in ventriculo, vel in inteſtinis, vel in utero diutiùs fuit immorata, corrupta & putrefacta. Idem de *lochijs* puerperarum: idem de *fluxu mulierum* albo: idem de *humore aſtrabiliario* in cancro exulcerato, & ſcorbuto. Hi quippe humores omnes, quando computruerunt, graviter olere ſolent. Putredinis enim ſoboles ſætor eſt: id quod & fruges, & olera, & fructus, & carnes, & corpora alia, præſertim quæ humida ſunt, cùm putredinem contraxerunt, declarant.

Quæ ſint cauſa, ob quos tabidi mori- antur ?

De internis cauſis quæſtio eſt. Ex verò ſequentes dari poſſunt. I. *Eſt repletio bronchiorum pulmonis*, quæ fit à
pure,

pute, sanie, aliisque sordibus, in ulcere tabidorum cumulat, quæ faciunt, ut respiratio intercipiatur, & tabidi suffocentur. II. *Triplex substantia*, solidæ, humidæ, & spirituosæ consumptio, quam febris phthicalis, quæ perpetuò adest, efficit, quoniam putridi halitus cordi jugiter per venam arteriosam, & arteriam venosam communicantur. Hac autem consumptâ, vires dejiuntur, quibus deperditis, ætuum est de vita. III. *Quia symptomata* tabidis superveniunt: quæ & ipsa vires demoliuntur: nimirum inappetentia, diarrhœa, vigilæ, tussis crebra, sudores diaphoretici, summa inquietudo,

Quæ causa sit, quòd quidam phthifici multis annis supervivant?

Apud *Schenckium l. 2. observat. 143.* leguntur exempla phthisorum, qui annis 8. 23. & 28. *phthor* laborârunt. Quæritur ergò haud immeritò, quì fieri possit, ut tantò temporis spatiò vivant, cùm constet, phthificos perpetuò febricitare, languere, consumi, crebrâ tussi fatigari, vigiles sæpè insomnesque noctes traducere, pati alia, quæ stamina vitæ maturè abrumperè posse videntur? *Respondetur* hujus rei causas esse posse varias. I. *Pulmonem ipsum*, qui interventu mediastini in duas est divisus partes, quæ ambæ non semper sunt exulceratæ. Ideòque licet una sit læsa, altera tamen suum facere potest officium; & est pulmo viscus maximum, quod totum tam citò consumi & putrescere nequit. II. *Siccitas loci*, in quo phthifici degunt. Scribit enim *Matthæus de Gradibus cap. 54. comm. in 9. Rhafis* pistoris uxorem *phthor* laborâsse annis plusquàm 28. quòd clibano frequentissimè adstrisisset, cùm panes conficerentur. Et *Galenus lib. 5. meth. med.* phthificos remittebat ad *Tabias*, locum montosum & siccum: hocque medio efficiebat, ut diutius viverent. *Potest autem apud nos* quoque siccus parari aër ignibus & suffitibus ex ejusmodi rebus, quæ vim siccandi habent: Thure nimirum, Mastiche, Succino, Styrace, Benzoino &c. III. *Mundificatio diligens & sedula ulceru pulmonum, quæ medi-*

camentis abstergendi & mundificandi virtute præditis instituitur. IV. *Bona diata in 6.* rebus non naturalibus appellatis, quæ in debitâ quantitate, convenienti qualitate & opportuno tempore consistit. V. *Fuga causarum*, quæ phthisin generare valent. Cujusmodi v. g. sunt defluxiones capitis, vociferationes, tibiæ inflationes, contusiones thoracis, &c. VI. *Crusta ulceri inducta*. Induci autem potest à crassa, lenta viscosaque materia, quæ à calore cordis ac pulmonum resiccata. Crustâ autem inductâ, & sanie expurgatâ, vapores putridi non ita facilè cordi communicari queunt. Quare definit aliquandiù febris, præsertim si etiam refrigerans adhibeatur tum victus, tum pharmacia, obortâ tamen tussis ulcus dilaceratur, crusta removetur, febris redit, quæ corpus consumit, triplicem illius substantiam depascitur, quò fit, ut mors tandem obrepât.

Cur phthisis morbus sit gravis, periculosus & lethalis? Item an sit morbus magnus?

Duabus potissimùm de causis. I. Propter ulcus pulmonum. II. Propter affectus, qui ulcus consequuntur. Ulcus enim pulmonum, præsertim si sit profundum ac diuturnum est incurabile. Causæ jam fuerunt expositæ. Nam pulmo est in continuo motu. Est *locus humidus* valdè, ob sanguinis copiam, & situm, quia capiti est subditus, à quo sæpius defluxiones fiunt. *Medicamenta* ægrè ad illum perveniunt. *Adjunt* contrariæ indicationes quibus difficulter satisfieri potest. Nam ratione ulceris requiruntur medicamenta siccantia: ratione verò febris humectantia. *Tussis adeest* assidua, quæ consolidationem impedit. *Cor compatitur*, quod principium vitæ est. Compati ostendit febris, & languor totius corporis. *Ratione affectuum* adjunctorum periculum augetur. Febris enim totum corpus consumit: actionesque omnium partium offendit: *dyspnœa* urget: *vigilia* siccant & emaciant: *diarrhœa* tandem supervenit, sicut & *sudor*: quæ vacua-

vacuationes corpus magis enervant, quoniam spiritus caloremque dissipant. Quod eadem phthisis etiam magnus sit morbus, probatur ex requisitis morbi magni. *Occupat enim pulmonem*, non quidem unam ex partibus principalibus, attamen ex albo earum, quæ ob respirationem summè sit necessaria ad vitæ continuationem. *Plurimum à statu naturali recessit*: quoniam pulmonis substantiam corrumpit. *Plurima habet symptomata*: febrem, maciem, languorem, vigilias, sudores, diarrhœam, pedum tumorem, κατὰ κράτος.

An lac phthisicis conveniat ?

Videtur prima fronte quòd non. I. *Quia tabidi* febricitant. At febricitantibus *Hippocr. aphor. 64. §. 5.* usui lactis interdicat. II. *Quia propter febrem & siccitatem* sunt sicculosi; sed talibus idem *Hippocras.* ibidem lactis usum dissuadet. III. *Quia lac humectat.* Verùm humectantia prohibet tabidorum ulcus pulmonum: quod siccantia postulat. IV. *Quia tabidorum* ventriculus debilis est atque infirmus. At in tali ventriculo lac promptè corrumpitur, acescit etiam & coagulatur.

Verùm lactis usum legitimum idem ibidem concedit. Opus enim abstersione, consolidatione, nutritione, & quidem per ejusmodi alimentum, quod facillè coquitur, quod citò distribuitur, quod bonum gignit succum, quod libenter à plerisque assumitur. At lac hæc omnia præstat. Etenim ratione serosæ substantiæ ulcus pulmonum abstergit & mundificat: ratione butyrosæ nutrit: ratione caseosæ glutinat & consolidat. Est enim corpus *εἰσρογνῆς*, licet quoad visum videatur *ὀμογνῆς* esse. Præterea facillè coquitur: probum succum gignit: citò distribuitur: libenter assumitur: auctore *Galeno l. 5. meth. med. c. 12.* Sed addit, corpus debere esse purum: subditq; veteres tabidis præscripsisse *lac muliebre*, ex adstante sanâ muliere emulctum: hocque eorum institutum valdè probat. I. *Quia homini familiare est*, utpote ex specie eâdem petitur. II. *Quia ab ambiente aëre alteratum.* Hinc monet, etiam alia lactis genera, simulac

ex adstantibus multa sunt animalibus, & adhuc calent, bibenda esse. Addendum autem esse mel, ne in ventriculo coaguletur. Injiciendum verò sal, ut ocyus ad alvum descendat. Idem *Galen. l. 10. meth. med. c. 11.* etiam hectica laborantibus lac consulit, & maxime asininum: quia & serosius, & tenuius, & consequenter etiam frigidius humidiusque existit. Propterea etiam minus in stomacho coagulat: celerius quoque distribuitur, magisque hecticorum corpus squalidum refrigerat atque humectat, & etiam alit. Quia tamen ipsum quoque caseosam habet substantiam, quam multò minus, quam vaccinum aut ovillum, *Galenus* ne coëat, pauxillum salis, aut mellis illi admiscet. *Præcipit* insuper ibidem, ut hecticis præbeatur recentissimè multum. Quo nomine veteres asinam benè habitam probèque nutritam ad ægri lectum ducere solebant, ut lac minimè alteratum illi propinarent. *Nostrates Præfici* etiam lac muliebre commendant, tanquam id, quod naturæ nostri corporis maxime est cognatum. Post illud celebrant asininum, quoniam tenuius, est & serosius, hocque ad abstergendum ulcus magis idoneum. Ab Asinino proximum est caprinum: ab hoc ovillum, quod caprino est crassius. Crassissimum est vaccinum: quod ad alendum & consolidandum prioribus est efficacius, magisque nutrit. Loco mellis aut salis lacti admiscet saccharum. Volunt cum *Galeno*, ut stomachus sit purificatus prius. Alioquin faciliè in illo acefcit & corrumpitur. Præcipiunt, ut ea in quantitate offeratur, quæ benè ferri & faciliè concoqui possit à ventriculo. Ideoque incipiendum à quantitate minori, paulatimque ascendendum ad majorem, quò Natura illi assuescat. Nam quod sit paulatim, tutò sit, inquit *Hippocr. aphor. § 1. f. 2.* Exhiberi volunt lac initio semel tantum in die, deinde bis, manè ac vesperi. Post lactis assumptionem monent non dormiendum esse, sed corpus leviter movendum, ut citius distribuat. Cibus non statim capiendum: multoque minus vinum superbibendum. Sic enim promptè coagulat. Quodsi adsit *cephalalgia*, abstinendum ab eo esse *Hippocras. aphor. 64. sect. 5.* monet: quia flatuosum est, ait *Galenus in comm.* & ob id capitis dolorem auget.

auget. Obellè quoque scribit *Hippocras*. febricitantibus acutè : quoniam impurum eorum est corpus , & propterea facilè in illis corrumpitur. Corruptur autem dupliciter, inquit *Galen*. A forti enim calore in nidorem abit. A paulo citò acescit. Probat hoc exemplo. Nam si recenter emulctum fortiter elixetur, nidorescit : si in loco aliquo collocatur frigido , acescit, nunc citiùs , nunc tardiùs. Sic in sanis, si non benè concoquatur, in quibusdam acescit , in aliis autem nidorescit. In ventriculo quidem frigidiorè acorem acquirit : in calidiorè verò nidorem. Benè verò concoctum probè nutrit , & bonos facit humores. Idem *Hippocras* ibidem recusat etiam lactis potum illis, quibus *hypochondria* sunt suspensa , h. e. inflata & flatuosa ; & non tantùm quibus illa à flatibus sunt elevata, verùm etiam à causa alia : v. g. ab inflammatione , erysipelate, prædura tumore, aut abscessu, qui nondum in hypochondriis disruptus. Nam si lac etiam in sanis capiti dolorem adfert , & hypochondria inflat inquit *Galenus*, mirum non est, si idem faciat in iis, qui jam ipso actu caput dolent, vel suspensa habent hypochondria. Nocet lac, ait idem *Hippocras*. ibid. etiam illis, quibus *hypochondria* sunt διαβερεστικὰ, murmurantia. Hæc autem inquit *Galen*. alia sunt ab inflatis, atque distentis. Nam flatuosa quidem ac ventosa & hæc sunt, sed major est offensio, si hypochondria sint distenta : minor si tantùm murmurant. Sed tamen his quoque lac est inutile, quoniam in illis acescit. Serum autem lactis sale & melle conditum *Galen*. talibus plurimis se exhibuisse profitetur, & quidem cum iuvamine, eò quodd alvum subdlexerit. Obest præterea lac *sicciculosus*. Tales autem vel naturâ sunt sitibundi, quales sunt *πικρέχολοι* : vel occasione aliâ : v. g. ob febrem, & res calefacientes & siccantes, nimirum vel cibos, vel potus, vel medicamenta, vel aërem canicularem, vel vehementia corporis exercitia, vel vacuationes immodicas, vel balnea, vel vigiliæ &c. In naturis calidis in nidorem vertitur. In febricitantibus corrumpitur. In biliosis mutatur in bilem, hancque auget. In vacuatis & suprâ modum refrigeratis vacuationis causâ acescit. Convenit verò tabidis, affirmat *Hippocras*.

erat. ibid. propter rationes allatas, quoniam est *ρῦπτικὸν*, *κολη-
λτικὸν*, *διαγωγητικὸν*, *ἐπικαραυστικὸν* & *ὕγραντικὸν* : ut *suprà*
dictum.

Ad primam verò objectionem contrà lactis usum in *φθίσει*
allatam, respondetur, *Hippocrat.* lac vetare in febribus acutis,
at non in lentis, quales sunt phthisicales. In his utile est
& salutare ob rationes expostas : etiam *Hippocrate* assertore
loc. cit.

Ad secundam. Tabidi non sitiunt, ut acutè febrientes,
in quibus sitis causa est potentior. Et adsunt causæ urgen-
tiores, ob quas lac offerendum, non omittendum.

Ad tertiam. Contrariæ quidem in *φθίσει* sunt indica-
tiones, sed utrisque satisfaciendum, siccantibus ratione ul-
ceris, & humectantibus ratione febris & siccitatis. Ita ergò
temperanda sunt remedia, ut dùm uni indicationi satisfacere
studemus, alteram non prorsùs negligamus.

Ad quartam. Corruptio lactis in debili stomacho pro-
hibetur, si is priùs purificetur. Coagulatio autem impedi-
tur, si lacti vel sal, vel mel, vel saccharum admisceatur.
Ventriculus debiliior roboretur, si à lactis potu *σομαχικόν* ali-
quod assumatur : v. g. cort. Citr. condit. Nux moschata con-
dita, Calamus aromat. condit. Tabul. arom. rosat. &c.

An tabidis vinum sit conducibile ?

Videtur non convenire propter febrim. Verùm ha-
benda ratio est vini, ætatis, virium, consuetudinis, anni
temporis, regionis &c. Vinum meracum propter allatam ra-
tionem conducibile non est. Vinum autem *ἐλαγροσφρόν* nihil
nocet : præsertim si æger sit senex, si vino assuetus, si hy-
ems adsit, si in frigida regione degat, si vires sint debiles, si
ventriculus infirmus, ut decocta non facilè ferat. Dandum
enim aliquid est & tempori, & regioni, & ætati, & consue-
tudini in victùratione, ait *Hippocr. aphor. 17. sect. 1.* Quodsi
æger sit juvenis, sit mediocribus adhuc viribus præditus, ha-
beatque ventriculum ita comparatum, ut vino carere queat,
vino interdiciendum : ejusque loco Decoctum parandum ex
Hordeo,

Hordeo, Passulis, Glycyrrhiza, rad. Polypod. quercini, Jujubis, Fœniculi seminibus, Ficubus. Aut emulsio Amygdal. dulc. Nucleor. Pineorum & Pistachiorum cum eodem Decocto præparandum. Offerendum & melicratum, Dari quoque potest cerevisia hordeacea probè cocta & defæcata.]

Utrum tabidis caro cochlearum sit salubris?

Affirmant multi, hac moti ratione, quoniam propter crassitiem substantiæ ulcus pulmonum consolidare potest: & propter lentorem alendis partibus tenaciter adhærere, validèque nutrire. Verùm si propter crassitiem & lentorem tabidis salubris esset, sequeretur. etiam multa alia æquè crassa ac lenta tabidis conducere, ut caro bubula, cervina, leporina, ova dura, extremitates brutorum, caseus, carnes infumate. Carnem autem istam minimè conferre ex eo constat, quia est δύσπεπτος, καχύμῳ, αλγιστέρα. At tabidi requirunt alimentum, quod facilè concoquatur, quod boni sit succi, quod citò nutriat, & velociter in corpus distribuatur. Debiles enim sunt, & emaciati. Proinde alimentum hisce virtutibus præditum postulant. Quodd autem cochlearum caro sit καχύμῳ, ex eo constat, quia multum glutinosæ impuræque substantiæ sibi habet adjunctum: quia limum & virus quoddam sapit. quia cochleæ hyeme in cavernis: æstate in nemoribus, lucis, vepribus, vinetis, & fruticetis, locis udis, opacis, palustribus & lacustribus degunt: quò sanè nomine earum caro probè esse succi nullo modo potest. Quodd verò eadem sit δύσπεπτος, inde liquet, qui dura est, lenta & glutinosa. Frustrà igitur glandes offeruntur tabidis, cùm suppetant fruges. Considerandus est eorum calor, qui languet, perpendendus stomachus, qui est infirmus: in memoriam revocandus sanguis & spiritus, qui pauci: ponderandæ vires, quæ prostratæ. Ideò, quæ non crassa, lenta, viscosa, dyspepta, αλγιστέρα, & καχύμῳ edulia ipsis exhibenda sunt, sed omninò hisce contraria.

Quod

Quodnam ferculi genus tabidis sit utilissimum & saluberrimum ?

Videtur ptisana. Habebant autem veteres ptisanam geminam, simplicem & compositam. Illa erat cremor, jus, succus, sive lac Hordei decorticati & in purissima aqua cocti : modum parandi docet *Galen. l. 1. de alim. facult. c. 9. & l. de ptissan. cap. 4.* Hæc præter cremorem hordei habebat aceti momentum, olei exiguum, salis parùm, & aliquando etiam Anethi, aut Porri paucillum : quemadmodum idem *l. 1. al. facult. c. 9.* docet. *Galen. c. 7. l. de bonis. & vit. succorum, ptisanam,* quæ probè ex optimo Hordeo, optimaque aqua cocta, cibum inter cerealia semina optimi succi pronunciat. Et *Hippocr. l. de vict. acut.* non procul à principio eam frumentaceis gustamentis in acutis ægitudinibus præferendam judicat. *Galen. in comm.* scribit, eam refrigerare, humectare, alere, vires instaurare, faciliè concoqui, citò in corpus distribui, alvum laxare.

Nostræ culinæ ptisanam parant itidem duplicem. Prior veterum ptissanæ viribus proxima videtur. Paratur hoc modo. Sumitur Hordeum decorticatum, à sordibus repurgatum, probèque ablutum aquâ : id tandiù in aquâ coquitur, donec mucilaginem in aquam deponat, quæ postea aufertur, & cum brodio carniû, caponum, aut gallinarum denuò ad pulcillæ consistentiam percoquitur, additurque in fine decoctionis tantum salis, aut sacchari, quantum palato arridet. *Poerior mensis nostris est usitator, sicq; conficitur.* I. Hordeum à sordibus & quisquiliis repurgatur. II. Calidâ aquâ abluatur. III. Aliâ in aquâ horis aliquot, dùm diffiliat, & mucilaginem edat, coquitur. IV. Hoc pacto coctum unâ cum mucilagine in vas foraminibus pervium conjicitur, & frigida aqua effunditur, ut omnis transcoletur mucus. Tandem Hordeum denuò in carniû brodio ad justam consistentiam crassiorem, subtilioremve elixatur, & sale ac Petroselinò, interdùm & paucò Aceto conditur. *Hæc pulmenta refrigerant, humectant, abstergant, probè alunt, faciliè coquuntur, citò distribuuntur, bonum succum generant, vires fovent, alvum movent : quæ facultates tabidis omnibus utiles sunt & necessariæ,*

*Quot modis vox empyematis accipiatur?
quid propriè sit? qui dicantur ἐμπύοι
& ἐμπύκτοι: & an semper empye-
ma inflammationi suc-
cedat?*

Empyematis vox triplicem apud Artis Medicæ Proceres habet significationem. *Primam* generalissimam, qua pro quavis puris collectione, in quacunque etiam corporis parte sive externa, sive interna facta fuerit, accipitur. *Secundam* specialiozem, qua pro ea solùm puris collectione usurpatur, quæ in internis facta est visceribus. *Tertiam* specialissimam, qua ea purulentæ materiæ coacervatio indigitatur, quæ in cavo thoracis spatio, inter costas & pulmones observatur. Quæ significatio non modò hodiè est usitatissima, verùm etiam priscis celebrata temporibus: ut videre est apud Hippocr. aphor. 8. 10. & 15. sect. 5. & aphor. 27. sect. 6. Itemque apud Galen. in lib. de tumorib. c. 3. Aded, ut ἐμπύμα nil sit aliud, quàm puris in cavitate thoracis collectio. Hinc ἐμπύοι & ἐμπύκτοι vocantur, qui hoc vitio laborant, & πύον, h. e. pus collectum habent in cavitate thoracis: & id quidem vel in utroque, vel alterutro solùm illius latere. Ratio est: quoniam thorax interventu mediastini in duas divisus est partes: sicut & pulmo ipse. Unde fit, ut & in uno solùm latere pus colligi possit: & pulmo quoque vel in dextra, vel in sinistra sui parte lædi. *Succedit autem empyema frequenter admodum angina: pleuritis, peripneumonia:* ut patet ex aphor. 8. 10. & 15. sect. 5. Aliquando etiam vulnera thoracis sequitur, quando suppurantur, & pus in cavitatem thoracis destillat. Nam quando purulenta materia neque per asperam arteriam, neque per urinæ ductus, neque per alvum evacuatur, sed manet in thorace, tunc empyema fieri solet: quod cognoscitur ex gravitate pectoris, tussi, prægressis affectibus modò commemoratis, feбри, quæ

levis, continua, languida, & hectica, fluctuatione, si æger in alterutrum latus se convolvat, sputamine purulento: ex sensu gravitatis in imo thoracis ad diaphragma, quando æger est surrectus, quoniam pus etiam eo se confert. Ab angina & peripneumonia videtur empyema fieri in utroque latere. A pleuritide autem in alterutro duntaxat; nempe in eo, quod dolore est vexatum. *Idem evenire etiam* solet in vulnere, siquidem vel in dextro solum, vel tantum in sinistro latere thorax sit sauciatus. Latus empyemate affectum cognoscitur, quia gravius est, & calidius. Decubitus in latus ægrum facilior est: quia pus costis incumbit. In sanum difficilis. Sentit enim æger onus incumbere pectori. Unde & tussis exurgit, & angustia magis premit, estque respiratio laboriosior. Empyema non semper sese per tussim & sputamina exonerat, excussione facta per asperam arteriam in os: sed interdum etiam per occultos meatus in alvum, intestina, & vesicam subit: aliquando etiam ad cutem erumpit, sibi que foras viam uno pluribusve ulceribus aperit.

Si queratur, an empyema semper inflammationem, quæ suppurata, consequatur, respondetur, non semper. Consequitur quidem frequenter pleuritidem, peripneumoniam, anginam, vulnera thoracis, quæ suppurantur, & pus postmodum in cavitatem thoracis illabitur; sed potest etiam empyema accidere sine prævia partium thoracis suppuratione: quod fit, quando sanguis è vasis suis in cavum thoracis effusus, ibique detentus putrescit & in pus mutatur.

Quæri autem posset, an catarrhi illi in ventrem superiorum, h. e. in thoracem facti, quos Hippocr. aphor. 38. sect. 7. intra dies 20. ἔκτρωσθαι, ad suppurationem pervenire dicit, verum inibi empyema generent? Respondetur, si Hippocrat. per catarrhos illos intelligat sanguineos, qui tamen sunt rarissimi, fieri posse, ut suppurentur, & empyema efficiant. At si catarrhos inaudiat pituitosos, aut aquosos & serosos, empyema ex illis minimè fieri videtur: quia in verum pus verti nequeunt. Concoquuntur autem & crassiores evadunt, & quia in substantiam quandam albam mutantur, quæ ratione calo,

coloris & consistentiæ puri similis est , forsitan pus ab Hippocræ. appellantur. Tale empyema ex pituita in thorace putrefacta finxit quoque *Aëtium tetrab. 3. Sæmon. 1. c. 65.* Ait enim se novisse quosdam citra febrim empyicos factos , ex seroso , aut pituitoso humore ex reliquo corpore in vacuum thoracis delapso & ibique putrefacto. Verùm empyem est improprie dictum , sed quiddam empyemati ἀνάλογον.

Ad quod genus affectuum p. n. referendum sit empyema?

Affectum p. n. esse lippis & tonsoribus notum est. Reperitur enim tantum in ægrotantibus , & illis plurimum incommodat. *Non esse autem morbum* , exinde liquet , quia ad nullum morbi genus reduci potest. Neque enim intemperies est , sed intemperiem causatur. Nec est vitium in compositione : quoniam neque ad depravatam figuram , neque ad morbos in meatibus & cavitatibus , neque ad superficiem alicujus partis , vel asperam , vel lævem , neque ad auctam diminutamvè magnitudinem , neque ad excedentem aut deficientem numerum . neque ad situm , aut connexionem referri potest. Multò minùs continui solutionis species est , ut omnibus notum. *Quæritur ergo* , an sit species quædam symptomatis ? *æ.* actionem læsam non esse , sed actiones quædam lædere. Non esse mutatam aliquam qualitatem , vel visibilem , vel audibilem , vel olfactilem , vel gustabilem , vel tactilem. *Haber quidem* pus qualitates , quæ sensibus percipiuntur , sed ipsum qualitas non est. Et licet empyema fiat per modum excreationis , ipsum tamen per se & formaliter excretio non est , sed collectio puris , aliunde ad thoracis cavum transmissi. Sequitur enim aliquando anginam , pleuritidem , peripneumoniam , vulnus thoracis , aut effusionem sanguinis in vasis propriis in cavitate thoracis , in qua postea putrescit , & in pus vertitur. *Relinquitur ergo* causam esse : & quidem metiò : quoniam & *dyspnœiam* , & *tussim* , & aliquando *phlegmæ* & *febrim* , & *maciem* ac consumptionem to-

tius corporis , & *malum faciei* colorem , & symptomata alia excitat.

Videri posset , morbum esse in numero excedente , quia aliquid thoraci est additum , quod tamen abesse deberet. Verum , si omne id , quod partibus p. n. est additum , morbus esset , tunc omnes causæ , quæ in , & extrà vasa continentur , sive sint humores , sive vapores , sive fuligines , sive vermes , sive calculi , sive aliud aliquid , morbi forent : & sic affectus isti inter se confunderentur. *Videri quoque posset* , empyema esse vitium in cavitate. Sed respondetur , ipsum cavitatem vel coarctatam , vel obstructam non esse , potiùs quandam causam , quæ cavitatem impleat , præsertim , cùm valdè copiosum est pus.

Utrum empyema semper sit cum febris conjunctum ? qualis illa sit febris : & in quem affectum tandem empyema transeat ?

Quemadmodum *phlog* , semper associata febris est : idque ob putridos illos halitus , qui ab ulcere pulmonis prodeunt , cordique communicantur : sic multo magis empyemati semper adjuncta esse videtur febris , quoniam major copia puris in cavitate thoracis collecta cernitur , quàm in ulcere pulmonis. Ut ergò tetri putridiq; halitus à pure ulcerati pulmonis exurgunt , ita & ex eo pure , quod in thorace consistit , similes erumpunt , cordique communicati febrem accendunt. Est verò febris *ista putrida* , quia ex simili materia nata. Est & *lenta* , sicut & illa , quæ cum *phlog* copulata. Est etiam *continua* , quia cor continuè à putridis feritur halitibus , quod ex pulsu facillè cognoscitur : suas tamen exacerbationes habet , & ut *Practicu* videtur , noctù magis , quàm interdiù. *Hinc Hipp. l. 3. de morbu* : in laterum morbis dolores ferè leviores sunt interdiù , quàm noctu. Causa non in partum vespertinum rejicienda est : quoniam interdiù febris ista etiam deberet esse asperior , quia non tantùm cœnamus ,

mus, sed etiam prandemus. Causa forsitan est, quoniam non dormimus, calor per se concentratur, intusque fortior est, & augetur quoque ob tegumenta, quibus corpus velatur. Ideoque febrilis calor augetur, ac ob id febris est evidentior.

Ceterum empyema in duos potissimum affectus transit: in *phlogon* & in hecticam *μαλασμήν*. Primum confirmat Hippocras. aphor. 15. sect. 5. ubi docet, quod qui ex pleuritide empyi fiunt, si à ruptione empyematis intra dies 40. repurgentur, liberentur, alioquin in *phlogon* transeant. Ratio est, quoniam quod diutius pus in cavitate thoracis stabulatur, eò fit deterius & putridum foetidumque magis. Acquirunt etiam acrimoniam, qua postea pulmonem erodit atque exulcerat. Posterius probat experientia, quæ testatur, quod nisi purulenta empyematis materia vel *ano*, vel *nafo*, scil. per os, aut vesicam & alvum excernatur, empyici tandem, ob febrim, qua perpetuò detinentur, corporis substantiam depascentem, ita consumantur & exsiccentur, ut viva quasi sceleta facta videantur.

An empyema in uno duntaxat latere esse possit, altero illaeso?

Omnino. Sic enim docet *avrofia* in defunctis, qui sunt aperti. Sic & ratio suadet, quoniam thorax unà cum pulmone in duas partes, dextram & sinistram, est divisus, beneficio mediaſtini. Et natura omnia ferè membra fecit, ut Aristotel. loquitur 3. part. animal. c. 7. *Siquis*, bifida, ne uno læso, alterum statim unà lædatur, sed dimidium saltem actionis servetur. Et vulnere uni duntaxat lateri inflicto, unum solum afficitur, sique aut pus, aut sanguis inde in cavitatem thoracis defluat, empyema in uno solum nascitur.

Quot modis purulenta materia ex pectore educatur, & quaeductio sit optabilior?

Practici ajunt, pus educi posse dupliciter: insensibiliter per *διαπόρνησιν*, adhibitis medicamentis, quæ digerendi discutientique facultate pollent: & sensibiliter: idque modis quatuor. I. *per spumam*, oblatiis pharmacis, quæ vim habent incidendi & abstergendi, qualia ex simplicibus sunt, *Rad. Helenii, Irid. Gentian. Scill. & Aristolochiz. Herb. Hyssop. Marrub. Capill. Ven. Veron. Scabios. Fl. Acac. Sem. Anis. Fœnic.* Ex compositis, *Syrup. Hyssop. Marrub. Capill. Ven. Veron. Scabios. Oxym. simpl. & Scyllitic. Lochsan. Loch ad asthma &c.* II. *per παραπόρνησιν*, perforato thorace, si scil. tanta puris copia in thorace collecta sit, ut per alias vias sufficienter evacuari nequeat: indeque summa urgeat dispnoea, & metus suffocationis immineat. III. *per urinam ductum*, quem vacuandi modum ipsa quandoque Natura in pleuriticis nobis ostendit. IV. *per alvum*, qui modus & ab ipsa quoque Natura interdum monstratur. Insensibilis quidem vacuatio per fomenta, emplastra, cataplasmata, decocta *Sassafr. Chin. Sarzæ, & Guajaci* tentari potest: vix tamen illam sperare licet, ob *crassitatem, lentorem, copiam, & fixum* purulentam materiam.

Si jam rogetur, quænam vacuandi puris ratio sit optabilior? *æ.* ea, quæ fit per urinam & alvum. Ratio est duplex: *Vna*, quia pus per has vias educitur citius & expeditius, *Altera*, quoniam fit minori cum periculo. Nam quamvis pus per multas transeat partes, priusquam ad vesicam & alvum perveniat, tamen quia in illis non manet, sed critico quodam motu, qui velox esse solet, per illas fertur, intermedias partes haud magnoperè lædere creditur. Contrà expectoratio, quæ fit per asperam arteriam, *fit lentè*, paulatim ac pedetentim, & fit *cum molestia* ac quodam dolore, quia hoc modo pus non nisi cum tussi, & quidem crebrâ, sæpius etiam

iam ob crassitiem & lentorem puris difficili ac laboriosa, adeo ut ægrotanti requiem eripiat nocturnam; *item* quia interea temporis pulmonum substantia à pure moram in thorace trahente facile corrumpitur, & *phlogiston* minatur, Παρακίνησις, sive sectione, sive unctione peragatur, & dolorosa est, & ægris plerisque *abominabilis*, ita quoque comparata, ut nisi æger tussiat, pus per factum foramen thoracis educi nequeat: quæ tamen tussis laboranti est valdè molesta, debilibus etiam impossibilis: quia valida esse tenetur, præsertim si pus sit crassum, aut glutinosum. Huc accedit, quod parùm admodum per foramen factum educatur.

*Qua causa, quòd Hippocrat. dicat aphor.
27. sect. 6. si in empyemate post factam
paracentesin pus αἰσῶς effluerit, ο-
μνινὸ moriantur?*

Hippocrat. ubiq; quod est αἰσῶς, immodicum, improbat: quod verò paulatim & pedentim fit, laudat. Expressus hac de re extat textus *aphorism. 51. sect. 2.* Licet autem pus quiddam sit præter naturam, tamen cùm unà cum eo multum & caloris & spirituum facta paracentesi in thorace exhalet, manifestum est, vires deficere, & deficientibus animæ præcipuis organis, qualia sunt spiritus & calor, animam quoque à corpore separari. Et hoc non tantùm fit, in hac puris evacuatione immodica, sed etiam in cæteris omnibus, per quancunque tandem viam illæ instituantur, sive per os, sive per alvum, sive per venas hæmorrhoidales, sive per urinæ ductus, sive per vasa uterina, sive per spiracula cutis.

*Cur si empyicis post unctionem aut sectionem
purum & album pus effluat, bonum
sit signum: si verò subcruentum,
factu-*

*faculentumque & fœtidum exeat,
malum, ?*

Est hæc Hippocrat. sententia *aphor. 44. sect. 7.* Ratio est : quia pus colore album , substantiâ purum , consistentiâ mediocriter crassum , odore quàm minimè fœtidum , æquale item per omnia , & coloris & consistentiæ ratione , pus optimum ab Hippocrate in *prognosticis* pronuntiatur , duplici procul dubio nomine. I. Ratione *materia* , quæ morigera est & obediens , non prorsus mala. II. Ratione *causa efficiens* , nimirum caloris , qui vegetus est , & materiam probe concoquit. Pus autem suberuentum , faculentumque & fœtidum , utroque nomine pravum est : quoniam materia ejus valdè est vitiosa , quæ meliorationem non admittit : calor verò debilior est , quàm ut illam vincere , & ad meliorem statum reducere valeat. Utrumque autem pus , si in aquam conjiciatur tepidam , aut calidam , fundum petit ob gravitatem : phlegmatica verò materia supernatat , quia flatulenta. Et hoc modo , quoniam phlegma coloris ratione puri simile est , quia album , pus & phlegma inter se distinguuntur.

*An thorace vulnerato , ita ut vulnus in
cavitatem ejus penetret , pusq; in eam
delabatur , nec tamen per vulnus
rursus egrediatur , necessario
empyema sequatur ?*

Pus empyicorum per foramen vulneris infligendi interdum evacuari nequit , I. ob sui crassitiem : II. ob sui lentorem & viscositatem. III. ob foraminis angustiam. IV. ob imbecillitatem ægri non potentis validè satis tussire. Ut enim pus egrediatur per vulnus , tussi opus est. *Iam queritur , si hoc accadat , & pus maneat in cavitate , an necessario ager fiat*

fiat empyicu? n. non fieri demum talem, sed jam ipso actu factum esse: cum dictum sit sæpius, empyema nihil aliud esse, quam puris collectionem in cavitate thoracis. *sed obicitur*, hoc necessarium non esse ut empyema fiat: quia Natura pus concoquere potest & consumere. Verum, si pus sit paucum & tenue, concedi forsitan istud posset. At si crassum, lentum & glutinosum, insuper & in quantitate copiosum, haud videtur fieri posse, ut coquatur & prorsus absumatur. Experientia enim contrarium monstrat.

*Utrum in curatione empyematis indicatio
sumenda sit à febris, an ab ipso
empyemate?*

Respondetur, non negligendam quidem hoc in affectu febrem esse. I. Quia ægrum tandem plane exiccat, & demolitur. II. Quia vires omnes prostermit, maximè vitales: sed tamen potiorem habendam esse symptomatis rationem. I. Quia sine ejus curatione febris curari nunquam potest. II. Quia febris ab eo, tanquam effectus à sua causa dependet. At rationalis & dogmatica cura requirit, ut causæ ante omnia occurratur. Proinde, ut purulenta materia è thorace eliminetur, Medici omnem movent lapidem, & siquidem pus fuerit crassum lentumque, incidentibus & attenuantibus, postea etiam abstergentibus utuntur syrupis, electuariis, eclegmatibus, tabellis &c.

*An empyicis lactis usus sit condu-
cibilis?*

Negativa videtur prima fronte probabilior. I. Quia lac febris ratione, quæ empyemati semper affidet, nocet. In febricitantibus enim facile corrumpitur. II. Quia crassitie sua videtur pus incrassare, & id ad expectorationem reddere difficilius. Verum lac bonæ notæ, & præcipuè caprillum, quod

quod vaccino & ovillo serosius est & tenuius, salutare empyicis est medicamentum & alimentum. *Medicamentum* quidem, quoniam ratione serosæ substantiæ pus abstergit, & expectorationem promovet. Hoc quidem magis faceret asininum. Verùm cùm nostrates ferè ab illo abhorreant, caprillum eligere solemus. *Alimentum* verò, quia probè nutrit, facilè concoquitur, citò distribuitur, & gratum acceptumque est edulium. Potest lacti addi vel aliquid mellis ad meliorem absterfionem: vel sacchari aut salis, ob eandem causam, & ne facilè in ventriculo coaguletur.

*Utrum necessariò phthisici vel jam sint, vel
demùm futuri sint, qui sanguinem expuunt?*

Sanguis, qui per os ejicitur, à variis prodit partibus: nimirum à gingivis, lingua, faucibus, aspera arteria, pulmone, thoracè, ventriculo, in quem aliquando hepar & lien se exonerare consueverunt. Qui prodit à gingivis, palato, & lingua, simpliciter expuitur. Qui ab aspera arteria, tussicula excernitur. Qui à thoracè & pulmonibus, tussi evacuatur. Qui à ventriculo, evomitur. Ex his liquet, cùm sanguis à tot partibus proficiscatur, illos qui illum expuunt, neque actu, neque potestate ex necessitate phthisicos esse. De sanguine labiorum, gingivarum, linguæ, faucium, asperæ arteriæ, thoracis & ventriculi res est manifesta. Dubitatur solum de sanguine pulmonum. *Respondetur* autem, si sanguis inde prodeat eam solum ob causam, quòd vas aliquod in pulmonibus ob sanguinis abundantiam, aut fervorem & tenuitatem sit apertum, nihilque illius in parenchyma ejus cadat, aut diutius inibi perseveret, sed tussi rejiciatur, hominem neque actu, neque potestate phthisicum ex necessitate esse, aut fieri. At si sanguis tussi evacuetur ob parenchymatis erosionem, aut si sanguinis aliquid ob apertam ruptamve venam hæserit in parenchymate & putrescat, tùm omnino *phthisis* sequi solet. *Primo experientia* comprobat.

probat. Multi enim sanguinem expuerunt, etiam pulmoniacum, qui erat rutilus, splendidus & spumofus, neque tamen tabidi facti sunt. *Posterius* eadem docet verum esse. Unde *Hippoc. aphor. 15. f. 7.* à sanguinis sputo, puris sputum malum: & mox *aphor. 16.* à puris sputo *phthisis* & fluxio: Prius ex abundanti confirmant etiam pleuritici & peripneumoniaci, qui sanguinem extussunt, neque tamen omnes phthisici fiunt.

*An flatus, halitus, sive vapores in vasis colligi queant, eaque disrumpere
& hæmoptysin causari?*

Si, ut *Galen.* docet *l. 2. de cur. rat. ad Glaucon. c. 6.* flatus colligi possunt in omnibus corporis particulis, v. g. in utero, ventriculo, intestinis, musculorum iunctitiis, sub membranis eorum, & ossium periostis; sub membranis viscerum, sub cerebri meningibus, in cavitatibus abdominis, vesicæ, auribus &c. quidni & in venis? cum in illis debilis sit calor, ob membranosam naturam; sæpe etiam crudi & phlegmatici humores, ut venæ sectiones ostendunt, in illis contineantur: non raro quoque admodum turgeant, non solum ob contentorum humorum copiam, sed etiam vaporum. Cum igitur & efficiens & materia, & locus generationis in venis sese offerat, haud dubitandum videtur de halituum in venis collectione.

An verò halitus isti tantorum in venis sint virium, ut illas disrumpere, & hæmoptysin causari valeant, non immerito ambigi potest. Certum aliàs est, vapores & halitus partes quasdam in insignem elevare posse tumorem, & distendendo etiam acerbos parere cruciatus. Testantur hoc *ἐμπνεύματος*, inflationes imi ventris in tympanite, uteri, ventriculi, intestinorum, musculorum in spasmo flatulento; crurum maximè & manuum, partiumque aliarum. Quanta halitibus inclusis vis insit, monstrant conitrua, venti, terræ motus, dispositiones tormentorum bellicorum, sclopetorum &

racicas? *℞.* hoc facere eas condensando , contrahendo , sic-
cādo , & indurando venas , thoracicas imprimis , quoniam
impensè frigidus aër in inspiratione ad eas facillè concedit.
Venæ autem ubi fuerint condensatæ , constrictæ , & indura-
tæ , faciunt , ut sanguis minùs transpiret. Magis igitur ve-
næ implentur & distenduntur. Distentæ non ita cedunt , ac
si molles essent. Ideoque facillè rumpuntur. Unde *aiub-*
atus.

*Cur sanguis pulmonum sit spumofus ? Et
an omnis sanguis , qui à pulmonibus
prodit , necessariò sit spu-
mosus ?*

Ad primum quæsitum respondetur, sanguinem pulmonum
spumofum esse tribus de causis. I. Quia spirituosus , te-
nuis & subtilis est. II. Quia in loco calido situs. III. Quo-
niam situs in loco , qui noctù & interdù movetur. *Morum*
enim spumam excitare , ostendunt *fluctus marini* , *aqua mari-*
na ad scopulos allisa , *mare ventu agitatum* , *epileptici* , quo-
rum os ob totius corporis agitationem spumam emittit , *apri*
cùm à canibus & venatoribus urgentur. *Calorem* ejusdem
causam esse , probant brodia carniū igni admota , equi ve-
hementer ab infessoribus & equitibus exerciti. *Spiritus* &
flatus eandem efficere monstrant liquores flatulenti , & spiri-
tuosi , quando moventur , & è vase in vas effunduntur. Adhæc
cerevisia , cùm transvasatur. Aqua item , cui sâpo admistus.
Nam dùm agitur vel manibus , vel baculo , spumosa fit
admodùm : ut videre est , quando lotrices collaria , strophio-
la , indusia , vittas &c. lavant. *Ad secundum* , authores viden-
tur inter se dissentire. *Hippocr. aphor. 13. sect. 5.* ait , qui spu-
mantem sanguinem extussiunt , iis à pulmonibus educitur.
Contrà ait *Galen. aphor. eodem* , non ex necessitate sangui-
nem extussiri spumofum. Vidisse enim se tùm lapsos ab alto ,
tùm ab equis calcitratos , tùm in palæstrâ percussos , sangui-

nem plurimum, optimeque coloratum expuisse, & quidem sine tussi, sine dolore, nimirum ob vas in pulmone ruptum. Nos propter rationes adductas credimus, sanguinem, qui extussitur, semper habere aliquid spumæ: sed non semper totum spumofum esse. Plurimum spumæ habere illum, qui prodit à vulnerato, vel ulcerato pulmonum parenchymate: minùs qui illaeso eo ab arteriis illius emanat. Quando igitur *Galen.* negat, pulmonum sanguinem spumofum esse semper, negat totum esse talem: sed non negat, aliquid spumæ illi permistum esse.

Quomodo sanguinis pulmoniaci rejectio à thoracici differat?

Qui prodit à pulmone, copiosus est, propter vasorum amplitudinem. *Tenuis* est & subtilis, quia cardiacus. *Spumofus* est, ob loci calorem & motum. Adhæc ob spiritus sanguini permistos. *Sine dolore* ejicitur tussi: quia pulmo ut viscera alia, vel nullum, vel exiguum sensum habet. *Contrario* se modo habet sanguis thoracicus. *Paucus* est, ob vasorum exilitatem. *Crassior* est, quia venosus. *Spumofus* non est, quoniam tantus calor in eo non est, quantus in pulmone. Magna enim ex parte osseus est, cartilagineus & membranofus. *Tussi* quidem excernitur, sed cum aliquo dolore conjunctus, quia thorax est sensibilis ob membranas. Est etiam *nigrior* illius sanguis, quoniam venosus.

Cur αιμόπτυσις, qua fit à thorace, minùs periculosa sit, quàm qua facta à pulmone?

Rationes sunt sequentes. I. Quia vasa thoracis minora sunt, quàm pulmonis, quæ sunt amplissima, vena sc. arteriosa & arteria venosa. Ex quo consequitur, plus sanguinis, & quidem spirituosius, inde effluere, quàm ex venis thoracis. II. Quia

Quia sanguis, qui prodit à thorace, faciliè delabatur in thoracis cavitatem, & inde etiam faciliùs educitur, minusque metuenda vel *πλησιον*, vel empyema: cùm sanguis pulmonum inibi detineatur sæpè, putrescat, acrimoniam acquirat, & pulmonis substantiam corrodat, III. Quia motus pulmonis major est, quàm pectoris. Unde minùs etiam illius vasa consolidantur. IV. Quoniam thorax ob multos musculos est carnosus. Ex quo etiam vulnera ejus faciliùs & citiùs consolidantur.

*Quam ob causam Juvenes magis sint
αιμοπτύσει obnoxii, quàm seniores
& adulti?*

Causa prima est sanguinis abundantia, quæ venas vel aperit, vel rumpit. II. Ejusdem fervor. Est enim biliosus, qui calidus, acer, tenuis & subtilis. III. Errores, quos juvenes committunt, clamando, currendo, palastram exercendo, inebriando se, pilam majorem & minorem tractando, &c. Incontinens enim hæc ætas est: unde & pluribus corripitur morbis, quàm senes: non, ut *Galen. in comm.* monet, ob ætatis & complexionis infirmitatem, sed vitæ intemperantiam. Juvenes autem esse *αιμοπτύσει* obnoxios, docet *Hippocrat. aphor. 29. sect. 3.* Neque solum *αιμοπτύσει*, sed etiam *πλησιον*, ejus prodromus sæpiùs esse solet *αιμόπλυσις*: juxta *aphor. 15. sect. 7.* à sanguinis sputo puris expunitio: & *aphor. 16. sect. 7.* à puris sputo *πλησιον* & *ρύσις*, fluxio, hoc est alvi profluvium, aut capillorum defluvium: quorum utrumque in tabe est lethale: secundùm *aphorism. 11. 12. & 14. s. s.*

An viri, an verò fœmina hamoptysi frequentius laborent?

Fœminæ videntur frequentius hoc affectionis genere laborare. I. Quia sanguine abundant, II. Quia is, qui menstrua

menstruus, sæpè supprimitur. Remeat ergò fursùm, & au-
ctus cumulatiùs, venas vel aperit, vel tumpit, vel erodit, si-
quidem diù retentus fuerit, putrefactus & acrior redditus.
Virorum quidem sanguis calidior est, tenuior, & acrior.
Hinc ob calorem aperit, attenuatque: ob arimoniam corro-
dit: ob tenuitatem facilè penetrat. Ideoque etiam in cau-
sa est αἱμοπύρεως: sed minùs frequenter quàm in mulieri-
bus. In his enim magis abundat sanguis: & quia sæpè sup-
primitur, sæpè etiam corrumpitur, & plurimorum morbo-
rum causa existit.

An omnis sanguinis excretio toto genere praternaturam dicenda sit?

Excretiones καὶ ἰξογὴν naturales tantùm, fiunt in cor-
poribus sanis: & naturales dicuntur καὶ ἰξογὴν, quia omnia
naturalium excretionum requisita habent. I. Ratione *cau-
se efficientis* quæ est natura, seu facultas expultrix. II. Ra-
tione *materia*, quæ est naturalissima: ut est urina, fæces
alvi, sudor, pituita cerebri & pulmonum, menses, hæmorr-
hoides. III. Ratione *quantitativ*, si modicè, non enor-
miter fiant. IV. Ratione *qualitativ*, si neque in consisten-
tia, neque in odore, neque in colore peccent. V. Ratio-
ne *loci*, si à natura instituantur per loca consueta & usitata.
VI. Ratione *effectus*, quoniam fiunt cum εὐφορίᾳ, & ad conser-
vationem sanitatis.

Fiunt autem in ægris etiam naturales excretiones, si non
ratione materiæ excretæ, saltem ratione naturæ expellentis,
& si per loca ordinaria, in quantitate moderata, cum εὐφ-
ορίᾳ ægri fiant. Tales excretiones sunt criticæ, quæ fiunt ma-
teria concocta in morbi vigore, ad salutem decumbentis. Sym-
ptomatiæ verò excretiones, quæ accidunt in morbi princi-
pio, materia adhuc existente cruda, vi morbi, h. e. causæ
morbificæ, sua quantitate naturam gravantis, aut qualita-
te eam irritantis & stimulantis, prorsùs sunt praternaturales
& ratione *materia*, & ratione *causa moventi*: interdùm et-
iam

iam ratione *quantitativæ*, *qualitativæ*, & *loci*, per quem fiunt.

Hæ præmissa ad quæsitum responderi posset in utramque partem. Nam quod excretionēs sanguinæ sint præternaturæ¹, exinde probari posse videtur: quoniam sanguis dicitur vitæ thesaurus, naturæ dilectus filius, commune omnium partium alimentum, fomentum caloris, succus naturæ familiarissimus; materia spirituum, lactis, & seminis, adeoque & ad conservationem individui, & propagationem speciei summè necessarius. Illius ergo excretio p.n. esse videtur. Hinc videmus, cathartica reliquos educere posse humores, pituitosos, melancholicos, biliosos, & serosos, solum sanguinem non posse: propterea quod tanquam pretiosus thesaurus à natura retineatur. Hinc sanguinis expositio in adolescentibus malum: *aphor. 29. sect. 3.* si per os rejiciatur, malum, *aph. 25. f. 4.* Sanguinis mictio mala, *aph. 81. f. 4.*

Contrà quod sanguinis vacationes non sint p.n. sed naturales planè, utiles ac salutares, ex eo constat. I. Quia mulieribus singulis mensibus menstrua fluunt cum bono corporis: idque ex naturæ præscripto. II. Quia sanguis quibusdam viris & mulieribus per venas hæmorrhoidales vacuatur, & quidem magno cum emolumento. Hinc extant aphorismi Hippocrati. Menstruus deficientibus accidunt morbi aphor. 57. f. 5. Qui hæmorrhoidales habent, neque pleuritide, neque peripneumonia, neque phagædena, neque furunculis, neque tuberculis terebinthi figuram habentibus corripuntur, fortassis autem neque lepra, fortassis etiam neque vitiliginibus. Multi autem intempestivè curati, talibus haud tardè tentati sunt, & sic perniciosæ fuerunt l. 6. Epidem. f. 3. Capite dolenti, & vehementer laboranti si pus, vel aqua, vel sanguis per nates, aut os, aut aures effluat, morbi fit solutio: aphor. 10. sect. 6. Melancholicis & nephriticis hæmorrhoides supervenientes, bono sunt: aphor. 11. sect. 6. Insaniis si varices, aut hæmorrhoides supervenerint, insanis fit

R r

solu-

solutio : *aphor. 21. sect. 6. Mulieri menstruū* p. n. deficientibus , sanguis ē naribus profluens , bono est , *apb. 33. sect. 5. Qui sanguinem vomunt* , si sine febre accidat , bonum : *aphor. 37. sect. 7. Mulieri sanguinem evomenti* , menstruū e-rumpentibus fit solutio : *aphor. 32. sect. 5. Sanguiniū ē* nari-bus fluor hypochondriorum inflammationes , h. e. jecoris , vel lienis , persanat : Siquidem , ut habet *Galen. in comm. 1. in prognost. h. 32. fluxus fiat κατ' ἰξιν* , non ἀνάπαλιν , re-cto scil. itinere , non contrario. Idem *Galen. l. 7. meth. med. cap. 11.* scribit , in quibusdam fieri solennes & spontaneas vacationes , quibus plethora vel καρχυμία extirpatur , Et de sanguinis quidem vacationibus ait , quod in mulieribus su-perfluum tollat sanguinem *fluxus menstruū* . In quibusdam viris *fluxus hæmorrhoidalū* : in aliis *hæmorrhagia narium* : in aliquibus *vomitus cruentus* : in illis præcipuè , qui intermis-sis exercitiis validioribus , nihilominus consuetæ liberaliori vi-tūs rationi indulgent ; aut aliquo artuum sunt privati ; man-cique ac mutili facti : qui etiam in illam dysenterię spe-ciem incidunt , quæ à *Galeno l. 3. de symptomat. caus. c. 2. αἱματῆρ* vel αἱματῶδης ἢ βλεφῶδης appellari solet.

Decisio quæstionis hac esse videtur. Excretio sanguinis vel Naturæ opus est , vel symptoma. Naturæ opus est in sa-nis & ægris. In sanis , quando superfluus sanguis , qui Na-turam gravat , & nisi evacuetur , morbum parit , per venas uterinas , per venas hæmorrhoidales , per nares , per alvum , per urinæ ductus , per os , cum hominis emolumento & ὑποεία excernitur. In ægris , cū κερτικῶς per loca conferen-tia , in iusta quantitate evacuetur , hominemque à febris sy-nocho , viscerum inflammatione &c. liberat. Utraque au-tem excretio planè naturalis dici potest. Cū enim in sanis & ægris à Natura ipsa instituat , præternaturalis vocari nullo modo debet. Debet autem talis appellari , quæ symptomaticè facta , nullo cum ægri levamine : quoniam spiritus exhausti-endo , & calorem nativum evocando facit , ut vires debiliten-tur. *Præternaturalis* etiam illa sanguinis excretio censenda est ,

est, quæ sit ruptis, vel erosis atque exelis vasis: ab interna, vel externa aliqua causa. Non enim fit à Natura: sed ob continui in vasis solutionem: & id vacuatur, quod retineri in corpore deberet. Quo nomine etiam excretio toto genere p. n. nuncupatur: non quodd sanguis ipse tale quid sit, quodd sit toto genere p. n. sed quodd id, quod est naturalissimum, hominique maximè salutare, ac propterea in corpore manere deberet, effluat.

An sanguinis è pulmone rejectio periculosior sit, quàm aliis ex partibus facta?

Experimur quotidie, sanguinem ex multis fluere locis, naribus, ore, utero, venis hæmorrhoidalibus, intestinis, ductibus urinariis &c. idque vel ob venarum ἀναστροφῆν, vel διαρροὴν καὶ ῥιζίν, vel διασπασίν, vel διαπύδνσιν. Nullam autem bonam esse, si fiat immodicè: quoniam vitæ thesaurus, spirituum, lactis & seminis materia, pabulum nativi caloris ejusque fomentum dissipatur. Periculosior tamen ea illius excretio esse videtur, quæ sit ex pulmone: quoniam spirituosus est, & plerumque in causa, ut phlogis subsequatur, quæ ferè est incurabilis: ob pulmonis assiduum motum: ob tussim, quæ ulcus non sinit consolidari: ob loci humiditatem, quæ ulceris curam impedit: ob contrarietatem indicationum, quæ petuntur à feбри & ulcere: ex quibus illa humectantia, hoc verò siccantia postulat: ob ἀδυναμίαν τῆς διατριπῆς: quia medicamenta ægrè, & parva in quantitate ad pulmones perveniunt.

Sitne omnis sanguinis excretio, qua facta per superiora, mala?

Ajens videtur probari ab Hippocrat. aphor. 25. sect. 4.

Rt 2

Sanguis

Sanguinem, inquit, *qualicumq; sit, supernè offerri, malum: niger* *verò, infernè si deiciatur, bonum.* Per sanguinem, qualiscunq; sit, intelligit *Galen*, omnem, sive crassus sit, sive tenuis, sive rubens, sive flavus, sive niger: quoniam signum est, vas aliquod in superioribus locis vel apertum, vel ruptum, vel exesum esse. Per sanguinem qui supernè evacuat, *Galen*, illum inaudit, qui per nares emittitur. Hic enim locus naturæ est familiaris & consuetus, in sanis pariter atque ægrotis, maximè in crisisibus. Adhæc eum, qui per os educitur, & provenit vel à pulmone, vel à thorace, vel à ventriculo, vel ab hepate, vel à liene. Infrà verò h, e, per venas hæmorrhoidales si niger deiciatur, bonum est: quoniam humor melancholicus expurgatur: cujus evacuatio plurimis affectibus melancholicis & atrabiliaris conducit: v. g. insanix, melancholix, febri quartanæ, scabiei ferinæ, ictero nigro. Est & quædam dysenterix species apud *Galen*. quæ αἱμαλώδης καὶ βλεβώδης appellatur, iis familiaris, quibus solennis & consueta aliqua vacuatio est suppressa, aut qui manci & mutili facti, & tamen sibi usitata diætâ utuntur. Sanguinis igitur abundantiam Natura quandoque per alvum excernit: quæ vacuatio similiter utilis & salutaris, quoniam plethoram, quæ multarum ægitudinum causa est, tollit. Per nates si sanguis emanet, bonum est. Unde *Hippocr. sect. 5. aphor. 33.* Menstruis p. n. deficientibus, sanguis ex naribus fluens, bonum: quoniam quæ superfluitas in mulieribus per venas uterinas vacuari debebat, per venas narium expellitur.

An in αἱμοπτύσει sanguis è brachio, an etiam è talo & poplite, præsertim in mulieribus mittendus sit?

In προφυλάξει, ne αἱμοπτύσει oboriatur, venæ secandæ sunt inferiores, ut sanguis quàm longissimè à pulmone avertatur,

tatur, præsertim si cognitum nobis sit, hominem *αιμορρῶσαι* esse obnoxium. Melius enim est prævenire, quàm præveniri: & præcavere, ne sanguis sursùm repat. In curatione verò, quando sanguis jam affatim ex ore fluit, præsentaneo, prompto & expedito opus est remedio. Ideoque vena brachii tundenda. Nam & hujus incisio sanguinem revellit, & quidem longiùs quàm illarum, quæ longè à loco affecto sunt distitæ. *Licitum tamen est*, etiam post illam primam venæ sectionem incidere venas inferiores, cum primis, quando perspicimus, sanguinem adhuc effluere. Prior enim sectio avertit, quod actu jam affluit, Posterior quod affluxurum est.

Utrum Amylum in αιμορρῶσαι sit con- ducibile?

Amylum ex eo appellatum est, inquit *Dioscorides* l. 2. c. m. 93. quòd sine mola fiat. In officinis vitiosè dicitur amyllum, *Ammeel*. Quomodo paretur, *Dioscorid.* ibidem docet. Nostrates illud eo ferè modo conficiunt, quo *Dioscorides*. Sumunt triticum trimestre, probè à sordibus repurgatum, quantum volunt, conjiciunt id in aquam frigidam puram & limpidam, agitant quotidie, sæpiùs singulis diebus aquam mutando. Post diem quintum, ultima aqua sensim, sine agitatione effunditur: quòd minùs cremor utilis excludatur: & in vase puro asservatur. Post triticum hac in infusione mollificatum tunditur, colaturque per linteum, aut cribrum ex pilis setisvè confectum, semper ultimæ illius effusæ aquæ aliquid affundendo, ut eò faciliùs percoletur. Quod percolatum est, Soli exponitur & siccatur probè. Nam si paulisper maneat udum, acorem concipit. Amylum etiam conficitur ex Zea, eodem *Dioscoride* attestante. Valet contrà fluxiones oculorum, & pustulas cavaque ulcera sanat, foris admotum. Cohibet verò intùs usurpatum sanguinis rejectiones, exasperatas facies lenit. De hac illinitur oculis pars a-

Rr 3 liqua

liqua contrā illorum fluxiones. potu v. datur ad ἀπορρόσιν. Soli autem tusa materia exponitur ferventissimo, ut eō citius sicceat. Alias acorem contrahit. Valet etiam ad faucium asperitatem. In ἀπορρόσει verō confert, quia est emplasticum amyllum, vasa obstruat, humores incrassat, mediocriter sanguinem refrigerat, & acrimoniam obtundit. Parantur ex eo pulicula cum lacte, aqua chalybeata, emulsione amygdalarum dulcium, prissana, addito Saccharo.

Quid sit hydrops thoracis? ubi aqua lateat? unde proveniat? quomodo cognoscatur? & quid efficiat?

Ut in empyemate pus situm est in cavitate thoracis: ita & aqua: unde ὕδρωρ. & ὕδρωρ thoracis nuncupari solet. Sed non solum in cavitate thoracis aqua consistit, verum etiam in fistulis pulmonum. Non tamen semper, nec in quovis subjecto. Nam in hoc aqua illa latet in fistulis pulmonum: in illo in cavitate thoracis: in aliis utrobique: & aut in uno duntaxat latere: aut in alterutro solum: quoniam thorax interventu mediastini diremptus est in duas partes, sicut & pulmo. Aqua verō ista varia est. Aliquando enim limpidā est: interdum pnegmatica: nonnunquam sanguinolenta, quæ loturam carnis recens maculatæ refert. Haud in thorace generatur, sed aliundē ad illum transmittitur: præcipuē in hydropicis, ex abdomine enim per abditos cunicolos se in thoracem insinuat, & tussim excitat, quam Hippocrat. aphor. 35. sect. 6. malam pronuntiat: & aphor. 47. sect. 7. pro deplorato habet hydropicum, si illum tussis habeat: ratio est. quoniam cum suffocare potest aqua, quæ per cæcos ductus in bronchia pulmonum penetravit.

Accidit idem thoracis hydrops etiam illis, quibus hepar aut

aut lien est obstruētus, impurus, aut scirrhus durus. *Fernelius* l. 5. παθολογ. cap. 11. vocat hoc vitium affectionem empyemati finitimam: dicitque, aquam non solum ex abdomine in hydropicis penetrare in thoracem per occultos meatus, sed etiam serosum pituitosumque humorem, eumque tenuem à cerebro in asperam arteriam delabi, inde ad pulmones, & ab his ad cavitatem thoracis.

Cognoscitur autem ex effectis & symptomatibus, quæ producit: licet rarus sit affectus. Adest enim *pectoris gravitas*, ob copiam materiei. Proripitur natura ad *tussim*, ut materia expectoretur. *Tussis* tamen ob materiei tenuitatem sicca est: quia ab impellente spiritu materia dissolvitur, resilitque ad locum unde mota. *Dispnoea* urget, ob compressum diaphragma. *Sonitus* instar aquæ fluctuantis obauditur, cum æger in latere se volvit. *Febris* ut plurimum nulla affligit, ut in empyemate, nisi aqua diutius in thorace fuerit detenta. Tunc enim putrilaginem acquirit. *Facies pallens*, aut livido tincta est colore, ob viscerum impuritatem. *Pedes sæpè tumescunt*, ob aquæ copiam. *Malum est* diuturnum, cognitu difficile, nullisque cedit remediis, ut expertus *Imperator Maximilianus* II, qui hoc vitii genere viginti annis laboravit.

Asthma quot modis accipiatur, & quid sit propriè?

Asthma, Latinis est anhelatio & suspirium. Unde asthmatici anhelatores & suspiriosi vocantur. Triplicem habet apud Autores significationem. I. *Generalissimam*, qua pro quavis difficili respiratione, quacunque de causa orta sit, sive cum febre, sive sine febre existat, accipitur. II. *Specialiorem*. *Galen.* enim scribit *comm. 6. aph. 46.* Medicos *Hippocr.* posteriores asthma nominasse passionem aliquam pectoris diuturnam. Quosdam etiam eam nuncupasse orthopneam

pnciam, cum absque febris ægroti jugiter anhelitum habent
 difficilem & laboriosum. III. *Specialissimam*. Nam cum
 multæ sint spirandi difficultates, inquit *Galen*, loco citato,
Hippocr. solam illam nominare consuevit asthma, in qua cre-
 ber est anhelitus: qualis in illis observatur, qui vehemen-
 ter cucurrerunt, & vehementiora tractarunt exercitia. *Cel-
 sus* addit sonum, à spiritu humorem in pulmone contentum
 dissolventem. *Adeo ut Asthma* specialiter acceptum sit respi-
 ratio densa & frequens, ut æger sine anhelatione respirare
 nequeat: & quidem plerumque febre careat: quæ anhelatio
 ab angustia bronchiorum pulmonis provenit. Pro genere i-
 gitur asthma habet dyspnœam, quæ quamvis spirandi diffi-
 cultatem, à quacunque tandem causa profecta sit, *sive cum
 febre sit conjuncta, sive non: sive continua sit, sive interpo-
 lata, sive in sauis existat*, post vehementem animi aut cor-
 poris commotionem, *sive à causa morbosa*, scil. obstructi-
 va, compressiva, coarctativaque sit progenita in ægris. *Sub
 dyspnœa* continentur orthopnœa, quæ ejusque spirandi est
 difficultas, ut æger non nisi erecta cervice spirare pos-
 sit, & illud suspiriosum, sive sonorum asth-
 ma est, de quo nobis impræsentiarum
 est sermo.

An asthma morbus sit, an symptoma, & à quibus causis proveniat?

Est omninò symptoma, quia læsa actio est respiratoria. Morbus non est, quoniam ad nullum morbi genus reduci potest. Oritur tamen à morbo, sicut & alia symptomata. Is verò morbus est varius, ut plurimum tamen obstructio bronchiorum pulmonis, eorumque coarctatio. *Obstruuntur bronchia à pituita crassa & lenta: à grandinibus, sive calculis: à pure: à sanguinis grumo. Pituita illa frequentissimè delabatur à capite: rarè ab aliis partibus ad pulmones amandatur: rarissimè colligitur in illis: idque propterea, quoniam pulmo phlegmaticæ complexionis non est. Grandines generantur ex pituita lenta & crassa, quando exiccata & indurata est à calore, diuturnitate temporis. Pus procedit à pleuritide, peripneumonia, abscessu, empyemate, vulneribus thoracis in cavitatem ejus cum viscerum læsione penetrantibus. Sanguinis grumi nascuntur, cum est extravasatus, valis apertis, ruptis, exesitis. Bronchia & pulmones ipsi coarctantur à crudo tuberculo, aut vomica, quæ abscessus est pulmonis propria cysti circumdatus. Tradunt & alii causas asthmatis alias: nimirum flatum inferioris ventris, prodeuntes ab intestinis, ventriculo, liene, utero &c. Tumores etiam Epatis ac Lienis. Comprimunt enim liberæ respirationis organum, diaphragma. Addunt quoque siccitatem pulmonum, quæ facit, ut pulmo quasi corrugetur & constringatur. Item pectoris angustiam in gibbosis: cujus ratione gibbosi ferè omnes difficulter respirant. Verùm causas exponunt non in specie asthmatis, sed in genere omnis dyspnœæ, sub qua tamen etiam asthma comprehenditur.*

Utrum asthma oriri queat à pulmonum nimia siccitate?

Videtur prima fronte, pulmonem, utpote membrum
Ss
valdè

valdè sanguineum, & conſequenter humidum admodum, ex-
iccati & areſcieri non poſſe : Verùm à *uileſia* contrarium docet.
Scribit enim *Heurnius de morb. pector. c. 4.* typographo cuidam
pulmonem adedè fuiſſe exiccatum, ut pomum aridum retulerit.
Idemque etiam obſervatur in hectica *μαρμαρδης*, & in metal-
lurgis. Verùm dicendum, ſiccitatem pulmonum facere qui-
dem poſſe diſpnoeam, quod ſatis dilatari ad hauriendum aë-
rem nequeant : at verum aſthma efficere non poſſe : quo-
niam id ſemper à materia aliqua, v. g. pituita, grandine, calcu-
lo, vomica, tuberculo originem trahit.

*Nunquid verum aſthma provenire quo-
que poſſit à tenuibus & ſeroſis hu-
moribus ? itemque à calore
febris ?*

« Aſthma verùm proximam cauſam habet anguſtiam
bronchiorum pulmonis. Anguſtia verò ita non à quacun-
que cauſa ortum ducit. Ratio eſt : quia eſt dyſpnoea non
quævis, ſed anhelosa & diuturna ac curatu difficilis ſine febris,
orta ab obſtructione, vel compreſſione pertinaci. Utramque
autem frequenter admodum efficiunt *humores craſſi* & viſci-
di : itemque *tuberculum* crudum, *vomica* & *grandines*, vel cal-
culi pulmonibus inhzrentes. De ſeroſis & tenuibus humo-
ribus dubitari poſſet, cùm non videantur obſtruere poſſe pul-
monis bronchia. Verùm ſi *copioſi* ſint, & *confeſſim* à capite
ad pulmonem delabantur, aſthmaticos facere poſſe homines,
experientia in catarrho ſuffocativo probat. *Ambigi* etiam poſ-
ſet de calore febrili. Arbitramur, talem reddere quidem
poſſe dyſpnoeam & difficultatem quandam in reſpirando, præ-
ſertim in inſpirando, ob uſus & refrigerii neceſſitatem,
quemadmodum in febris ardenti, ſynocha putrida & non pu-
trida, cæteriſque continuis febribus experimur, ſed verum
aſthma facere non poſſe. cùm calor febrilis per ſe neque
bronchia pulmonum obſtruat, neque illa coarctet atque con-

ſtrin-

stringat. Verum namque & specialiter dictum asthma sequentia habet requisita. I. Quod in ea sit respiratio difficilis. II. Quod respiratio sit anhelosa & cum quodam sono sive stertore conjuncta. III. Quod sit ut plurimum sine febre. IV. Quod vitium sit diuturnum. V. Quod curetur difficile. VI. Quod proficiatur ab obstructione vel compressione bronchiorum pulmonis. Quæ requisita cum in alias dyspnæas, prima excepta, & præsertim in illas, quæ aliquando in febrium intermittentium paroxysmis, præsertim in illorum principiis, accidunt, non cadant, sequitur verè & propriè asthma vocari non posse.

Utrum asthma semper sine febre existat?

Communis quidem multorum est doctrina, abesse ab asthma febrim. Quod quidem *ἀσθμα ἄν τὸ πάλυ* verum esse concedimus : præsertim quando asthma ortum est à *calculis, grandinibus, vomica, tuberculis* arteriis & bronchiis pulmonum adnatis. At cum nata ex pituita, fieri potest, ut eà diutius in bronchiis detentà putredinem concipiat, quæ propter vicinitatem, quæ inter pulmonem & cor intercedit, cor accendere, & sic febrem parere potest - non quidem acutam, attamen mitem & halituosam : idque ob materiæ conditionem, quæ humida est.

Qua causa quod aliud asthma sit continuum, aliud periodicum & interpolatum?

Quotidiana praxis docet, quosdam continuè anhelosos suspiriososque esse : alios duntaxat per intervalla. *Prioris* causa est, quoniam causa semper adest : v. g. aut *vomica*, aut crudum aliquod tuberculum arteriis pulmonum adnatum, aut *pituita* crassa lentaque, aut *grandines* & calculi bronchiis in-

hærentes : aut *jugis* & assidua destillatio à cerebro : aut *pneumonia* & empyemate : *Posteriorum* causa est : quoniam materia paulatim colligitur, & collecta postmodum moveri agitarique incipit. Agitur autem per corporis animive motus. Adhæc per clamores & vociferationes : Item à caliditate & frigiditate aëris : cibis flatulentis : aëre humido & pluvioso.

In quamnam ætatem asthma frequentius cadere soleat?

Hippocrat. aphor. 26. f. 3. asthma recenset inter affectus pueriles. Idem tamen eundem affectum etiam inter ea vitia enumerat, quæ vitis accidunt : *aphor. 30. f. 3.* *Aphorismo ult.* eiusdem *sectionis* dyspnœam, sub qua etiam asthma comprehendendi potest, *senum morbu* adjudicat. Rectè omnia ! Omnes enim istæ ætates asthma sunt obnoxia. *Puerilis* quidem ob defluxiones pituitæ à capite ad bronchia pulmonum. Loquitur enim *Hippocr. aph. 26. f. 3.* de vero asthma, quod interprete *Galeno* crebra est respiratio, qualis accidit currentibus, aut alio quovis modo vehementi agitatæ motione. In his quidem, ait, talis fit respiratio ob exercitium, quodd animal multa ob auctum calorem egeat respiratione. In aliis autem non exercitatis, ob angustiam bronchiorum pulmonis, quæ proficiscitur à repletionem eorum : cui ansam præbuit fluxio facta à capite. *Virilis ætas* asthma ob eandem causam est exposita : quia periude ut juvenilis ob vitæ intemperantiam collecta in cerebro pituitæ copia destillat in bronchia pulmonis jam debilioris. *Omnium* verò frequentissimè asthma corripitur *ætas senilis* : quæ cerebrum habet debile, frigidum, humidum, & quod faciliè à causis externis offenditur. Adde quodd etiam vis expultrix tùm partium aliarum, tùm pulmonis sit infirma, ut collectas excrementitias humiditates, & aliunde etiam exceptas maturè expellere non valeat.

Qua

Qua diei parte asthma potissimum exacerbetur?

In confesso est, 4. esse diei tempora sive partes : matutinum tempus, quod assimilatur veri : meridianum, quod confertur cum æstate : vespertinum, quod autumnum repræsentat : & nocturnum, quod hyemi simile esse dicitur. Notorium quoque est, sanguinem moveri mane : bilem circa meridiem : melancholicam vesperi : pituitam, serum & aquam noctu. Experientia insuper monstrat, morbos rheumaticos, phlegmaticos & serosos plerunque nocturno tempore nobis esse molestiores. Jam cum asthma ex illorum numero sit, qui ex pituita nascuntur, sequitur, id etiam nocturno magis tempore exasperari, quam aliis diei partibus : sive genitum sit ex phlegmate à capite delapso : sive ex illo, quod in pulmone congestum. Utrobique enim moveri & agitari potest noctu.

Quæ causa quòd orthopnoici erecta cervi- ce, sive stent, sive sedeant, melius faci- liusque respirent, quàm si decum- bant, jaceantq; supini?

Orthopnoici per se difficulter respirant propter angustiam meatuum, per quos spiritus duci debet. Ideoque hæc eorum angustia augetur quando supini decumbunt : quoniam thorax ad spinam vergit. Sic enim & pulmo & fistulæ eius comprimuntur, fiuntque angustiores ; unde dyspnœa major. At si vel sedeant, vel erecti stent orthopnoici, thorax minimè concidit. Unde pulmones eorumque vasa minimè coarctantur : & propterea liberior datur spiritui exitus atque ingressus.

An stertor in omni asthma depre- hendatur?

Notorium est, asthmaticos, suspiriosos & anhelosos ita respirare, ut solent, qui vehementius cucurrerunt, aut acriter cum aliis dimicârunt. Verùm, utrùm in omni asthma stertor contingat, haud immeritò quæritur? *Respondetur*, si asthma ortum traxit à vomica, tuberculo crudo, grandinibus aut calculis, stertorem non audiri. Sin profectum sit à crassa lentaque pituita, stertorem in eo esse frequentissimum. Fit enim *πνέξις*, stertor, quando spiritus in expiratione per crassam lentamque pituitam erumpit; aut inspiratione per illam in bronchia ingreditur. Tunc enim in illa eruptione & irruptione pituita crassa viscidaque dissecatur, spiritusque obauditur, quem nostrates *βάσι* *Riehlen* appellant.

Utrùm gibbus fieri possit ex asthma?

Fieri posse indicat *Hippocr. aphor. 46. sect. 6.* *Qui gibbi ex asthma, aut tussi ante pubertatem sunt, statim moriuntur: h. e. citò intereunt.* *Galenus* consentit, & rationem quoque addit. Antè pubertatem enim partes adhuc augentur. At cùm in gibbosis thorax malè sit dispositus, non potest cum corde & pulmone augeri. Cùm igitur ambo viscera in gibbosis augeantur, locus verò illa continens minor sit, necesse est, brevi tempore tantam fieri dyspnœam, ut homo brevi emoriatur. Verùm ratio tantùm datur, cur eiusmodi pueri non diù superstites maneat: sed nondum responsum est ad quæsitum, *an scil. gibbus fieri possit ex asthma ante pubertatem?* *R.* Affirmando. Ratio est: quia qui asthma laborant, vehementer, frequenter etiam tussire coguntur: magna cum thoracis & vertebrae eius commotione: & quidem modis variis: nimirum antroorsum: retroorsum: & in alterutrum latus: præsertim in ætate pue-

rili,

rili, de qua *Hippocrati* sermo est: quoniam articulationes
 in ea laxæ sunt & propter humiditatem molliores quam in
 ætatibus aliis. Asthmatici enim, quando asthma vehemen-
 ter urget, aded ut penè suffocentur, variis modis, medium
 præcipuè ventrem movent, illumque nunc elevant, nunc de-
 primunt, nunc in alterutrum latus contorquent. Unde in
 naturis delicatioribus & mollioribus, quales puerorum sunt,
 vertebræ eius luxari possunt, nunc antrosum, nunc retro-
 sum, nunc in obliquum, modò ita commoventur, ut non am-
 pliùs arctè cohereant, & colligentur. Hinc 4 oriri possunt
 gibbositatis species. I. vocatur *λόρδωσις*, qua, quemadmodum
Galenus *comm. 3. in l. de artic. §. 2.* docet, vertebræ thoracis
 in partem anteriorem luxantur. II. nominatur *κύρσις*, *κύρ-
 σις*, & *ἐπισκύρσις*, estque priori contraria. Nam in illa ver-
 tebræ convertuntur ad partem corporis posteriorem. III. Di-
 citur *σκολίωσις*, quâ vertebræ luxantur in alterutrum latus.
 IV. *Σείσις* nuncupatur: quando vertebræ non quidem loco
 suo motæ sunt, vincula tamen earum, quibus colligantur, ita
 sunt laxatæ, ut arctè non cohereant. *Observandum* autem
Hippocratem citato aphorismo de gibbo verba facere, qui *fa-
 ctus in cervice & dorso*. Spina enim brevior fit, & thorax
 angustior. Gibbus namque etiam contingere potest in verte-
 bris lumborum sub diaphragmate. *Advertendum* & istud,
 non omnes gibbosos brevioris ævi esse. Nam quibus jam
 adultis fit gibbus, cum thorax in illis justam habeat magni-
 tudinem & amplitudinem, non tam citò moriuntur. At si is
 accidat in pueritia, maturè necare solet. Etenim partes in-
 ternæ augentur & ampliantur. Thorax autem ampliari ne-
 quit, ob luxationem vertebrarum. Quare, cum prohibita
 thoracis amplitudine cor & pulmones constringantur, nec li-
 berè moveantur, eiusmodi oboriuntur effectus, qui hominem
 è medio tollunt. Inter illos autem haud postremum lo-
 cum *φθίσις* occupat,

An

*An vena sectio, purgatio, clysteres, frictio-
nes, ligatura fortiores, cucurbitula,
expectorantes liquores, discutien-
tia topica, laxantia item in
paroxysmo asthmati-
co convenient?*

Omni studio in id incumbendum, ut tempore paro-
xysmi æger à suffocationis periculo liberetur. Liberatur au-
tem si quod affluit, avertatur: & quod jam influxit, evacue-
tur. *Vena sectio* in plethoricis & sanguineis corporibus pro-
dest vacuando, & musculos pectoris ad motum eius prom-
prios reddendo. Potestque concedi in ipso paroxysmo, vi-
ribus permittentibus. *Purgatio* extrà paroxysmum locum
habet, ut exhauriatur materia peccans, quæ phlegmatica aut
serosa. *Enemata* extrà illum etiam conducunt: at non in
paroxysmo, quia applicari in illo non possunt. Præcipiunt
enim artis Proceres, ut cui clyster injicitur, spiritum cohibeat,
ne clyster elabatur. Ast in paroxysmo asthmatico cohiberi
spiritus non potest, quia periclitatur de suffocatione. Opor-
tet enim inspirare. *Frictiones artuum* deorsum factæ, *fortes*
eorundem ligatura materiam trahunt deorsum. *Expectorantes*
liquores, materiam, quæ in bronchiis continetur, evacuans, sic-
que ægrum ab imminente suffocatione vindicant. *Topica*
emollientia & laxantia thoracem ad faciliorem expectoratio-
nem disponunt. Emollitus enim & laxatus facilius sese di-
latat & contrahit. Quod autem facilius & liberius æger
asthmaticus respirat, eò minùs de suffocatione periclitatur.
Topica flatus discutientia etiam faciunt ad faciliorem respira-
tionem. Ab illis enim pulmo septumque transversum
comprimitur,

Tus-

Tussis qualis sit motus : naturalis ne an animalis ? Et si naturalis , an secundum , aut prater naturam sit ?

Tussim motum esse , nemo inficiatur. In eo enim moventur pulmo & thorax , & excutitur illud , quod cavitatem thoracis , aut bronchia pulmonis implet : aut saltem partes hasce stimulat , & ad expulsionem irritat. Moventur autem istæ partes in tussi , cùm expiramus. Fit ergò tussis *ὑπο* pulsu. At pulsus sine locali motu fieri nequit , sicuti neq; exspiratio , quæ accidit , quando thorax & pulmo contrahuntur. *Verùm hic quaeritur* , qualis sit motus , an sit voluntarius , an naturalis ? *¶* *tussim* in sanis corporibus partim voluntarium , partim animale esse motum. Voluntarius est : quoniam fit musculis thoracem & pulmones contrahentibus. Naturalis est : quoniam fit à natura , h. e. à facultate expultrice , quæ , quod pulmonem & thoracem afficit , interventu spiritus , si ve aëris egredientis excernere satagit. Quemadmodum enim *cerebrum* sibi molesta expellere nititur sternutatione : *ventriculus* vomitione : *vesica* mictione : *intestina* motu *πυρεατικῷ* , qui fit fibris eorum transversis deorsum versùs contractis : *uterus* in partu sui constrictione : ita pulmo , quæ se gravant aut stimulant atque irritant , per tussim ejicere conatur.

Obijci autem posset , tussim motum naturalem non esse , sed prater naturam & morbosum , I. Quia *Galenus* l. 2. de caus. symptom. c. 1. tussim recenset inter *κατὰ νόσον παθημαίαν* , motus vitiosos atque illegitimos , & illos quidem , qui fiant à natura , sed non sponte , verùm violenter à causa morbosa coacta operante : in quorum albo etiam sternutationem , oscitationem , pandiculationem & singultum reponit. II. Quia tussis , & præsertim illa , quæ vehemens est , ferinaque appellari solet , quod instar alicujus feræ &

immanis belux hominem affligat, pectus & pulmonem fortiter concutit, imò quandoque gravia symptomata, v. g. capitis dolorem, ruptionem venarum, *διούρτησιν, φθίσιν*, herniam, abortum in gravidis, vigilias, insomnesque noctes, vomitionem, raucedinem &c. excitat. *Sed responderetur dupliciter.* I. per distinctionem. Nam tussis vel est in sanis, quæ levis est, aut saltem moderata, quæque ea, quæ pulmoni & thoraci noxia sunt, hasque partes vel angustant, vel obstruunt, vel stimulant atque irritant. Vel in ægris, qualis esse solet in asthma, orthopnoea, catarrho suffocativo, pleuritide, peripneumonia, empyemate &c. *Prior planè naturalis est, & naturæ opus.* Nisi enim talis esset, oporteret sanos esse ægros, quoniam symptoma effatu dignum foverent. At omnis symptomatis fors est morbus. *Posterior*, quæ violento fit motu, naturâ irritatâ à causa morbifica, symptoma dici debet, & consequenter res præter naturam, præsertim quando accidit cum gravi aliquo symptomate. Levis autem & facilis tunc est tussis, quando id, quod expectorari debet, promptè cedit & sequitur. Fortis & valida, cùm materia bronchiis inhærens vel admodum est crassa, quæ ad motum est tarda: vel valdè lenta, viscida & glutinosa, quæ tenaciter adhæret, vel tenuis & aquosa, quæ à spiritu impellitur, facilè disruptitur, & resilit in locum pristinum. Quæ causa est, quod mediocrem consistentiam postulet. Sic enim expectoratur faciliùs.

Verùm quæri hic posset, an tussis ægotantium, quæ moderata est, quæque pectus & pulmonem cum ægri levamine munit, etiam p. n. dici debeat. R. naturalem esse respectu causæ efficientis, & finalis. Illa est facultas expultrix, quæ est naturalissima: hæc, salus & incolumitas ægotantium, quæ & ipsa naturalis, salutaris & bona. *Alteræ responsio est:* quoniam τὸ naturale variam & multiplicem habet significationem. Etenim naturale I. dicitur, quod τῷ voluntario & προαιρετικῷ opponitur. II. quod opponitur τῷ τεχνητῷ, artificiali. III. quod opponitur τῷ ὑπερφυσικῷ, supernaturali. IV. quod opponitur τῷ ἁπλοῦς, quod fit casu & fortuitò. V. quod opponitur illi, quod ab anima proficiscitur, scil. τῷ

φυχῇ.

φυχικῶ VI. τῷ βίαιῳ, violento. Omnis igitur tussis naturalis est, quia non fit ab arte, non à causâ transnaturali, non casu & fortuitò.

Quædam etiam naturalis est, quoniam non fit modo violento. Omnis etiam eo modo naturalis est, quoniam non fit à natura, sed ab anima, & quidem à facultate ejus expultrice. Voluntaria etiam nominari potest omnis, quatenus fit per musculos thoracem contrahentes,

Quo modo, quaque ratione Tussis excitetur?

Oportet omnium primò causam aliquam vel internam, vel externam adesse. Internæ causæ variæ sunt: consistuntque vel in, vel extrâ thoracem: unde tussis exoritur Συμπληκτικῇ & ἰδιοπαθητικῇ. Et tussim movent, vel quia angustiam aliquam in organis respiratoriis pariunt: vel quia illa mordicant, vellicant, exasperant, aut alio quodam modo irritant, iisque molestæ sunt. *Causa interna* hærentes in thorace sunt intemperies, præcipuè frigida: deinde calida: cum sicca: ultimò & rariùs quidem humida. Adhæc materiæ quædam asperæ arteriæ, & pulmōni impactæ: utpote humores pituitosi, aut serosi salsi, à capite defluentes: sanguis è vase aliquo pulmonis aperto, rupto, exesove effusus: pus, sanies, grandines: vomica. *Causa interna* extra thoracem existentes sunt tumores hepatis & lienis: inflationes ventriculi & intestinorum: aquæ & vapores, sive flatus in ascite & tympania: vapores & halitus acres aliundè ad organa respiratoria transmissi. Ab hisce namq; causis vel bronchia pulmonum angustantur: vel septum transversum & pulmo comprimuntur: vel membranæ organorum respiratoriorum vellicantur. *Causa externa* sunt aër frigidus, nebulosus & humidus: venti boreales: potus & cibi admodum frigidi, & tales quidem actualiter: medicamenta similiter frigida; fumi: pulveres: halitus ex calce viva, quæ extincta affusione aquæ: res acres, salis, acidæ, austeræ, acerbæ, rancidæ, pingues

& oleosæ : vermes intestinorum , à quibus tetri halitus ele-
vantur ad thoracem : qui membranas illius pungunt & moc-
dicant : profundior auriscalpiorum in aures immissio. Tuf-
sis enim ab ea excitatur : communicata scil. hac irritatione ar-
teriz asperæ per nervulum quinti paris utrique parti com-
munem. *Hæ causis præmissis*, tussis fieri solet modo sequen-
ti. Quando causa aliqua sese offert respiratoria organa vel
comprimens & angustans , vel obstruens , vel quovis mo-
do irritans & stimulans , statim insurgit facultas eorum expul-
trix , conaturque expellere quod molestam sibi esse sentit.
Hoc verò ut præstet , in subsidium tùm aërem , qui in expira-
tione emittitur , tùm *musculos thoracem* contrahentes , tùm
ipsum quoque *diaphragma* , sibi adsciscit , & forti efflato-
tione , ac veloci thoracis & pulmonis contractione excutit id,
quod spirandi organis est adversum. Ipsa quippe aspera ar-
teria ejusque propagines per pulmonem dispersæ , intus sunt
tunica suffultæ , cui exquisita inest vis sensifica : ita ut etiam
minimum , quodque in asperam arteriam illapsum est , statim
& accuratè sentiat. Patet hoc exinde : quia quando inter lo-
quendum , ridendum , cogitandum , & infantibus inter lac
ex matris uberibus sugendum , aliquid in asperam arteriam est
illapsum , periculum suffocationis imminet : à qua ut natu-
ra sese vindicet , vehementissimam tussim excitat : nec prius
tussire solet , quàm omne , quod molestum est , excu-
serit.

*Utrum tussis pro morbo , an pro sympto-
mate , an pro causa morborum ha-
beri debeat ?*

Tussis morbus appellari nequit : quia ad nullum mor-
bi genus referri potest : ut inductione manifestum est. Non
enim intemperies est : sed ab intemperie potest oriri. Neque
est mala compositio. vitium scil. aliquod in conformatione ,
numero , magnitudine , situ , aut connexionem , ut est noto-
rium. Multoquæ minùs ad continui aliquam solutionem ,
ulcus,

ulcus, vulnus, rupturam, contusionem, fracturam &c. reduci potest. Est autem in ægris symptoma, & quidem in genere actionum motricum depravatum: ortum partim à facultate naturali expultrice, partim animali, quia peragitur motu thoracis, factò à musculis thoracem deprimentibus in expiratione.

Quæritur autem an symptoma istud etiam causa aliorum morborum & symptomatum statui queat? R. Omnino. Notum quippe omnibus est: symptomata ratione suarum causarum, à quibus dependent, esse triplicia: symptomata videlicet morborum, symptomata causarum, & symptomata symptomatum. *Planum quoque ex cap. 1. l. 12. meth. med. Galeni*, quòd symptomata quædam induant naturam causarum: vel morbos præsentis foventium: vel novos morbos generantium: vel vires nimio perè debilitantium. *Morbi sunt causæ læsionis functionum*: per hanc enim definiuntur. Ergò sunt causæ symptomatum: quia actionum læsiones sunt symptomata. Nam intemperies ventriculi sunt causæ læsæ *χλωρότης*: hepatis malè obitæ *αἱμαλώτης*: singularum partium, corruptæ nutritionis. *Causa causantur* symptomata: non solum morborum interventu: sed etiam per se & immediatè: ut pravus chylus, adustus scil. sive ridorulentus, aut crudus & acidus, pravam producit in hepate sangificationem. *Symptomata quoque alia* produciunt symptomata: ut immoderatæ sanguinis profusiones virium debilitationem: dolores intensi vigilias. Hinc nata illa symptomatum distinctio: quòd symptomata sint morborum, symptomata causarum, & symptomata symptomatum. *Symptomata deinde causæ* esse queunt præsentem morbum foventes: ut dolores, & affluxus humorum foveant ulcera: & quando durat, ulcera curari non possunt. Eadem symptomata novum morbum gignunt: v. g. immodicæ vacuationes sanguinis, intemperiem corporis frigidam, hydropem, cachexiam, dolores, inflammationes. *Denique eadem symptomata vires deiciunt*: ut omnes nimix evacuationes per quamcunque tandem partem fiant: vigilie item diuturnæ.

Quæritur autem, quorum affectuum causa possit esse ruf-

ea maximè , quæ vehemens & ferina ? *Capitis doloris*, lachrymarum effusionis , *pectoris & laterum doloris* : *vasorum in pulmone ruptionis* : *sanguineæ expuitionis* : *tabis* : *raucedinis* : *vomititionis* : *herniæ umbilicalis*, *inguinalis*, & *scroti* : *abortus in gravidis*, *febris*, *sitis*, *suffocationis*.

Est autem causa *cephalgia* , caput vehementer quassando , cerebrique meninges distendendo. *Lachrymarum effusionis glandulas* lachrymales exprimendo. *Pectoris & laterum doloris* , fortiter concutiendo. *Vasorum in pulmone ruptionis* , ea violenter movendo. *Sanguineæ expuitionis*, vasa pulmonum aperiendo , aut planè rumpendo motu violento. *Raucedinis*, exasperando & siccando. *Tabis*, rumpendo vasa pulmonum & sanguinem effundendo : qui effusus corrumpitur , putrescit , substantiam pulmonum corrodit. Unde ulcus. Unde *phlegma vomitionis*, ventriculum vehementer & enormiter agitando. *Hernia* , peritonæum vel laxando , vel rumpendo. *Abortus* in gravidis, violento motu abdominis vasa , quibus fœtus uteri cotyledonibus adhæret , abrumpendo. *Febris*, calorem accendendo motu violento , crebro atque assiduo. *Sitis*, calorem intendendo motu illo concussivo. *Suffocationis* , quoniam liberè respirare minimè sinit : sed interveniente crebra tussi & expectoratione inspirationem frigidi aëris impediendo.

An aliqua tussis possit esse sicca, quam vocant ἀνύσσιον, sine sputamine ?

Affirmativa placet : idque sequentes ob causas. I. *Quando tussis oborta est ab intemperie immateriali* , & maximè frigida. II. *Cùm accidit ob asperitatem & siccitatem asperæ arteriæ*, à fumo, pulvere, cantu , vociferatione. III. *Quando materia bronchiis inhærens est valdè crassa* , lenta , aut tenuis & aquosa. Tunc enim quia crassa, ad motum est pigra : quia lenta , tenaciter agglutinata : quia tenuis , ab impellente spiritu disrumpitur & refugit ad locum , unde elevata, licet tussis urgeat , tamen , quia materia , quæ expectoran-

da

da propter causas dictas ejici facile non potest, idē tussis sicca esse consuevit. IV. Quando fumi & halitus organorum spiritalium membranas stimulant atque irritant.

Quæ causa, quòd senes præ cateris tussiculosi sint ?

Causa est manifesta. Habent enim ob caloris infirmitatem cerebrum, quod per se in quavis ætate cæteris visceribus frigidius est atque humidius, excrementitiis humiditatibus refertum: pituitosis maximè & serosis. Illæ ergo si naturam gravent, lacessunt facultatem expultricem ad sui evacuationem: cūmq; pectus, pulmo asperaque arteria è directo cerebro subiecta sint, illas excipiunt, & similiter ut cerebrum, adversus eas insurgunt, & per tussim expellere satagunt.

Cur tussim hydropicorum Hippocrates judicet esse signum lethale ?

Hippocr. aphor. 35. sect. 6. ait, tussim hydropicis supervenientem esse malam. Et aphorism. 47. sect. 7. dicit, hydropicum si tussis habeat, esse ἀνίατον, deploratum & desperatum. Loquitur autem non de tussi, quæ facta à destillatione à capite: non de illa, quæ orta à fumo, pulvere, frigore, rebus acribus, salis, acidis, acerbis: non de tussi, quæ facta ab halitibus mordacibus in corpore genitis: sed de illa, quæ ab aqua hydropicorum per cæcos & abditos cuniculos in thoracem, bronchiaq; pulmonum irrepsit: & quidem in quantitate sat magna, ut periculum immineat suffocationis

An

An vocabulum παλμῆ , palpitationis, uno semper eodemque modo accipiatur ?

Παλμῆς geminam habet significationem: generalem & specialem. In genere significat διαστολὴν p. n. in quacunque corporis parte factam, quæ scil. distendi & dilatari, iterumque concidere potest. Ideoque subjecta hujus palpitationis non sunt ossa, non cartilagine: quoniam istæ partes dilatari & subsidere non possunt: quemadmodum in palpitatione fieri consuevit, sed sunt partes molles, quæ dilatari, elevari, & iterum contrahi queunt: cujusmodi sunt cutis, palpebræ, supercilia, genæ, interiora viscera: ut ventriculus, intestina, vesica, uterus, hepar, lien, & cuti subjecti musculi. In illis enim sunt pori, & spatiola inania, in quibus causa palpitationis latere potest. Causa verò est vapor, seu halius flatulentus, crassus & caliginosus: qui in partibus istis est collectus, & exitum quærit, nec illum tamen statim habere potest: teste Galeno l. 2. de sympt. caus. cap. 2.

Quodd autem causa ista spirituosâ sit, exinde patet, quia palpitation citò fit, & citò quoque desinit. Nihil enim citiùs congregari, nihil citiùs evacuari potest, quàm materia spirituosâ. Nihil quoque citiùs vel replet, vel distendit, vel subfidet ac deprimitur, aut elevatur, quàm dicta materia. *Quodd verò eadem* in palpitatione crassâ sit, inde constare potest, quoniam si tenuis esset, subtilis & pura, facilè permearet, partesque non attolleret, dum exitum moliretur. Quæ causa est, quodd ea omnia, quæ corpus refrigerant, palpitationem causentur. Quæ verò calefaciunt, flatulentos spiritus attenuant, corpora rarefaciant & discutiant. Παλμῆς in specie denotat motum cordis vehementiorem, quo illius vis expultrix conatur ea depellere, quæ adversa & inimica sibi esse sentit: sive sint in pericardio: sive in ipso corde ejusque arteriis lateant.

Quo-

An palpitatio cordis rectè motus statuatur depravatus?

Videri posset, motum esse planè naturalem, nequaquam depravatum. I. Ratione *formæ*: quia eodem modo commoveatur in palpitatione, quo aliàs moveri solet: nisi quoddam sit vehementior in *διασολῇ* & *συσολῇ*. II. Ratione *causæ efficientis*, quæ est facultas expultrix, aliena à se depellens, quæ longè validior cordi, tanquam vitæ principio concessa, quàm partibus aliis. III. Ratione *finis*, qui est, ut excutiantur aliena, & homo salvetur. IV. Quia cùm dicatur motus vitiosus, vel erit abolitus, vel diminutus, vel depravatus. At horum nullus est, ut de depravato modò probatum: de abolito autem & diminuto nullum est dubium. 1. cùm cor in palpitatione vehementer laboret, & valdè debilitetur, & non nisi in malè affectis corporibus observetur, necessum esse, ut palpitatio hæc affectus sit præter naturam. Si hoc, vel morbus, vel symptoma erit. At morbus non est, ut patet, si tria summa morborum genera percurrantur: ad nullum enim eorum referri potest. Erit ergò symptoma. Sed neque est excretio, neque suppressio, neque mutata qualitas. Itaque sequitur, læsam actionem esse, & quidem motricem. Cùm verò neque sit abolitus motus, neque diminutus, sequitur, auctum esse & depravatum: id quod hac ratione probari potest: quoniam non fit eo modo, quo fieri solet secundùm consuetum naturæ ordinem: sed modo violento: & quidem cum cordis, reliquique corporis læsione, quatenus totius vires enervantur.

Utrùm palpitatio affectus sit lethalis?

Non semper. Historiæ enim à Practicis notatæ testantur, multos fuisse perfunatos. Referunt tamen etiam, quosdam interiisse. Hoc insuper addunt, nonnullos longo temporis spatio palpitatione cordis fuisse confectos. Quoddam autem palpitatio cordis hominem è medio tollere possit, si scilicet sit *vehemens* & *diuturna*, hoc argumento probari potest: quia obsidet *vita principium*: quia *spiritus vitales* imminuit & dissipat: quia *cor inflammat* nimio motu & vehementi concussione: quia *facit*, ut reliqua etiam membra malè habeant: influentiâ cordis. quodammodò orbatâ. Omnia enim ab hoc principio de-

pendent & sanguinem, calorem atque spiritum accipiunt: sine quibus adminiculis suas obire actiones itè non possunt. Quod si palpitatio ab assumpto veneno orta sit: aut à malignis halitibus atque vaporibus prodierit, nemini dubium esse potest, quin palpitatio cordis queat esse lethalis.

An ἔκλυσις, λεπθοθυμία & συγκοπή specie inter se differant?

Quemadmodum ἔκλυσις, exolutio virium, & λεπθοθυμία ἢ λεπτοψυχία, animi deliquium tantum inter se ratione majoris & minoris differunt, ita & λεπθοθυμία discrepat à syncope. Est enim ἔκλυσις levior affectus quàm λεπθοθυμία, & huius quoddam principium, sive futuræ nuncia. Λεπθοθυμία verò affectus est gravior. In illa enim ægrotantes incipiunt pallere, refrigerari, sudare, vocem amittere, quiescere, pulsus quandam pati debilitatem, tamen adhuc videant, audiant, & adstantes agnoscant. Et si verò ἔκλυσις & λεπθοθυμία quandoque pro uno eodemque habeantur affectu, tamen reverà gradibus differunt, ut jam dictum. *Galen. c. 14. l. 1. de cur. rat. ad Glanc.* scribit, ἔκλυσιν & leipothymiam à Medicis pro uno eodemque affectu fuisse habitos. *Hippocras.* autem eas distinguit: inquit, *aph. 8. f. 7.* à tuberculi intorsum eruptione, ἔκλυσις, vomitio & λεπτοψυχία fieri solent: idque tùm, cùm puris sit effusio in ventriculum, Tunc enim vomitus accedit ob irritatum à pure ventriculum, & vitalis spiritus excretio: cuius causa ἔκλυσις & λεπτοψυχία supervenire consueverunt. Gravissimus omnium affectus est syncope, quæ tamen & ipsa à leipothymia sola magnitudine differt. In ea enim ægri sensu & motu privantur: pallent, sudant, pulsus amittunt: unde & ἀσφυξία appellari solet. Principibus quoque functionibus orbantur, jacentque instar mortuorum, sola permanente respiratio.

Quid sentiendum de Ludovici Mercati opinione?

Mercatus credidit, leipothymiam & syncopen non gradibus solum, sed specie inter se differre. Ait enim, leipothymi-

am esse affectum cerebri, & in illa cerebri primariè esse affectum : seu esse casum subitaneum animalis facultatis : qui accadat retrocedentibus spiritibus animalibus ad cerebrum : unde eveniat, ut organa sensuum & motus spiritibus destituantur, suasque actiones obire nequeant. Syncopen autem esse proprium cordis affectum, & in illa cor primùm offendi atque ob dependentiam, quam cum corde habet, alias omnes lædi functiones. *Verùm* si syncope cordis est affectus, ut reverà est, etiam consentiente *Mercato*, erit & illius affectus leipothymia, quia suprà dictum, hosce affectus non specie, sed tantùm gradibus inter se differre : quia eadem prorsus symptomata, pallor, frigus, sudor, virium prostratio, pulsus languidus &c. in leipothymia occurrunt, quæ in syncope, attamen leviora, remissioraque. II. Quia maligni halitus in peste & febribus malignis, itemq; venena multa non modò syncopen, sed etiam leipothymiam causantur. At constat, venena illa primariò cor, non cerebrum afficere. *Dices*, Atqui tamen functiones animales, motus, sensus, & principes actiones in leipothymia læduntur. *R.* Hoc non fieri proptereà, quasi cerebrum principaliter esset affectum : sed quodd spiritus vitales cerebro non in justa quantitate communicentur, & quodd cor affectum sit, à quo omnia membra dependent : & sine cuius actione aliorum membrorum actiones obiri nequeunt. Deinde enumerata symptomata fiunt etiam in syncope. E. syncope etiam esset affectus cerebri ut leipothymia.

An cor nullum grave malum pati possit, & quid de vulneribus ipsius judicandum?

Aristoteles 3. part. animal. c. 4. inquit, cor nullum grave vitium pati posse. Esse enim eiusmodi principium, à quo dependeant omnia membra. *Hippocr. aph. 18. s. 6.* cordis *δυσκονίας* pronunciat lethales. *Galen. in comm.* ait, cor vulneratum necessariò mortem adferre. In eadem sententia est quoque *Avicenna l. 4. Can. sen. 4. tractat. l. c. 2.* inquiens, salutem sperari non posse, quando vulnus ventriculum aliquem cordis penetravit. *Celsus* similiter l. 5. c. 26. cordis vulnera lethalia proclamant. Contrà sentiunt alii. *Schenckius* enim l. 4. de affect. cordis ex plurimis Authorum observationibus refert, cor æquè, ac reliqua viscera, omnibus morborum generibus obnoxia esse. Profert ta-

men exempla eorum, quorum cor tabe erat *torrefactum*, *putredine* secundum externam superficiem labefactum, *sanie* ultra medietatem corruptum, *ulceribus sordidus* excavatum, *abscessibus* intus & foris afflictum, *callosis seirrhosisque tumoribus*, ad nucis & ovi magnitudinem in sinu sinistro vexatum, *vermibus* tentatum, *calculis* petiitum, *excrecentiis* carnosis, *tuberculis* nigris, *pinxitosis* concretionibus, *glandulosa carnis* subnigricantis libris duabus in lævo ventriculo refertum. Ut nihil jam de *palpitatione* & *syncope* dicamus, qui affectus haud raro à maligna venenatâque causa proficiuntur. Si *causâ* *quarantur*, cur vulnera cordis lethalia judicentur, *℞.* eas esse multiplices. I. Quia spiritus vitales per ea subito & repente exolvuntur. II. Quia vitalis sanguinis enormis sit profusio, & unâ cum spiritibus & sanguine etiam caloris vitalis dissipatio. III. Quia cordis motus vulnus coalescere non sinit. IV. Quia remedia eò vix pertingunt. V. Quia phlegmone vulnerato cordi promptè supervenire solet: eò quoddam membrum sit *præcalidum*, *sanguineum*, *carnosum*, *semperque* moveatur. VI. Quia cordis summa est necessitas, dignitas, ac præstantia, à qua cætera membra vitam quasi accipiunt. Est n. fons caloris & spirituum vitalium, scaturigo sanguinis vitalis, arteriarum *εἰζωσῆς*, pulsus author, animæ regia, sive residentia: qua languente & pereunte cætera etiam membra languere ac petire coguntur. *Oportet autem distinguere* inter affectus graviores & leviores cordis. Item inter vulnera eius superficialia ac profunda, quæ penetrant in illius ventriculos. Affectus leviores, & vulnera superficialia lethalia non videntur, in iis præsertim, qui naturæ sunt robustioris, quiq; & ipsi benè se in diæta gerunt, Medicis obediunt, iisque sunt instructi subsidiis, quæ ad felicem curationis successum requiruntur: juxta *aphor. 1. sect. 1.*

Verùm hic non immeritò queritur, cur vulnera cordis profunda, quæ ab Hippocr. vocantur *διαπναι*, hominem exemplò interimant, abscessus autem ulcera, pulcredo, intemperies calida & sicca in *μαρasmus*, aliiq; affectus non item, sed demùm temporis progressu. *℞.* causam esse, quoniam vulnera profunda affectus sunt *subitanei*, *absoluti* statim valdeq; *violenti*, qui sanguinem *ἀβρῶς* profundunt, spiritus dissipant, calorem exolvunt, ipsumque vitæ principium simul & semel destruunt, quam demolitionem natura ferre nequit. Ideoque vel è vesti-

gio,

gio, vel saltem intrà exigui temporis spatium succumbit. Affectus verò alii paulatim fiunt, sensim crescunt, viresque acquirunt eundo; quo fit, ut Naturæ, præsertim robustiores & saniores, eos aliquandù sustinere valeant. Fiunt, inquit *Averrhoës*, in morborum curatione aliquando monstra, & præter omnium spem & opinionem interdum restituuntur & convalescunt, qui pro deploratis habebantur.

Quæ Syncope sint causa?

Cùm syncope eiusmodi sit affectus, qui subitò & ex improvîso fieri, & brevi etiam evanescere soleat, necesse est, causam hæere in eiusmodi subjecto, quod facîle affici, facîleque separari possit. Tale autem spiritus est vitalis, quo nihil in corpore est subtilius, & consequenter nihil, quod citiùs dissipari queat, aut aliter affici. *Deficiunt ergò spiritus in syncope*, vel quia non generantur: vel quia geniti consumuntur, dissipantur, suffocantur, aut corrumpuntur.

Non generantur ob materiæ penuriam, aut ob facultatem ipsos generantem malè se habentem. Materia earum sanguis est vitalis. Eo ergò deficiente deficit & materiatum, spiritus. Deficit sanguis in nimis & enormioribus illius evacuationibus per nares, os, uterum, hæmorrhoidas, alvum, meatus urinarios factis. Deficit quoque ob febrilem calorem, qui sanguinem consumit. *Facultas spiritus generans* malè se habet, cùm cordis substantia affligitur: ut fieri consuevit in *febris pestilentialibus* & malignis: *marasmo*: *febris ardentibus* & colliquativis, *ulceribus & vulneribus*, quibus cor in quibusdam laborasse, observationes Practicorum testantur, & videri possunt apud *Schenckium* l. 2. *observ.* *Spiritus dissipantur* ob omnes immodicas vacuationes cuiuslibet materiæ, per quemcunque etiam locum fiant. *Dissipantur quoque* ob vigiliis, inedias, literarum studia & meditationes assiduas atq; diurnas: ob ambientis æstus, præcipuè in balneis: ob labores & exercitationes vehementiores: ob effusum gaudium. *Suffocantur & obruuntur* ob subitam & confestim factam sanguinis remeationem ad cor: ut fieri solet in *terrore*, *metu* & consternatione repente orta: *repletione arteriarum* à crudis frigidisque humoribus: *aut copiosis halitibus* & fulginibus circa cordis arcem collectis, vel aliundè ad cor ablegatis. *Aver-*

exsurgunt à corde in acerbis cruciatibus, quales se offerunt in nephritide, colica & iliaca passione; cardialgia & cardiogmo: odontalgia, ophtalmia, hemicrania, arthritide biliosa. &c. *Corrumpuntur* à malignis & venenatis vaporibus & humoribus: à venenis extrinsecus inspiratis, comestis, potis, illitis.

Quæ sint causa eorum symptomatum, quæ in syncope se offerunt?

Symptomata in syncope occurrentia sunt *præceps omnium* virium lapsus, *frigus* extremorum, *sudor* faciei, colli & pectoris, *pulsus* diminutio, vel privatio, *pallor* faciei. *Cessant omnes functiones*, præcipuè cordis, quia id principaliter est affectum: cessant per consensum etiam functiones reliquarum partium, quoniam à corde vitæ principio, dependent, eiusque subsidio & auxilio opus habent. Cum igitur influxus cordis in syncope desinat, mirum non est, si ab officio suo desistant tandiù, quamdiù influxus adest inhibito. *Extrema* frigent, quia sanguis unà cum spiritu & calore remeant ad cor, à quo actuale suum calorem acceperunt. Sanguine ergo & spiritu depauperata, necessariò frigent. *Sudor* erumpit in partibus recensitis, & is quidem frigidus, qui propterea vocatur synopticus, & diaphoreticus. Erumpit autem sudor, ob virium exolutionem, & retentricis infirmitatem. Frigidus verò erumpit, quoniam calor unà cum sanguine & spiritu in syncope remeavit ad cor. Inde refrigerata fuerunt extrema, & cutis quoque ipsa, per quam cum sudor transeat, fit, ut ipse quoque frigidus evadat. Exit autem sudor potissimum in facie & collo, quoniam cutis inibi est tenerior, subtilior & porosior. Adde quodd in syncope ob virium resolutionem & retentricis imbecillitatem resolvantur, & humiditates, indeque vapores & halitus oboriantur, qui superiores partes petentes in poris aliquandiù morantur inque sudorem vertuntur. *Pulsus* fit parvus & languidus, ob cordis imbecillitatem. *Facies pallor*, quia calor, sanguis, & spiritus ad cor se receperunt.

Qua ratione ob affectum Ventriculi orificium syncope oriri possit?

Syncope, quæ ventriculi causa accidit, stomachica vocari solet. Est ergo *συμπαθητική*. Verùm cum omnis sympatheticus

ticus affectus fiat, vel *propter vicinitatem* - vel propter *vasorum communionem* : vel propter *generis societatem* : vel quòd pars alioqui sana aliquid ab *affecta parte* recipiat : vel quia *influxum & materia* aliis partibus necessaria non communicatur : haud immeritò quæritur, cuius causæ ratione affectum ventriculi orificium cor in consensum trahat, & syncopen excitet ? Priusquam respondeatur ad quæsitum, illustrandi sunt modi *συμπαθείας* exemplis. *Propter vicinitatem* compatitur ventriculus cum intestinis in colica : cor in *φθίσει* cum pulmonibus : ventriculus cum liene in huius obstructione & infirmitate : musculi intercostales interni cum pleura in pleuritide : ventriculus cum hepate in huius inflammatione : juxta *aphor. 58. s. 5*. Hinc illud *Hippocrati* τὰ κοινά, & τὰ ἰσχυρὰ μάλιστα κακῶται. *Propter vasorum communionem* compatitur cor cum pulmone in *φθίσει* & peripneumonia : ob arteriam venosam & venam arteriosam, quas arabas accipit pulmo à corde : ventriculus cum liene ob vas breve : intestina & mesenterium cum hepate ob venas mesenterii, quæ oriuntur à vena porta : & hæc à jecore. *Propter generis societatem* ventriculus cum intestinis : membrarum cum membranis, nervi cum nervis. *Propter receptionem alicuius vitiosæ materia* à parte alia : sic *cerebrum* excipit à ventriculo in capitis dolore & vertigine vapores & halitus : *pulmo* in destillatione capitis aquam & pituitam : *cor* in melancholia hypochondriaca tetros vapores à liene : *ventriculus* per vas breve humorem & sanguinem melancholicum à liene : ventriculi orificium bilem ab hepate. *Propter impedimentum influxum* & denegatam materiam membra inferiora sensu motuq; privantur in apoplexia & paralyfi universali : in quadam *ἀτροφία* partium extenuantur partes ob venas vel oppilatas, vel dissecatas, vel constrictas atque coarctatas.

Ad quæsitum ergò hoc modo respondetur. Quòd syncope stomachica fiat, non evenit ratione vicinitatis. Distat enim ventriculus non parùm à corde, & intercedit tùm pericardium, tùm diaphragma inter cor & ventriculum. *Sunt præterea* partes aliæ cordi viciniore, ut pulmo, diaphragma, & pericardium, quarum tamen affectus syncopen non pariunt. Non etiam in causa videtur esse vasorum communio : quia à *ventriculo* ad cor nullum vas abit. Habet quoque *lien* ratione *arteriarum* magnum cum corde consensum, neque tamen syncope fit lienaris. Idem dicendum

dum de pulmone, qui cordis est culcitra, eique contiguus, & amplissima vasa habet à corde : & tamen nulla inde fit syncope pulmonia. *Multò minùs* ventriculus stomachicam parit syncope propter generis societatem : quoniam cor est carnosum, ventriculus membranofus. *Influxum* & denegatio materiæ necessariæ pro causa adferri non potest. Cor enim influit in ventriculum, non hic in illud. Cor subministrat ventriculo, quemadmodum & aliis partibus, calorem, sanguinem & spiritum : ventriculus cordi nihil tribuit.

Quæritur ergò, qua ratione ventriculus malè affectus syncope stomachicam introducat ? Arbitramur, huius eventus causam esse geminam. Sed oportet esse magnæ efficaciz. *Vnam*, ventriculi ingentem dolorem. *Alteram*, tetros malignosque vapores aut humores, quibus ventriculus est onustus. Dolor in cardialgia & cardiogmo ventriculi est acerbus & atrox. Propterea in hisce affectibus etiam syncope stomachica haud rarò accidere consuevit. Excitatur autem talis dolor in ventriculi orificio, quod nervos stomachicos habet numerosos & effatu dignos : & consecutivè sensum tantùs exquisitissimum. Et excitatur à *bile porracea*, aut *aruginosa*. Excitatur quoque ab *humore atrabilario*. Excitatur denique à *pituïta* & *sero salso*, acri ac mordaci. Bilis illa provenit præcipuè à jecore : Atrabilis à liene. Serum & pituïta à cerebro. Omnes isti humores acres sunt, mordaces, & erodentes. Itaque cùm orificium stomachi rodunt, mordent, pungunt atque vellicant, dolor exuscitatur ingens : qui postea vires & spiritus exolvit : unde syncope. Constat enim etiam propter aliarum partium atroces dolores syncope oboriri. Probari hoc potest exemplo nephritidis, colicæ & iliacæ passionis, aurium, oculorum & dentium doloris. Quando enim spiritus vitales *consumuntur*, *disipantur*, *avertuntur* à corde, *suffocantur*, aut tetris humoribus ac vaporibus *inquinantur* & *corrumpuntur*, syncope invehit, experientia probat. Tetri malignique humores vel in ventriculo ex mala constitutione, aut pravo victu generantur : vel aliunde præsertim verò, uti dictum, à cerebro, liene, hepate, mesenterio, utero, partibus aliis ad illum amendantur. Ex illis exurgunt tetri halitus, qui ad cor missi graviter id affligunt, eiusque spiritus inficiunt. *Præter recensitos humores* hanc syncope etiam excitare queunt humores crudi & phlegmatici, qui sæpè ventriculi orificio multum facessunt negotii : calorem minuendo, aut suffocando, & copia illum obruendo, aliterve corrumpendo,